



SCRIBANUS  
MEDICUS  
RELIGIOSUS  
1619









17 17 17 29

17 17 17 29

17 17 17 29

171 R. 2069.

P 767

221. ~~767~~



65789/A

The Library of the  
Wellcome Institute for  
the History of Medicine

MEDICAL SOCIETY  
OF  
LONDON  
DEPOSIT

Accession Number

Press Mark

SCRIBANUS, C.

CAROLI SCRIBANI

E SOCIETATE IESV

MEDICVS

RELIGIOSVS

DE

ANIMORVM MORBIS

ET CVRATIONIBVS.



LVCVNI,

Sumptibus Michaëlis Cheualier.

---

M. D. CXIX.

*Permissu superiorum & privilegio.*

MUSEVM  
BRITAN  
NICVM

BRITISH MUSEUM  
SALE DUPLICATE

1787



DO

A

DI

AB

OF

S

animor

narrando

schola,

nem. at

rūmque

maior

dentis

ostental

clarior

quentian

lla, è lo



ADMODVM REVERENDO  
DOMINO AC PATRI  
**ANTONIO**  
**DE WINGHE**  
ABBATI LÆTIENSI  
ORDINIS S. BENEDECTI.

**S** Popondi. non fallo fidem. &  
non Christianum tantum, sed &  
Religiosum Medicum mitto,  
animorum morbos, damna, remedia  
narrantem. Ridebit aliquis ab hesternâ  
schola, nupera arteria Medicum tiro-  
nem. at mihi satis est, votis Tuis Tuo-  
rumque respondisse. Et nescio, an non  
maior promptæ parentiæ, quàm pru-  
dentis imperij laus sit. etiam inscitiam  
ostentasse decus, si imperaueris. & non  
clarius gloria, infantiam quàm elo-  
quentiam prodidisse ad imperia? in  
illa, è solo obsequendi studio, sperari



laus potest, contemptus absque infamia: in  
hac facilis obedientia est, quæ laudem  
imperat. nec magnum est, in amico im-  
perio ceruices submisisse gloriæ, ma-  
gnum est, contemptui submisisse. Hoc  
volui, illud non potui. laudem an me-  
rear, iudicij erit tui. Hoc dicam: parui,  
& imprudentiam prodidi. De morbis  
scripsi, non in expertus morborum, re-  
mediorum ignarus. addidi tamen re-  
media: non quæ ægros alienos animos  
expleant, aut medeantur malis; sed quæ  
ægræ scriptoris huius menti commoda  
arbitrabar. Et sanè in morborum variâ  
implicatione aliquid mihi largiendum,  
cùm morborum genus omne pectore  
hoc circumferam, densius his obsessus,  
quàm audax de genu pignantis Magni  
Macedonis, in Sudracarû oppido, cly-  
peus, totâ hostiliû telorû siluâ circum-  
ferēs. vt non iniuriâ fides haberi possit  
morborû experientissimo, & ex se ma-  
gistro. remedia ab aliis, ac magno in  
primis Claudio Aquatium verius quàm  
à me didici: vt cui crudi adhuc stent  
morbi, certiora à Tua Tuorumque ma-



nu expectabo. è Blosianis, non Galeni  
aphorismis. quod si feceris, & margines  
libelli huius expertissima manu tua me-  
dicamentis oppleueris: nã ego fortuna-  
tus, qui pellèdis his animæ meæ morbis  
testata medicabula repererim, certã va-  
letudinẽ promittentia. Bea me hoc mu-  
nere, & in omnem posteritatem habe-  
bis Tuum, nouo hoc Tibi munere ater-  
nũ pigneratum. Vno hoc volumine  
tres libros clausi. primus Superiorum  
morbos, secundus inferiorum, tertius  
vtrisque cõmunes amplectitur. Nemo  
indignetur. meos, non alienos enarraui  
morbos. famæ huius dominus, famam  
prodegi. & quis vetet morbos suos om-  
nium in circo oculis spectandos, emen-  
dandos, præbere? non erubesco ad alio-  
rum aures, qui non erubui ad oculos  
magni Dei. nec pudet aperire, quod  
non puduit perpetrare. noxia enim ve-  
recundia est, quæ malum in interitum  
celat. felix confessio, quæ in medelam  
mala prodit. hoc feci. & roto hoc volu-  
mine mentem legendam tradidi. nihil  
excuso. nec si velim, possem. habeo.

nimis oculatum testem & iudicem pectoris huius, morborum, vulnerū. quibus faucia mens hæc Samaritanum expectat, vinumque & oleum, è paterna manu, matris vberibus : vt & vini acrimonia saniem tergat, & oleum fundentia vbera demulceant. vt nouus homo, post vulnera, morbos, mortem rediuiuus, valentia membra, sanguinis, coloris, & succi boni plena, diuinæ gloriæ, proximorumque saluti sacrem. precibus hoc Tuis Tuorumque spero. nec difficile erit, è diuite Blosiana nube in emarcidos hos animæ meæ campos fecundum imbrem depluere, & è locuplete illius apotheca nobilissima medicamenta, valetudini in integrum restituendæ depromere. Ita facite magni Patris magna soboles, dignissimi omnes tanti Parentis educatione : & calidis vestris ad Deum orationibus animæ huius morbos pellite, valetudinem reddite. ita æternum vos tueatur magnus Deus : spiritumque noui Eliæ vestri Blosij, in nouos vos Elisæos, dupla felici fecundatione diffundat.

A M I

## AMICO LECTORI.



**M**ORBOS enarro. non quales  
annorum experientia doctus  
in alijs observavi, sed quales  
viri varijs retrò sæculis erudi-  
tione ac pietate non postremi  
multis sparsim voluminibus, pro re nata, vul-  
garunt, qualēsque in vario Religiosorum  
aliorumque hominum genere succrescere pos-  
se arbitrabantur. quæ omnia in unum hunc  
librum, tanquam in unum fasciculum con-  
ieci, quò promptius ad manum cum essent  
mala, essent & remedia: neque tam mala co-  
gnoscerentur quæ sunt, quàm quæ temporum  
procurſu, & Religionibus ad deſexam ca-  
niciem, tanquam ad capulare quoddam ſe-  
nium properantibus, ſuboriri poſſent. In ſu-  
turorum ergo magis anteaambulam precau-  
tionem, quàm in præſentium ſubſidium hæc  
ſcripſi. Sed neque in omnes cadere hæc mala  
poſſunt, neque eadem omnibus medicamenta  
admouenda. quedam hîc etiam inter cura-  
tiones præſcripta, quæ cum non ultimarum  
Religionum inſtitutionibus pugnant; qualia  
\* 4 ſunt

sunt locorum ac Superiorum mutationes, multa deinde quæ in solidum ignorata, ut sepositi designatique certi per annum dies solis spiritualibus animorum exercitationibus donandi, recollectiones, annua votorum renouationes, binæq; per diem conscientiarum disquisitiones, particulares etiam vitiorum virtutumve diurna discussiones, aliæque generis huius non pauca. Enarrare tamen ista volui, ut quibus hæc non ignota, prodesse possent in medelam; quæ imitari etiam possent, quibus in hanc diem ignorata. Nemo verò morborum numerum miretur. quantos Hippocrates, Galenus, aliique medicorum, corporum morbos tradiderunt? quantique super hac exurgunt in dies, veteribus, omnibus adeò retrò seculis, ne nomine quidem cogniti? Non minores animorum sunt. andeo. plures etiam, quo latior in animo quàm in corpore campus, ac patentior area est. Iam ut nemo meritò reprehendit medicos, morborum in vario sexu genera remediisque pertractantes, laudat potiùs; cùm in morborum nos cognitionem, fugam, medicationem manu quasi ducant: nec quisquam indignatur scribentibus, tanquam morbo-

rum suorum denunciatoribus; amat magis,  
ut periculorum monitores. Sic neminem iure  
offendi posse arbitror, si animorum mala non  
iam quæ sunt, quàm quæ subnasci possunt,  
remediâque enarrauerim. nullorum hîc vul-  
nera propalare animus fuit: sed in fugam  
& tutelam, quæ succrescere tanquam in fœ-  
cundissimo zizaniarum solo, possent malâ,  
designavi, & antidota venenis addidi. ut in-  
dignari nemo possit, conatum potiùs lauda-  
re; & docto prudentique suo calamo rudem  
hunc meum & imperitum polire & erudire.  
quod totis animis voueo, repositurus in bene-  
ficium, quidquid à quocunque amico calamo  
subministratû fuerit. summa etiam plerum-  
que capita veriùs tetigi, ac malorum superfi-  
ciem quandam rasi, res per capillum veriùs  
trahens, quàm toto corpore pertractans. ac-  
cedent docta manus, quæ publico bono, gau-  
dio meo, fusiùs hæc certiusque prospectanda  
dabunt. addentque è felici ingenio, fortuna-  
tâque experientia sua, plura in cognitionem  
& medelam. quo magis venerabor colam-  
que æterna beneficium memoria, centupla in  
celis à Deo redhibitione remetiendum.



# SYLLABVS CAPITVM

## LIBRI PRIMI.

CAP. I. **I**gnoratio in Superiore muneris sui.  
fol. i.

II. Ignoratio domesticarum rerum, ac personarum. 6

III. Ignoratio morborum subditorum suorum 11

IV. Ignoratio spiritualiter medendi. 16

V. Neglectus in curandis suorum morbis. 23

VI. Impatientia in inferiorum curatione. 28

VII. Acerbior correctio. 34

VIII. Paterna gubernationis neglectus. 41

IX. Exigua cura interni spiritus. 48

X. Remissio in gubernando. 53

XI. Facilitas & indulgentia nimia. 61

XII. Dissimulatio in suorum malis. 68

XIII. Studium placendi sibi subditis. 75

XIV. Nimia in suorum aliquem fiducia. 80

XV. Priuata necessitudinis & amicitia. 86

XVI. Defectus boni exempli. 92

XVII. Executionis defectus. 98

XVIII. Disciplina neglectus. 102

XIX. Neglectus valetudinis suorum. 111

XX. Nimia in hospites parsimonia. 117

XXI. Inutilium personarum admissio & retentio.

124

XXII. Negligens institutio novitiorum. 129

L I-

# SYLLABVS CAPITVM. LIBRI SECVNDI.

I. Auersio à Superioribus.	142
II. Neglectus obseruántia erga Superiores.	147
† Curiosior inuestigatio. imperfectionum Superiorum.	153
III. Simulata & recta conscientia explicatio & redditio.	152
IV. Curiositas in indagandis, qua gubernationem tangunt.	158
V. Obedientia neglectus.	163
VI. Obedientia è solo metu profecta.	169
VII. Excusationes.	174
VIII. Intercessiones.	179
IX. Laborum fuga. otij amor.	184
X. Studiorum neglectus.	190

# LIBRI TERTII.

I. Orationis neglectus.	196
II. Ariditas & in oratione distractio.	210
III. Neglectus lectionis spiritualium librorum.	219
IV. Examinis diurni neglectus, aut perfunctoria conscientia discussio.	225
V. Tepiditas in ijs qua spiritum tangunt.	234
VI. Mortificationis neglectus.	252
VII. Regularum etiam minimarum neglectus.	258
VIII. Silentij transgressio.	267
IX. Aberratio ab instituto in rebus pijs.	275
X. Auersio aut vniuersim ab instituto, aut ab aliquibus instituti proprijs.	281
XI. Eius-	

# SYLLABVS CAPITVM.

XI. <i>Æmulationes etiam in rebus pijs, &amp; instituti proprijs.</i>	286
XII. <i>Amor sui.</i>	299
XIII. <i>Dictorum factorumque suorum commendatio, reliquorum damnatio.</i>	303
XIV. <i>Ambitio, speciosorum munium prosecutio, viliorum fuga &amp; contemptus.</i>	316
XV. <i>Delectus munium &amp; locorum.</i>	317
XVI. <i>Nimia in vnâ alterâve nationem propensio.</i>	323
XVII. <i>Nimia cum vno alterove familiaritates.</i>	331
XVIII. <i>Familiaritas &amp; gratia quasita externorum, Principumq; virorum.</i>	337
XIX. <i>Affectus in parentes, in sanguine iunctos.</i>	346
XX. <i>Commendationes ad Ecclesiasticas aut saculares dignitates &amp; munia.</i>	352
XXI. <i>Paupertatis neglectus.</i>	358
XXII. <i>Singularia in cibo, potu, vestitu, reliquisq; corporis commodis.</i>	366
XXIII. <i>Neglectus munditie &amp; modestie religioſe.</i>	371
XXIV. <i>Saculares mores, risus, ioci, minúsve religioſe recreationes.</i>	377
XXV. <i>Conuiuiorum frequentia.</i>	385
XXVI. <i>Munerum acceptatio &amp; largitio.</i>	395
XXVII. <i>Adulatio.</i>	401
XXVIII. <i>Politica agendi ratio.</i>	408
XXIX. <i>Aulici mores.</i>	410
XXX. <i>Clancularia agendi ratio.</i>	426
XXXI. <i>Simulata amicitia, occulta odia.</i>	431
XXXII. <i>Secretorum violatio.</i>	436
XXXIII. <i>Infi</i>	

# SYLLABVS CAPITVM.

XXXI I. Insidus animus, alieni explorator & delator.	442
XXXIV. Ingratus animus beneficiorum immemor.	450
XXXV. Nimia ad externa diffusio.	456
XXXVI. Castitatis neglectus.	464
XXXVII. Nimia fiducia sui in rebus agendis, seminarumque consuetudine.	471
XXXVII I. Feminarum familiaritas quocunque prae-textu, confessionum, instructionum spiritualium, boni temporalis, agnitudinum.	479
XXXIX. Frequentes & prolixa seminarum confessiones.	490
XL. Feminarum visitationes.	496
XLI. Sociorum fuga & vitatio.	502
XLII. Indeliberata agendorum resolutio & executio.	511
XLIII. Dissidentia.	521
XLIV. Dissensiones.	527
XLV. Detractiones.	537
XLVI. Delationes è suspicionibus nata.	545
XLVII. Credulitas nimia in delationibus.	552
XLVIII. Nimia commendationes & depressiones.	557
XLIX. Apprehensiones & suspensiones.	563
L. Pusillanimitas.	574
LI. Impatientia in aduersis.	588

---

**C E N S U R A.**

**H**ic liber, medicus animæ, affectionumque  
curator, ab admodum R. P. Carolo Scri-  
bani Societatis I E S V per Flandro-belgicam  
Præposito Prouinciali conscriptus, virtutes in-  
ferens, vitia extirpans, dignissimus est, qui typis  
excudatur, vř Religiosus quisque eum præ ma-  
nibus & ob oculos semper habeat. Quod cen-  
sui 9. Nouembris, anno 1617.

ECBERTVS SPITHOLDIVS S.T.L.  
*Canonicus & Plebanus Antuerpiensis.*

**F A C V L**



---

**FACULTAS R. P. PROVIN-**  
*cialis Societatis IESV in Pro-*  
*uincia Lugdunensi.*

**E**GO Bartholomæus Iacquinotius Præpositus  
Prouincialis Collegiorum Societatis IESV  
in Prouincia Lugdunensi, iuxta priuilegium  
eidem Societati à Regibus Christianissimis  
Henrico III. 10. Maij 1583. Henrico IV. 20.  
Decembris 1606. & Ludouico XIII. nunc re-  
gnante 14. Februarij concessum, quo Biblio-  
polis omnibus prohibetur, ne libros ab homi-  
nibus nostræ Societatis compositos absque Su-  
periorum eius permissione imprimant, permit-  
to MICHAELI CHEVALIER Lugdunensi Bi-  
bliopolæ, vt Opus quod inscribitur, *Caroli*  
*Scribani è Societate IESV Medicus Religiosus*  
*de animorum morbis & curationibus*, ad sex  
primos annos imprimere ac liberè diuendere  
possit. Datum Lugduni die 27. Octob. 1613.

**B. IACQUINOTIVS.**

**CONSEN**

---

## CONSENSVS.

**L**ibrum hunc qui inscribitur, *Caroli Scribani è Societate IESV Medicus Religiosus de animorum morbis & curationibus*, Ego Regis Advocatus typis mandari, tum demum in lucem exponi consentio. Lugduni 16. Nouemb. 1618.

BOLLIOVD.

---

## PERMISSIO.

**L**ibrum hunc inscriptum, *Caroli Scribani è Societate IESV Medicus Religiosus de animorum morbis & curationibus*, ab MICHAELE CHEVALIER Bibliopola Lugdunensi in lucem dari permittimus: simul ne quis citra factam ei ab ipso potestatem denuò excudat interdiciamus. Datum Lugduni die 16. Nouemb. 1618.

SEVE.



LIBER PRIMVS.  
SUPERIORVM  
morbi & curationes.

CAPVT I.

*Ignoratio in Superiore muneri sui.*



INC ingens illud malum, cum Superior non tam constitutionum, regularum, ordinationumque instituti sui, quam iudicio suo gubernationem moderatur: vt non tam vocationis suæ, quam nouæ congregationis & Religionis institutio merito videatur, è Superioris placitis nata. Variæ ex his principiis consuetudines nascuntur, liberior in non paucis, in aliis rigidior disciplina; in magnis sæpe grauiusque, & à quibus Religionis nomen bonum pendet, laxior, plerumque in minimis nouæque ferè excogitatis strictior seueriorque, vt iam à primæuo spiritu & vocatione vix aliud præter inane nomen reliquum sit: cum quicumque in speciem pia bonæque amplectimur tanquam instituti propria. Grauis er-

A

ror,

## 2 MEDICI RELIGIOSI

ror, eoque magis, quò sub pietatis prætextu teneriores animas, simplicioreque aliorum ab instituto pellit.

Sanè vt non omnium morbis eadem medicamenta, nec omnium valetudini eadem victus potusque ratio; ita nec omnium vocationi eadem vitæ genera, aut pietatis exercitia muniæque conueniunt. Sanctæ sunt variarum Religionum exercitationes, sed non omnes omnibus Spiritu sancto dictatore præscriptæ aut imperatæ sunt. Sua cuique Religioni sunt munia, sui termini, quos egredi non sit consultum.

Et certè labetur sæpe Superior, qui instituti sui, munerisque sibi impositi ignarus, suo iudicio propositas difficultates decerneret, & in grauissima se Religionemque discrimina coniiceret, incertusque sæpe rerum, dubius hærebit, sollicitumque anxiumque pectus trahet, nec se explicabit sine insigni iactura nominis etiam sui, salutisque aliorum; mirabiturque se eò deductum, vt per præcipitia salus ipsi speranda sit, cum consueto se itinere exclusum viderit, seròque, & non profutura pœnitentia errorem suum ingemiscet, consequeturque vt aut imperiti, aut fatui, aut temerarii, aut improbi nomen obtineat, audiétque non rarò hostis Religionis, qui tam placitis è cerebro suo fabricatis, in alienam à veteri semitam conetur impellere.

Et sanè cum nihil stolidius sit, quam ignoratæ artis sciétiam profiteri, vt si quis

cura

# LIBER I. CAP. I.

curarationum ignarus medicum se venditet; ita omnium stolidissimū est, Religionem, quam ignores, præ te ferre. Neque enim in vno errore stabit hoc malum: error enim vnus errorem trahet, donec ad inextricabilem errorum labyrinthum deducatur, è quo se extricare nulla arte aut prudentia queat Hinc est illud Gregorij: *Nulla ars In Past. doceri præsumitur, nisi intenta meditatione par. 1. prius discatur. ab imperitis ergo pastoribus cap. 1. magisterium pastorale suscipitur in magna temeritate, quoniam ars artium est regimen animarum.*

Plurimum deinde illi de sapientiæ opinione decedet. atque hinc auctoritas illi apud suos minor, minorque veneratio erit: nec rarò erubescet, cū rogatus hallucinabitur, aut ab inferioribus errorem suum discet, non sine insigni ignorantiae suæ rubore.

Et quid vniuersim sperari ab eo boni possit, qui ignarus impositi sibi muneris est? quomodo illud, nomenque suum tuebatur, aliis imperabit, dubitantibus consulet, labantes eriget, agris medebitur, afflictos solabitur, prospiciet tempori, præcauebit damna, irruentibus se malis opponet, aut propulsabit noxia, cū ferè ab hoc nocitura potius metuenda, quàm profutura speranda sint? & si quid feliciter euenerit, fortuitis magis casibus, quàm certæ scientiæ tribuendum sit?

Iam quid expectare prudenter ab eo



#### 4 MEDICI RELIGIOSI

possumus? nihilo plus quam ab imperito nauclero secundum cursum, ab ignaro auriga felicem ac inoffensum progressum, ab imperito medica valetudinem bonam, ab indocto architecto, penicillo, calamo, doctum, elegans, eruditum opus.

Et certè quicumque muneris sui scientia destituitur, etiam prudentia agendarum rerum regula destitui necessum est: qua qui caret, quantis necessario se difficultatibus induat, nemo non videt. vnde fit, vt nihil certo consilio ac ratione; omniàque dubio euentu peragantur. perimentia proinde saepe pro salutaribus, noxia pro futuris, venena pro medicamentis propinantur. & cum contraria ferè contrariis curentur, a. mica hic amicis praebeantur mala, tanquam si in fomentum, non in malorum depulsionem remedia porrigantur. Neque enim potest muneris sui ignarus, personarum, temporum, locorum, rerum, in omni prudenti gubernatione necessariorum rationem habere: sed de errore in errorem necesse est illum labi. Quo fit vt infortunatissimū ferè exitum fortiatur, cum tam fatuis merèque fortuitis consiliis agatur.

#### *Remedia.*

**E**X instituti accurata cognitione petenda. hæc verò ex frequenti constitutionum, regularum, tam communium, quam singulorum officialium, ordinationum, instructi.

structionum, historiaeque instituti lectione paranda.

Iuuabit plurimum conferentiarum frequens de rebus instituti propriis iteratio: deque iis maximè, quæ aut nocitura in primis, aut profutura videbuntur: de praxi etiam & executione rerum ad Religionis integritatem potissimum necessaria-rum.

Proderit etiam frequenter cum iis agere, qui aut longa rerum experientia, aut assidua lectione instituti vt peritissimi, ita amantissimi sunt, illorumque sibi vitam imitandam proponere, qui in omni virtutum genere, instituti ac primæui spiritus amore, omni ætate floruerunt.

Magis etiam si in dies singulos, aut sanè alternos, seponat horam vnā, aut sanè mediam: qua & singulorum subditorum sibi officia, conditiones, mores, propensiones, virtutes, vitia, animique morbos & curationes, & impositi sibi muneris partes omnes, seriò secum tacitus perscrutetur: quid nimirum res, quid creditæ sibi personæ deprecant; quibus tueri augeri que res domestica; quibus foneri prouocari que primæus Religionis spiritus; quibus pro instituti ratione promoueri proximorum salus possit. quorum omnium sedula ac non perfunctoria cogitatio magnum Superiori lumen præbebit, ac in commissi sibi muneris cognitionem inducet.

## 6 MEDICI RELIGIOSI

### CAPVT II.

#### *Ignoratio domesticarum rerum, ac personarum.*

**H**inc ingentes agendarum rerum imprudentiæ nascuntur, & graues in gubernatione errores, quos nullo remedio corrigas, damnâque non in vnâ alterâque personam, sed in corpus vniuersum decurrentia; cùm aut committuntur munia, quibus non possunt, aut res deliguntur noxiæ.

Neque quisquam prudenter præesse potest, aut præcauere nocitura, aut profutura deligere, cui non domestica omnia personæque perspectæ fuerint: errores enim ex hac ignoratione necessum sequi grauissimos, cùm prioribus dissentanea sæpe imperentur, aut sanè minùs commoda, aut mutuò pugnantia.

Ille securè procedit, nec facilè pœnitenda committit, quem nihil domesticarum rerum fugit, & non magno negotio deuitat mala, & prouidet nocituris, ac præoccupat etiam antequam veniant, quem nulla domesticæ res latent; aut certè remedia illi prompta & ad manum sunt, qui & suorum in hanc aut illam partem propensas voluntates, vires, eruditionem, ingenia, mores, domesticasque res omnes perspec-  
ctas

etas habet. Neque enim ille de facili cō-  
mittet aut non committenda aut quibus  
non tutò potuit: scit res personis, perso-  
nas rebus metiri. contrà qui hæc ignora-  
uerit, in ingentia sæpe discrimina suos  
coniciet, noménque bonum corporis to-  
tius: ut qui ad indignationes, æmulatio-  
nes, potum, arrogantiam, carnem propen-  
so ea imponet, quæ quasi apprehensa ma-  
nu trahunt ad illa, ad quæ natura non mo-  
dò ducebat, sed reluctantes etiam potenti  
trahebat impulsu, quasi si quis præcipitio  
proximum, & tantum non prolabantem pro-  
trudat. Bene de hac re Prosper: *Præpositi De vita  
speculatores sunt, quia speculantur actus contemp.  
hominum, & qualiter quisque vivat dili- lib. 2. c. 2.  
genter explorant: quos bonos probauerint,  
honorando confirmant; quos deprehenderint  
vitiosos, arguentes. & Chrysostomus: Multa De Sa-  
pastori opus est diligentia: sexcentis etiam, cerdotio.  
ut ita dicam, oculis, ut rectè undique hu-  
mani animi habitum circumspicere possit.*

Certè vel minima etiam ignorasse gra-  
uium in gubernatione errorum causa est.  
ille prudenter præesse potest, quem nullæ  
domesticæ res latent. magnæ illæ aut par-  
uæ sint, plurimum ad prudentem guber-  
nationem conferunt: cum minimæ etiam  
aliæ atque aliæ intercurrentes circumstân-  
tiæ alia atque alia consilia deposcant; ma-  
ximæque sæpe res, & à quibus plurimorum  
salus, felicisquæ infelicisquæ exitus, à mi-  
norum cognitione pendeant. Nihil

## § MEDICI RELIGIOSI

ergo illū fugiat cui commissa aliorum gubernatio, si sapienter præesse velit. nec aliorum tantum industriæ verbisque, solisque auribus suis fidat, oculos admoveat certissimos rerum testes, ac propè falli nescios. unde fiet, ut domesticos omnes ferios sedulosque concreditorum sibi officiorum administratores consequatur, cum scient sua omnia perspecta Superiori esse nec falli illius aut circumveniri diligenti posse. Quæ res incredibile est quam leni negotio omnes in officio contineat. cum ita natura comparatum sit, ut nisi filialem aliquem merum amoris in gubernando ad-moueris, non magna de felici prudenti gubernatione sperare possis. amari in imperio magnum est. Sed ferè indulgenti amorem comitatur. iunge filialem timorem, & prudentis imperij leges expleueris: ac licet sua sit amoris veneratio, nisi altera timore veneratio accedat, non postrema obsequendi promptitudo labascet, plurimumque de imperij felicitate decedet.

Personarum etiam ignoratio in immania præcipitia Superiorem adiget. quid enim tutò ignoto committet? aut quam rem prudenter illi credet, cuius vitæ mores, animorum propensiones ignorat? non ad singula propè imperia trepidabit suorum ignarus, deque incerto dubioque perpetuo eventu sollicitus? cui deinde tudeat, cum ignoto fidere stolidum sit, & ipsorum suorum ignorance laborem solus exequi-

omni



LIBER I. CAP. II. 9

omnia non potest; ignotis sua Religioniſque ſapienter credere non potest, externis domestica committere nō expedit: quō ſe vertet inter hæc conſtitutus Superior, niſi vt anxiam ſemper mentem trahat, aut fortuitis omnia euentibus committat? in vtroque miſer. nam aut ſemper timere, aut omnia fortuitis permittere miſerrimum & infeliciffimam viſa genus eſt, quod infortunato plurimum exitu clauditur.

*Remedia.*

**V**igilans Superioris cura, & in omnem partem intentio, vt omnino nihil illum fugiat. Conſequetur hoc magna & intenta ſuorum obſervatione, diligenti examine redditionis conſcientiæ; aliorum etiam, maxime qui iudicio & ſolertia valent, auditione, ſententiarumque inueſtigatione. iudiciorum enim variorum diſquiſitio in magnam inducet Superiorem ſuorum cognitionem.

Conandum deinde, vt ea ferè per ſe Superior peragat, quæ magnam adferre notitiam ſolent; qualia ſunt.

Litterarum omnium, ſiue illæ mittantur, ſiue ad ſuos dentur, accurata lectio.

Omnium qui ad portam euocant, cognitio, ne externorum quiſquam, quantum frequentia, & loci ratio permittit, Superiore inſcio, quenquam conueniat.

Ne ad vilius externi ædes, non conſcio

A 5 ante

10 MEDICI RELIGIOSI  
antè Superiore, quisquam accedat.

Ne extra consueta tempora ad templum  
euocentur inconsulto Superiore.

Credi non potest quàm ingenti rerum  
harum cognitio Superiori, in omnem be-  
ne gubernandæ familiæ rationem excu-  
banti, præsidio sit. Non magna quis hæc  
arbitrabitur; sed ea tamen sunt, à quibus  
omnis prudens gubernatio dependet, qui-  
búsque neglectis, propè impossibile est,  
prudentem gubernationem posse subsiste-  
re, quibúsque stantibus, facilis omnis gu-  
bernatio est.

Idem reperies in omni republ. regno,  
militia; quorum salus in rerum, persona-  
rúmque accurata cognitione vniuersa verti-  
tur. quæ res semper coëgit summos Re-  
ges, & prudentia, & rerum gestarum glo-  
ria claros, ad largissimas etiam pecunia-  
rum profusiones in hostium consiliis di-  
gnoscendis. At verò non minùs necessa-  
riam esse domesticorum subditorúmque  
cognitionem, quàm externorum consi-  
liorum, nemo non videt; cum ab horum  
ignoratione, aut perspecta scientia, plus  
etiam reipubl. bonum, quàm ab hostili de-  
pendeat. Vt enim semper periculosiora do-  
mestica malà, quàm externa sunt; dome-  
sticum ferrum & venena, quàm hostilia:  
ita cognitio illorum magis etiam necessa-  
ria est, minoreque damno inimica, quàm  
domestica consilia ignorantur.

Curabit deinde Superior, vt omnium si-  
bi

## LIBER I. CAP. III. II

bi subditorum officialium, muniumque singulorum, accuratam cognitionem habeat. Obeat ipse sæpe domum, ac infimorum etiam non raro collustret operas, locaque muneribus illorum accommodata: temporarias etiam domus suæ rationes penitus perspectas habeat, vt nihil illum earum fugiat, datique acceptique rationes omnes ipse dispiciat ac memoriæ imprimat, vt & iudicium de iis ferre, & prospicere tempori possit.

Nemo facillè credat, quantum intentus sic in omnem partem Superioris oculus & domesticos in officio contineat, & damna præcaueat, & profuturis prospiciat, ac Superiorem quasi iuris sui faciat, ac extraquandam suorum tutelam ponat.

---

### CAPVT III.

*Ignoratio morborum subditorum suorum.*

**E**X qua prouenit, vt aut malis adhibere remedia non possint, aut non adhibeant idonea, aut etiam contraria, plurimòsque in variorum munium impositione vltro, ignarique periculis obiciant vocationis & animarum. nam quæ remedia in morborum ignoratione sperari possint, nisi fortuita, ægros plurimùm perimentia? profutura nimirum, aut interemptura, prout fortuitò casus tulerit,

## 12 MEDICI RELIGIOSI

Proficiscitur hæc in Superiore ignorantio è suorum neglectu, & ignaua quadam commissorum sibi cura, ex ingenti animi tepore, ac languore spiritus, è pusillanimitate & animi deiectione, & è quodam muneris sui frigore; dum res nec seriò tractat, nec zelo in eas fertur, & superficie quadam contentus, non descendit ad interiora; quasi satis sit præfuisse.

Nascitur non rarò eadem ex non ritè reddita conscientia ratione. fit hoc, cum minùs confidenter inferiores Superioribus sese aperiunt, vel quia duriores illos nacti sunt, vel quia minùs secretos, vel quia laborum fugientes, & à quibus auxilia desperant.

Neque vltima ignorance huius causa è varia Superiorum occupatione nascitur; vt cum adeò grauib, tamque variis distinentur, vt totos illos alia negotia occupent: quibus obruti, nec respirandi tempus habent, nec eis ratio suorum cognitioni incumbendi suppetit; cum nimirum vel ordinariis cõcionibus vacant, vel toti scriptionibus inhaerent, vel externorum salutis, consiliisque dandis obruuntur, vel inuالتudine denique perpetua detinentur: quæ nisi in viros perpetuò sibi præsentem, quique oculos inter medias negotiorum aliarumque occupationum moles, in domesticos, sibi que concreditos, intentos semper teneant, inciderint; periculum omnino est, ne densissima suorum ignoratione laborent.

Et

# LIBER I. CAP. III. 13

Et quam curationem morbis suorum adhibebunt tales, quibus ipsa ægritudo, ægritudinūque causæ in solidum ignoratæ sunt? pericula, damnæque, & valida morborum incrementa verius metuenda sunt, quàm noxiorum à talibus mitigationes aut depulsiões sperandæ. Neque enim quicquam ignorance morbi grauius, magisque meritò metuendum in curatione accidere potest, neque quod præsentius mortem acceleret.

## Remedia.

**V**T in medico inualetudinem cognouisse, propè curasse; ita ignorasse, ægrum propè peremisse est. Prima proinde omnis periti medici cura est, morbum, causas, incrementa, statim intellexisse: è quibus medicationis spem non magno negotio concipiat, periculæque depellat. neque sanè longè petenda remedia: quæ ferè cuique experto ad manum sunt. Mali cognitio difficillima est. Hanc qui consecutus fuerit, facilem sibi ad reliqua viam sternet. Idem vsu venire solet in animorum morbis, cognouisse propè curasse est; imò sola non rarò explicatione fugantur morbi, vt verè Cassian. *Ilicd vt patefacta fuerit Coll.2. cogitatio maligna, marcescit. cap.10.* Nec difficile est Superiori, viro humanarum rerum experto, cognita depellere, aut anteuertere quæ nouit mala: vt tota ferè curationis  
spes



#### 14 MEDICI RELIGIOSI

spes metusque à morbi cognitione, aut ignoratione pendeat.

Hanc cognitionem partim seria longaque observatione suorum, partim aliorum denuntiationibus, partim acri confessione discet Superior: nam & ipse intentum in omnem partem oculum habebit, mores, verba, socios, consuetudinem, propensionésque observabit, maximè recreationum tempore, videbitque in quæ se profundat, quorum familiaritate ac narrationibus delectetur; proniorne in cibum, potum, continentiam, mulierum consuetudinem, sæculi an religiosos mores, in fabulas, aut serias piæve sermónationes. Ferè enim in illis in latencia pectoribus vitia se ac virtutes produnt. index animi oratio est.

E sociis deinde maturioribus facile reliquorum mores intelliget. neque enim in adeò mutue innexo contubernio latere diu bona malæque possunt: cum omnium plerumque oculis auribúsque intima quæque obiciantur. ad quæ si accedat acri ipsius sincera, tanquam patri ac medico resectio, nulla difficultate cui-cunque etiam grauissimo occurri malo potest.

Prima proinde Superioris cura erit, suos paternis monitis, factisque ad malorum tempestatumque quibus premuntur ac iactantur, nudas explicationes excitare; ut & aperire audeant, & patris verique

LIBER I. CAP. III. 35

ac condolentis medici manam experiantur. Semel enim amitam dexteram, maternaque in Superiore vbera experti, faciles pronique ad omnem ægritudinis confessionem decurrent. quod ubi Superior consecutus fuerit, ludus illi gubernatio erit: ingens enim ex hac mutua fiduciæ ostentatione amor nascitur. cum vix fieri possit, ut qui paternum in se Superioris animum senserit, non prono profusioque in ipsum pectore feratur. nèque quidquam promptius est, quam ad illius medici opem confugere, à cuius benigna doctaque manu remedia accepimus. Patrem proinde se & medicum exhibeat Superior, & ultro fatentem, malaque sua ingenti fiducia explicantem inferiorem experietur, & facilem ad curationem viam reperiet: cum & obsequentem agrum suum habebit, & mali vim magnitudinemque intelliget. Paterna proinde in omnes adhibenda sollicitudo, quam etiam subditi persentiscant, quò facilius morborum quibus iactantur, genera in Superioris, tanquam patris, ac benignissimæ matris ac medici, sinum deponant.

Maiores autem in Superioribus paternorum affectuum ostentatio, si in eos fuerit, qui fidentiùs se suaque omnia, ægritudinumque genera aperuerint, occasionem causamque sinceræ refectionis reliquis præbebit.

Examinanda etiam seriò constitutio  
infe

## 16 MEDICI RELIGIOSI

inferiorum, quales antè fuerint, quales in præsentiarum sint, quos morbos aliquando passi, quæ medicamenta adhibita, quo successu.

Secreti demum infracta observatio omnium eorum, quæ filiali à subditis affectu apud Superiorem, tanquam verum animarum parentem reposita sunt, plurimum hîc valebit. Dici non potest, quantum hæc res confidentiam excitet, provocetque inferiores, ad vniuersos, quibus iactantur, morbos, cum quadam etiam animi voluptate relegendos.

### CAPVT IV.

#### *Ignoratio spiritaliter medendi.*

**E**X qua quàm ingentia & meritò timenda mala profiscantur, nemo paullo prudentior non videat. Nam quantum magna pars speratæ valetudinis à morborum cognitione pendeat; curationis tamen ignoratio, medicamentorumque inscitia, inter prima ægrum perimertia adnumeranda sunt. qua qui tenetur, non raro nocitura propinabit, exasperabit malum, irritabit, non tollet noxios humores, interitumque accelerabit.

Atque hinc mœrores nascuntur, & graues in agro melancholiæ, cum sentit malis quibus opprimitur, non remedia, sed malignitatem

## LIBER I. CAP. IV. 17

lignitatem prouocantia adhiberi. quare imperitiam medici sui damnat, malâque ex illa nata: inclementesque illius manus, & medendi ignaras detestatur. nam licet fors ab animo clementis medici & patris proficiscantur, si ab imperito & mederi nescio veniant, à tyranni potius & iudicis quàm patris prouenire arbitrabitur. unde fastidia nascuntur, & nausantis animæ infelix tepor, gemitus & lacrymæ, & dura imo ducta suspiria, oblocutionumque passim ac querimoniarum ingentes accerui, medicum suum accusantes, nec tam inscitiam in illo, quàm hostilem animum damnantes.

Quid? quòd crescant in ægro mala, cum ex vno plurimum errore enascantur alij, morbi que è morbo, tanquam è fecunda fontis vnius vena varij torrentes, prosiliant: vt consultius sit aggritudinem vniuersam: ignauo aut hostili etiam animo neglectam: iacuisse, quàm ignaram medendi manum: adinquisse: minusque peccet qui exuto omni patris affectu, seueri vbique iudicis dexteram, ferrumque & ignem adhibet, quàm qui medicationis imperitus fortuita, & in incertum casura, aut obfutura ad-mouet. Contingit enim non infrequenter vt imperitia medici leuissimus morbus, & paruo meditabilis, ad malorum extrema agrum deducat: & qui sibi, naturæque benignitati relictus, sola nonnunquam mora curari poterat, inscitiam medici in vlti-

mam

## 18 MEDICI RELIGIOSI

mam desperationem protrudatur . tantum in omnem partem peritia imperitiæque valent ; vt mors vitæque in prudentis imprudentisve medici manu posita sit. Quanti viuerent, si in doctum medendi incidissent ? quanti in Religione omni æuo stetissent, si medendi peritum Superiorem nacti fuissent ? ceciderunt , non tam mali magnitudine , quàm indocta illius manu. Quanti in ipsa miseram sibi que aliisque vitam trahunt, nec mentis tantum , sed & corporis viribus prostrati iacent, ingloria morte ingloriam vitam signantes , sola imprudenti Superioris medicatione omni spe melioris valetudinis deiectioni : ita in corpus etiam animo medendi imperitia transit. cum illius ferè mala in corporum se ægitudines profundant , & hæ ex illis, tanquam è matris utero nascantur. Hinc non rarò videmus in omnem vitam , leni tam plurimos animam in corpore mille morbis oppresso trahentes : quos vna Superioris medendi peritia leui attactu , sub morborum initium, curare poterat. accessit imperita manus, & efferauit malum, & euertit quidquid erat spei valetudinis bonæ, & ad nulla ætate aut arte medicanda ægrum suum deduxit. Nam licet peritior postmodum accedat manus, eò tamen non infrequenter malum deductum est, vnde ad meliora reuocari nulla prudentia aut dexteritate possit. principes nimirum partes infedit malum, & potissima quæque



quæque depastus est morbus, vt à nulla quantumuis docta manu sperari prudenter remedia possint.

### *Remedia.*

**E**Serio diligentique meditationum studio, piorumque librorum frequentata lectione, vsuque rerum experientiaque peritia paranda. Optimus ferè ille est; qui ex se magister plurima tulit, de genu non semel pugnauit, hostemque post liuores, vulnera, sanguinem, toto tulit corpore, ab arena & sanguine animos mutuatus: quique exemplo suo didicit non eadem omnibus pugarum, & victoriæ genera præscribenda esse: alia enim atque alia pro varia hominum conditione documenta tradenda sunt. faciet hoc peritissimè, qui ex se didicit curationum genera ex morborum diuersitate pensanda; sed & pro ratione constitutionum, ac temporum etiam discrimine aliarumque circumstantiarum, medicamentorum genera adhibenda. Neque enim eadem omni tempore, & loco, omniq[ue] ætati, & constitutionibus, aut omnibus singulisque omnia conueniunt. Iam varia morborum qualitas varia etiam curationum genera postulat; cum è variis circumstantiis medendi ratio pendeat, ille autem innumeræ propè sint. Necessum proinde Superiorem virum esse prudentem, prouidum, singula circumspice

## 20 MEDICI RELIGIOSI

circumspectantem, disquirentem agritudinum causas, morbum ipsum, agri constitutionem, quæ etiam in eo sperari, quæ timeri possint. Prudenter in hanc sententiam post Nazianzenum Gregorius: *Non*

*In pro-  
leg. Past.  
par. 3.*

*una eademq; exhortatio cunctis congruit, quia non cunctos par morum qualitas astringit. Sape namque alijs efficiunt, quæ alijs profunt: quia & plorumque herba quæ hæc animalia enutrient, alia occidunt; & lenis sibilus equos mitigat, catulos instigat; & medicamentum quod hunc morbum imminuit, alteri vires iungit; & panis qui vitam fortium reborat, paruulorum necat.*

*In Past.  
par. 1. c. 1*

*Vt meritò inelamer: Ars est artium regimen pastoralis, quis autem cogitationum vulnera occultiora esse nesciat vulneribus viscerum? & tamen sape qui nunquam spiritualia præcepta cognouerunt, cordis se medicos profiteri non metuant: dum qui pigmentorum vim nesciunt, videri medici carnis erubescunt.*

Quid? quod & ipse, in quo versatur, locus, domesticique, & contubernales aliquid adferant momenti in statque considerationis, ut omnia omnino Superioribus in remedium applicationibus accuratè expendenda, nihilque indiscussum relinquendum sit: & sape à tenuissimis rebus remedia petenda sunt. à locorum enim, sociorum, Superioris, muneris mutatione, aliisque longè his inferioribus, magna aliquando sperari possunt. plurimum verò  
interest,

LIBER I. CAP. IV. 27

interest ; temporis rationem habere, constitutionisque agrientis animi, ne turbata, nec satis composita mente ; aut etiam nimis exasperata, curatio a moueatur. Componet illius prius animum Superior, furorēque primos, efferatāsque procursiones ut ignarus prateriet : at ubi depulsi Aquilonebus resederint animo fluctus, quibus iactabatur, manum admovebit paternam, licet iudicis postea opus foret, in qua tamen nunquam patris personam exuet : ut dum aeger patitur iudicem, sentiat patrem ; plūsq̃ adeò semper medicamenta habeant patris, quàm iudicis, etiam cum iudicis nomen induendum erit.

Proderit etiam in primis magnos viros audisse, aut legisse, qui suo, aut aliorum exemplo edocti, varia ut morborum, ita curationum genera norant. Habemus hīc innotentem Chrysostomum: *Contraria contrarijs curare medicorum filij iubent. ex crapula ergo nata est febris? inedia morbum corrigunt. ex tristitia quis infirmus est? latitiam huic aptam medicinam esse ducunt. Sic & in anima agitudinibus fieri oportet. Irā torpor excitauit? industria hāc repellamus.* Habemus Gregorium: *Calestis medicus singulis quibusque vitij obuiantia adhibet medicamenta. Nam sicut arte medicina calida frigidis, frigida calidis curantur: ita Deus noster contraria opposuit medicamenta peccatis, ut lubricis continentiam, tenacibus largitatem; iracundis*

Hom. 5.  
ad pop.  
Ant.

Homil.  
32. in  
Euang.

## 22 MEDICI RELIGIOSI.

*cundis mansuetudinem; elatis praciperet humilitatem*

Frequens deinde ac diligens per diem consideratio plurimum momenti adferret. qua dum commissum sibi gregem ferri Superior voluit, variâque in singulis morborum genera, varias etiam medelarum excogitat formas, nullis aut industriis aut laboribus parcat, quò ægrienti subueniat, morbum leuet, monitis, precibus, lacrymis; durioribus etiam, si morbi genus duriora postulat: ad quæ tamen nonnisi mitioribus tentatis, & necessitate coactus descendat, memor se esse patrem.

Animos insuper ad curationem necessum adferre magnos, qui nec magnitudine, nec morborum difficultate terreantur: ut ingenti in Deum spe fretus, nusquam de ægroto desperet Superior. frustra enim medicinam cogitat, qui illam à desperatione inchoauit. Audere, victoriæ initium est.

In spiritalis denique medicamenti præscriptione conandum, ut quâ suauitate ac benignitate, quâ variis in affectum amorémque prouocantibus æger medico concilietur, amaréque incipiat, fidémque dictis adhibere. Sic fiet, ut morbi magnitudinem indicanti fidem adhibeat, & medicamenta, licet acerbiora, lubens admittat; maximè cum sibi persuaserit, ab amore hæc nata.

## CAPUT V.

*Neglectus in curandis suorum morbis.*

**N**ascitur hic ex ignauo quodam Superiorum tepore, dum aut promouendi instituti, aut propagandæ Dei gloriæ, aut salutis ac protectionis subditorum zelo carent.

Ex emendationis quadam desperatione, dum aut robori suo diffidunt, aut de suorum virtute desperant, aut difficultatibus territi, manum curationibus admo-  
uere formidant: qua benignitatis specie nihil crudelius inueniri potest. augentur enim & recrudescunt per interualla morbi, & extremis periculis proximus est qui patitur. bene Sapiens: *Erude filium tuum, Prou. 19.*  
*ne desperes.* & alibi: *Correctio tribuit sapientiam. Prou. 29.*

Quòd remedia in omnibus molliora, & extremam tantum cutem tangentia ad-  
moueant, nusquam verò ad malorum ra-  
dices manum mittant, contenti palliata  
quadam medicatione, imitantes eos qui  
exteriori stibio & purpurissa intus laten-  
tem scditatem contegunt, quisque candi-  
do linteo, nulla alia medicatione obuol-  
uunt vlcera, non cogitantes erupturâ illa  
aliquando maiori damno, aut vicina quæ-  
que ac intima demum corporis pestilenti  
sanie



## 24 MEDICI RELIGIOSI

sanie sua in similem malignitatem pelle-  
ctura.

Hinc fit primò, vt inferiores dum non  
persentiscunt mala, quibus in dies magis  
magisque immerguntur, labantur in dete-  
rius, & antè lapsum, quàm periculum, aut  
præcipitium sentiant, sera post ruinam  
medicatione.

Secundò, vt persuadeant etiam sibi in-  
feriores, bene secum agi, & regia se ince-  
dere via, cum videant nulla Superiorum  
accedere monita, communi illa persuasio-  
ne ducti, qua plerique arbitrantur ea à Su-  
perioribus probari, quæ non improban-  
tur; nec morbos iam esse, quibus nulla  
medicamenta admota, sed signa aut vesti-  
gia valetudinis bonæ.

Et non iam patres, sed hostes tales esse,  
nemo non videat, qui cogitauerit ex hoc  
Superiorum neglectu, quæ priùs leui me-  
dicationis attactu curari poterant, ita in-  
crescere mala, vt ferro & ignibus postmo-  
dum opus sit; & qui initio sui sine dolore,  
ac quasi inter somni delicias curari morbi  
poterant, mora ipsa exasperatos, omnem  
paternam manum magnitudine sua vin-  
centes, non nisi iudicis vstrione & sectione  
medicari posse. Hinc illi inter dura hæc  
medicamenta eiularus & lacrymæ, Su-  
periorum suorum neglectum, barbaramq;  
in nimia clementia indulgentiam accu-  
santes. Sanè tales plurimis exitio fuere, &  
desertæ auctores vocationis; neque enim  
ad

ad extrema hæc malorum venissent, si vigili cura morborum principiis feriò superiores inuigilassent, & in semine suo, aut tenero adhuc frutice, paternis zizania manibus ab agro Dominico auertissent: at ubi incuria excrescere illa in validas arbores passi sunt, non nisi à securibus & flamma remedia speranda sunt.

Atque hinc magnorum sæpe ingeniorum, non sine ingenti Religionis damno, excidia nata sunt: quæ quo maiora sunt, eò ferè validiùs admittunt noxia, imbibuntq; altiùs & potentiùs; credas in fœcundum solū semina iacta fœneraria rehibitione, quibus si manum admoueris, dum adhuc herbescunt zizania, seménque bonum pro maligno inseueris; nullo negotio & illa viceris, & centupla fœneratione Domini aream horreâque beabis.

Et mihi ferè hi Superiores similes videntur iis qui oceani tempestates, dum adhuc minantur, & eminus fluctus denunciant, contemnunt, nec antè de portu fugâque cogitant quàm ubi irata intumuisse maria, irâsque fremitûsque suos vomentia senserint; cum hîc tanquam sideribus collisuri iaculantur & excutiant, ibi immani hiatu vado tanquam sepulcro recondituri præcipitant ratem; scopulis nimirum illisi, de salute & fuga meditantur, tabulam circumspectantes; dum frustra iam portum littorâque neglecta sperant. antè oportuit, neglexerunt: rationem reddituri

## 26 MEDICI RELIGIOSI

Domino commissi sibi gregis, animasque pro animabus suorum posituri. seuerissima aliquando iudicis sententia feriendi. ita monet Prosper: Superior sanctè viuere debet propter exemplum: certus quòd ei nihil sua iustitia suffragetur, de cuius manu anima pereuntis exigitur. & quid ei proderit, nò puniri suo, quì puniendus est alieno peccato?

### Remedia.

**A**Seria Superioris in omnem partem intenti vigilantia petenda sunt; nulli parcendo, quàm moriendo, quàm blandè suauiterque vulneris morborumque loca pertractando, leniendo, fouendo: grauiora & acriora, si qua necessitas exigat, medicamenta adhibendo, nusquam malis indormiendo, aut tenuitatem vulneris negligendo: certus à minimis iniuriis ad summa deueniri, & à tenuissimi vnguis frictu ad mortem properari. Nemo vitia palpet, peccata dissimulet nemo, nemo dicat. Num S. Iohanne quid custos fratris mei ego sum? est enim cōsentire, filere cū arguere possis: & scimus quia similis pœna facientes maneat & consentientes. Bene Prosper: Si peccantem vi- deo, & non solum non arguo, sed etiam ei peccanti consentio, participem me eius damnationis efficio: & in omnibus peccantibus pecco, quando eos quos scio peccasse vel peccare, quadam crudelis animi malignitate nō increpo. In Superiore maxime hoc locum habet, qui nō solius charitatis, sed iustitiæ legibus ad suorum monitionem & correctio-

De vita  
cōtemp.  
lib. I. c.  
20.

Bern. in  
serm. de  
S. Iohanne  
Bapt.

Lib. 3. de  
vita cō-  
temp. c.  
23.

tionē tenetur. quò grauiorē etiam vindicem Domini manum vereri meritò debet. *De Ciuit. lib. 1. c. 9.*  
Hinc illud August. *Qua in re non utiq; parem, sed longè grauiorem habent causam, quibus per Prophetam dicitur: Ille quidem in peccato suo morietur, sanguinem autem eius de manu speculatoris requiram. Ad hoc enim speculatores, hoc est, popularum prapofiti, constituti sunt in Ecclesijs, ut non parcant obiurgando peccata.*

Illud interim in curationibus caueat, ne à potētiōribus illas ordiatur, cū à lenioribus remediatio inchoanda sit. quòd si quando, ut in obduratis morbis euenire solet, ad grauiora remedia decurrendum fuerit, meminerit illud August. *Molestus est medicus furēti phrenetico, & pater indisciplinato filio; ille ligando, iste cadendo, sed ambo diligendo. Si autem istos negligant, & perire permittant: ista potius falsa mansuetudo crudelis est.* & Gregor. *Qui non corrigit refecanda, committit: & facientis culpā habet qui quod potest corrigere, negligit emendare.* Sanè si patrē in omni suorum correptione Superior se ostenderit, nō grauātē de manu patris etiam vstiones perferet filius, certus à paterna manu ignes ab amore nasci. ad quos non nisi in extremis, & post mitissima tētata decurret. vbi viderit mali magnitudinem minora vincere, descendet inuitus ad maiora: descendet tamen. cū melius sit per hęc filium viuere quàm sine his perire.

*Ad Bonifac.*

*In regi-  
stro.*

## 28 MEDICI RELIGIOSI

*Prosp.*  
*step. ca. 3.* Pari deinde cum subdito conatu radici-  
bus extirpandis manum admoueat, pater-  
nè tamen semper, nec nisi in extremis ma-  
lis iudicis personam indicat. certè, si non ex  
iactantia, sed ex misericordia, & cum qua-  
dampietate cõpatientis animi castigamus,  
& illi nos sentiant non minùs peccatis suis  
moueri, quàm nostris; aut in bonum statum  
reformati, nobiscum Deo gratias agent, aut  
si adhuc eos in peccato tenet peccandi dubi-  
tando, & salutem suam nobis cura esse cernē-  
tes, malum reddere pro bono voluerint, mal-  
le debemus eorum inimicitias, qui noluerint  
emendari, contrahere, quàm Dei offensam,  
dum peccantes palpamus, incurrere.

Frequentes deinde suas ad Deum pre-  
ces iaculetur, lacrymas pœnitentiis mi-  
sceat; orationes etiam suorum, tacito ta-  
men nomine, maximè in morbis grauioribus,  
inducat; maiorèque semper cura &  
conatu internis animorum, quàm corporum  
inualetudinibus incumbat.

## CAPVT VI.

### *Impatientia in inferiorum curatione.*

**Q**UAS res ad extrema morbum impellit,  
illiditque afflictam hanc ratem, ten-  
rationum fluctibus quassatam, in breuia &  
scopulos, aut inextricabile periclitanti  
profundum.

Et



LIBER I. CAP. VI. 29

Et sanè non est prudentis medici, desperare de ægritudine, nec destituere egrotum, etiam cum extremo spiritu luctantem; cum non ignoret salutem etiam tantum non ab ultimo spiritu non raro redditam. Et nautæ quoties inter cæli marisque minas naufragio etiam iam facto, collisa naui, totòque oceano fluctuante, tabula salutem repperunt? Quominius decet Superiorem laboribus succumbere: etiam de genu pro filio pugnabit, si pater est; corpusque vitamque pro filij salute obiciet. nam sudorem lacrymæque spargere, vulgare est: sanguinem proinde habens profunder, si qua necessitas occupauerit, quando nimirum in illum locum deductam rem viderit, ut aut pereundum filio, aut sanguis parenti fundendus sit: eoque magis, quò periclitantis de salute filij sollicitudo omni meritò patri vita carior esse debet. ab hac enim temporaria, & non multò post peritura, à filij spiritali vita, aut morte, æterna pendent.

Quòd si oculos Superior ad se reflexerit, morbosque, quibus aliquando iactus, aut iactari etiamnum posset, votaque sua, quibus illis lenari calidè exoprauit, maximè malis sœuientibus, & extrema minitantibus, medicamentaque ad quæ non frigidè respexit; facillè poterit exemplo suo doctus, ingenti non tantum commiseratione, omni indignatione seposita, sed & prompto alacrisque animo benignam

### 30 MEDICI RELIGIOSI

facilemque curationi manum admouere: memor votorum suorum, regulæque illa communi ductus, qua monemur ea & sollicitudine, & amoris ac benignitatis ostentatione, curam agrientium habere, qua similibus malis pressi, nostri ab aliis haberi volumus.

Iuuabit etiam illa cogitatio, quod nihil stolidius omnium iudicio reperiatur, quam cum medicus, paterque aegroto indignatur filio, & pro medicamento asperiora propinat verba. Quis enim non arbitretur, non patrium hoc, sed barbarum esse pectus, quod in mediis febrium ardoribus, malisque precordia exedentibus, pro consolatione & medela, exardescit in aegrum filium? quasi non expleat feritatem illius morbi sanitia, nec satis indignationi suae litatum sit, nisi morbi asperitatem asperioribus etiam verbis augeat. Idem accidit Superioribus, qui interna febris iactato filio minas & indignantia verba pro medicamento propinant: quod enim hæc spectant, nisi ut crescat morbus & precipitio proximum filium ultro impellat pater, qui eripere poterat?

Et Superiorum hæc in suorum morbis indignatio nihil est aliud, quam ingens mali exasperatio: nam ferè ad extrema ex hac profiliunt; & quod leui tactu, mollibusque frictionibus curari malum poterat, ignibus, & securibus tentatur.

Accedit, impatientiam animum conturbans

LIBER I. CAP. VI. 31

curbare, prospectumque salutarium medicamentorum auferre; obuia proinde, ac fortuito oblata arripiuntur, nocitura plurimum magis quam profutura; consequiturque non raro medendi salutisque quædam desperatio, & ex hac totius curationis neglectus. Hinc est illud Sapientis: *Impatiens operabitur stultitiam*. Et, *Qui patiens est, multa gubernatur prudentia; qui autem impatiens est, exaltat stultitiam suam*. Et, *Vir iracundus prouocat rixas, qui autem patiens est mitigat suscitatas*. Prou. 33.  
Prou. 14.  
Prou. 15.

Sequuntur inde graues in inferioribus animorum à Superioribus alienationes, indignationes, oblocutiones, detractiões, animus ad imperata inuoluntarius, ad spiritalia nausabundus, torporque spiritus totius, mærores denique ac melancholiæ graues, ad certum interitum ducentes.

Ingens denique dissidentia nascitur, & cum de parentis affectu desperent, iudicisque auersentur, antè immoriuntur malis, quàm vt ea indignabundo iudici, imprudenti medico, inclementi patri aperiant: *neque enim audent ei necessitatem suam aperire, nisi in vltima desperatione*, cum omnem manum medicam malam superat, cum nihil iam superest præter mortem certam miserrimamque. Bona. de  
6. alia c.  
5.

Audiant verò duriore hi Superiores in suorum malis, grauiter querentem Dominum: *Quod infirmum fuit non consolidastis*. Ezec 34.

## 32 MEDICI RELIGIOSI

quod agrotū non sanastis, quod confractū est non alligastis, quod abiectū est nō reduxistis, quod perierat nō quasistis: sed cū austeritate imperabatis eis, & cum potentia. Audiant monentem: Porta illos in sinu tuo, sicut por-

*Num. 11* tare solet nutrix infantulum. Audiant etiā D. Bernardum: *Vt quid grauatis iugum ve-*

*Ser. 23.* strum super ceruices discipulorum, quorum vos potius iugum portare debetis? ponite enera, producite vbera, pectora lacte pinguescant. Et cū sit proprium officium pasto-

*Cant.* ris docere virtutes, si vitiosos negligit, quos docebit? si medicus fugit agrotos, quos curabit? si fortis iuro declinat impetentes se, quomodo assequetur triumphum gloria? si negotiator negligit merces in quibus magna lucretur, quomodo poterit ditari?

### Remedia.

**G**Loriæ consideratio, quàm è filij ereptione Superior apud Deum hominēque sperare potest ac debet.

Obligationis, qua inferiori, tanquam filio parens, obstringitur, cuius cura illi à Domino demandata, cuiusque animam à Superiore senerè Deus exigit.

Utilitatis, laborantis filij, & corporis vniuersi ex illius curatione, speratæ.

Gratitudinis consideratio, perpetuæque periculis erepti grata memoria & recordatio.

Quòd si ad se oculos Superior reflexerit, ad morbos, delictaque sua; perfacile

ci

ei erit, indignationem ponere, impatien-  
tiam exuere, clementiam & longanimita-  
tem induere. si enim iusta aliqui di-  
gnaque in illum indignatione usus fuisset  
Deus, quoties grauior aliqua offensio in-  
tercessit, in quibus non iam ignibus arde-  
ret? Utatur proinde in delictis morbisque  
suorum ea moderatione, patientia, beni-  
gnitate, quam à parente & iudice Deo suo  
expectat: memor elegantis in hac re sen-  
tentiae Augustini: *Bonitas facit amabilem*  
*disciplinam, & disciplina efficit inculpabi-*  
*lem bonitatem. bonitas sine disciplina deli-*  
*ctorum mater est: & disciplina sine bonitate*  
*tristis quadam amaritudo viuendi. scien-*  
*tiam autem sibi postulat Dauid, ut nouerit*  
*sapienter distinguere qui sint termini bo-*  
*nitatis, & quam debeat habere disciplina*  
*mensuram: ne fortè aut nimia remissionis vi-*  
*tio bonitas inconsulta sedetur, aut disci-*  
*plina durior ipsa sui austeritate crudelescat.*  
Memor etiam illius Sapientis: *Vir iracun-*  
*duus prouocat rixas, & qui ad indignandum*  
*facilis est, erit ad peccandum procliuior.*  
Quare modestè, maturè & benignè ad sin-  
gula respondeat, & imperum feruoris reprimat,  
ne in uoce, aut vultu, seu moribus  
impatientiam ostendat. tunc enim n. agis  
proficit per patientiam, & tandem deuincit,  
quos impetuosè agendo prouocaret. teste Sa-  
piente (Responsio mollis frangit iram, sermo  
durus suscitatur furorem.) vix enim commo-  
tio commotione sedatur. Impatientia enim

Hom. 4.  
inter 50.

Pro. 12.

Bon. de  
6. alis  
cap. 5.

Pro. 15.



*Prælati & Superioris confundit. qua. promovere poterat bona.*

## CAPVT VII.

*Acerbior correctio.*

*Moral.  
lib. 20.  
cap. 3.*

*Epi. 81.*

**D**ui Gregorij Magni verba sunt : *Qui præest, ea se circa subditos mensura moderetur : quatenus & arridens timeri debeat, & iratus amari ; ut eum nec nimia latititia vilem reddat, nec immoderata seueritas odiosum. saepe enim subiectos frangimus, dum plus iusto vigorem iustitia tenemus : qui profecto vigor iam iustitia non erit, si se sub iusto moderamine non custodit. ut bene Iuo : Immoderatus rigor disciplina quas corripit non corrigit, sed in laqueum diaboli precipitanter impellit. qui si frequenteretur, obdurescit subditorum animus, callumque seuerioribus factis monitisque obducit : in consuetudinem deinde ac tanquam in naturam acrimonia vertitur, totusque homo denso quasi sopore aut nebula inuoluitur, ut nec profutura quidem videat.*

*Speratus deinde fructus omnis perit, dum subditi sibi persuadent, ex indignatione quadam animi, perturbatione, alienatione, aut adnato quopiam aut accersito odio monita nasci potius, quam ex commiserantis, aut patris, aut benigni me-*

*dici*

dici affectu, aut emendationis aut perfectionis studio.

Exurgit deinde melioris spei, aut rei, aut amoris loco, exacerbatio, & à Superioribus vehementior alienatio, querimoniis, oblocutionibus, ac non rarò etiam detractionibus permista.

Vilescit denique Superior apud suos; plurimùmque illi de nominis æstimatione decedit, non apud suos tantùm, sed & apud alios. neque enim imperiosior sauiorque illa ratio domesticis limitibus continetur; decurrit per regna, nec rarò ad externos. quæ res non leuiter propagationi diuinæ gloriæ, religionis, ac proximorum salutis impedimento est. Semel enim concepta de Superiore opinio ubi inualuit, excindi vix potest; vt iam non nisi cum muneris abdicatione deponi possit.

Et quid à tali Superiore sperari potest, omnium ab illo suorum animis alienatis? Sanè coacta imperia diu stare non possunt, minùs etiam incrementa sumere. illa atatem sentiunt, diuitéque crescunt augmento, quæ amore ac beneuolentia continentur.

Et in coactis, seruorũ ac mancipiorum more, imperantis oculo deseruient; mens imperia auersabitur: ac si clam esse res possunt, negliguntur. si sauiora imperia cogant, cum fastidio peraguntur, & tanquam de superficie imperata raduntur, nec ultra extremam præceptorum cutem itur.

### 36 MEDICI RELIGIOSI

Accedit, pudore posito, effrons iam animus, cuius teneram frontem acrior correctio indurauit, & depudere docuit, verecundia omni exuta; nec vltra, publicè an palàm increpes, colorem mutabit; stabit interritus, saxo quàm homini similior; & ferè seipsum in duritiem animat; credes cataphractum, & armis vndique cinctum: ita aduersus acriora imperia firmavit pectus. incudem arbitreris, malleis dense subactam, & reperiuentem verbera, adeoque & verberè duriorè, quasi ab illo robur mutuetur.

Et grauis in Superiore error est, ab vstantibus medicationem inchoare: à mitioribus curatio instituenda est, nec ad illa veniendum, nisi vis mali molliora respuat: ac tum etiam cautè & prudenter ad ignes aut nouaculam eundum: vt sentiat æger, non voluntate medici, sed mali necessitate ad illa trahi. conandumque quantum fieri potest, vt ipse æger non illibenter acriora patiaturs; non quòd hæc amet, sed quòd salutem, quam vider sine his non posse parari, desideret. quod vbi Superior tanquam medicus persuaserit, non magno negotio vtrò incurrerit in duriora, ferrumque & ignes si non amabit, feret tamen saluti consequenda.

Verùm magna opus dexteritate & efficacia, potentique persuasione; ac nisi patris senserit manum, non domini, aut facientis indicis, nequicquam sudabitur. quod

## LIBER I. CAP. VII. 37

quòd si verum parentem senserit, induet filij affectù, nec quidquam illi iam atrox, quod à veri patris sibi venire persuaferit dextra; ac plus etiam ab amica huius manu amabit verbera, quàm acriora à iudice verba, aut ab amarulento vultu indignantia monita, imò quàm ab indignabundo ore eementita oscula.

Vnde in omni correctione primò se amare, patrem esse, nec aliud quàm filij salutem velle, inuitum deinde ad duriora venire ostendat: excitétque in subdito filialem affectum, & confidentiæ magnæ fortes imprimat aculeos: operam suam spondeat, commisereatur laboranti: quòd si lacrymas ille profuderit, misceat, si potest, suas: ac quasi consilium petens, roget, quod xgro in tanto malo remedium occurrat: addat deinde aliquid de suo: ac si maiora ille proponat, moderetur & mitiget, & non magno labore rem omnem ad felicem exitum deducet. Bene in hanc sententiam

Augustinus: *Nunquam alieni peccati ob- In c. 6.  
iurgandi suscipiendum est negotium, nisi epist. ad  
cùm internis interrogationibus examinan- Galat.  
tes nostram conscientiam, liquidò nobis co-  
ram Deo responderimus, dilectione nos fa-  
cere. quidquid enim lacerato animo dixeris,  
punientis est impetus, non charitas corri-  
gentis. Dilige, & dic quod voles. nullo mo-  
do maledictum erit, quod specie maledicti so-  
nuerit, si memineris senserisque te in gladio  
verbi Dei liberatorem hominis esse velle*

ab

### 38 MEDICI RELIGIOSI

*De ferm. ab obsidione vitiorum. & alibi: Piè cau-  
Dom. in téque vigilandum est, ut cùm aliquem re-  
monte. prehendere vel obiurgare nos necessitas coë-  
gerit, primùm cogitemus, utrùm tale sit vi-  
tium, quod nunquam habuimus, vel quo  
iam caremus, si nunquam habuimus, cogite-  
mus & nos esse homines, & habere potuisse:  
si verò habuimus, & non habemus, tangat  
memoriam communis fragilitas, ut illam  
reprehensionem, aut obiurgationem, non  
odium, sed misericordia precedat: si autem  
cogitantes nosmetipsos inuenerimus in eo  
esse vitio, in quo est ille, quem reprehendere  
parabamus: non reprehendamus, neque ob-  
iurgemus, sed tamen congemiscamus, & non  
illum ad obtemperandum nobis, sed ad pari-  
ter cauendum inuitemus.*

#### Remedia.

*Moral.  
lib. 13.  
cap. 12.*

**M**ONEMUR à Magno Gregorio: Sunt  
nonnulli ita districti, ut omnem etiam  
mansuetudinem benignitatis amittant: &  
sunt nonnulli ita mansueti, ut perdant di-  
stricti iura regiminis. Unde cunctis rectori-  
bus utraque summopere sunt tenenda, ut  
nec in disciplina vigore benignitatem man-  
suetudinis, nec rursus in mansuetudine di-  
strictionem deserant disciplina: quatenus nec  
à compassione pietatis obdurescant, cùm  
contumaces corrigunt; nec disciplina vigo-  
rem molliant, cùm infirmorum animos con-  
solantur. regat ergo disciplina vigor man-  
suetudinem,



suetudinem, & mansuetudo ornet vigorem,  
 & sic alterum commendetur ex altero, ut  
 nec vigor sit rigidus, nec mansuetudo disso-  
 luta. & alibi: Necesse est ut quisquis sanan- Pastor.  
 dis vulneribus praest, in vino (Samaritani par. 2.  
 exemplo) morsum doloris adhibeat, in oleo cap. 6.  
 molliem pietatis: quatenus per vinum  
 mundentur putrida, per oleum foueantur  
 sananda. Miscenda ergo est lenitas cum se-  
 ueritate, faciendum quoddam temperamen-  
 tum ex utroque, ut neque multa asperitate  
 exulcerentur subditi, neque nimia benigni-  
 tate soluantur. sit itaque amor, sed non  
 emolliens: sit rigor, sed non exasperans: sit  
 zelus, sed non immoderatè sauiens: sit pietas,  
 sed non plus quàm expediat parcens: ut dum  
 se in arse regiminis iustitia clementiaque  
 permisceant, is qui praest corda subditorum  
 & terrendo demulceat, & tamen terroris  
 reuerentiam demulcendo constringat. & an-  
 tè: Curandum ut rectorem subditis & ma-  
 trem pietas, & patrem exhibeat disciplina:  
 atque inter hac sollicita circumspectione  
 providendum, ne aut districtio rigida, aut  
 pietas sit remissa.

Proderit in hac re frequentata hæc cog-  
 itatio; Memento regere, ut regi voles;  
 nec quidquam in alio experire, quod in  
 pari delicto in te nolles. Sepone personam  
 iudicis, indue patris; amari malis, quàm  
 timeri; neque quidquam metu peragas,  
 quod amore possis, memor verborum Pro- Prosp.  
 peri: In domo iusti etiam qui imperant, eis sent. 363.  
 seruiunt,

# 40 MEDICI RELIGIOSI

Lib. 8.  
de sum.  
bone.

seruiunt, quibus videntur imperare. quia non dominandi cupiditate imperant, sed officio consulendi: nec principandi superbia, sed prouidendi beneficentia. Bene Isidorus: Qui delinquentem superbo vel odioso animo corrigit, non emendat, sed percutit. quidquid enim proteruus vel indignans animus protulerit, obiurgantis furor est, non dilectio corrigentis.

Iuuabit diligens personarum & morborum consideratio, prudentium medicorum more; neque enim omnium conditio morbusque eadem medicamenta admittit. & grauissimus error illorum est, qui in omni populo, persona, atate, morbo, tempore, eadem medicamenta adhibenda censent. lenia enim quidam maximo admittunt fructu, dura noxio ferè euentu hauriunt; potentioribus alij exstimulandi sunt, mollia contemnunt, adeoque exasperatur his suauibus malum & irritatur, frustra- neo ac nocituro etiam euentu.

Magna proinde cautione, ac prouida in his circumspectione opus est: minus tamen vniuersim delictum est in mitioribus, quàm in acrioribus peccare: & facilior in illis venia, & promptior emendatio est. quòd si quem viderit conatum superandis malis adhibere, manum illi porrigat qualem laeso sibi aut labenti porrigi vellet, memor Sapiētis: Ne spernas hominem auertentem se à peccato: neque improperes ei. memento quoniam gemmes in correptione sumus. & Apostoli:

Ecclesi. 8.

Si

## LIBER I. CAP. VIII. 41

*Si preoccupatus fuerit homo in aliquo delicto, vos qui spirituales estis, huiusmodi instruite in spiritu lenitatis, considerans teipsum, ne & tu tenteris. talem nimirum, teste Bonauentura, satisfactionem imponite, De 6. aliis per quam agnoscat pondus reatus sui; ita c. 7. tamen clementer, sicut tibi met velles alium compati, si tali peccato delinqueres.*

---

## CAPVT VIII.

### *Paterna gubernationis neglectus.*

**I**llam nisi Superior quâ verbis & externa beneuolentiae ostentatione, quâ rebus potissimum ipsis ex sincero, non simulato paterno affectu natis, ostenderit, ita ut inferior reipsa patrium in se Superioris animum persentiscat, sibi que penitus persua-deat, tali in se Superiorem affectu duci; frustra filialem erga se subditorum amo-rem affectumque sperabit. ut certissima in inferioribus affectuum regula è Superio-rum affectu petenda sit: qui si per omnia patrius sit; filialem etiam in subditis ex-pectet, si sæcularem, politicum & despoti-cum dominatum sapiat; similem in subdi-to affectum speret; famulitiâque potius obsequentiam, quàm filialem, mandato-rumque executionem à timore magis, quàm ab amore natam. nam cum in Superiore

NON

## 42 MEDICI RELIGIOSI

non sentiat inferior patris animum, sed domini, sit ut seruillem, non filialem affectum reponat.

Atque hinc quanta nascantur incommoda & difficultates, nemo paulo prudentior non videat. Suboriuntur enim utrimque diffidentia, & dum solo exterioris placendi studio subditus ad imperata rapitur, superficie potius tenus mandata exequitur: ac si celari facta sua posse putat, aliorum potius, & ad ea, quæ à Superioris voluntate alienissima sunt, ducitur.

Sequuntur deinde utrobique pro re nata suspiciones variæ, animorum alienationes, murmurationes, recta utrinque consilia, ac simulationibus omnia plena. Quod si pergat Superior in hoc neglectu, neglectum in inferioribus excitabit obsequantiæ ac venerationis in se debitæ. neque enim hæc sperari potest, filiali amore à paternæ gubernationis neglectu extincto. Exurgunt deinde solertissimæ in inferioribus, minimorum ac abditissimorum in Superiore defectuum investigationes; carpendi nimirum ac reprehendendi in eo quem auersantur studio, provocati. ita quæ beneuolentia, patriusque amor ac profusio, natûsque ex his affectus regere solet mala, indignatio auersioque è paterno neglectu, ac gubernandi duritie nata, palam aperit, & omnium oculis obicit, adeoque & in virtutibus ipsis im-

pro

## LIBER I. CAP. VIII. 43

probanda numerat. ita subdola & ingeniosa omnis alienatio est, in laudibus damanda reperit. decurriturque tandem in apertum oblocutionum ac detractionum campum: nec usquam, nec ulli altissimè etiam defossæ rei parcitur; ac nec apud externos quidem ac Religionis hostes. milleque excogitantur & inveniuntur modi, iugum à paterno imperio alienum excutiendi. bonis artibus non licet, decurritur ad malas: cùm satis sit dominum excussisse. nam cùm sentiant se filiorum loco non haberi, non agnoscunt Superiorem patrem. & cùm dominum nolint; noménque hoc omne auersentur, ut qui in paternam se vltronea traditione tutelam, non in hominis imperia coniecerint; sit ut nullum molitionum finem faciant, donec se alienis in Superiore à paterna gubernatione legibus exemerint.

Denique frustra apertam conscientiaæ refectionem sperabit Superior talis. ignorabit suorum morbos, labeturque graviter in spiritualium medicamentorum applicatione, in personarum designatione, in munium distributione, ac in vniuersa commissi sibi gregis cura. nam cùm interioris hominis ac conscientiaæ nuda quædam sincerâque in subdito explicatio filialem confidentiam præsupponat, hæc verò paternum in Superiore affectum; sit ut, sit hoc Superior careat, nullis persuasionibus induci inferior possit, ut se tanquam  
 patri



#### 44 MEDICI RELIGIOSI

patri filius aperiat, cuius patrium in se affectum non experitur. & cum semper ve-  
reatur iudicem, aut dominum, non facile se ager ut patri, aut medico explicabit  
teget potius omnia, & se animamque in  
perimentia discrimina coniiciet, quam ut  
in Superiore, iudici ac domino, vulnera  
& quibus iactatur pericula aperiat.

Nascitur verò hic paternæ gubernatio-  
nis neglectus, aut ex ambitiosa dominan-  
di libidine; aut è mentis quodam fastu,  
dictorum factorumque suorum augusta  
æstimatione, aliorum contemptu & ne-  
glectu; aut ab innata quadam asperitate,  
morositate, fastidio, ac nausentis animi  
tædno, dum nil alienum placet, displicent  
omnia, eoque magis quò magis domesti-  
ca; aut ab anima humanarum miserationum  
immemore, mentéque commoueri nescia,  
& malorum in se ignara, aut cæco amore  
sui rerumque suarum abrepta. ut omnino  
optandum sit inferiori, Superiorem con-  
sequi probatum per omnia, qui & mala  
tulerit, & sub aduersantibus ingemuerit,  
de genu pugnauerit, mixtumque puluere  
sanguinem fuderit, remediâque ex se didi-  
cerit, factus ex se ipso medicus, dux &  
magister; quò compati, mederi, anteuer-  
tere mala, occurrere venientibus, aut illa-  
ta pellere sciat: quique è malis periculis-  
que suis reliquos metiarur: qui nihil putet  
esse negligendum, nulli securè indormien-  
dum, nullumque quocunque etiam ex  
cespite

cespite, insurgentem hostem contemnendum, certus à minimis ingentia damna dari, regnorumque etiam validissimorum interitum à minimorum contemptu & neglectu nata; maioraque adeò à minimis illata damna, quò ferè magis neglecta: cum pulso timore mala crescunt, ac nimium seceuros sui inopinatos opprimunt.

### *Remedia.*

**F**requens in Superiore cogitatio paterni in omnes affectus Dei. vt ad illius formam & imitationem paternam in sibi commissos gubernationem instituat; maximè cum cogitauerit, præesse se illis, quos cælestis Pater in filios sibi adoptauit, coheredes vnigeniti Filij sui. quæ dignatio meritò vnumquemque Superiorem in paternum affectum excitabit, omni despotico deposito, ac quasi in exilium acto.

Suo deinde se Superior pede metiatur, videatque quales in se Superiorum suorum affectus optet, patrios an despoticos: excitetque in se tales, quales aliorum in se desiderabit. Certissima hæc bonæ ac religiosæ gubernationis regula est, qua fortiter sibi serióque proposita, non facilè Superior à recto aberrabit.

Amari velit, non timeri; cogitetque imperata ab amore nata, ab amore peracta, diuturniora, sinceriora, tutiora, pacatiora, & laude etiam digniora esse.

## 46 MEDICI RELIGIOSI

Perpendat secum frequenter, quanto filialis amor seruili timori præponderet: illum verò sperari non posse, nisi ipse prius paternum in suos affectum induat.

Iuuerit etiam in primis, si vltronea & non rogata beneficia, ac sollicitudinem in suorum necessitatibus impendat, idque infirmitatis potissimum tempore, siue ab animo illa, siue à corpore profecta fuerit. paternè compatiendo, remedia malis præscribendo, vltrò compellando, excitando, ac in spem meliorum prouocando, opem suam operamque pollicendo, medicum in corporum morbis consulendo, in omnem demum fiduciam, spemque paterni in se affectus inferiorem excitando. doleat cum dolente, commisereatur patienti, ac in omnem se formam vertat, vt suorum salutis consulat; cogitétque se non tantum patrem, sed & pro rerum exigentia matrem; vt etiam vbera norit præbere sitientibus, melláque vináque iis, qui amaro ac tristi sunt corde: nec quidquam omnino intentatum relinquat, quod patrius, adeoque & matris suggerere in carissimorum filiorum ægritudine affectus solet. multa patrum matrumque exemplo perferat, quamdiu infirmitas ægrum filium tenet; nec faciliè ad grauiores admonitiones accedat, quamdiu malum sæuit, febrisque siue illa animi, siue corporis languentem filium possidet: pulso malo, tum demum seria, sed paterna tamen, si necessum, monitio

nititione agat : ita vt sentiat subditus , à paterno , non ab indignabundo & despotico affectu monita nasci.

*Quòd si admonitiones paterna, & benigna Bon. de instructiones frustra fuerint adhibita , imi- 6. alis, tandi erunt periti medici, qui non ex odio, cap. 4. sed amore ferrum & ignes, aliáque remedia insuauia agrotis adhibent.*

Imitetur deinde in suorum malis Apo- Bonau, stolum, pro Corinthijs semper gratias agen- supra, tem, pro Ephesijs genua flectentem, pro Phi- cap. 4. lippensibus omnibus semper in cunctis orationibus cum gaudio deprecantem , pro Colossensibus non cessantem postulare & orare, Thessalonicensium memoriam facientem in orationibus sine intermissione; atque cum eodem Paulo dicat : Filioli mei, quos iterum Gal. 2. parturio, donec formetur in vobis Christus. sic enim fiet, vt in quam volet partem ac virtutem suos ducat: maximè si præeat ipse exemplo, ac dux facti fuerit. neque durum erit filio patrem sequi, & generoso, nec degenerare calcatu, æmuláque quadam laude, anteambula illius vestigia premere, vt vel solo etiam rubore secuturus sit filius si patrem agnouerit, paternúmque in se pectus ac sollicitudinem expertus fuerit. neque enim credi potest quantum in omnem partem intentus patris animus, ac de filij profectu ac salute sollicitus, possit, quantum ad ardua quæque laudenda calcet addat, & incitamentum præbeat.

## CAPVT IX.

*Exigua cura interni spiritus.*

**H**inc paulatim succrescunt zizania, & dum cultura negligitur, siluescit ager, spinisq; ac sentibus repletur; fecundusque antè gratúsque Domino, sterilefcit; & quæ vuas solebat, labruscas vinea profert.

Nascuntur deinde pro spiritualibus sæcularia, & quæ priùs super niuem dealbata erat anima, nunc densa nocte tegitur: inuoluiturque tetra ac inimica spiritualibus nube, quæ fulgoris sui radios longè antè latèque multorum bono variè spargebat. sermo illi priùs, dum super grege suo excubabat Superior, cælestis, diuinarumque rerum grauidum pectus diuina profundebat; nunc illius neglectu, nil nisi nocitura, & sæculum suum sonantia promit.

Teperescit inde Religiosus, & pro arduis, nausea quædam succedit spiritualium rerum, nec vltra suauem sibi optatumque cibum amplectitur anima; magis etiam fastidit ac spernit, & toxica illi videntur, mortèque acerbiora, quibus antè ingenti plenus gaudio lætus pascebatur.

Et vti nulla ferè re alia quàm cultura neglectu perit ager, ita nulla re alia magis quàm interni cultus neglectu Religiosus.

**Cum**



## LIBER I. CAP. IX. 49

Cum enim natura proni ad zizania simus, vt nihil præter tribulos, solis ignibus natos, relicta sibi natura proferat; sit, vt nisi assidua cultura, diligensque in omnem partem studium accesserit, frustra horreo Dominico reponendam messem speres. Quin adeò, nisi perpetuetur labor, hinc putando, ibi vellendo, alibi radicitus excaudicando; ferròque etiam & ignibus nõ raro sæuendo; suffocabitur quidquid melioris seminis superieceris, miraberisque indolebísque serò, nihil messi, aut horreo seponendum relictum esse.

Deterius etiam est, quando nõn tantum negligitur interni spiritus cura, sed contrariis etiam nocituris distinctur; aut secularium occupationum anxia sollicitudine tantum non insepelitur animus, vt erigere ad superna, aut inflectere ad interna se non possit, mole aut tempore sæpe ipso exclusus, vt in desuetudinem planè interni cultus veniat. sic enim fit, vt etiam dum volet, omni conatu ad spiritus culturam se attollere nequeat, negotiis tanquã molaribus aut rupibus oppressus: quæ ubi totum insederunt hominem, vertutur quasi in naturam, & domestica fiunt, nec expellendi potestas reliqua: imò cum vna ferè ex alia occupatio ac negotiatio nascatur, ac velut in densò nemore arbores mutuo implicentur, aut tanquam hedera parieti, sic animis innodetur, nulla aut arte aut industria repellas.

## 50 MEDICI RELIGIOSI

Deterius etiam, cum ex assuetudine secularium rerum delectatio quædam subnascitur, quæ ipsa magnitudine ac multitudine sua si crescat, frustra cælestia cogitabis. oblectatione enim rerum humanarum animus captus, non metitur æterna, nec cernices ad futura circumfert, nec ad illum perennem cælorum solem perpetua negotiorum nube nebulæque cinctus, oculos despectit: inhæret nimirum terræ, assuetus illi; omnemque cogitationem suam, & quidquid habet virium, profundit in sæculum, ut nullum super sit interno spiritui robar, quod omne pondere suo & oppresserunt & enigorarunt res aliæ: neque duobus in solidum se dare mens humana, nisi singulari Dei munere, potest.

Iam ea externarum internarumque rerum pugna est, ut perquam difficile mutuo socientur, ac ferè altera alteram pellat, nec in vno itabulare soleant pectore. Quod si quis contendat posse: ingens sanè illud necessum est esse & robore, & vastitate sua nobile. quod perrarò in hac vita concessum est homini, & è millibus vix vni aut alteri. Tam enim ex aduerso pugnantibus, & quæ ferè totum hominem deposcunt, incumbere, arduum omnino est, & quod humanas propè vires excedit. quantum enim plus vni concesseris, tantum alteri ademeris. crescunt secularia? decrescunt spiritualia, auctibusque illorum hæc minuuntur: mensque  
tota

LIBER I. CAP. IX. 51

tota ab illis obfessa, vix cælestibus locum dare potest. non possumus nimirum simul mammonæ, seruire & Deo. alter destituendus est. partiri obsequia dominorum disparitas non permittit. nec inimica signa aduersantia in vna sacramenta concedūt. vni qui se sacrauit, alterius hostilitatem professus est. Dabit proinde se Religiosus Deo, diuinisque se totum mancipabit, cuius rei potissima cura à Superioris vigili studio dependet: à quo commissi sibi gregis rationem deposcet Deus, animæque sanguinemque suorum, salutemque interitumque illi in primis ascribet, vt à cuius seria ac in omnem partem intenta excubatione, aut neglectu, tota ferè subditorum salus pendeat.

*Remedia.*

**S**eria in Superioribus inuigilatio in spiritali profectum suorum, diligensque observatio singulorum, quem quisque ex orationibus fructum, quem ex mortificationis studio referat; quàm seriò singulis his incumbant; quo ardore ac zelo in proximorum salutem ferantur, quem in virtutibus progressum faciant.

Accurata conscientie & non perfunctoria redditio, vt se totum aperiat inferior, quò nihil internarum rerum Superiorem lateat. inlatentia pericula, meritò metuenda danina cognoscat, quò tem-

## 52 MEDICI RELIGIOSI

perare moderarique externarum rerum curam possit, sciaturque quibus illa tutò, ac minori spiritus detrimento committi possint. quam ille cognitionem nulla è re certius, quàm ex inferioris sincera refectione cognoscet.

Moderatio domesticarum recreationum, maxime in iis quæ secularitatem sapiunt, aut minus religiosam consuetudinem, ac modestiam.

Remotio ac resectio secularium negotiorum, quæ spiritum atterere solent, languoremque torporémque inducere. seponat proinde, quantum licet, externa, quicquid interna amat. si ab obedientia ad illa agatur, quantum potest temporis animo suffutetur & Deo. non potest horas integras: potest medias. negatur mediæ? defrustrare ex his modica potest. Neque ullæ tam dense ac implexæ occupationes sunt, quæ frequentibus ad Deum aspirationibus iter claudant. etiam in medio foro, inter rostra & forenses actiones euolare ad cælum mès potest. libera nimirum suspiria sunt: nec ullis compedibus, aut agendarum rerum molibus impediuntur: nulla hæc tyrannis aut exercitus intercludere possunt. quibus si assueuerit animus, & familiares sibi aspirationes fecerit, etiam inter sæculi huius asperrima coniuncta mens viuet Deo. Quòd si neglexerit salutaribus hisce mentem pascere, mirabitur non multò post exanguè pectus, emedullatum cor, vitalibus suis

suis destitutum: seròque ingemiscet, & retrò respiciet, aut ad meliora manum pro-  
tender, ingenti vndique mole oppressus.

## CAPVT X.

*Remissio in gubernando.*

**N**Equè enim satis est, mala vitare: nam  
& seruus. sciens voluntatem domi-  
ni sui, & non faciens, plagis vapulabit mul-  
tis: & ferè ab eiusmodi Superioris remis-  
sione omnia mala nascuntur. vniuersa enim  
religiosa disciplina labascit: qua cadente,  
tanquam referato vitiorum aditu, omnia  
simul subintrant mala. nam cum natura  
proni in libertatem ferè trahamur; si desit  
obseruator, censor, monitor, sponte in no-  
citura toto imperu volumur, & iam lice-  
re arbitramur, quod Superiorum indul-  
gentia permittitur.

Quid? quòd non repressa vitia virtutis  
nomen sortiuntur, abeuntque tandem illa  
in naturam, cum familiaria ac domesti-  
ca facta fuerint. seròque Superior medi-  
cinam cogitat, cum vniuersum homi-  
nem, domumque agritudo occupauit;  
quod in Superiorum ignaua clemètia fie-  
ri consuevit. Quare si aut naturæ quadam  
facilitate, aut noxiis illis opinionibus Su-  
perior ductus, quibus quidam arbitrantur



omnia omnibus concedenda, nulli petita neganda, numquam peccari posse clementiâ, nulla remissionis delicta esse, sola beneuolentia subditos in officio continendos; metum omnem; increpationes, monita grauiora seueriorâque abesse à religiosa domo debere; solius benignissimæ matris, ac de sinu & vbere lactentis ac ludentis personam induendam, numquam maturioris patris, minùs etiam iudicis, minas pròinde poenâsque ab hac domo ablegandas; quare ad quod quis vltro non properet ac propendeat, numquam compellendum, sed neque generosioribus in quacumque ægritudine medicamentis vtendum, consultiùsque esse ægrum inter dulcia & mellea perire, quàm per ignem & ferrum conualescere: si his inquam Superior tanquam certis gubernationis regulis inhæserit, vniuersam religiosam domum euertet, peccabitque in ipso bonæ gubernationis limine. neque quidquam ad reuellenda omnia religiosa firmamenta potentius reperiri potest; quòdque certiùs cum omnium religiosarum familiarum institutione pugnet. sperare enim singulos suoapte ingènio virtutum semitam decursuros, nec ad dextram aut sinistram declinatu-  
 ros, nullis incitamentis tanquam calcaribus impellendos, nullis cohortationibus grauioribus metumque incutiētibus, ab omni omnino rectæ gubernationis regula aberrasse est. quò enim in

omni Religione regulæ, constitutiones, monita, & alligatæ transgressoribus pœnæ, si singula singulis permittenda, si nullius vultus contristandus, nemo mœrore afficiendus, nihil negandum roganti? Imò quòd Superior, & obedientia tota? neque enim aut Superioribus opus est, si cuiuscumque propensionibus obsequendum est; aut obedientiæ locus est, si omnium desideria Superiores expleant, permittantque singulis quòd cuiusque voluntas, aut pronus in quamcumque rem animus suaserit: quin magis Superiores inferioribus obtemperant, & illorum in his veriùs, quàm horum obedientia est.

Accedit, quòd hæc Superiorum remissio affinis interminatoriæ nauseantis Domini sententiæ sit, *quia tepidus es incipiam te euomere ex ore meo*, vt fastidire illum videamus languorem hunc, & tanquam nauseantis à tepore fœdissimi vomitus protrimendum: eo magis quo nocentior hæc Superiorum quàm inferiorum remissio sit, cùm illorum eat in exemplum, obambulet regna, ac in posteritatem etiam virus saum iaculetur. quo fit, vt quidquid delictorum ex hac remissione ortum fuerit, in Superioris caput redundet. Hinc est illud Gregorij. admonendi sunt, *nedum nimis humanam pacem desiderant, prauos Past. p. 3. hominum mores nequaquam redarguant, & c. 23. consentiendo peruersis, ab auctoris sui se pace disjungant: ne dum humana foris*

36 MEDICI RELIGIOSI  
*iurgia metuunt, interni fœderis discussione  
ferantur.*

Nolo tamen in Superiore nimium rigorem, nolo perpetuam seueritatem, vultum contractum, imperia sæculum redolentia: amorem volo & ex amore imperia nata: hîc patris; ibi matris, alibi, medici, sed & iudicis, si qua necessitas occurrerit, personam indui. quinimò minùs noxia perpetua patris dextra, quàm matris vbera sunt, minoribûsque periculis obnoxia rigidior quàm mollior semper manus; vt non tam certa præcipitia sint à ferij semper obseruatoris fronte, quæque nusquã parcere didicit, quàm à molli materno sinu; neque toties in pœnitenda, ac nullo post ingenio aut arte emendanda cadet, qui nullâ maturitatem, grauitatem, seueritatem clementiâ, quàm qui nullâ clementiam seueritate temperat.

Et Dei exemplo discimus etiã in amicissimis mollia seuerioribus miscere, neque semper mella propinanda, & asperioribus nonnunquam monitis Domini exemplo in Petro, etiam carissimos coërcendos. nunquam crescit in virum, qui de materno semper collo pendet & vberibus. per aspera & dura ad magna contendimus. nunquam ad sui vitiorûmque prauorûmque affectuum cognitionem ac victoriam deueniet, quem remissus Superioris animus mollibus semper fouet, metuitque redarguere, aut maturioribus monitis

nitis ab illicitis nociturisque reuocare. Sane quem diligit Dominus, castigat, ut amoris indicium castigatio sit; & non castigasse, non amasse sit. Nunquam verò na verborum quidem maturiore castigatio opus esse, à celo, non à sæculo sperandum est. quinimò vsitatissimum in omni Religione est, optimos etiam viros, ob leuia & diurna delicta quædam, grauius fortiùsque suprâque delicti magnitudinem moneri, non tam delinquentium quàm aliorum causa, ut dum patientiam in non promeritis intuentur, discant in meritis animum componere, & ad modestiæ normam dirigere.

Iam quid sperari potest à familia, cui Superioris remissio in omnem libertatem habenas laxauit, in qua cuique voluntas sua pro regula, affectus pro Superiore est? quid non timeri? exulat paulatim hinc omnis virtus, succedant vitia, ad quæ natura quasi obtorto collo rapimur. sed & in ipsum Superiorem insurgitur. sequitur remissionem venerationis neglectus ac contemptus, è quibus eblocutiones nascuntur ac detractiones. Nec priuatis hæc parietibus cōtinentur, viciniam complent, vrbesque totas peruagantur, plurimumque apud externos de sanctimoniæ ac probitatis estimatione detrahitur; à quibus initiis sperata animarum salus corrui, quam venerationis & auctoritas, & conceptæ probitatis opinio ferè tutatur & prouehit.

## 58 MEDICI RELIGIOSI

*Petrus  
Chryso.  
in epist.*

*Hac est illa remissio per quam vnus adificat parietem, & alius linit, per quam laudatur peccator in desiderijs anima sua: imò per hanc canes muti non valentes latrare per consensus uniformitatem, faciem & similitudinem peccatorum assumunt, sicut scriptum est, Vsq̃uequò iudicatis iniquitatem, & facies peccatorum sumitis?*

### *Remedia.*

**F**requens recordatio commissi sibi à Domino gregis, seuerat̃que exactionis concedit̃ sibi villicationis.

*Epist.  
76.*

Incommodorum, quæ ex hac remissione nascuntur, apud animum suum commemoratio, vt illorum magnitudine terribus magis seriam excitatamque gubernandi rationem induat. De Heli D. Leo: *Meruit eorum delicta tolerando, diuina iustitia vnà cum filijs sententiam experiri, propterea quòd segni indulgentia dissimulauit plectere peccatores.*

Fortis tenaxque instituti obseruatio, frequensque in se prouocatio amoris vocationis suæ: sic enim fiet, vt cum seipsum tanquam discusso somno excitauerit, aut tanquam depulso frigore in amorem instituti sui inflammauerit; nihil omittat illorum, quæ ad Religionem sartam tectam seruandam necessaria sunt, in omnem bene agendæ rei occasionem intentus. Neque difficile est, ad quæ amamus potenter ferri,



ferri; & generoso ausu difficilia quæque  
transuolare, nulla magnitudine terreri,  
nullius vultum pertimescere, nec ferrum,  
nec ignem perhorrescere, quando pro-  
posito sibi fini necessaria sunt, ducuntque  
ad rem amatam, nec alia via ad illam. Ex-  
citet verò se Domini verbis: Confortamini, <sup>2. Para.</sup>

*& non dissoluantur manus vestra: erit enim* <sup>15.</sup>  
*merces operi vestro. Ista manus Prelati sunt* <sup>Bona. de</sup>  
*instantia in agendo, & patientia in suffe-* <sup>6. alis</sup>  
*rendo, quod grauat. quæ si non dissoluantur* <sup>cap. 5.</sup>  
*per desidiæ, seu intolerantiæ, merces eter-*  
*na ei cumulat.*

Diligens regularum omniumque con-  
stitutionum obseruatio. faciet hoc omnis  
vacationis suæ amator, cui vigor & insti-  
tuti valetudo bona cordi est, qui lacertos  
illius, robora, coloremque sanguinemque  
totiusque corporis habitudinem bonam  
amat. cumque illa in animi remissione  
stare non possit, excutiet torporem hunc,  
vigilique cura in exactam illarum obser-  
uationem incumbet, nullis etiam acribus  
medicamentis parcendo, quando tuendæ  
valetudini necessaria sunt.

Proderit etiam, si tacitus secum sæpe co-  
gitauerit, in omnibus omnino rebus hu-  
manis, nisi assidua cura indefessumque stu-  
dium intercesserit, labascere quidquid  
magnum. videmus hoc in hortorum, ne-  
morum, vinearum, agrorum cultu. quo-  
ties in illis noxia euellenda, putanda: quo-  
ties ferro opus & durior manu? quoties

à radicibus saviendum? nec summa tantum arborum secanda, quin & euertenda sursum deorsum omnia, visceraque rimanda, siquod fors nociturum abditum latet fibris, siquæ sterilitas defixa inhæret terris. sed & ab ignibus fœcunditas petitur, & sterile solum flamma fœcundatur. vsque adeò saviisse prodest. Idem in animorum hortis vsu venire discet, quisquis euenta rerum maiorumque exempla serius inuestigator lustrauerit.

Neque interim desperabit aut concidet animo Superior, si non omnia è votò ipsius successerint. Neque enim mirum si omnes conatus animarum rectoris non proficiant in omnibus, cum nec Dei operatio proficiat in omnibus ad salutem ipsorum. Omnia enim qua seminantur non conualescunt, & qui thesauros effodiunt, libenter multam terram eruderant, ut modicum auri vel argenti reperiant. Animare verò debet rectorem ad laboris tolerantiam, quod non minùs meretur in illis qui deficiunt, quàm in his qui maximè proficiunt. Plus laborat doctor in indocili, quàm in docili discipulo, & ideo apud iustum astrictiorem laboris plus meretur. In terra sterili & saxosa agricola plus laborat, & si fructus paucior, sed fructus maior. Et qua difficiliùs elaborantur, sape cariùs venduntur.

## CAPUT XI.

*Facilitas, & indulgentia nimia.*

**D**Vm à recto bonoque, & instituti regula se patiuntur Superiores abduci, idque aut innata quadam morum lenitate, aut difficultatibus victi, aut molestiarum fuga, aut monitorum fastidio; aut quòd blandi facilisque haberi velint, aut denique omnibus placendi studio: quas res omne Religionis robur exedere, nemo non videt.

Neque enim deerunt vnquam optimarum legum transgressores, qui si viderint Superiorum conniuentiâ impunè omnia peragi, ad deteriora paulatim descendant, ad ea nimirum quæ ferro & ignibus indigeant. quod vbi accidit, merita cadit in Superiores querimonia, qui cum nullo negotio principis obitare possent, maluerunt quauis etiam permittere, ne quem suorum leui offensionis metu terrent, aut à se auerterent; quos postmodum eò patiuntur grauiores aduersarios, quò acrioribus in inueteratis malis eruendis, remediis opus est.

Et sanè non est hic amor, odium veriùs est, & hostile, non patrium pectus; cum quæ non magno negotio posset in filiorum morbis pellere, crudeli indulgentia ferrum

## 62 MEDICI RELIGIOSI

ferrum iubet expectare : dum dilata curatione computrescit membrum, & sola iam sectione & ignibus mederi malo potest. Sanè qui amat, qui pater est, initiis medetur, peccantem filium corripit, non parcit. parcere odisse est, corripere amasse est. Hinc illud in exemplum omnibus Superioribus: *Quem diligit Dominus, corripit, & quasi pater in filio complacet sibi.* Apud Apostolum: *Quem enim diligit Dominus, castigat: flagellat autem omnem filium quem recipit. In disciplina perseuerate. tanquam filiis offert se vobis Deus: quis enim filius quem non corripit pater? quod si extra disciplinam estis, cuius participes facti sunt omnes, ergo adulteri, & non filij estis. omnis autem disciplina in presenti quidem videtur non esse gaudij, sed mœroris: postea autem fructum pacatissimum exercitatis per eam reddet in utilitatem. Propter quod remissas manus & soluta genua erigite, & gressus rectos facite pedibus vestris, ut non claudicans quis erret, magis autem sanetur.* Quæ si negligent Superiores, nec se veros patres, nec inferiores filiorum loco habent, nec imitatores Dei sunt, qui de se ipso, Ego quos amo, arguo & castigo; ut apud Dominum arguisse & castigasse, amasse sit: ergo non castigasse, non amasse, adeoque odisse sit. Hinc est illud: *Qui parcit virga, odit filium. hoc est, qui sub specie pietatis peccantem non corrigit animam eius ad interitum mittit.*

*Prou. 3.*

*Heb. 12.*

*Apoc. 3.*

*Bon. de  
6. alis  
cap. 7.*

Nequs

LIBER I. CAP. XI. 63

Neque quidquam in Religione male-  
rum est, quod ex hac Superiorum indul-  
gentia non nascatur, & magnis vbique au-  
ctibus ingentia incrementa non iumat.  
omnia enim vitia sub hac arbore tanquam  
matre succrescunt, pullulantque ab hoc se-  
mel spatio iactoque ignauo semine. Nam  
cum natura ferè prona ad vitia simus, si  
deit qui huic animarum horro seriam sol-  
licitamque manum admoueat, vereris ho-  
minis reliquationes cruderet, surgentia  
euellat zizania, puratori incumbat, fœcū-  
dioribus melioribûsque syluestria inocu-  
let, noxiorumque fruticum, ariderumque  
radices ipsas excaudicet; syluestret, & in  
miricas exurget.

Iam cum indulgentem vndeque Supe-  
riorem viderit inferior, quid nisi malo  
malum adnectat? probare fors arbitra-  
bitur, cum non improbet. in Superiore enim  
non improbasse, probasse videri potest;  
ut qui damna cum possit non fugit, amasse  
videatur; qui nocitura non detestatur, lau-  
dasse censeatur. omnia proinde quæ eue-  
niunt aut subnascuntur mala, vni Supe-  
riorum indulgentiæ merito adscribi pos-  
sunt.

Familiares verò in primis est, ex hac in-  
dulgentia, tanquam è semine ac radice,  
pullulascere mutuas æmulationes, animo-  
rum alienationes, murmuraciones & oblo-  
quia, sæculares mores, detractiones, labo-  
rum fugam, regularum omnium negle-  
ctum,



#### 64 MEDICI RELIGIOSI

Etum, spiritus teporem, ac mentis quoddam frigus ac gelu; orationis omniumque propè spiritualium rerum nauseam, ac quendam quasi caelestium & spiritualium vomitum. nam sperare ut cum quemque sibi reliqueris, singuli in solidarum virtutum studium incumbant, fatuæ cuiusdam fiducia est; maximè in iunioribus, quibus non exigua etiamnum vitiorum inhærent vestigia, aut necdum in integrum domitis iis ac consulptis; aut è tenera adhuc cicatrice, nouum è non vehementi frictione, imò non rarò è neglectu solo, vulnus timeri potest: adeoque cineribus adhuc tectus ignis veriùs, quàm extinctus est, qui indulgentia hac, & Superioris conuiuentia ac incuria, perfacile in nouas exurgere potest flammæ; ut proinde perpetua opus Superioris vigilantia sit, & in omnem partem circumspectione, ne vel noua exurgant, vel erumpant vetera.

Intentam proinde ad singula mentem, oculosque teneat, etiam ad infima fratrum munia. dici enim non potest, quantos hac vigilantia curaque animos addat, quàm validè omnes in officio contineat, dum obseruari se, siue in remunerationem & laudem, siue in serias monitiones sentiunt; dùmque ibi veri patrisfamilias in filios intuentur affectum, alibi medici anxiam de suorum valetudine sollicitudinem; modò pastorem commissio sibi gregi inuigilantem; modò Superiorem in subductionem

## LIBER I. CAP. XI. 65

ductionem rationum subditorum suorum incubantem; in omnibus denique serium inuestigatorem & obseruatorem, quémque nihil domesticarum rerum fugiat. semel enim concepta hæc opinio omnes in sedulam commissarum sibi rerum executionem prouocat, dum in oculis se suâque Superioris perpetuò versari arbitrantur.

Es ferè qualis ipse est, tales inferiores experietur. negligens ipse & incurius est? socordes & ignauos expectet inferiores. vigilans & serius? excitatos promptosque consequetur. tantum in vtiâ que partem exemplum parentis, ducis, medici, Superioris valet, vt ab huius ferè motibus de reliquis iudicium ferre queas, & bona sperare, aut timere mala possis. diligens ipse, & vigilans, ac in omnem partem intentus? similes experietur inferiores. Quid si inter hæc deliquerit aliquis, & culpa poenam mereatur, memor sit Sapientis: *Pestilente Prou. 19.*  
*flagellato, stultus sapientior erit: si autem corripueris sapientem, intelliget disciplinam.*  
 & alibi; *Vir prudens & disciplinatus non Eccli. 10.*  
*murmurabit correptus.* Si murmurauerit, habemus eundem interminantem: *Viro, Prou. 29.*  
*qui corripientem dura ceruice contemnit, repentinus ei superueniet interitus, & illum sanitas non sequetur.* & prudenter alibi monet: *Melius est à sapiente corripì, quàm Eccli. 7.*  
*stultorum adulatione decipi.* Hinc illud *Psalm.*  
*Psalmistæ votum; Corripiet me iustus in 140.*  
*misericordia, & increpabis me: oleum peccatoris*

## 66 MEDICI RELIGIOSI

*oris non impinguet caput meum.*

*De sex  
alis c. 3.*

*Sap. 6.*

*Cap. 33.*

Quòd si errantes & ab instituto defle-  
ctentes neglexerit Superior punire, audiat  
Bonauenturam : Si non corrigit delinquen-  
tes, si permittit sub se vitia crescere, & con-  
suetudines malas oriri, & iam exortas robo-  
rari & dilatari, si videt Ecclesiasticas obser-  
uationes dilabi, & transgressionem multipli-  
cari, & pro posse non obuiauerit tam presen-  
tibus malis, quàm imminentibus; triplicem  
Deo reddet rationem. Primò, pro sua negli-  
gentia, quando non fecit ad quòd officio te-  
nebatur. nam ait : Cùm essetis ministri re-  
gni illius, non rectè iudicastis, nec custodistis  
legem iustitia, neque secundum voluntatem  
Dei ambulastis. Horrendè & citò apparebit  
vobis, quoniam iudicium durissimum his, qui  
presunt, fiet. Secundò, quòd omnia peccata  
subditorum, qua poterat & debuerat corre-  
xisse & precauisse, imputantur ei. unde di-  
cit Ezechiel : Si non fueris locutus, vt custo-  
diat se impius à via sua, ipse impius in ini-  
quitate sua morietur : sanguinem autem  
eius de manu tua requiram. Tertiò, pro abu-  
sione honoris & potestatis sibi collata, quam  
ad propriam gloriam & commodum retorfit,  
& non ad quòd data ei. Tollite ab eo talen-  
tum (ait Christus) & inutilem seruum eij-  
cite in tenebras exteriores, ibi erit fletus &  
stridor dentium. Ostendat ergo bonus zelator,  
quantum diligit Deum, in eo quòd benepla-  
citur eius in se & in alijs promoueat : nec  
ab hoc zelo mollescat per desidiam, nec labore  
lasse

*lassetur, nec cōsilijs flectatur, nec astutijs circumueniatur, nec amicitia, nec blandimentis deliniatur, nec minis terreatur, nec per diuturnam praua consuetudinis praescriptionem desperet, quin suū officium exequatur.*

### *Remedia.*

**F**Requens malorum, quæ ex hac indulgentia nascuntur, consideratio, bonorumque, quæ ex accurata regularum omniumque ordinationum obseruatione promanant, ut à quibus Religionis valetudo bona, flos, viror, roburque pendeat.

Pœnitentiarum in Religione receptarum usus, quas uti neque acerbiores, ita neque indulgentiores esse conuenit: quod si quando morbi vis ac malignitas acriores adhibere cogat; sentiat tamen infirmus, à paterno hæc affectu, & valetudinis studio, non ex animi exacerbatione, aut solius iudicis tribunali proficisci, verbis ad omnem suauitatem ac mansuetudinem compositis, quæ amorem, & emendationis desiderium, non vindictam, aut minùs ordinatum affectum loquantur. bene Sapiens: *Corripe amicum, ne forte non intellexerit* & *Eccli. 19. dicat, Non feci; aut si fecerit, ne iterum addat facere.* quo magis inferiorem, qui Superiori filij loco est?

Exempla hîc proponi possunt ab omni Reipub. militiæ, priuatæ etiam familiæ, filiorumque institutione; cum pleraque ex illis

## 68 MEDICI RELIGIOSI

illis nimia Superiorum lenitate, & ignaua quadam facilitate perierint; & quæ aut opibus aut robore prima, ad humilem ferre arenam, hostiliâque genua deducta fuerint. & grauis sanè in indulgentiorem in peccata filiorum suorum Heli sententia

1. Reg. 3. Domini est: *Eò quòd nouerat indignè agere filios suos, & non corripuerit eos, idcirco iurauit domui Heli, quòd non expietur iniquitas domus eius victimis & muneribus usque in aeternum.* & secuta prædictionem misera

2. Reg. 4. randa indulgentis patris mors. *Cecidit de sella retrorsum iuxta ostium, & fractus cervicibus mortuus est.* in quem locum est il-

Past. par. lud Gregorij: *Quia falsa pietate superatius*

2. cap. 6. *ferire Heli delinquentes filios noluit, apud districtum iudicè semetipsum cum filijs crudeli damnatione percussit. ut meritò Superiores omnes terrere hoc exemplum debeat.*

## CAPVT XII.

### *Diffimulatio in suorum malis.*

**D**Vm verentur Superiores, ne mœrore afficiant suos, ne offendant, ne à se alienent, ne querimoniæ subnascantur, ne pacata turbent. Hinc conniuentiæ, religiosæ disciplinæ relaxationes, omniumque pedetentim neglectus, dum à paruis initiis ad maxima properamus: familiare in



LIBER I. CAP. XII. 69

in humanis malum. de his autem Superioribus dici illud Prophetæ ex persona increpantis Dei potest: *Speculatores eius caci omnes, nescierunt uniuersi, canes muti, non valentes latrare. & illud: Quid si speculator viderit gladium venientem, & non insonuerit buccina, & populus se non custodierit, veneritq; gladius, & tulerit de ijs animam; ille quidem in iniquitate sua captus est, sanguinem autem eius de manu speculatoris requiram.* Speculatores Superiores sunt, qui si munere suo functi fuerint, periculorum monuerint, nec inferiores obaudierint, meminerint illud Domini: *Despexistis omne consilium meum, & increpationes meas neglexistis. Ego quoque in interitu vestro ridebo, & subsannabo, cum vobis id, quod timebatis aduenerit. cum irruerit repentina calamitas, & interitus quasi tempestas ingruerit: quando venerit super vos tribulatio & angustia. tunc inuocabitis me, & non exaudiam: manè consurgent, & non inuenient me, ed quòd exosam habuerint disciplinam, & timorem Domini non susceperint, nec acquieuerint consilio meo, & detraxerint vniuersa correptioni mea.* Sanè qui Superioris correptionem contempserit, Dei contempsisse iudicandus est, cum vices Dei Superior obeat. quò maior etiam cura Superiori incumbit, cui vices suas commisit Deus, seueram ab eo expecturus rationem commissi sibi gregis: cuius non tam affectum ac propensionem, quam

PROV. I.

33.

Exech.

Isai. 56.

## 70 MEDICI RELIGIOSI

quàm necessitatem ac vtilitatem intueri Superior debet, Deique ac patris personam induere.

Non est autem veri patris nocitura filiis permittere ne doleant. prudentes illæ lacrymæ sunt, quæ excutiuntur noxiorum amotione: ingemiscat filius, dummodo perimentia amoveas, bene est; ne seriùs postea ingemiscat pater, & non profuturas profundat filius lacrymas, parentis dissimulatione natas. Non est amor, venena permittere, & nociturum ferrum: odium est, amoris palla tectum. neque medicus ille laudandus, qui ne offendant, ne mœrore afficiat ægrum, morbum simulat, remedia negligit. Indignetur æger, exurgatque in iras acerbioribus medicamentis prouocatus, non ideo aut desperandus morbus, aut destituenda curatio est. laudabit ubi conualuerit, & duras medici sui manus præmio afficiet, exosculabiturque ubi pulso morbo, malisque quibus opprimebatur, bona sua senferit. Prudenter Sapiens, *Qui corripit hominem, gratiam postea inueniet apud eum, magis quàm ille, qui per linguâ blandimenta decipit.* Sin inclementi commiseratione motus medicamina in seram curationem distulerit Superior, damnabit meritò æger inhumanam hanc benignitatem, nec tam mansuetudinem, quàm crudelitatem inclamabit. Idem fiet in animorum morbis; totam accusationem, indignationemque suam vertet in noxium hunc

Pro. 18.

## LIBER I. CAP. XII. 71

hunc dissimulatorem: qui cū mederi posset malo, maluerit crescere, cūque admo-  
uere manum debuisset, leuibus etiam tum  
initiis, ac quasi in superficie ludente agri-  
tudine, distulerit curationem, donec in  
præcordiis sæuaret malum. Hinc illa Sa- *Prou. 29.*  
pientis monita: *Erudi filium tuum, & re-*  
*frigerabit te, & dabis delicias anima tua. &* *Eccli. 30.*  
*Qui diligit filium suum, assiduat illi flagella,*  
*ut lateatur in nouissimo suo, & nō palpet pro-*  
*ximorū ostia. qui docet filium suum, laudabi-*  
*tur in illo, & in medio domesticorum in illo*  
*gloriabitur. qui docet filiū suū, in zelum mit-*  
*tit inimicū, & in medio amicorum gloriabi-*  
*tur in eo.* filij autem Superiorum inferiores  
sunt, & verissimorum patrum verissimi filij.

Quòd si alius accesserit Superiòr, priore  
munere defuncto, qui suorum inuigilaue-  
rit malis, quique serius vbique periculo-  
rum monitor manum admouerit, qui da-  
mna properantia, ac ceruicibus imminen-  
tia, ac iamiamque ruitura præcauere vo-  
luerit; miratur monitorem suum, tanto-  
rūque periculorum denunciatores, qui  
morbum in eam diem nullum senserit, æ-  
gritudinem prorsus ignorauerit (ut fieri  
consuevit ubi in naturam abierunt mor-  
bi) & exurgit non rarò in indignationes,  
nec credit denuncianti; quin aut ab alie-  
no in se animo monita hæc promanare,  
aut ex inanibus nimiumque credulis Supe-  
rioris sui suspicionibus, aut è molitionibus  
aliò tendentibus arbitratur; sequunturque

NON

## 72 MEDICI RELIGIOSI

non leues animorum alienationes, mur-  
murationes etiam, & obloquia, & fiunt ta-  
les acerrimi Superiorum observatores &  
censores, si quid fortè in illis deprehende-  
rint, quo suspiciones hasce suas alant, di-  
cta factaque illorum in sinistram ferè &  
deteriorem partem interpretantes, vt cau-  
sa suæ æquitatem tueantur.

Si pro ratione muneris sui pergat Supe-  
rior, aut erumpunt in poenitenda, & ad  
odia grauésque detractiones, & ad malo-  
rum denique vltima descendunt: aut si in  
morbi, quo detinentur, periculorumque  
cognitionem venerint, vniuersa indigna-  
tio prolabitur in priorem Superiorem, ma-  
lorum dissimulatorem: illum accusant &  
damnant, cuius immiti silentio, & ignaua  
dissimulatione mala creuerunt. Et sæpe ad  
tantum præcipitium mala venerunt, vt pe-  
dem in tutum retrahendi nulla spes afful-  
geat, omnéque medicamenti genus ma-  
lum aspernetur. Hinc inter monita & cu-  
rationem gemitus & dura trahuntur su-  
spiria, mærorique indignatio miscetur, &  
grauior etiam melancholia, quam non nisi  
cum vita æger deponet, dum de victoria  
sui, mali magnitudine victus, desperat, &  
inclamat cum Propheta: *Plaga mea despe-  
rabilis renuit curari.*

*Jerem.  
15.*

Quòd si initiis, & in herba adhuc lu-  
dentibus malis, tenero adhuc caule, ma-  
num prior admouisset Superior, nullo hîc  
opus esset ferro. & sanè gaudebit quisquis  
sapit

## LIBER I. CAP. XII. 73

sapit inferior; morborum suorum principis à Superiore occurri, paternamque manum admoueri. Scit enim verum illud esse Sapientis: *Auris quæ audit increpationes vitæ, in medio sapientum commorabitur. qui abiicit disciplinam, despicit animam suam: qui autem acquiescit increpationibus, possessor est cordis.* & illud: *Qui diligit disciplinā, diligit scientiam: qui autem odit increpationes, insipiens est.* Denique egestas & ignominia ei qui deserit disciplinam: qui autem acquiescit arguenti, glorificabitur. Quare lætabundo animo corripientem excipiet pater: at ubi inualuit malum, & ignibus iam opus est & ferro, antè aut animam aut vocationem ponet, quàm duri iudicis admittet manum.

Prou. 15.

Prou. 12.

Prou. 13.

### Remedia.

**A** Vigili Superiorum cura petenda, vt nec minima quidem negligat, certus ex his magna etiam oriri: modico fermento totam non rarò massam amare scere; modico felle mella vinæque corrumpi nobilissima; modico veneno ingentia damna dari; vnæque non rarò scintilla oppidorum flammæ enasci. Ille agri sui prudens cultor est, qui zizania in semine, tanquam in matre & vtero, priusquam nascantur, lucemque aspiciant, aut in aliorum oculos incurrant, perimit.

Cogitet, deinde Superior mala, quæ in

D      C      ortu



## 74 MEDICI RELIGIOSI

ortu leui medicari manu poterant, vbi a-  
oleuerint, & robori iam suo innixa stete-  
rint, non nisi valentissima dextera, poten-  
tissimisque medicamentis, & in cervicem  
saepè superioris ruituris curari posse. pote-  
rant initio componi non magna querimo-  
nia: neglexit; excreuerunt in arbores, vt  
ferro iam opus sit & ignibus, illis exciden-  
dis. Quid? quòd non vnus, vbi inualuerint  
mala, saepè interitu medicamenta adhi-  
beantur: nam vbi serpendo plures secum  
traxerunt, agrumque non rarò vniuersum  
venenaria sua lue infecerunt; non leuia  
meritò timeri possunt, cùm in vnum in-  
surgant omnes, doleantque sibi eripi, quæ  
longa iam consuetudine propè in naturam  
ac regulam abierunt.

Si cogitauerit deinde damna ex infelici  
hac dissimulatione nascentia, periculâque  
vniuerso corpori imminetia, seueramque  
extentamque in vindictam Dei in dissi-  
mulatores manum, præmiâque cælo feris  
in omnem partem excubatoribus reposita;  
facile se ad vigilem curâ sollicitudinem-  
que prouocabit.

Nemo denique ad noxias hasce dissimu-  
lationes descendet, qui soli Deo innititur.  
hic enim extra spem metumque positus,  
nullius gratiæ, beneuolentiæ, indignatio-  
ni quidquam tribuit, Deo inharens, à quo  
solo vt verè metuenda, ita & speranda ve-  
niunt.

## CAPUT XIII.

*Studium placendi sibi subditis.*

**D**Um aut subditorum metuunt oblocutiones, aut terrentur seripcionibus: aut nolunt offendere quos cómodos sibi arbitrantur, quósque dictorum, factorumque suorum laudatores experiuntur.

Accedit metus temporalium rerum, dum verentur ne in earum aut tractationibus, aut consecutionibus minús utilem fidámque suorum operam & industriam sentiant, aut illis etiam vniuersim destituantur.

Hinc pro malorum magnitudine non admouentur remedia; aut extrema tantum delictorum leuiter tanguntur, nec ad interiora curatio accedit; vel quod deterius, excusationes prætexuntur, minuendisque ac leniendis, ac propugnandis denique malis rationes & quæruntur & reperiuntur.

E quibus provenit, vt inferiores aut nō sentiant mala, periculáque, quibus iactantur; aut immania, quibus insistant, præcipitia, ruinæ proxima: aut vitia etiam virtutes arbitrentur, cum videant illa non damnari, imò & probari interdum ab iis quorum prudentiæ commissi sunt.

## 76 MEDICI RELIGIOSI

Accedit, remedia seriùs plerumque ad-  
moueri, cum mala medicam omnem ma-  
num magnitudine sua aut respuunt, aut su-  
perant; cum leuissimis medicamentis in  
primis ortus sui initiis morbus omnis pel-  
li, vineisque potuerit.

Denique complacendi hoc studio vni-  
uersa paulatim religiosa disciplina dissol-  
uitur, dum Superiores inferioribus occa-  
sionem præbent quidlibet experied, quid-  
libet audendi; deuenitùrque pædetentim  
ad summa transgressionum fastigia, ad to-  
tius vocationis institutùque neglectum ac  
contemptum; dum singuli propè vitæ sibi  
genus formant, quale pronus cuiusque in  
libertatem animus suasit.

Clauduntur hæc mala Superiorum con-  
temptu ferè enim in humanis, individuo  
quodam nexu, placendi studium contem-  
ptus sequitur: neque enim aut in Superio-  
re auctoritas: aut in inferioribus venera-  
tio diu stare potest, dum complacendi suis  
studium ad multa venerationi ex pro-  
fesso inimica Superiorem abiecerit. nam  
licet filialis quidam in inferioribus, tan-  
quam in parentes amor, plurimùm ad ve-  
nerationem valeat; nisi tamen sua paren-  
ti constet auctoritas, neglectus quidam  
sequitur, ac ingens paulatim etiam de pa-  
tre existimationis diminutio: vt in omni  
bene constituta familia conandum sit, vt  
amori filialis quidam timor permixtus sit,  
qui & paritatem tollat, & amico filialique

metu

metu auctoritatem conciliet. ita in amore hominis ad Deū salutaris omnino metus intercurrit, vt dum amamus patrem, vereamur in offenso iudicem ac dominum. In Superiore etiam dum personam amamus parentis, timeamus Superioris: nam nisi hic timor amorem comitetur obedientia diu consistere non poterit. Si enim omni Superioris persona deposita, solius se benignissimi patris, ac quasi matris vestiatur qui præest, veneratio nō leue naufragium patietur; imò nec verus ille pater dicendus est, qui filiorum gratiam venatur, totūque se in illam profundit: amicus enim veriùs, aut inferior etiam illorum, quorum gratiam aucupatur, dici potest. nam in eo quo alterius beneuolentiam studiosiùs sibi comparare studet, Superiorem illum agnoscit, vt à quo affectus ac beneuolentiæ alterius beneficium speret; in quo parando ad non pauca auctoritatem diminuentia dimittere se cogitur. è quibus paulatim venerationis loco ingens contemptus nascitur; quem vt non facile inferior exuet; ita nec Superior auctoritatem consequetur. semel enim hac proculcata, aut numquam, aut perquam rarissimè exurget. Conatum fors Superior adhibebit; at semel contemptus imbibitus altiùs plerumque insidet animo, quàm vt pelli possit, maximè cum totum hominem occupauerit. Inde Superioris iam imperia nulla, & ex imperatis ea exequimur

78 MEDICI RELIGIOSI

quæ probamus, vt obedientiæ mensura, voluntas ac iudicium nostrum sit.

Existimatio deinde tota deperit, & quidquid erat opinionis bonæ; sequuntur iudicia aliena & aduersantia, censuræ graves: nec domesticis se parietibus malum hoc tenet, perambulat sæculares, & in corpus vniuersum abit.

Et ferè iusto Dei iudicio illos in primis patiuntur aduersarios, quorum parādæ beneuolentiæ impensius studuerunt Superiores.

*Remedia.*

**C**erta bene gubernandi norma Constitutiones & Regulæ sunt: quarum si serius obseruator & custos Superior fuerit, & ex illarum spiritu præesse studuerit, nec ad dexteram, aut sinistram in huius aut illius gratiam deflexerit; nullo negotio & patris affectum, & Superioris auctoritatem tuebitur, pulchra, tuta ac necessaria etiam mistura. Nam vt à gubernandi prudenti regula decedit qui tantum parēs est, ita ab illa degenerat qui tantum Superior est. vtrumque peritus regendi artifex coniunget; nec nimiam seueritatem induet, nec ad nimiam se benignitatem abiiciet: nec Superiori necessaria auctoritate, nec patria mansuetudine se spoliabit. vtramque occupabit; vt sua in inferioribus amoris stet veneratio, suus venerationi amor: pari vtrunque pondere;

plus



## LIBER I. CAP. XIII. 79

ptus tamen si habuerit patris, non dam-  
nem: integra in omnibus Superioris au-  
ctoritate & veneratione, vt nihil de hac  
patris demat amor.

Studium deinde vni placendi Deo: in  
quo si Superior certam spem ponat, illúm-  
que in omnibus actionibus intueatur, ad  
cúmque studia, cogitata, factaque dirigat,  
non magno negotio quidquid optari in  
religione potest, consequetur; nec huma-  
nos fauores laudésque aucupabitur, caele-  
stibus pascendus. bene híc Gregorius mo-  
net: Rector solerter inuigilet, ne hunc cu- *Past. p. 2.*  
fido placendi hominibus pulset, ne, cum stu- *c. 8.*  
diosè interiora penetrat, cum prouidè exte-  
riora subministrat, se magis à subditis diligi  
quàm veritatem quarat: & non magno ne-  
gotio etiam téporalium difficultates supe-  
rabit. Neque enim fieri potest, vt monito-  
rum, consiliorum, mandatorúmque suo-  
rum serium vigilémque obseruatorem de-  
stituatur Dominus. quin magis crescat etiam  
Dei benignitas, crescente Regularú obser-  
uatione; vt quasi pari passu & harum cu-  
stodia & illius accrescat munificentia:  
maximè vbi Superiorem nullo humano  
respectu, sed solo placendi sibi studio ferri  
& impelli viderit Deus: cui si studeat pla-  
cere Superior, à quo solo præmia speran-  
da sunt æterna; facilè præmiorum magni-  
tudine & æternitate illectus, reliqua con-  
temnet, nec tam sollicitè perituram gra-  
tiam suorum venabitur. Audiat Aposto-

1. Theſ. 2. lum, *Non quaſi hominibus placētes, ſed Deo, qui probat corda veſtra. & ex ſe factus nobis magiſter, Anquaro hominibus placere? ſi adhuc hominibus placerem, Chriſti ſeruus non eſſem.*

Gal. 1.

Proderit verò nō parum ſi ſibi perſuaſerit fore, iuſto Dei iudicio, vt eos experiatu aduerſarios, quorum diſciplinæ relaxatione beneuolentiam captauit. Et docuit non ſemel experientia, docētque in dies, eos acriores hoſtes paſſos Superiores, quibus plus indulſerunt, vt indulgentiam neglectus, contemptus, detractioes & odia ſequantur, dum maiora ſemper appetit ſemel guſtata libertas, indignaturque ad negata: vt aut omnia concedenda ſint, aut violanda amicitia. & vt conceſſerint omnia, nuſquam conſiſtet, gradumque ſiſtet hæc licentia: inſurget in ipſum Superiorem, nec ſinem ſtatuet, donec illū munere deiectum viderit. Vltima hæc ferè merces placendi eſt.

#### CAPVT XIV.

*Nimia in ſuorum aliquem fiducia.*

QVæ res cum aliorum æmulationem & inuidiam vtrique comparat, tum magnis obnoxia periculis eſt, ne aut talis animos ſibi ſumat maiores, aut partem ad ſe trahat gubernationis, ſubditorumque à Superiore animos deducat, ac in ſe transferat, obedientiæ vim infringat, eaque in

geren

# LIBER I. CAP. XIV. 81

gerendarum rerum actionibus committat, quæ & dedecori Superiori & damno sint, bonoque Religionis nomini non parum derogent. Et ferè videmus tales non potestremam ad se gubernationis partem trahere. ita nimirum nimiam fiduciam confurgunt animi, ut omnia sibi concessa arbitrentur, quibus nimio quodam fiduciae nexu colligati Superiores sunt.

Non probo diffidentiam in altero extremorum sitam: mediocritas laudata: ut neque in omnibus morosa quadam prudentia, nimiamque complacentia tui diffidas; neque prodiga fiducia omnia credas. temperetur fiducia metu, ut nec omnia subtrahas, nec omnia largiaris. Consultumque in primis est, Superiorem in omni etiam probatissimo, viroque aliàs maximo, oculos in omnem partem intentos habere. plus tamen uni, quam alteri confidat, in tanta hominum varietate necessum est. Nam & testata unius virtus, prudentia, circumspectio, plus fiduciae iure quodam suo deposcit. Neque prudens omnes eodem metietur pede, circumspectabit singula, mores omnium, vitam, probitatem, & pro cuiusque talento ea committet, quæ tuto committi posse arbitrabitur.

Ac licet plurima sæpe spectatae alicuius virtutis ac prudentiae viro committi posse ratio suadeat, ita tamen res instituat, ut nihil agendarum rerum Superiorem lateat; ut & rationem reddere petentibus possit,

D s & extra

## 82 MEDICI RELIGIOSI

& extra sollicitudinem versetur, neque se nimiam in suorum aliquem fiduciam, ignarum in discrimen ac pericula coniectum serò queratur, viamque inter præcipitia, cum euadendi spes nulla superest, circumspiciet. & sanè rarò quisquam eo conatu res alienas, quo suas tractat, aut deliberationem aut laborem magnitudini parem ad-mouet, cum ex euentu ferè res omnes metiamur; quarum fortunatus infortunatusque exitus cum maximè in Superiorem cadat, magis plerumque illi de propinquo res cordi est, tanquam laudis & vituperationis materies & scopus.

Et nescio quid aliquando interueniat humani, cum laudem omnem videamus accrescere Superiori, laborem omnem esse nostrum, commendationem illius. quæ res negligentiam interdum auget, socordiam nutrit, & mistis aliquando amulationis aculeis exasperat animum, & ad poenitenda deducit. ita studio nonnunquam sperata alteri gloria decerpitur, neque exequimur quod licuit, verentes nimirum, ne quantum laudis accedit alteri, tantum decedat nobis: quæ res etiam ex professo in non laudanda non vnum in aliena re impulit, non tam odio alterius, quam studio amoris laudisque sui.

Accedit quòd tales ægrè postmodum reuocari ad consuetam Religionis normam reliquorum more possint. Quòd si pergat Superior vrgerè, quæ concessionibus coaluerat

## LIBER I. CAP. XIV. 83

luerat amicitia, dissoluitur, vertiturque in odia amor, & in criminationem Superioris; crescunt deinde suspiciones, & pro fiducia diffidentiae nascuntur, mutuae demum accusationes & contemptus, praeteritarumque actionum depressiones, & quaecumque etiam antè cum laude gesta, in dubiam vocantur fidem. Ex fauo nimirum fella & venena suguntur.

Sed neque bene consulitur illi, quem hac fiducia Superior firmanit: nam & domesticorum reliquis suspectus hic esse incipit, ut etiam consuetudinem illius fugiant, familiaritati se subtrahant, minus fidenter agant, consilia respuant, dicta, factaque illius in alium longè ab auctore sensum trahant, planèque ingenti apud omnes diffidètia laboret, actionesque prope illius omnes etiam probae in sinistram rapiantur partem. Ita omnium talis & benevolentia excidit, & invidiam in se provocat, in quem nimia Superiorem rapicōfidentia senserint: tanquam omnium pendendus sit telis, qui vnus Superioris clypeo protegitur. Familiare malum etiam inter vnus patris sobolem. cum enim profusiore in vnum senserint animo parentem ferri, mutua reliqui conspiratione in vnum feruntur; oppugnatūrque ab omnibus, quem nimia patris supra reliquos benevolentiae fiducia regit: maxime cum parentis ille in se affectu elatior, omnia sibi licere arbitratur, & in fratres.



## 84 MEDICI RELIGIOSI

vnus vteri & paritatis oblitus, impotentiùs insurgit, reliquísque negata fidenter sibi assumit, nec iam fratris, sed patris in fratres personam assumit. Vix enim humanum est in nimium secundis animum moderari. assurgimus surgente fortuna, & iisdem passibus extollimur, & dispares felicitate, matris licet vbere & sinu pares, caput efferimus, & ad imperia è fortuitis conuolamus, paritatis immemores; priorísque fortunæ oblití, è sola externa felicitate prærogatiuam metimur. inde iam indignationes, & in vnum caput, tanquam inimicum, hostiles molitiones; nec insidiarum machinationúmque finis est, donec penitus euertant, quem Superioris indulgentia efferri supra reliquos viderint. Quod dum fit, ingentia partium consurgunt studia, & magna vbique area mutuarum detractiõnum aperitur, illéque fortunatus censetur, qui socium quaquà demum via gradu turbauerit.

### *Remedia.*

**E**X paritate in omnes sumenda sunt. fiet hoc, si par in omnes Superioris feratur amor: si singulos non ob priuata commoda aut ingeniorum prærogatiuas, sed quòd vnus patris Dei, vnus matris Religionis filij sint, amore prosequatur.

Non nouit hæc discrimina Dei amor, nisi ex virtute nata: ac te nunc quidem par-

lam

LIBER I. CAP. XIV. 85

lām aperienda : tacitus apud se potiùs veneretur hos Superior , committátque ita negotia, vt ipse tamen intentum in omnia oculum teneat.

Neque vni tantùm speciosissima credat, sed aliorum etiam non rarò virtutem experiatur, quando sine damno potest.

Neque cum vno plurimùm sermonem misceat, sed pro re nata varios etiam libēs admittat, & vtrò etiam prouocet, animetque si quid rectum ab illis factum ; ac sicubi erratum, paternè moneat, errorem ostendat; ita tamen vt modum præscribat, quo corrigi ille possit.

Nec ideo vniuersim à negotiis tales excludat ; sed vbi illa commiserit, pramoneat, modumque præscribat. quòd si iam ex præscripto feliciter egerint, laudet illos, & ad maiora hortetur.

Quòd si quem innata prudentia probitáque maioribus dignum suaserit, vt meritò plus illi credi possit & debeat : neque enim omnium par industria, sapientia, solertia, fides, rerumque experientia est ; is omni studio deuinet ne qua parte supra reliquos se efferat, ne quid muneris Superioris ad se trahat, ne aliorum se familiaritati subtrahat, ne potiores dignioresque partes assumat. sed contrà rara in omnes beneuolentia ac humanitate feratur, inferiora, quæque plus laboris molestiarumque quàm splendoris habeant, vtrò sibi deponcat, & oblata cum magna hilaritu-  
dine

## 86 MEDICI RELIGIOSI

dine arripiat, illustriora lubens aliis deferat, concedique gaudeat : bene de omnibus, & si potest splendide ; de se suisque non nisi modestissime loquatur, aut vniuersim fileat. errores si qui, vt in humanis solent, occurrant aliorum, aut in totum diluat, aut quantum potest minuat eleuetque, omnibus benignus, vt minimis etiam prout occasio tulerit assuescat, quàm etiam studiosè nonnunquam inquirat, ne quis meritò contemptum aut neglectum se ab illo queri aut suspicari possit. Sic fiet vt omnium omnino beneuolentia iudicioque, reluctanti etiam potiora omnia deferantur, felicésque se reliqui arbitrentur, si in rebus suis consilio illius vti possint. tantum in humanis humanitati iuncta modestia valet.

## CAPVT XV.

### *Prinata necessitudines & amicitia.*

Non sunt hæc signa veri amoris. contingit enim his quod simia, quam cum mater fortius stringit, perimit : ita quos arctiori sibi familiaritatis vinculo Superior innectit, perdit. nam cum in his pronocet nimiam fiduciam sui, audaciam, fastum, aliorum contemptum ; aliorum etiam in hos offensiones concitat, diffidentias, non inanes sinistras suspensiones,

murm

murmurationum ac detractio-  
num vulgares causas, vt non immeritò talis di-  
cere Superiori possit, *Elevans allisti me*, ad  
invidentiæ nimirum brevia, ad æmulatio-  
num scopulos, ad liuoris vada.

Contingit etiam nonnunquam, vt his  
moribus dicere liceat præpostero planè  
naturæ ordine res ire. neque enim non  
rarò tam Superior domui, quàm talis  
Superiori & domui imperat, cum plures  
sæpe ad hunc quàm ad Superiorem decur-  
rant. Difficilis nimirum ad Superiorem  
aditus, facilis ad hunc est; nec quidquam  
tam magnum quod per hunc non conse-  
quantur. negasse enim postulata, amico  
negasse est: quem cum nolit Superior of-  
fendere, aut mœrentem dimittere, omnia  
concedenda sunt, aut sanè amicitiae renun-  
tandum est.

Nascuntur deinde dissimulationes de-  
fectuum in iis, quibus familiarius adtrin-  
gimur; cum eos vel amor tegat, aut offen-  
sionum metus dissimulet, aut priuata ne-  
cessitudines libertatem adimant, aut ar-  
ctiores mutui nexus monita respuant, nec  
iam admittant personam patris, multo-  
que minùs iudicis.

Crescit dein ex hac familiaritate in  
inferioribus audacia, quæ ferè familia-  
rem coniunctionem comitatur. contem-  
ptus denique, quem à familiaritate, tan-  
quam sobolem à parente, videmus nasci;  
vt indiuiduo ferè hæc nexu coniungan-  
tur.

tus, magna necessitudo, & ad intima quæque admissio, & minor æstimatio. Neque enim fieri potest, quin multa in illa familiaritate improbanda, aut sanè non probanda deprehendamus, quæ priùs ignorata admirationem & venerationem prouocabant. quæ duæ res dici non potest quàm validè in omni gubernatione Superiori auxilio sint, cùm sæpe opinionibus gubernatio contineatur: quod & in laude & contemptu plurimùm valet.

Quare cùm non probem nimiam in Superiore retractionem, ac solitudinem; tum nimis prodigam ac profusam familiaritatem probare non possum. Nolo in Superiore aliorum fugam; neque ad intima tamen omnia perfacile quemquam admittendum suaferim: non quòd aliquid committi velim, quod alienum oculum vereatur, sed quòd non faciat ad venerationem, opinionisquæ magnæ antè collectæ augmentum, vniuersa referare & expandere.

Scio non vereri illum homines qui illaudanda committit teste & iudice Deo; nec erubescere debere ad alienum prospectum, cui frons colorque stetit in oculis omnia videntis Domini. At ille non tam euentu, quàm animo res metitur; nos ex ingenio nostro, nudisquæ non rarò opinionibus innixi, iudicium plerumque de toto homine ferimus: & aliquid aliquando liberius aut vidisse, aut audisse, plurimùm de



## LIBER I. CAP. XV. 89

de concepta existimatione minuit. lapsus est verbo, improuidum aliquid excidit, minùs maturum, minùs serium? vniuersim de omnibus iudicamus. remisit aliquid Superior de consueta maturitate, vt non raro in intima illa familiaritate assolet? præiudicia nascuntur.

Iam cum ad omnem bene gubernandi rationem plurimùm opinio momenti conferat, hanc verò nimia necessitudo, & ad abditissima quæque admissio diminuatur; nemo paulo prudentior ad illa suos admittit, nisi ea in omnibus, etiam secretissimis vtatur circumspeditione, vt nec hostiles in iis oculos vereatur. Quod cum rarissimum in homine sit, neque quisquam facile ad eum prouidentia gradum conscendat; non facile etiam aditus ad omnia aperiendus est. Magnus ille, cuius omnia patere possunt omnibus, & qui nec in cubili, aut strato, in mensa, animique corporisque exteriore laxamento, inimicum testem ac iudicem vereatur. Nisi ergo omnia, etiam inter priuatos parietes, priuata colloquia ea sint, quæ quis meritò admiretur, imitetur, laudet; non suafero ad omnia, ostia referari.

Quòd si quando tamen faciendum necessitas ac ratio poscat; videat Superior, quem admittat, quem intimorum omnium suorum testem, ac quasi iudicem statuatur. Rarissimi enim sunt, etiam in circumspetissimo Superiore, quibus tutò hæc sine venerationis diminutione credi possint, qui

## 90 MEDICI RELIGIOSI

qui non faciles ad offensionem sint, qui sciant res temporibus metiri, qui homines cogitent, non Angelos, qui parua vitia magnis virtutibus norint integere, qui nullo sæculo cogitent fuisse quemquam, cui non aliquid, maximè inter domesticos parietes, ignoscendum fuerit: qui circumuolitantes errores, tanquam pulueres Aquilone sparsos, magnarum virtutum factorumque scopis norint detergere, quique volaticos hos diurnorum vitiorum cines illustrium ac generosarum operationum serie, tanquã valido vento diffilare didicerint. Tales ubi nactus fuerit Superior, fòrs poterit ad intima quæque admittere.

### *Remedia.*

**F**requens in Superiore consideratio muneris sui; omnium se esse, non vnus, aut paucorum parentem; omnes pari sollicitudine, non vnum alterumve curæ ipsius commissos; omnes pari iustitiæ & charitatis lege concreditos, omnesque pari sanguinis & adoptionis iure, Dei ac Religionis magnæ ac fecundæ matris filios esse.

Cogitet deinde Superior, vnus omnes corporis membra esse. quare pari omnia cultu & obsequio obseruanda, quid? quòd Apostolo teste vilioribus maiorem honorem circumdemus. & fatuum omnino est vnus membri cultui totum se tradere, reliquis destitutis. quid enim nisi non modò  
reli

## LIBER I. CAP. XV. 91

reliquorum, sed & huius corporisque totius interitus expectandus est?

Frequentata consideratio diuinæ gloriæ, quæ sepositis priuatis affectibus, ad omnium perfectionem & amorem pari iure deducit.

Periculorum, quæ ex his familiaritatibus nasci consueuerunt, considerationes; ac illius in primis, multa ferè in his necessitudinibus amico committi, quorum pœnitudo grauis auctori est. Factus enim quodammodo Superior illi seruus est, cui animi sui secreta committit, cum illum variis iam nominibus obstrictum teneat; maxime cum iustus ille insurgat metus, ne, si quam alienationis causam præbeat, prodat amicè concredita. Atque hinc iam dissimulationes illæ nascuntur, quæ inferiori omnis licentiæ ianuam aperiunt, ut periculum sit, ne contingat in hac familiaritate Superiorum, quod Ezechiae regias opes ostendenti: ut, cum animi sui reconditos thesauros alteri reserauerit, bella expectet, & reconditarum in eam diem opum expilationem.

Vetus illud dictum tacitus sæpe secum voluat Superior, & ab ipsa prudentia dictatum: *Secretum meum mihi*. Neque enim infelicius quidquam eo est, qui celare consilia sua non potest, quique animi sui morbos in alterius effundit siquum. Non est talis regimini natus, cum primum summumque prudentis bonæque guber-

## 92 MEDICI RELIGIOSI

nationis fundamentum sit, nosse filere. quod non poterit, qui se suâque in familiarioris sibi pectus effundit, quod in omni propè familiaritate usu venire solet. Iam cum hic familiaris alium fors tibi familiarem habeat, quem nihil celare consuevit, sit ut intima quæque Superioris prodantur. quæ res ingentium secum incommodorum seriem trahit.

## CAPUT XVI.

*Defectus boni exempli.*

FERè enim omnium oculi in Superiore versantur, & dux ille suis ut ad virtutem, ita ad vitia est; pronique maximè iuniores sunt in Superioris imitationem; manentque hæc viua morum illorum exemplaria in omnem etiam ætatem impressa menti; & transseunt in posteritatem, tanquam morum regula: ut religiosè ille vivere videatur, vocationemque expleffe, qui Superiorem moribus refert, dictaque factaque illius exprimit, eo etiam magis, quo propius ad illum accesserit. Præclare

*Apol. 2. Nazianzenus; Neque enim vel indelebilem tincturam pannus, vel foetidum aut suauem odorem res admota ita facile contrahunt, vel exitialis quidam vapor tam facile in aërem diffunditur, ac per aërem animantia occu-*

*pat*

LIBER I. CAP. XVI. 93

pat ( quod quidem pestis est & appellatur )  
quàm subditi Antistitis improbitate celerri-  
mè impleri solent, & quidem multo facilius  
quàm virtute.

Quo grauior reddenda ratio Superiori-  
bus erit, cum non ignorent, dicta factaque  
sua in exemplum & imitationem posita;  
nec quicquam in sequelam efficacius esse  
Superiorum moribus, qui tanquam bene &  
religiosè viuendi prima quædam princi-  
piâ ac pronuntiata habentur.

Materia deinde scandala è Superiorum  
erroribus metuenda; quorum quo illu-  
strior locus ac dignitas, eo periculosiores  
defectus sunt, & vniuerso corpori nocen-  
tiores. vnde etiam illud metuendum, *Po-  
tentes potenter tormenta patientur.* Hinc  
Gregorius: Nullum, puto, ab alijs maius  
præiudicium tolerat Deus, quàm à Superio-  
ribus, quando eos, quos ad aliorum correctio-  
nem posuit, dare de se exempla prauitatis  
cernit: quando illi peccant, qui compescere  
peccata debuerunt!

Homil.  
17. in  
Euang.

Et ad gloriam plurimùm facit, exem-  
plo ad virtutem præluxisse. Sanè à mori-  
bus ferè Superiorum vniuersa domestica  
disciplina, reliquorùmque mores pendent.  
verba rebus inania plus etiam non raro  
offensionis, quàm documenti secum fe-  
runt; res ipsæ viduatæ licet verbis, & inor-  
natæ, nihil detrahunt natiuæ venustatis:  
imò non semel plus roboris ac pulchritu-  
dinis res nudæ, omnique adscititiò orna-

tu



## 94 MEDICI RELIGIOSI

tu spoliata, quàm nobili aliqua dictionis purpura vestita ostentarunt. facere, viri, & religiosi est: & plurimùm rebus potentes, verborum inopes; verbis diuites, rerum inopes sunt, & è millibus vix vnum alterumve, cui omnia concessa, reperies. In locuplete namque verborum copia rei parum esse solet, cum inopia verbis iuari velit: in opulenta rerum copia verborum minus est. neque enim alienis splendere aut fulciri vult domesticis diues. imò murmurationum non leuem causam præbent fortia verba emedullata rebus, cum non respondent monitis facta; & illudere etiam incipimus & obloqui passim. exaspere nempe animos solent mortua verba, rebus, id est, vita sua, destituta, & prouocare in æstimationis suæ derogationem.

Sanè vt nihil ad inuitandum potentius Superioris exemplo est, ita nihil ad omnem illi auctoritatem venerationemque tollendam validius, quàm cum verba factis aduersantur. Et frustra talis malis medellam sperabit, aut suorum morbis medicinam adferet. respuet hanc manum æger animus, nec altè imbiber, quod à superficie, & à solis Superioris sui labris natum videt. Quare si sperare valetudinem suorum debet, si aut collabentem erigere disciplinam, aut ne collabasciat tueri, si interpescentem accendere pietatis ardorem, aut illius nutrire flammæ, si immania alterius, sexus præcipitiâ vitare, si mutuam  
ani

## LIBER I. CAP. XVI. 95

animorum coniunctionem maiorumque imperia stare, reliquaque quæ ad Religionis tuitionem, damnâque vitanda necessaria sunt; manum Superior admoueat, exercituumque imitetur ductores magnos, qui non tam lingua, quàm manu prompti & exemplo, ad ardua quæque audenda suos inhortati, fortiter facere, quàm bene dicere maluerunt. Faciendo nimirum, non dicendo res magnæ geruntur: nec quicquam facile paulo generosior miles præeuntem destituet ducem. pulchrum namque per illius vestigia triumphum mereri; per illius sudores hostem ferire; per illius sanguinem, hostilem bibere: idemque à Christo discimus, qui non antè docuit, quàm opere expleuit: *cæpit* nimirum, Scriptura teste, *facere, & docere*, vt exempla præcesserint, monita secuta sint: quæ tunc demum potentissima sunt, cùm opere tanquam clypeo & vallo armantur. nec quidquam iam inferiori durum ac difficile: præeat modò Superior, nec tam verbo, quàm reipsa ducem se præstet, vt non tam monitor, quàm ductor sit: primus enim si ille ad ardua manum porrexerit, sequentur reliqui vel sola verecundia impellente.

Hæc demum vna & vera omnis bonæ gubernationis via est; neque res vlla validior certiôrque est quæ bonis iuxta improbisque plus animorum addat, & ad virtutem incitamenti: qua etiam vna deficiente, nihil solidi sperari potest, nihil quod

96 MEDICI RELIGIOSI

quod ætatem ferat, quod laudem mereatur, quod probatis maiorum moribus respondeat; dum singuli suo spiritu ferantur, & tot iam Religiones, quot capita enascuntur. In diuersa namque studia & partes scindi necessum est eos subditos, qui aut ductore carent, aut solis monitis præeuntem Superiorem viderint, verbis nimirum multa pollicentem, inhortantem, sed verbis solis, rebus animaque, vt ita dicam, sua

*Cassiod.* viduatis. Neque enim potest auctoritatem  
*lib. II.* habere sermo, qui non inuatur exemplo; dum  
*Var.* iniquum sit bona præcipere, & talia non egisse.  
*cap. 8.* Nihilque æquè animum ducit ad salutem,  
*Ephrem* iunioresque ad laborandum incendit, atque  
*de vita* si doctorem re ipsa & exemplo ad virtutem  
*spir. cap.* cohortatorem inuenerint.

37.

*Remedia.*

**F**requens meditatio reddendæ rationis Deo, maximè cùm vitia Superiorum cant in exemplum suis posterisque.

Fervida incentiua amoris vocationis suæ. Sic fiet vt instituti sui amantes, totos se in virtutum studium profundant, maximèque illarum, quæ Religionis suæ propria sunt.

Frequens cogitatio muneris sibi impositi, quare ad illud à Domino delectus fuerit: quid ipsi ratione illius incumbat: quàm forti exemplo cogatur imperio Dei præire militiæ huius dux constitutus: qua

in

# LIBER I. CAP. XVI. 27

in Superiores suos obseruantia, quo humilitatis, paupertatis, castimoniae studio, quo quantòque ad labores animo, qua ad imperata promptitudine, quàm benigno blandòque in delatores suos animo, in eosque quos alieniores à se deprehenderit, maximè si paria à suis exigat, & sperare audeat.

Seria cogitatio grauissimorum incommodorum, damnorumque quae defectu boni exempli Superioris nasci solent, non parum iuuabit: maximè si bis per diem Superior, examinum conscientiae tempore, secum tacitus consideret, num in aliquo deliquerit, quod aliis ad deteriora incitamento esse possit: nam quid omiserit, quo dux suis auctòrque ad virtutem esse debebat & poterat.

Proderit non parum, si domestico suo confessario liberam monendi facultatem concesserit, quandocunque minùs religioso exemplo praeventem viderit, aut audiuerit; gratamque sibi illam monitionem fuisse hilari lætòque vultu ostenderit.

Iuuabit etiam plurimùm, si ultionem sibi certamque in omni deteriore exemplo poenam irrogauerit, vt hac quasi monitrice ad saniora melioraque flectatur.

## CAPVT XVII.

*Executionis defectus.*

**F**Rustra namque ordinationes, regulæ, constitutiones, instructionesque conduntur, nisi frequens Superiorum accedat inculcatio, ac strenua ordinarum rerum executio. Neque quisquam prauas consuetudines, & quæ altè radices egerunt, leui & intermittente manu excaudicabit. assidua cura, non cessantibus laboribus eruuntur nocitura; & facile itur ad ingenium, nisi vigilans accedat sollicitudo, quæ non patiatur vetera succrescere: cum ferè proni rapiamur ad ea quibus olim assueuimus. & procliuior semper lapsus ad deteriora, ad recta difficilior exlensus est.

Accedit inferiorum in his omnibus neglectus, cum videant Superiores in bene prudentérque conditarum rerum executionibus tepescere: nasciturque adeò in illis fastidium quoddam optimarum licet & vtilissimarum ordinationum, cum sentiunt Superiores tam ignaua manu in illas incumbere, satisque habere, semel denuntiassè: nam & illi satis tunc habent, semel audisse. Nec sanè maior à subditis in peragèdo, quàm à Superioribus in exequendo diligentia meritò exigi posse videtur.

*Quæ*



LIBER I. CAP. XVII. 99

Quæ res ubi accidunt, vniuersam bene-  
tim marcescere necesse est: succeditque  
hoc Superiorum neglectu, densa tandem  
optimarum rerum obliuio, peregrinarum-  
que rerum in patrio, tanquam in peregri-  
no solo studium, vt nusquam iam minùs,  
quàm in re nostra domi simus, alteriusque  
potius, quàm nostræ Religionis ciues vi-  
deri possimus.

Nascitur verò hæc in Superiore incu-  
ria, vel ex innata quadam naturæ ignauia,  
vel è pusilli pectoris angustis; cum aut  
difficultatibus occumbunt, aut plus æquo  
subditos reuerentur, aut executionem de-  
sperant, siue rei magnitudine victi, siue  
suorum virtuti, siue viribus suis diffiden-  
tes. Nam & molestias, quæ se offerunt, dif-  
fugiunt, labores sudorésque auersantur,  
commodorum suorum studiosi, & difficul-  
tatibus succumbentes, nunquam ad ardua  
protendunt manum, & dum placere stu-  
dent omnibus, nulli fastidium aut mole-  
stiam creare volunt.

Quòd si suorum obstricti beneficiis Su-  
periores sunt, duram seruiunt seruitutem,  
& animus ad imperata exequenda deest:  
quibus si quid commiserint, quod euulga-  
ri metuant aut erubescant; tanquam inter  
vincula & compedes constituti iacent, fa-  
cti mancipium suorum.

Iam si non modò Superior ad hæc non  
adiiciat mentē, sed tadio victus, vel, quod

# 100 MEDICI RELIGIOSI

deterius, alienior, ipse ab imperatis flaccescat, nihil est quod in aliis non deprecetur, & prior caute viam non decurrunt qui sequentur, vel solo rubore impellente. Nec quidquam tam potens, quod non Superiore ductore ultro lubet exequantur inferiores, & inclament; Etiam illo duce, mediis inter arenas; fluctus, scopulos, serpentes, ferrum & ignem bene nobis est, & habemus bene; ut qui eandem cum Superiore non inuiti fortunam subeant; gaudentes illi inter aduersa parari. Breuis proinde ad felicissimam executionem quantumvis maximarum rerum semita est, Superiorem præire, & exemplo suo executionem urgere, nec antè ad monita descendere, quam opere, quod imperat, expleuerit.

## Remedia.

**A**ssidua Superiorum in subordinatos si-  
bi Officiales vigilantia, monita, peractarum rerum inuestigatio, seriâque in res omnes excubatio: ut nimirum domum ipsam non infrequenter obeat Superior, singulorum munia lustrat, curiosusque nonnunquam perscrutetur quid in vnoquoque genere à singulis peragatur; qua fide, industria, religione, studio, exemplo, diligentia.

Frequentes cum primis domus suæ Patribus de ordinationum executione cōsultatio

LIBER I. CAP. XVII. 101

sultationes, conferentiarumque spiritualium sedula institutio: in qua per occasionem sæpius in exequendarum rerum monita excutrat, neglectæ rei causas disquirat, aperiatur, remedia præscribat.

In Officialibus omnibus diligens impositorum munium administratio, maximèque illius qui Superioris loco domui præest, illiusque vicariam administracionem sortitus est: quem in omni hoc genere quàm instructissimum necesse est esse.

Consequetur hoc, si frequenti lectione ac praxi ordinationes omnes familiares sibi reddat: neque impunitos transgressores permittat, nunc monendo, nunc laude etiam præmióque diligentibus proposito, pœnis etiam; maximè cum malum grauius est, quàm ut mollioribus flecti possit: tunc enim ad duriora descendat; ita ramen ut aspera succedant dulcibus, minasque ac pœnam amoris præcedant linimenta, & quidquid ab huius locuplete officina depromi potest, ægrienti porrigatur: quæ si respuat malum, ad acriora veniendum erit. nec finis medicamentis statuendus, donec depulso malo, victrix stet diligentia.

Multum, ut in aliis omnibus, in hac re valebit seniorum exemplum, maximèque eorum qui varia in Religione munia obierunt. Sequentur enim iuniores, vel solâ verecundiâ, ac tanquam filij patres imitantur. Adlaborandum proinde omni

## 302 MEDICI RELIGIOSI

conatu Superiori est, vt seniores ad exempla iunioribus statuenda prouocet.

Conandum deinde ne nimis multis subditi obruantur, ac tanquam mulibus infelpellantur potiùs quàm iuuentur. facilis enim aut desperatio, aut fastidium aut neglectus è multitudine est. frequensq; præscriptarum rerum mutatio magno executioni impedimento esse solet. indignationem enim illa nausèamque prouocat, venerationemque minuit, cùm inconstantia opinionem ingerat.

### CAPVT XVIII.

#### *Disciplina neglectus.*

Cyprian.  
lib. de  
discip. &  
hab.  
virg.  
Lib. 2.  
Instit.  
Nov. c.  
10.

**E**St verò disciplina custos spei, retinaculū fidei, dux itineris salutaris, fomes ac nutrimentum bonæ indolis, magistra virtutis. & Hugone Victorino teste, desideriorum carcer, frænū lasciuiæ, iugum elationis, vinculum iracundiæ; quæ domat intemperantiā, leuitatem ligat, & omnes inordinatos motus mentis atque illicitos appetitus suffocat. cuius negligentia à Superiorum indulgentia, & innato quodam animi tepore; à noxia clementia, à placendi omnibus studio; à languore quodam animi, & à Religionis amore. degenerare; à politico denique spiritu, exiguâque aut nulla salutis suæ & suorum cura nasci

## LIBER I. CAP. XVIII. 103

nascitur; aut sanè à nimis Superioris in externa diffusionibus. quo fit vt cùm totum illum secularia occupauerint, ac vitronèa quadam addictione vniuersum obfederint, domesticæ suorum disciplinæ intendere non possit; plurimæque elabantur, fugiantque memoriam illius tanta externorum negotiorum mole circumseptam & oppressam. Exurgit hinc lassitudo quædam mentis, & dum quidquid roboris habet, exerit in externa, destituitur in domesticis, viribus, comederunt nimirum alieni robor eius. raróque vni homini ad tam diuersa, ac inter se pugnantiâ, quæque singula totum hominem requirunt, vires suppetunt, vt animi non desint.

Iam vbi semel laxatis habenis Religionis rigor intepuit, prono cursu, & præcipiti veriùs prolapsu in supinum omnium propè neglectum ruimus, cùm vnus alium trahat, nec solitaria in vno stet ignauia, sed prono semper cursu in dererius labatur, donec ad extrema deuenerit, grauium corporum more, quibus steterisse iacuisse est.

Sequitur verò ignauiam quidam disciplinæ contemptus. Inde iudicia profiliunt critica, quædam in primis, inde vniuersim omnia damnantia; & aliud iam vitæ genus cogitamus, amamus, laudamus etiam palàm, & vigilantioris Superioris, verique bonique tenacioris studia contemnimus & ridemus. quòd si palàm non audemus,



clàm eleuamus, & detractum imus nomini, & damnâdi causas seduli disquirimus: vt si semel è quocunque capite malè audire cœperit, in omnibus displiceat, & pro diligente ac iustituti amante, imprudens, immitis, seuerus, ac crudelis demum audiatur.

Succedit inde spiritualium rerum nau-sea, animique ad salutaria languentis fastidium. displicent quæ placuere antè, vertunturque optata prius mella in absynthium, & fel merum. intepescit virtutis studium: & qui antè etiam de genu pugnabat, mixtôsque quasi sanguine dentes latus in spiritali lucta deuomebat, mille antè animas positurus, quàm leui se crimine obstringeret; nunc vel solo eminens terrore, tenuique prouocamento, ac vltro etiam nullo hoste impellente, sciens volensque inter grauissima scelera, tanquam inter sociam amicamque sibi arenam voluitur. bibit nimirum iam ille gaudès iniquitatem, qui omni morte, omnibusque antè tormētis grauius leuissima quæque derestabatur, & ad solius delicti, tenuisque transgressionis nomen perhorrescebat.

Profiliiunt deinde in inferioribus ex hoc Religiosæ disciplinæ neglectu mala propè vniuersa. orationis antè omnia tepor, ac quoddam spiritalis progressus frigus geluque, diuertimur inde ad externa, ad sæculares confabulationes, iocos, risus,  
ad

LIBER I. CAP. XVIII. 105  
ad cibi potúsque delectum, ad commodorum studium, laborum fugam, otij amplexum; ad priuatas deinde amicitias; patriúmque studia. totúsque exinde homo in omni prope tam domestico, quàm externo congressu, sæculum magis, quàm Religionem sapit & loquitur.

Nec mirum. nam cum in vnoquoque Ordine, regularum constitutionúmque tenaci disciplinâ tanquam habenis Religio stringatur, ac tanquam salutis vinculo arctetur; sit vt qui illa laxauerit, pronam natura sua in libertatem humanam mentem, tanquam iniecta manu in præcipitium propellat. maximéque hoc locum habet in iunioribus, qui necdum in solidum confirmato animo, tenera etiamnum ceruice, pristinaque licentiæ ac commodorum memores, laxatas vniuersim excutunt habenas, ac in veterem se vindicant noxiam libertatem; perituri, nisi prudentior Superioris manu fræna strinxerit, lorâque animæ æternum profutura arctauerit. Indoleat licet ac ingemiscat iuuentus arctiùs iam habita; gaudebit postmodum, & has Superioris sui manus seueriores, vbi ad se & ad primogenium Religionis ac disciplinæ ardorem studiúmque redierit, deoculabitur; & clementes mitésque appellabit, fatebiturque agnosceretque patris fuisse, quas iudicis arbitrabatur.

*Remedia.*

**A** Superioris manu vigilique cura petenda sunt: qui si se sæcularibus proximorum negotiis, quoad populi locique conditio patietur, expediuerit, totumque se tuendæ, firmandæque disciplinæ dederit, perfacile illam stabiliet. neque magni moliminis erit non accersere, non ad se trahere, non sponte se externorum occupationibus induere; à multis etiam oblatiis, ac incurrentibus se subducere, quando sine merita proximorum offensione, ac diuinæ gloriæ nominisque diminutione, æstimationisque Religionis, salutisque aliorum detractione fieri potest. Prima proinde cura sibi commissorum sit, quibus arctissimis iustitiæ legibus obstrictus est. reliquum verò quod à suorum illi cura temporis superest, externorum saluti impendat; memor semper primam curam debere esse suorum tanquam patri, tanquam pastori, seueramque ipsi aliquando illorum reddendam rationem Deo.

In omnem deinde Superior partem intendat; perspecta domestica habeat, moresque propensionésque animorum singulorum; illisque ante omnia incumbat, quæ Religionis iugulum petunt: qualia esse possunt, feminarum frequentata familiaritas; sociorum fuga; aulici, politici, sæculumque sapientes mores colloquiæque; detractionis vitium; externos ad Ecclesiasticas,

cas, seu sæculares dignitates commendandi studium; mutuæ domesticorum, aut gentium dissensiones; aberratio ab vniuerso vocationis spiritu; obedientiæ ac totius orationis neglectus; & huius generis non pauca.

Minora tamen his non negligat, sed ferios in omnem partem oculos animumque intendat. Frequentibus dein consultationibus insistat: è quibus aliorum etiam ore domesticas res discat.

Quæ si ea fide, & pastoralis ac paternæ qua obstringitur curæ seriò, & non cursim præstiterit, non erit difficile Religionis disciplinam intra imperatas regularum leges continere.

Curandum etiam, vt in transgressores pœnitentiarum vsus vigeat, in quibus nec nimis morosum frequentemque esse conuenit, ne à frequentia contemptus nascatur, & consuetudo in naturam transeat, consuescâtque cui imperantur pudorem exuere: nec nimis remissum, ne conniuentia accendatur malum. mediam viam ingredi tutissimum, vt nec clementia, nec seueritate nimia peccemus. minora minoribus, grauiora grauioribus puniantur.

Détque operam Superior, vt intelligant delinquentes, meritò talia iniungi; cauendumque seriò, ne qua in his personarum acceptio eluceat, ne quod in vno indulgemus, puniamus in alio: grauis enim ex hac personarum acceptione oblo-

cutionum occasio exoritur, dissensionum-  
que materies datur.

Videat deinde Superior lapsuum cau-  
sas, fortuitæ sint, an præcogitatæ; à fragi-  
litate quadam animi, an à permitta impro-  
bitate proueniant; rariùs al quis, an fre-  
quentius in idem incidat; præcesserint ali-  
quando monitiones, an secùs; auctor aliis  
fuerit, an alios secutus, è pronitate quadam  
naturæ, minùsque prouida circumspectio-  
ne, an è contemptu natæ. quæ singula pec-  
narum grauitatem augment aut mitigant.  
ignoscat non rarò, monuisse contentus.  
nec facilè ob priuata delicta, aut vni tan-  
tùm alteriue nota publicè puniat, ne sub-  
ditorum exacerbetur animus.

Magna etiam pars melioris disciplinæ à  
Præfecto spiritus dependet; qui si cum Su-  
perioribus magnis animis conspiret, non  
magno negotio, quidquid hîc languoris  
est ac neglectus, erigetur in melius, in ar-  
dorem, & obseruantiam quendam. zelum.

Inuestigandæ demum seriò causæ sunt  
eneruatæ disciplinæ, & è quibus serè do-  
mestica in Religione disciplina detrimen-  
tum capere solet. quales serè sunt.

1. Inutilium multarum personarum ad-  
missio, qui vel ob valetudinis tenuitatem,  
vel ob iudicij debilitatem, vel ingenij du-  
ritiam, vel ad sedationes odiâque conci-  
tanda pronitatem, vel ob prauorum affe-  
ctuum insolentiam, vel pessimorum habi-  
tuum inueteratam consuetudinem, vix  
subeundæ



subeundæ disciplinæ idonei sunt. à quorum omnium admissione remotissimum Superiorem esse conuenit.

2. Laxior Nouitiorum institutio. quos nulla postmodum arte ad disciplinæ rigorem adducas, & antè frangas quàm flectas. quare seriò illis nouitiatus tempore inuigilandum, ac seueriùs etiam nonnihil, minùsque molliter ac blandè habendî. facilis est nouitiatu expleto seuerioris disciplinæ remissio: difficillima concessæ libertatis restrictio.

3. Pietatis ac orationis neglectus. è quo Religionis zelus extinguitur, ac in regularum ac constitutionum omnium neglectum itur. vis disciplinam florere, da operam vt orationi omnes sedulò incumbât. nemo illam neglexit, qui huic seriò incubuit: nemo illi incubuit, qui hanc neglexit. tâtùsque ferè quisque disciplinæ quantus orationis pietatisque obseruator fuit.

4. Frequentes domo excursiones, ac prolixiora cum sæcularibus colloquia, aut eorundem cum meliorum horarum dispendio, frequentatæ visitationes. ferè enim aliquid licentioris consuetudinis domum referimus, imbibimùsque mores disciplinæ contrarios. cùmque desuescat animus rigoribus, assuescit commodis; & iam amat otia, labor displicet, grauis solitudo est, fabulis delectatur; & qui antè vnius Dei, nunc sæcularium ambit amâque familiaritatem. præscindenda hæc

## IIO MEDICI RELIGIOSI

erunt si consultum religiosæ disciplinæ volumus.

5. Hospitum frequentia. qui ferè curiosiora ac liberiora colloquia, occupationum varietatem, & remissionis aliquid à regula secum trahunt. quorum ferè exempla, noxiò laxamento, eunt in imitationem. neque tamen ideo hospitalitas negligenda; moderanda tamen & intra religiosæ disciplinæ circum continenda, vt dum caritati indulgemus, disciplinam non proiciamus.

6. Superiorum in remissionem ac laxitatem pronitas. horum enim exemplum regula quædam inferioribus est, & cum plerique naturæ quadam pronitate præeuntem sequantur; religiosiores etiam paulatim imitantur, ne aut seuerioris vitæ genere displiceant, aut improbare illorum mores videantur, aut indignationem incurrant. cui malo solius Superioris mutatione occurri posse videtur.

7. Superiorum in regularum transgressores conniuentia. quod siue vniuersim fiat, siue in paucis, tota pederentim domestica disciplina corrui; nec iam vltra Religiosorum, sed sacularium contubernium videas. quod malum vix corrigas quàm vna Superioris mutatione.

8. Nimius seueriorum statutorum rigor. abit enim tandem seueritas hæc in animorum à capite suo dissensionem. cum enim durioribus se premi inferiores sentiunt,

LIBER I. CAP. XIX. III

tiunt, excutiunt tandem iugum vniuersum  
rigoris impatientes, seueritate in indigna-  
tionem versa, rigore in odium: è quibus  
randem, effractis habenis, toto prono cur-  
su, pudore exuto, in apertum omnis licen-  
tiæ campum decurrunt. moderatio disci-  
plinæ magistra est, rigórque benignitate  
temperandus, si perpetuum volumus.

CAPUT XIX.

*Neglectus valetudinis suorum.*

**N**E aut superfluis tepescat spiritus, ab-  
eâtque in carnem & sanguinem; aut  
parsimonia, & necessariarum rerum de-  
fectu ad alia se inferior consilia conuer-  
tat, alienisque à Religione viis incedat, &  
necessaria parer. in quam necessitatem si  
quando Superiorum aut neglectu, aut du-  
ritie, aut parsimonia se coniectum infe-  
rior videt; paulatim ad omnem licentiam  
dilabitur, friget obedientia, iacet vniuer-  
sim paupertatis amor, nascitur alienatio,  
& clancularia ac secreta succedunt consi-  
lia, & ad externos mala hæc decurrunt,  
non sine Superioris, corporisque totius  
nota, totaque domestica collabascit disci-  
plina.

Vix enim credi possit, quantum neces-  
sariarum rerum carentia & defrustratio  
in subditorum animis languorem prouo-  
cet;

cet; vt desipiant iam spiritualia omnia; &  
 pro alacritate ac feruore, noxia succedit  
 tepiditas: frequentes inde querimoniae,  
 mutuaque inter se murmuraciones, ac  
 vniuersim ab omnibus imperatis aliena-  
 tiones. Ea enim est fragilitas humane con-  
 ditionis, vt ad necessariorum rerum ca-  
 rentiam flectamus animū, maximè quan-  
 do hanc non ex euentu, aut temporum  
 conditione, sed à Superioris duritia ac vo-  
 luntate nasci videmus. non enim in tali  
 Superiore patris affectum, sed durioris  
 domini imperia inferior intuetur. Vnde  
 fit, vt omnem etiam ipse filialem affectū  
 & obseruantiam exuat; nec iam volens  
 amica & patria, sed coactus despotica se-  
 quatur imperia, contentus quocunque  
 modo illa peregisse. Cum è contra vnā  
 necessariorum rerum prospicientiā, tan-  
 quam falce, omnes murmuracionum oc-  
 casiones secantur, addaturque animus ad  
 quaecunque imperata, etiam duriora, lu-  
 bentis animo peragenda. Nam cum infe-  
 rior se suāque cordi esse videat Superio-  
 ri, neque vllā necessariorum rerum curā  
 pulsetur; totum se ad imperata exequen-  
 da conuertit, conaturque tam propensè  
 in se Superioris voluntati respondere: ne-  
 que quidquam iam illi durum aut aspe-  
 rum videtur, quod à tanta in se Superio-  
 ris sollicitudine, natum intuetur. quò-  
 que generosior quisque, maiorique inge-  
 nio est, hoc se magis etiam ad imperata  
 exequenda

LIBER I. CAP. XIX. 113

exequenda profundit, cum paria ac maioria etiam Superioris munificentiae repone-  
re conetur, nolens vinci à Superiore in  
amica hac amorum lucta; vt antè vitam  
ponat, quàm tam benignæ in se patris sol-  
licitudini & amorì non respondeat.

Omnium tamen maxime in inferiorum  
ægritudinibus, à quacunque causa natis,  
Superiorum affectus se prodir; & quo quis-  
que in suos animo sit, ægritudo, siue illa  
corporis, siue animi, ostendit. ac vix vlla  
in humanis potentior vis est, aliorum in  
se affectus ac voluntates prouocandi, quàm  
cum infirmitate quacunque derenti, pro-  
pensos paternosque in se, ac prodigos  
etiam aliorum (vt ita dicam) animos sen-  
serint. Hoc enim illud tempus est, quo ne-  
cessitate ac indigentia crescente, maiori-  
bus auxiliis opus est. nam integra valetu-  
dine, vitium sæpe in multis satis, quibus  
domestico se robore, etiam contra aduer-  
santia & incurrentia tueantur: at vbi gra-  
uior aliquis ingruerit morbus, siue ille  
animum, siue corpus depascitur; ad aliena  
ferè subsidia respicimus, domesticis desti-  
tuti. quæ vbi nacti fuerimus, incredibile  
est, quanto in illa affectu rapiamur: quò-  
que morbi vis maior est, eo & ardentius ad  
remedia aspiramus, & tenaciori postmodum,  
gratiorisque memoria accepta beneficia re-  
colimus. Quid? quòd sola paterni huius  
affectus recordatio ad ardua quæque ob-  
eunda ingètibz inferiores animis excitet.

Ne



# 114 MEDICI RELIGIOSI

Neque vni illi agro animi, sed omnibus crescent, pares nimirum Superioris affectus in paribus sibi malis promittentes. tantumque hæc res valet, vt hac vna beneuolentiæ, ac paterni in suorum ægritudinibus affectus ostentatione, multa aliàs in Superiore non probanda leniantur, ac tanquam molliori hac spongia deleantur. neque enim difficulter inferiores mores Superioris sui, alioqui grauiores, perferunt, cum illum senserint magno verèque paterno in suorum ægritudinibus animo rapi, nec quidquam in illis intentatum relinquere, quò suorum inualetudini consular.

At vbi se neglectos viderint, nullamque, aut perexiguam ingruentibus malis Superiorum in se sollicitudinem ac beneuolentiam senserint; non tepescit tantum, sed omnis euanesceit amor, tollitur ad ardua alacritas, succedit maximarum quarumcunque rerum fuga & aspernatio: & dum exiguam in morbis, Superiorum curam inueniunt, solliciti perpetuò de valetudine, eam propè solam curant, ardua proinde quæque tanquam valetudini noxia subterfugiunt, nec ad ea se adduci patiuntur, veriti Superiorum in se immitiores, aut minus benignos ac sollicitos animos, si qua inualetudine in talium susceptione opprimerentur: perpetuus enim eos morborum metus tenet, cum Superioris minus paternam ac sollicitam curam senserint. accedunt oblocutiones, detractiones.

Nec

## LIBER I. CAP. XIX. 115

Nec intra domesticos parietes querimoniae se tenent : magnis passibus ad externos decurrunt, à quibus solatia poscimus, domesticis destituti. præbetur etiam occasio tacite quædam valetudini tuendæ commoda insciis Superioribus emendicandi & arripiendi ; conamurque hanc paupertatis violationem valetudinis prætextu excusare ; paulatimque animus ab instituti & vocationis suæ affectu auocatur, perpetuæque sollicitudine & anxietate detentus, ad maxima quæque frigescit ac tepescit ; succeditque tanquam nauseantis ad noxia stomachi horror quidam , & præclarissimorum quorumcunque munium fuga ; unde perpetuus languor mentem occupat, nec sperari iam quidquam magnum aut illustre potest.

### *Remedia.*

**N**Ullum potentius, quàm si se Superior patrem, non dominum ; inferiores filios, non seruos cogitet : neque enim difficile erit patri, filiorum necessitatibus inuigilare. magis etiam si se matrem cogitet, quæ ferè indulgentior, maximè in suorum ægitudinibus, esse consuevit, non laboribus, non sanguini parcens, valetudinemque suam pro filiorum salute & incolumitate prodigens.

Iuuabit etiam illa cogitatio, si se bonorum familiæ suæ dispensatorem, non dominum

## 116 MEDICI RELIGIOSI

minum cogitauerit, vt proinde illa in suos è voluntate diuinæ benignitatis dispertiat; singulósque in illa, tanquam summi patris filios, hereditarium quoddam diuinæ adoptionis ius habere. Iam si quæ munificentia benignitatéque illa largitur Deus, eadem in suos profundat; perfacile omnium necessitatibus occurret, explebitque quidquid meritò à Religioso opum contemptore sperari potest.

Proderit vehementer, si certò sibi persuaserit, ab hac paterna in suos cura, sollicitudine ac prospicientia reliqua ferè dependere; disciplinæ nimirum Religiosæ exactam obseruantiam, magnarum arduarumque rerum lubentem susceptionem; inferiorum in se amorem, promptos facilésque ad omnia animos, murmurationum extirpationem, & quidquid paci mutuae, ac domesticæ quieti, & animorum coniunctioni aduersatur.

Exemplo magnorum in Religione virorum curam in se ægrientium suscipientium, si se Superior excitauerit, præmiisque cælo repositis; non facile certissimas hæc obstringendi sibi suorum in perpetuum animos occasiones elabi patietur: maximè si cogitauerit, vna hac paterni in suorum infirmitatibus affectus ostentatione, durissima etiam imperia mollescere, ipsasque adeò sectiones & vstiones à paterna sollicitudine profectas suauès videri, nec quidquam subdito asperum censeri, quod à patris

## LIBER I. CAP. XX. 117

patris affectu & manu proficisci videt. abiicitque iam sui valetudinisque curam inferior, cum viderit illam Superiori, tanquam parenti serio commendatam, omnesque cogitationes suas ad voluntatis Superioris expletionem conuertit, certus de propensa in se illius sollicitudine & affectu.

---

## CAPVT XX.

*Nimia in hospites parsimonia.*

**M**odicam plerique hanc rem arbitrabuntur, quidam etiam à virtute, & paupertatis amore natam. at nunquam & nusquam virtus caritati aduersatur. Et sane leue iudicari non debet. quod si non tollit ac frangit; minuit tamen, & liuore suo deuenustat caritatem. Et vt in omnes, ita in hospites potissimum, & peregrè venientes, liberales in primis maximos quosque viros, & Religionum parentes reperies. Sciebant hac beneuolentiae ostentatione mutuis caritatis pectoribus, tanquam submisso igne flammam immitti & foueri, sciebant quidquid foris in casto religioso amore aut temporum iniuriâ, aut obtruncantium improbitate elanguisset, sola religiosæ munificentiae seria ostentatione, ac quadam effusione reparari. Quare & pro

## 118 MEDICI RELIGIOSI

pronoiores eos semper in omnem liberalitatem fuisse videmus, vt nec domestica suppellectili parcendum putarent. ac ingentibus etiam prodigiis confirmatam à Deo religiosam hanc magnificentiam legimus.

Et solo illius exemplo, qui augusta plenaque dona sua mortalibus largitur manu, impelli meritò debemus in paria, quantum humana generositas æmulari diuinam potest, & insequi præeuntem Deum. Habe-

**Heb. 13.** mus hic monentem Apostolum: *Caritas fraternitatis maneat in vobis: & hospitali-*

**Rom. 12.** *tatem nolite obliuisci. & alibi: Necessitatibus sanctorum communicantes, hospitalitatem sectantes.*

Et verò angusti parsimonia omnis animi est, ac de diuina prouidentia diffidentis, nititur enim auarus omnis viribus industria, solertia, diligentia suæ: liberalior animus Deo. quoque generosior cuique mens est, hoc etiam in liberalitatem pronior est. cum contrà auaro nihil sit scelestius, nihil iniquius quàm amare pecuniam:

**Eccl. 10.** *hic enim & animam suam venalem habet.*

Nascuntur verò ex parca tenuique hospitum exceptione obloquia varia, incrores, suspiciones, iudicia caritati inimica, offensiones, fastidia; paulatimque caritas omnis, quā vnâ inuictæ Religiones stabant, dispergitur. & quod à maioribus inuentum traditumque erat, in rugatæ, aut à temporum lapsu, absentiaque æruginatæ quasi caritatis augmentum nitoremque;



## LIBER I. CAP. XX. 119

que; hoc sicca hac arentéque hospitum acceptione dedecoratur. Ita quæ in languentis caritatis medelam hospitalitas erat, in eiusdem perniciem parsimonia insurgit.

Spargitur deinde hæc fama per regna, tenacitatísque narratæ terror omnium animos percutit; vt iam plerique fugiant has domos, & auersentur Superiores: & si ad illos destinantur, mille excusationes prætexant. quòd si aliud maiorum imperia cogant, difficilès tales experientur qui præfunt, laborum impatientes, otij sectatores, immorigeros. quid? quòd totæ plurimum tales domus perpetuis murmurationibus tanquam fluctibus agantur. iacet prostrata caritas, pax exulat: nec quies iam vlla; sed continuæ animorum luctæ, aliæque non leuia mala domesticos tenent. Dictum à Sapiente, *Conturbat domum suam* *Prov. 13.* *qui sectatur auaritiam.*

Neque interim nimia sequenda profusio est, & quæ plus habet sæcularis vanitatis, quàm Religiosæ modestiæ. media insistet via quisquis bene religioséque præesse volet, vt paupertatis, ita & caritatis memor; ne effusior in liberalitate, ne in parsimonia contractior. modestia eluceat Religiosa, absint sordes: nihil hîc reperiatur quod sæculum, & illius redolet mores; deliciæ & apparatus, & quidquid de splendore promittere & profundere mundus solet, exulent à Religiosa domo.

sed & nimia parsimonia, frigidior mensa, contractior manus, morosior deiectioneque vultus, frons corrugatur, & quidquid inamoenitatem, minusque gratam beneuolamque mentem ostentat, à Religiosa familia exigantur, ut & pergratos se Superioribus domesticisque sentiant peregrè venientes, & non desit quo propensam Religiosam munificentiam suam commoneat profundatque Superior, ac non tantum nihil desit, sed & aliquid supersit aduentanti.

Mirum dictu, quantum benigna hæc Superiorum liberalitas ad animorum conjunctionem faciat. accenduntur his in mutuum amorem animi, pelliturque frigus omne à quocunque capite natum; mutuisque his amorum flammis mutue incallescunt mentes, & ad ardua parantur; ut ingens & acti laboris, & futuri leuamentum sit hæc Superiorum in omnes munificentia. Inde mutua profiliunt gaudia, congratulationes, commendationes, spontaneæ in omnem etiam supra ætatem ac vires laborem oblationes, susceptiones. neque quidquam nunc arduum animo tot flammis tanquam fornacibus succenso.

Plena dehinc regna sunt hac laude; & inuat inter eos viuere quos munificos experti sumus; ac si quid aliunde, ut sit, mororis contractum, benignitate, tanquam potenti spongia, detergitur, ac tanquam valido vento nocitura nubes depellitur.

adco

adeoque & mori delectat sub munifica Superioris manu. & quidquid in Religione graue & arduum, mollescit hoc temperamento. Dura videntur, acerbæ, amara, & pondere molæque sua prementia, tristitia, ac mororibus etiam plena, quæ refugiat animus & ad quorum memoriam perhorrescat? accedat liberalior Superioris vultus, & dextera; & omnis illa acerbitas dolorque in dulcorem gaudiûmque vertitur; ut inclamare iam lubeat, Ecce quàm bonum, & quàm iucundum habitare fratres in vnum! à tam exigua re, tanta bona; ut à negata re tantula, tanta mala.

### *Remedia.*

**A** Superiore pendent. qui si cogitarint, domesticarum se rerum non dominum, sed dispensatorem; non erit illi difficile ex iis, quæ liberali manu profundit Deus, liberali etiam dexterâ in discipulos, adoptiuosque Dei filios erogare.

Cogitet deinde secutura mala, quæ priuatim ad se, publicè ad omnes eunt. qualia sunt, minùs carum subditis esse, malè apud externos audire, parcum nimirum, sordidum, miserum, morosum, difficilem, aliâque huius generis, quæ non in vna hærent domo, sed perambulant regna, adhærentque æternum homini, ut nec cum morte finiatur: viuâtque munere defunctus inglorius apud omnes. Cùm è contrâ

F libe

## 122 MEDICI RELIGIOSI

liberalior in suos exterosque animus, siue munere iam deposito, siue dum etiamnum illo fungitur, carus iuxta externis domesticisque uiuat, in omnium ore, laude, votis, beneuolentia, gratâque etiam iucundâque post mortem memoria. peccat? facilis in omnium mentibus commiserationi mista uenia est. deliquit ille prior? gaudium potius quàm dolor de lapsu est. ut fatuû planè sit, ob tantillâ rem, contractiorem scilicet in hospites manum animûmque, tantis se noménque apud omnes suum periculis exponere, malorûmque supra recensitorum quâ publicè, quâ priuatim causam dare; nullo, aut per exiguo domui, cui præest, emolumento, spiritali damno maximo.

Cogitet deinde quid defunctus officio ex omni hac parsimonia, anxiâque sollicitudine expectare debeat, præter multorum alienationes, nullius beneuolentiam, obloquîa innumera, contemptum plurimorum: qui si amorem laudésque contemptui & odiis præferat; amorum causas munificentia læctetur, odiorum parsimonia tollat.

Proderit etiam si Superior secum illud statuât, eâ in reliquos esse munificentia, quâ reliquos in se esse uellet. & monemur ab Euangelio: *Date, & dabitur uobis: mensuram bonam, & confertam, & coagitatam, & supereffluentem, dabunt in sinum uestrum. eadem quippe mensura, qua mensi fueritis*

*fuertis, remetietur vobis.*

Exemplis denique seipsum excitet Superior magnorum in Religione virorum, quibus in summa animi magnitudine par liberalitas sterit, parque secuta est. pulcra hac in se D. Hieronymi sententia est: *Non Ad Ru-*  
*leni vſitatoꝝ sermone hospites inuitemus: ſic.*

*ſed toto mentis ardore teneamus, quaſi offerentes ſe cum lucro noſtro atque compendio.*

Semper lucrum ex Religioſa hospitalitate expectet Superior. Exempli in omni Religione maxima ſunt, magnis diuinis ſponſionibus firmata. & monet Apoſtolus

Petrus: *Ante omnia mutuam in vobiſmet-*

*1. Pet. 4.*

*ipſis caritatem continuam habētes, quia caritas operit multitudinem peccatorum: ho-*

*ſpitales inuicem ſine murmuratione; imò cum gaudio. hinc eſt illud Sapientis: In*

*Eccl. 35.*

*omni dato hilarem fac vultū tuum. & illud D. Pauli: Hilarē datorem diligit Deus. præ-*

*2. Cor. 9.*

*mittit remunerationis expectationē; quid nimirum ſperare debeamus: Qui parçē ſe-*

*minat, parçē & metet: & qui ſeminat in benedictionibus, de benedictionibus & metet.*

ſubdit, *Qui autem adminiſtrat ſemen ſeminanti: & panem ad manducandum præſta-*

*bit, & multiplicabit ſemen veſtrum, & au-*

*gebit incrementa frugum iuſtitia veſtra, ut in omnibus locupletati, abundetis.*

Adde, neminem propè inferiorum re-

periri, qui non volens lubénſque liberali ſubſit & obſecundetur; neminem, qui parco & ſordido. in illo vel omnia lau-



dant, vel improbanda excusant: in hoc etiam laudanda damnant. hi fructus vtriusque, & tanquam fontis sui scaturigines fluminâque in possessoris sui laudem, vel vitupérationem nata.

Quodd si neque aliorum exemplis, neque rationum pondere, non commodorum damnorûque varietate & multitudine, non Superiorum monitis, subditorûque aliorum querimoniis alios Superior mores induerit, consultius fuerit vnum à munere remouere, quàm tot tamque grauibz malis domum onerare.

## CAPVT XXI.

*Inutilium personarum admissio,  
aut retentio.*

Quàm graua ex his damna Religio-  
nibus data sint, ignorare nemo potest; cum aut parentum, amicorum, benefactorum, maiorûque virorum rogatu, aut spe bonorum in Religionem minus idonei admittuntur, aut in ea retinentur. Quid enim non meritò vereri debeamus ab hac inutilium turba, nisi totius Religionis teporem quendam ac frigus, ac demum interitum vniuersum? Nam cum per hos consueta Religioni munia ritè & cum laude ac fructu obiri non possint, sit vt aut vniuersum negligantur, aut

LIBER I. CAP. XXI. 125

aut cum dedecore peragantur : aut sanè plurimi idonei supra hanc inutilium turbam admittendi sunt, quorum opera turdò, ac cum fructu vti possimus : atque ita replentur Religiones personarum numero, vtilium partim, partim inutilium, quorum exemplis priores illi ad otiosam, & ad non dignā Religionem vitam descendunt.

Sed nec quidquam ab hoc hominum genere expectandum, quàm vt postquam impleti, dilatati & incrassati fuerint, abeant in murmuraciones otio amicas, in obloquia, in aliorum criminationes, in instituti neglectum; inde etiam in contemptum, in mandatarum rerum refragatores; in cibum, potum, somnum, carnem, & his similia, & in magnum denique vniuersæ Religionis dedecus & infamiam latè spargendam, cum externorum quisque ex his metiatur reliquos. vt non tam profit proborum non contemnendus numerus, quàm paucorum imprudens & ab instituto degenerans conuersatio.

Accedit quòd hi ferè vniuersam domesticam pacem turbent, semper inquieti, nulla in re stabiles, otio diffuentes, ad vana & sæcularia propensi, & cum nihil in eis sit quod Religiosum redoleat, tum prima quæque munia venantur, dignissima quæque deberi sibi arbitrantur, reliquorum dicta factaque criminantur, & ferè in optimos quosque & probatissimos hi insurgunt, ementicisque quaqua pos-

## 126 MEDICI RELIGIOSI

sunt calumniis onerant, detrahuntque primis quibusque. cum enim videant, se virtute non posse cum his contendere, ad maledicta descendant, clam primum, inde publicè, ut per magnorum depressiones, gradum sibi ad summa quæque sternant.

Iam illud ferè observatum, tales plerumque in eos insurgere, quorum noxia facilitate in Religionem admissi sunt. nam nisi omnia concedantur, insurgunt in benefactorem; inde in contemptum, & oblocutiones graues in primum illum suum nimis beneficium parentem: nec grande illud olim concessum beneficium agnoscunt, nisi quæcunque voluntas suaserit extorserint; & cum se admissione aut retentione æquatos vident optimis, etiam virtutum præmio paritari volunt, virtutis omnis expertes.

Laborant hoc malo non infimi Superiorum, innata quadam lenitudine ac clementia, zelo etiam non rarò animarum: qui si considerarèt, crudelem illam meritò clementiam censeri debere, quæ ut paucorum non proborum saluti consulat, optimos quàm plurimos animarum periculis exponit, longèque illos à clementia abesse, qui ut noxio membro parcant, corpus vniuersum morti obiciunt; non tam facile ad illa descenderent. Prudens verò secabit membrum, ut corpus tueatur; euellet nocitura, & ignibus damnabit, ut bono semini consulat. Ille verus pater est,

est, qui seposito imprudenti paterno affectu, ut morigeris probisque liberis prospiciat, malæ improbæque indolis filium à domo fratrumque consuetudine ablegat. Idem in pecoribus usu venire videmus: amouet scabie laborantes prouidus pastor, ne vnus contagione grex reliquus pereat.

Et sanè non tam clementia, quam immanis sæuitia est, admittere aut detinere Religioni noxium, aut minus idoneum; cum res hæc in vniuersi corporis vergat interitum, plûsque vniûs sæpe improbitas nocuenti Religioni damni que dare consueuerit, quam plurimorû probitas emolumentum adferre. ita nocitura sæcundiûs serpunt, & nullo impellente fertilissimos agros occupant: proba culturâ indigent; nec faciliè radices agunt, aut se ad vicina extendunt, ni indefessus labor accesserit.

### Remedia.

**S**eria in admittendis disquisitio, magis Seriam seriam post admissionem probatio: Facilis è tyrocinio dimissio, in iis, qui exigua promittunt, quorum talenta tenuia spem non magnam faciunt magnarum rerum.

Prudens delectus Magistrî Nouitiôrû, qui iudicio, prudentia, & ingeniorum disquisitione solertia valeat: qui instituti non tantum amans, sed & serius & ac-

## 128 MEDICI RELIGIOSI

curatus vocationis cognitor, quò concreditos sibi ad eam regulam formet, maximeque ad mortificationis studium: aut enim sequentur doctorem; & naturæ præritatem, sui victores superabunt; aut lassi & victi, aliud vitæ genus deligent; aut sat magnam occasionem dabunt ad sæculum ablegandi.

Iuenerit etiam plurimum, vt neminem quis Superiori à quo admissio pèdet, commendet, nisi antè probè cognitum, & cuius ingenium variè probauerit, vtque non tam numero, quàm aptitudine delectetur.

Nemo nuda amicorum, benefactorum, magnorumque virorum commendatione admittendus. in quo recti tenacissimum, constantemque per omnia decet esse Superiorem: ne aut benevolentia, aut consanguinitate, aut potentium auctoritate à vero deflectat. cogitet plus se Religioni, cui præest, quàm sanguini & potentia debere. prima proinde semper cura indolis & ingenij sit, postrema omnino opum, nobilitatis, sanguinis, amicorum: quæ ornamenta si nuda sint, omni ingenio viduata, reliquisque animorum praesidiis destituta, numquam Religioni ascribendos censeo.

Non facile denique admittendi, de quibus merita dubitatio moueri possent; imò non admittendi quamdiu iusta dubitatio nis metus subest.

Plures



LIBER I. CAP. XXII. 129

Plures in omni admissione in consilium  
vocandi, quo certius aliquid statuatur, né-  
ve vnius potius Superioris affectu, quàm  
plurium sententia res peragatur.

CAPVT XXII.

*Negligens institutio nouitiorum.*

**A**Qua ferè vniuersa Religionis habi-  
tudo bona nascitur. cùm plurimùm  
reliqua omnis ætas ab illorum recta pra-  
uâque institutione pendeat. ab hac enim  
in omnem profutura nociturâque æta-  
tem documenta petuntur: fundamenta  
namque hîc mittuntur totius ædificij spi-  
ritalis. quibus perperam iactis, quid nisi  
reliquorum ruina timenda est?

Et sanè prudenti hîc opus architecto:  
qui magna solertia soli naturam serius di-  
ligensque scrutator examinet. neque enim  
omnis fert omnia tellus, nec paria funda-  
menta omne solum desiderat. malignum  
hîc & superstruendis cessurum molibus;  
altè proinde fodiendum, donec ad igna-  
ram ligonum virginem adhuc terram de-  
ueneris. qua si destituaris, densè impactis  
sudibus superanda firmandâque maligni-  
tas est. Nihil est quod non ars laborque  
vincant: etiam in mediis fluctibus & mari  
æternaturæ exurgunt moles; tantum indu-  
stria, labor, prudentia possunt. alibi fo-  
dientium

### 130 MEDICI RELIGIOSI

dientium voris terra respondet, nullis cessura ponderibus: aliquando nec fossionibus opus, arbitreris è viua rupe aut solido saxo compactam.

Imitabitur deinde noster institutor agrorum cultores. non omne statim semen credet omnibus. soli conditionem solers inuestigator perscrutabitur. Hic nescio qua naturæ benignitate ne proscissa quidem gleba, sparsa leui manu semina in diuitem messem surgunt; ibi vomere & ligonibus altè proscindenda, sudoribusque madidanda est; alibi satis est supremam superficiem leui manu retexisse; non vno loco nullus labor, industria nulla satis est, stercorendus ager, calce etiam ac intersparso cinere iuuandus: vt horum æstu frigus ac innatum quoddam gelu colliquefeat. etiam ignibus vincenda sterilitas, & non nisi flammis fœcunditas speranda est. adeò non solum ferrum fertilitati sufficit.

Hic aliquando silua sterit? secanda est. nec satis est. maior in radicibus lucta est; euellendæ sunt. nec hoc satis est, altè plerumque iacent, & sparsa hinc inde semina nouam siluam minantur. ignes admouendi sunt. Ibi vepribus, vrticis plena sunt omnia; & nescio qua naturæ prauitate, etiam bona semina in lolium degenerant. assidua hic & indefessa opus solertia & cura est, sæpe vertendum solum, ac in ipso quasi semine elidenda prauitas. sanè vt  
primum

primum se ostenderit, eruenda est. & multorum tamen saepe hic annorum labor est. nusquam proinde indormiendum, donec labori malignitas cesserit, & neglecta primorum annorum semina, infatigata contentis industria excusserit. Alibi perpetua quasi rudera & saxa, ut profeminata studio credas, fecunditati impedimenta iniiciunt. eruenda sunt: nec desistendum donec frequentibus altè fossionibus perpurgaueris solum, ut, si non omnis tollatur, rarior iam lapis sit, à cuius densitate nulla sementis boni suffocatio metuenda sit. Nec rarò nimio humore peccat solum. frustra messes speres inatante semine. hinc inde proinde per varios aquarum ductus aliò flectenda aqua est. Nimia etiam interdum ariditate peccat ager, ut frustra conatum adhibeas in tam arenti solo, æstibusque quibusdam suis siue à natura congenitis, siue aduentitiis, emedullato. frequentes proinde hic densæque fecundæque cælo nubes pluuiarumque votiuus calidisque precibus exoranda: aut prudenti solertia è vicinia, aut remotiore etiam loco torrentes euocandi, flumina deducenda. paria in leuiori ac arenoso solo adhibenda: validis stercorationibus ac aquarum ductibus lenitas corrigenda erit.

Eadem in ingeniorum cultura euenire consueuerunt. Hic saxosa inuenies ingenia, dura, & quæ culturam aspernantur, quæ fortiter resistant monitis, quæ non

facile cedant; quæ valide adhærescant semel conceptis, quæ vsu & iudicij sui consuetudine callum obdlexerunt ad aliena consilia. bene sperare possumus, quamdiu non coaluerunt hæc saxa, & abierunt in rupem. quamquam & hanc non tam ferro quam mollioribus euincas. ita ingentia saxa ab elementorum molliissimo exeduntur. frequentibus proinde paternisque monitis vincenda ad emollienda hæc petitoria sunt; maximèque amoris diuini incessituis, quibus ferè saxa hæc mentes tanquam ignibus cera, Sole nives colliquefcunt.

Ibi arentes animas & tanquam omni meliore succo emedullatas reperiās, à sacculi æstu ambustas; quas virtutum succo, frequentique celesti rore orationibus euocato prudens rigator humectabit, potissimè verò frequentibus perdidit iaculatoris orationibus. qui ubi virtutum paulatim delicias degustauerint, proni audique in eas ferentur; omnisque noxius calor à celesti pluuia orationum robore eliceita extinctus, marcescentem animam fecundo succo beabit.

Alibi siluescentem vitiorum varietate ac multitudine mentem nactus, non tota statim nemora excindes, sed carpeim singula excandicabis. quod si molli manu vincere soli improbitatem non possis, ad ferrum & ignes descendes: ita tamen ut ferrum & ignes ultro deposcat qui paritur;

tur; gaudeatque non ignibus & ferro, sed sperata ex his valitudine & fecunditate succellura.

Quod si torrentibus, fluminibusque innatauerit alius, totumque apertis faucibus elementum biberit, aut sæculi absorptus fluctibus agrè lassum caput extulerit; auxiliarem supponet dexteram, vndisque ereptum pericula docebit, terrebit, ut, dum discrimina ipse sua senserit, exhorrescat fatuos suos conatus, improvidos ausus, stultos prolapsus, morte mortemque securis æternitatibus in metum & fugam, & meliorum cogitationem propositis.

Si quem temerando ausu per rupium montiumque vertices decurrentem, perque saxorum decliua audaci conatu reptantem consecutus fuerit; ingentia ostendet præcipitia, prolabantium numerum, primorumque quorumcumque sanguine nobilitata saxa, infames mortibus rupes, ut mirari primò discat imprudentes sperata per abrupta hæc gloriæ ausus, tot exemplis nequidquam antè edoctus.

Primò proinde instructor naturæ cuiusque, ingeniorum iudiciorumque conditionem perscrutabitur, dispicietque singula peritorum medicorum more cognovisse, propè vicisse est, ut longè maxima difficultas in morborum ac constitutionis cognitione sit. medicamenta ad manum sunt, plurimus ferè error in ignorantia mali est. accedat cognitio, & spes  
summa



summa elucet valetudinis bonæ. ita etiam : præuisa damna fugam concedunt, inopinata ignaros obruunt. vt autem ingens ingeniorum morborumque animi discrimen est, ita & medicamentorum esse debet.

*Lib. I.  
adu.  
Pelag.*

*Ex corporalibus*, Hieronymo monente, consideranda spiritualia sunt. *alius velox est pedibus, sed non fortis manu. ille tardus incessu, sed stabilis in prælio est. hic pulcrum habet faciem, sed rauca vocis est: alius terram, sed dulci modulamine canit. illum ingeniosum, sed obliuiosum: hunc memorem, sed tardi videmus ingenij.* addit Gregorius: Hoc omnipotens Deus agit in cordibus hominum, quod facit in regionibus terrarum. Poterat namque unicuique regionis fructus omnes tribuere: sed si vnacuique alterius regionis fructibus non indigeret, communionem cum altera non habuisset. Audeo dicere, maius longè ingeniorum quàm terrarum ac corporum discrimen esse, vt maiore in his industria ac prudentia opus sit, quo & spectati fructus & pericula maiora sunt.

*Hom. 10.  
in Eze-  
chielem.*

Discat proinde morum magister ingenium cuiusque. qua in re varia dexteritate opus erit. quædam ab ipso nouitio inualetudinem suæque omnia tanquam medico prudente intelliget, quædam à sociis cognosceret, quædam è recreationibus hauriet, alia longa obseruatione ac experientia discet, versando sibi commissum in omnem partem, laudibus, obiurgationibus,

penitentiæ

## LIBER I. CAP. XXII. 135

poenitentiis, præmiis: variarumque propensionum adiungat socios. hinc restringat, ibi quædam concedat, aliàs arctè reprimat, nonnunquam remittat habenas. committat etiam interdum aliquid prudentiæ ipsius, omnia interdum neget, ac, cum propensioni aliquando illius laxauerit habenas, tum contraria omnia propensioni imponat. seuerè etiam interdum habeat, mollius deinde, iungatque aliqua sibi familiaritate, iterumque ab ea secludat. sæpe paternè agat, ac medici hinc inde personam induat, plerumque suauioris, rigidioris interdum, vt in omnem omnino partem tyronem suum vertat. assuescat duris, vt horum consuetudine delectetur asperioribus, & gaudeat difficilioribus cum familiaria illa sibi fecerit, induatque veteranos animos, quibus à vulneribus & sanguine generosum incalescit pectus. detque operam, vt non tam ipse asperiora imponat, quàm à nouitio vltro deposcantur. quæ mitiget tamen, & ab vltroneis hisce aliquid demat, & leniora ac minora petitis concedat.

Vbi verò ingeniorum hunc agrum variè exercitum cognouerit; impedimenta antè omnia remoueat, saxa temere ac improuidè iactata, aut nata, inter sparsa zizania, prauarum consuetudinum noxias radices, & quidquid aut ingenuum aut prauis seminis superiectum est.

Purgata dein variè à noxiis arca, solida

das virtutes seminet., quas assidua cura à nocituris tueatur. Orationis ante omnia studium primas partes occupet. assuescat illi nouitius maximò meditationi, in qua ea primò pertractet quæ timorem incutiunt, validòque iniecto metu à peccatis terrent, morte, æternaturisque pœnis, iudicii que horrore proposito; transeat deinde ad virtutum prouocatiua, Christi Sanctorumque vitam, documenta, consilia; ad amorum denique incentiua, cælorum præmia, gaudia, nunquam peritiram gloriam. Frequentibus deinde per diem aspirationibus mentem pascat, & contra aduersa firmet; binis etiam per diem seriis conscientiaë discussionibus, in quibus nihil intactum relinquat, nihil inmendatum.

Plus tamen mortificationi studeat, plùsque opera & temporis huic concedat, vt à qua maius momentum pendeat. certiùs enim hac firmanentur animi, solidiùs roborantur, & contra aduersa parantur: cùm intima animi cultura ab hac pendeat, cuius auxilio rudera & prauorum habituum, radices & fibræ, & naturæ malignitas, & superiecta zizania euelluntur, ac tanquam scopis euerruntur, totaque interior area serendis hauriendisque virtutibus aptatur; vt nullo iam labore optima quæque semina tutò certòque mittantur, centuplæque fecundatione dominum suum beent. Et sanè sine hac frustra quocumque conatu vir-

antem

## LIBER I. CAP. XXII. 137

tutem inſeueris. quæcunque enim nobiliſſima licet ſemina ſcrupuloſo ruderoſoque ſolo, zizaniique improborumque affectuum pleno immiſeris; nequidquam ſperes. neque enim aut radices agent, aut exurgent in culmum, aut emergent in fruticem; ſed in ſemine ſuo occident, aut in herba ſuffocabuntur: vt nec ſola caeleſtis pluuiæ, nec pinguior ſtercoratio, nec vigilans cura ſufficiat. Eruderanda primò prudenti validaque manu noxia ſunt, & proſcindenda quaqua parte, durisque ligonibus, ſecuribus, vomere ſecanda terra, ac quaſi reſingenda eſt, melioriſque ſemini paranda. quibus peractis ad diuinorum amorum ignes accedat inſtructor; nec magno molimine in ingentes excrescent flammæ, purus enim hic iam ignis eſt, pulſo prauorum habituum æſtu, ſolutaque glaciæ ac gelu, tepore languoreque fugato. Hinc eſt illud Magni Gregorij; *Jeremia miſſo ad Paſtor.*  
*predicationem dicitur, Ecce conſtitui te hodie ſuper gentes & ſuper regna, vt euellas & deſtruas, & diſperdas & diſſipes, & ædifices & plantes. quia niſi prius peruerſa deſtrueret, ædificare vtiliter recta non poſſet: quia niſi ab auditorum cordibus ſpinas vani amoris euelleret, nimirum fruſtra in eis ſancta predicationis verba planteret.*

Moribus etiam ſub initium formandis inuigilet inſtructor. exuant prauos, ſæculares, vanos; induant modeſtos, maturos, religioſos. oculi in primis domandi, ac

## 138 MEDICI RELIGIOSI

tanquam iniecto freno cohibendi, ne in omnem partem excurrant, ne hocitura hauriant, statione sua contineantur, ac quodam quasi aggere claudantur, verecunda quadam deiectione, rara elevatione, aut curiosa circumspeditione: manus contineantur, non indecorè protrudantur, nec in frequenti motu versentur: non iactentur brachia, aut longius protrudantur: incessus sit constans & moderatus, qui nec lentitate ignauiam designet, nec citatiore progressu incompositam mentem testetur, nec in variam partem libratus fastum denotet: totaque corporis compositio erecta, capite modicè subsidente: nihil denique quod sæculum sapiat, quod aulae mores, quod iactantiam & fastum, quodve nimiam aut amœnitatem, aut truce seueritatem vultu præferat. ad verecundam honestatem, & in comitate ac benignitate maturitatem omnia componantur, omni leuitate, vanitate, effusaque lætitia sæculum redolente eliminata.

In verbis seria maturitas, præcogitata dictio, ad moderatam tarditatem quàm ad celeritatem pronior; vt nihil pœnitendum elabatur, nec lingua mentem, mens linguam præueniat, exulet profusior risus, verbaque risum prouocantia, diſteria, sarcasmi, acerbior prolocutio, vanarum rerum narrationes, & quidquid sæculum suum loquitur.

Assueſcant piis colloquiis, omnemque  
sermo



## LIBER I. CAP. XXII. 139

sermocinationem diuinis condire rebus. læta tristibus, tristia lætis miscere, mœrentes solari, prodigè effusos moderari morte proposita, dubio euentu, incerta futurorum consecutione. honores opésque sæculi huius cum alterius vitæ, principum magnorûmque studia beneuolentiâque cum Dei Sanctorûmque cælo ascriptorum, peritura cum æternis, momentanea cum perennaturis, terrena cum cælestibus componere. Extollitur aliquis prosperis? opponat aduersa. deprimitur aduersis? erigat spe meliorum. paupertate opprimitur? cælorum ostendet opes. proscinditur calumniis? melius esse doceat innocentem quàm nocentem pati, habeâtque ad manum vtriusque fortunæ exempla, quibus aut erigat, aut deprimat, & intra modestiæ terminos hospitem suum contineat.

*Remedia.*

**A** Vigili Superioris cura petenda sunt. qui si certò sibi seriæ institutionis nouitiorum momenta proposuerit, sibi que persuaserit ab hac vna totius Religionis spem omnium maximam, vitâque ac interitum pendere; pulsa ignauia ad sedulam se institutionem accinget.

Quòd si pergat in sœcordia, molestiarum ac laborum pertæsus, alteri muneri admoendus erit, in quo minore Religionis detrimento versetur.

Inui

Inuigilandum deinde ut qui præest, non auda pietate ac religionis zelo, sed prudentia in primis instructus sit: cum plus sape momenti à prudenti quàm à sola pia directione pendeat. Prudens sanè director, qui singulorum naturam altitudine quadam mentis, seriâque solertique indagatione penitus introspexerit; non facile à recto bonoque aberrabit, aut commissos sibi in errorem ducet, aut ad præcipitia adiget, aut ad extrema & pœnitenda impellet. scit consilia, monita, remedia naturæ singulorum accommodare, molliâque asperis pro cuiusque ingenio temperare. at pius prudentia destitutus, qui feruore quodam animi eadem omnes via ducit, eodémque omnium morbis medicamento medetur; & peccabit graniter, & pro medicamentis non rarò venena porriget, in multorum interitum abitura. quæ enim vni in vitam, alteri in mortem sunt, & è non malis pro varia valetudinis conditione toxica bibuntur. neque vilis error grauior est quàm in spiritali institutione directioneque iisdem omnes in omni re disciplinis instituere, iisdem mederi modis, cum pugnantes naturæ morbiq; pugnantia remedia deposcant. Euenit enim in ingeniorum tractatione quod in corporum curationibus; in quibus prima præscribendorum cogitatio à constitutionum varietate petenda est. in qua qui peccat, mille se erroribus inuoluit, & pro profuturis in-

# LIBER I. CAP. XXII. 141

terimentia propinabit. Pius sit instructor,  
orationis antè studio exultus, magis  
etiam mortificationis; vt dux ipse suis ad  
omnem virtutem sit, plùsque exemplo  
quàm verbo instruat; habeant in eo, ac in  
omni actione verbòque ipsius nouitij quod  
tutò imitentur. à prudentia verò siue illa  
naturali, siue cælo concessa quàm instru-  
ctissimus sit. adeò vt si voris hîc agendum  
sit, minus in institutione à solida magnâ-  
que prudentia cum moderata pietate, quàm  
à magna pietate prudentia destituta peri-  
culi videatur.



## LIBER



# LIBER SECVNDVS. INFERIORVM morbi & curationes.

## CAPVT PRIMVM.

### *Auersio à Superioribus.*



X quacunque causa nata, difficultatibus & periculis plena est: neque enim in sola Superioris persona stat hæc auersio, sed abit ad omnia ab ipso imperata; ut etiam si hæc sanissima sint, instituto conformia, animarum saluti propria, bona etiam adeoque amore illius cui imperantur profecta, omnia tamen ex aliis iniitiis prolata arbitretur. Hinc in parendo ingens difficultas sequitur, cum omnia imperatis suspecta sunt, totaque interioris hominis pax turbatur & euertitur. nam siue Superior taceat, crescit cum auersione inquietudo; siue loquatur, & salutaria præscribat, pro toxico illi salutis monita sunt, ut ex omnibus non modò imperatis, sed ne ex dictis factisque Superiorum quidquam placeat, displiceant omnia. sint qualia

lia à religioſiſſimo & prudentiſſimo ſpera-  
 ri ac deſiderari poſſint; fatua illi erunt, &  
 periculis plena: ſint amiciſſimâ mente,  
 munificentiſſimâque dexterâ erogata; ab  
 hoſtili pectore, & auara manu venient.  
 Prudens Superior conſilium dedit, prouidè  
 imperauit? fatuus, aut politicus eſt. Be-  
 neuolè excepit? aulicos mores induit. Lar-  
 giſſimè omnia ſponpondit? inſidias ſtruxit,  
 & aliud verbis, aliud animo fouit. Planè  
 loquitur? latent doli. Parcus in verbis eſt?  
 fraudes, & inimicam mentem tegit. Sua-  
 det profutura? commodis ſuis ſtudet. Nihil  
 denique tam ſanctum certumque, quod  
 non profanum, periculiſque plenum illi ſit.

Neque manet hæc auerſio in vno, pro-  
 dit ſe foras, ac vbicunque deprehende-  
 rit aliquem ex quacunque cauſa turbatio-  
 rem, au Superiori offenſum, illi ſe mor-  
 bantque ſuum aperit, qui hoc malo tene-  
 tur, mutuâque hac confidentia mala cre-  
 ſcunt; vt inde ſocietate iam roborata, in  
 apertas prorumpant murmuraciones, ob-  
 locutiones, detractiões, ac quidquid  
 ferè in Religione malorum excogitari  
 poteſt.

Quid? quòd etiam ad externos ſerpat  
 hoc malum: neque enim contineri, vnus  
 animo commotio & tempeſtas hæc ia-  
 ctatiõque poteſt, non magis quàm flam-  
 ma cineribus: erumpet proinde vel mini-  
 ma data occasione, maximè ſi externus  
 ille pro contracta inter eos familiaritate,  
 corpe



## 144 MEDICI RELIGIOSI

cœperit aliquid in Superiore improbare; tunc enim periculum est, ne tanquam hac nouacula dissectum apostema, venena simul omnia profundat, non Superioris tantum, sed & corporis totius damno.

Demum eresciente hoc malo, ad instituti vniuersi damnationem prolabitur hæc alienatio, agrumque suum ad extrema propellit, dum nihil iam probat, damnat omnia, auersaturque quæcunque documenta, tanquam ab hostili manu propinata: nusquam patris, nusquam medici manum agnoscens, sed inimicam vbique dexteram, etiam inter amica fercula & propinationes, inter patria monita benignissimo pectore deprompta, venena reperiet, & fella pro melle leget, colocynthidas pro saccharo, pro vita mortem. tantum valet alienior animus.

Iam cum displiceat Superior, monitaque studiâque ipsius, qualia demum illa fuerint, licet ab intimo Religionis deprompta; incipiunt etiam Religionis propria displicere. & semel à Superiore alienior animus, auertitur etiam ab iis quæ instituti sunt, maximèque ab illis, ad quæ Superiorem propensorem videmus: quod si ad omnia instituti pari conatu feratur Superior, ab omnibus auertimur; displicet nimirum res cum persona displiceat, & quæ proba antè erant, improba videntur. cum ab hostili dextera nihil arbitremur amicum profuturumque porrigi posse.

At

LIBER II. CAP. I. 145

Atque hinc spiritualis quædam exurgit  
nausea, & morrentis animi fastidium, ut  
nihil iam placeat quo foueri mens con-  
sueuerat, aut lassâ reparari, aut fessâ eri-  
gi, aut ægra sanari.

Oratio verò tota prostrata iacet, cre-  
das exsectis nervis omni robore viduatâ.  
ita occupatus ac possessus alienatione hæc  
animus, nihil præter auersiones ruminat,  
ut nec spatium sibi concedat cælestia co-  
gitandi. tanquam si palatum amaritudine  
circumfessum, suauia ac salutaria omnia  
respuentem cogites.

Sed & animus ad generosa quæque de-  
est: amatque sub tali Superiore ingloriam  
magis vitam & ignauam trahere, quàm  
ad victurâ dexteram protendere. quæ tan-  
dem res ad extrema inferiorê deducit, va-  
riôsque etiam corporum morbos adducit.  
nec finem facit, donec aut in apertum e-  
rumpat odium, & hostiles machinatio-  
nes, & desperatæ mentis molitiones,  
aut vitam sibi aliisque grauem tristi lan-  
guore finiat, infelicique demum morte  
claudat.

*Remedia.*

Conandum Superiori quibuscunque  
Cpoteft modis, maximè verò per Præ-  
fectum spiritus, Confessarium, aliôsque ci-  
caros, ut æger hoc malum suum fidenter,  
clare, & hinc ambagibus retegat: in rete-  
G tione.

ctione enim hac potissima sanitatis pars constituta est.

Beneficiis etiam vincendus ager, & ad hanc sui detectionem blandè ducendus erit: quosdam etiam in illo leuiiores imperfectiones dissimulando: negotia quædam, quæ tuto illi credi possint; vtrò committendo: si quid rectè factum, laudando: si quid minus bene, errorem tamen excusando, intentionem collaudando, suauiter monendo, & ad maiora excitando.

In qua re magna Superioris opus est prudentia; vt si blandè inferiorem adducere non possit ad sinceram mali sui refectionem, simulet se auersionem hanc sentire, multisque fiduciæ signis, ac quibusdam etiam concessionibus ab instituto non alienis, suauibus appellationibus, colloquiisque quæ animi in illum, propensionè fiduciàmque ostendant, eum sibi deuinciendo; propositis etiam interdum quibusdam tanquam consilij causa, ac iudicium illius explorandi, probando etiam illud, si quomodo fieri possit.

Quod si his similibusque animum illius sibi conciliauerit; dissimulare in vniuersum Superior poterit, quò fidentiùs ille se suæque pulsus dissidentia nebulis, Superiori credat: si verò ager se aperuerit, beneuolentia Superioris victus, benigne illum Superior audiat, soletur, ostendat vanum metum fuisse, non fundatas suspensiones, & ne à se cogitatis quidem rebus

## LIBER II. CAP. I. 147

natas; aut sanè rationem dictorum factorumque suorum amicè illi reddat, sæpe ad se, suaque aperienda inuitet, vt cōsuetudine hac, fiducia nascatur & amor.

Magna denique dexteritate animum ægroti in omnem partem versando, paulatim illi omnē auersionis causam euellat, dicta factaque illius in Superiorem minuendo, multa humanæ fragilitati tribuendo, multa huius generis in omni hominum genere euenisse.

Quòd si his remediis vinci æger non possit, seriò de loci mutatione cogitandum erit: sæpe enim naturalis quædam è constitutionum diuersitate nata auersio est, quàm priusquam euincas, vniuersam, antè valetudinem frangas & perdas.

## CAPVT II.

*Neglectus obseruantia erga Superiores.*

**R**Em, quis arbitretur non magnam, magna hæc tamen incommoda secum trahit: sequitur enim hunc neglectum venerationis & auctoritatis diminutio ac contemptus denique, quod ubi fit, tota collabascit obedientia, quæ his firmamentis, tanquam validissimis vinculis ac propugnaculis continetur. neque difficile est illi obsequi, quem veneraris; impossibile prope illi obsequi, quem contemnis.

## 148 MEDICI RELIGIOSI

mnis, maximè ea obsequentia, quam ab animo profectam omnis bene constituta Religio exigit.

Succedunt hinc in omni propè imperio murmuraciones, cùm non placeant imperata, quæ placere perrarò possunt, cùm displicet qui imperat. nam etiã si prudentissima illa sint, si non placet imperans, nec imperata placebunt: contrà si placeat ille, etiã imprudenter imperata, si non probentur, locum tamen excusationi & propugnationi inuenient. tantum in utramque partem refert affectus in auctorem. Amas? etiã verbera placebunt, aut tanquam de manu optimi & clementissimi patris venisse iudicabis. Aueraris? etiã munera detestaberis, arbitraberisq; ab inimica dextra venire, & molliora benignioraq; verba factaq; , dolos fraudesq; regere opinaberis. Mollia, verè amantis, dura licet, verba sunt, quin & mollia verbera; dura alienioris animi, mollia licet, verba sunt, muneráque verbera non dona sunt; vti nihil iam expectare debeas, præter spiritalem quandam nauseam, ac repentis animi spiritalem quandam vomitum. omnia enim cùm Superiore displicere incipiunt; minörque iam veneratio rebus instituti propriis, minor maiorum decretis. nam ad neglectũ ac contemptum satis est à tali Superiore profecta: sancta licet probaq; sint, ac veneris germaniq; instituti, ac primarij spi-

ritus,



ritus, non sapiunt tamen, imò displicent à tali manu propinata. ita semel concepta opinio dulcia omnia ac salutaria in amara ac noxia vertit ; mella nimirum in fel merum, medicamenta in venenum. vnde supinus tandē neglectus omnium spirituum exercitationū, rerūque Religioni propriarum nascitur, ac perpetuus tandem animi languor, non nisi cum Religionis ipsius odio aut morte finiendus. tantum in humanis potest ex neglecta veneratione contemptus, vt ad malorum vltima Religiosum deducat, nec antè finem faciat quàm illū tota Religione protrudat, iuratūque hostem ex filio & amico statuat.

Aliquid proinde sit in Superiore quod venereris, virtus, benignitas, paterna cura, comitas, ingenij magnitudo, iudicij profunditas, eloquentia, agendarum rerum dexteritas, morum maturitas, rara continentia, pietas, probitas, eruditio nō vulgaris, prudentia magna ; aliquid denique quod venerationem prouocet, è qua ferè amorem nasci videbis.

Fateor etiam his omnibus destituto, venerationi tamen locum esse posse, vel hoc solo nomine, quòd Superior Christi vices gerat, cui in Superiore obtemperamus: verū difficile est, vbi omnibus Superior quæ natura sua venerationem prouocant destituitur, solo intuitu vicarij illi à Deo concessi muneris venerationē prouocare.

## 150 MEDICI RELIGIOSI

ferè enim homines etiam ad diuina humanis quibusdam ducimur trahimurque subsidiis; quibus si destituamur, ægrè ad nuda diuina, propter ipsa rapimur: vestiri enim illa optamus, & humanis quibusdam illecebris cingi.

Et sanè vt nihil facilius est quàm in venerationem, ac venerationi implexum amorem rapere, si amore ac veneratione digna, manu quasi tangimus; ita inter difficilia non vltimum est in veneratione ac amore propellere, cum omnia externa venerationis ac amoris prouocamenta desunt.

Illud verò in alieniore animo solemne est sequi, vt vnus pectore venerationis diminutio non claudatur; spargitur per plures, & totas obit familias, sitque vt derogata semel veneratione, obedientia tota labascet: obmurmurationibus colloquia natent: & quæ prius amoris ac filialis parentis, nunc seruilis obsequentiæ sunt, à sola coactione nata. atque hinc omnium intepestunt animi, imperatæque nausæbundi exequentur. quare nec fructum illum sperare prudenter possumus, quem à laboribus, sudoribusque amoris ardoribus excitis expectare solemus. Quid? quodd etiam ad externos eat hæc fama, & venerationis illa retractio causæque totas impleant vrbes, non sine non emendanda nominis diminutione, quæ res in vniuersum corpus redundat.

*Remedia*

*Remedia.*

**P**Lurimum hîc valet Dei, in omni Superiore, cuius hîc vicem gerit, præmiortumque cælo repositorû seria frequensq; consideratio: non magnum esse variis naturæ celestibusque donis exulto morem gerere, cum ipsa donorum excellentia etiam hostes in admirationem rapiat, aut à Religione alienos in amorem trahat. neq; in his magna meriti ratio esse potest: ingens illa præmij meritique materies est, cum in Superiore nulla humana momenta ponderamus, sed Christum solum, cuius ille vices gerit; intuemur: illum vt Dei in terris vicarium, vt cælo nobis datum amplectimur. quæ vna ratio omnibus potentior, maior, certiorque apud verè Religiosum esse debet; & à qua sola plus venerationis amorisque, quàm à reliquis omnino omnibus animo concipere, factisque præ se ferre meritò oporteat.

Quæ in Superiore laudanda sæpius ob oculos ponere; neque enim quisquam est, in quo non aliqua reperias, quæ laudem mereantur, siue è naturæ donis, siue studio comparatis, siue singulari prærogatiua à Deo concessa.

Quidquam non commendandum in Superiore occurrit, fortiter repellendum, excusandû; intentionis bonitas, humanæ fragilitas cogitanda errorum vitiorumque

## 152 MEDICI RELIGIOSI

propriorum magnitudo grauitasque leuibus, illius opponenda. quod eo facilius faciet inferior, quo errores, delicta, & quidquid in se non vna reprehensione dignum, tacitus secum euoluerit. Videat in quantis sibi ab aliis indulgeri velit, maximè à Deo, cuius oculis nuda sunt omnia. quàm multa damnanda secum trahat, & non vni veniæ subiicienda, quo magis minora in Superiore dissimulationis & indulgētiæ scopis verrat. ac quodocunque occurrunt quæ meritam damnationem exigunt, & venerationis diminutionem, obiciat illustriora quæque ipsius, quæ iure quodam suo admirationem ac venerationem deponunt. quod perfacile erit verè Religioso, & simplici meliorēque oculo singula intuenti.

## CAPVT III.

*Simulata & tecta conscientia explicatio  
& redditio.*

**M**alum eo nocentius, quòd à filiali in Superiorem, tanquam patrem ac medicum refectione, omnis bona certaque, ac secura gubernatio pendeat. Vnde fit, vt huius defectu neque curentur nocitura vulnera; & mortem sæpe allatura; neque vitentur damna corpori vniuerso inferenda; neque prudens, ac sine insigni aliqua

## LIBER II. CAP. III. 153

aliqua clade diu consistere gubernatio possit. Committuntur munia, quibus credenda non erant, conticitque non raro suos in salutis discrimina Superior, morborum ac propensionum suorum ignarus.

Et sanè ut nihil difficilius est, etiam peritissimo medico, longaque rerum ac ætatis experientia docto, quàm ignoratos ægrientium morbos aggredi, & ad quorum refectionem, siue noxia verecundia, siue simulandi studio, siue pertinaci silentii obfirmatione, obtumescit æger, premittitque secum mala; ita nihil facilius, quàm cognitæ perspectasque infirmitates, earumque causas depellere. ut morbi certa cognitio, medico certa propè curatio sit: at ignarus morborum fluctuabit, & pro salutaribus perimentia sæpe medicamenta propinabit. calentibus opus est? porriget frigida. humectantibus æger indigebit? siccantia præbebit. Idem eueniet in animarum medico. didicit morbos? remedia ad manum sunt, siue noxiorum subtractione, siue profaturorum propinatione.

Et cum in omni animorum morbo plurima veterum in vtramque partem extant documenta, & exempla; non erit Superiori morborum conscio difficile ea præscribere, quæ salutaria cum primis futura sunt. ut sciuisse suorum morbos propè curasse sit; cum contrà ex illorum ignorantia nulla non mala nasci procliue sit.

Si 1. Sane



Sanè prudentem omnem gubernationem ex hac suorum cognitione pendere nemo non videt; cum reliqua omnis gubernatio ex ignoratione nata, fortuita sit, & mille lapsibus exposita; ut in qua nihil certò, nihil tutò, nihil solidi statui possit. fortunæ nimirum committenda sunt omnia. Nam licet ex externo suorum conuictu, colloquiis, domestica consuetudine, familiarium etiam indagatione, multa solers prudensque Superior colligat; plurima tamen ignorabit. cum pauci morbos suos prodant, tegant plerique: & ferò grauissimi altè habitant, ac in imo latent, visceribus implexi; leuiiores prorumpunt foras, mortem allatura intimis præcordiis clauduntur, nec nisi cum interitu reteguntur.

Causa ferè mali huius in Superiore residet, qui si paternum in omnes affectum explicabit, expandetque matris viscera vberaque, nullo negotio filialem in se subditorum affectum prouocabit. crescit enim cum amore fiducia, neque facilè se generosus animus in hac mutua amorum prouocatione vinci patietur. Quare si Superior genuinos, verique patris sinus expanderet, in omnem fiduciæ refectionem inferiorem incitabit; maximè vbi illum non tantum patrem & medicum, sed fidissimum commissorum sibi custodem senserit, creditaque sibi arctissima æternum custodia seruantem. plurimum enim

in

## LIBER II. CAP. III. 155

in inferioribus valet concepta hæc de Superioribus concreditorum infracta firmitas, & secretorum tenacitas. Proderit etiam vel inter prima, si à fidenti inferiorum conscientiarum animique refectione, propensos in se Superiorum animos senserint, ac peculiare tenerosque patrios in se illorum affectus experti fuerint, ac plus etiam quàm antè benevolentiarum ac fiduciarum dici enim non potest, quantum his crescat amor, fidensque morborum animi, nudaque sinceræque, omni fuco & simulatione seposita, relectio.

Altera mali causa ab arrogantia metusque ab hac nato proficiscitur. cum veremur, ne si quæ animum premunt vulnera aperuerimus, sinistram Superiores opinionem induant, decedatque non parum de veteri in nos affectu, aut de concepta virtutis opinione, minusque iam aut solita committant, aut à maioribus dignioribusque auocent.

Ab innata etiam quadam animi in omnes, aut certos Superiores diffidentia, aut pusillanimitate, noxius hic timor, qui candorem hunc sistit, nascitur. Et sanè nisi fastum hunc exuerit inferior, metum illud nunquam depōnet. Nihil hinc periculi foret, si humilitatis amor obsedisset pectus. gauderet enim talis contemptu, & causas vltro depressionis inueniret & suggereret. aut sanè si firma in Deum fiducia occupasset animum, qui nunquam

permittit

## 156 MEDICI RELIGIOSI

permittit fidentem sibi in fraudem duci, non magno hic opus esset molimine: cum enim inferior Superiori Dei vices gerenti morbos aperiat, fieri non potest ut permittat hunc Deus dolis circumueniri. quòd si ramen permiserit fraudi hunc cui candorem esse, certò sibi qui damnum passus est persuadeat, locupletiore longè mercede hanc in Deum fiduciam remunerandam.

Quòd si pergat inferior Superiorem animorum medicum morbos suos celare, nihil propiùs, imò necessum omnino est, ut politicum quendam spiritum plenis faucibus hauriat, consilia résque suas vario artificio tegat; probitatem, pietatémque simul; valetudinem bonam verbis vultúque mentiatur, cum extrema sæpe, mortémque vulnera intentent. audiat Sapiensem: *Via stulti recta in oculis eius: qui autem sapiens est, audit consilia.* & illud: *Fili, sine consilio nihil facias, & post factum non poenitebit.* quanto magis audiet consilia Superioris inferior, parentis filius, infirmus medici, idque in re salutis?

### Remedia.

**A** Superiore ferè petenda, ut paterna beneuolentiæ ostentatione affectum in se fiduciamque suorum excitet, beneficiis etiam prouocet, adeòque ad ea mu-

nia promotione, à quibus periculum inferiori non creetur.

Proderit etiam faciles benignasque in omni ad se recurſu aures præbere, vltro etiam non rarò compellare, fiduciamque ostentare, aditumque in omnem retgendi se libertatem sternere, nullòque vel minimo signo aut diffidentiam præ se ferre, aut è concreditis sibi timorem.

Inculcanda rei huius vtilitas necessitasque, siue in exhortationibus publicis, siue in priuatis colloquiis, maximèque in domesticis conferentiis, vel à Præfecto spiritus, aliisque instituti peritis & amantibus. aperienda incommoda damnasque è noxio silentio nata, exemplisque illorum confirmanda, qui ab imprudenti verecundia, vel à timore & inani diffidentia, vel celandi sua studio, ad perpetuam animi inquietudinem, ac tandem ad vocationis suæ desertionem deuenerunt, in carnem similiaque vicia prolapsi.

Exemplis deinde magnorum virorum, qui grauissimis aliquando in omni vitiis generum tentationibus pulsati, post plurima frustra tentata remedia, in vna mali sui refectione salutem reppererunt. Nec veriti non pauci sunt, publicatis etiam libris, palam, quibus iactati fuerant, demonum insidias aperire, quidam etiam lapsus suos, aut lapsui pericula proxima.

Excitandi deinde, & ad animi sui morbos periculaque aperienda prouocandi  
etunt.

## 158 MEDICI RELIGIOSI

erunt, exemplis morborum corporis, quorum verecunda, & oculis etiam nostris pudibunda, gravitate mali victi, medicis adeoque & hostibus retegimus: quo magis idem faciendum Superiori ac patri in animi morbis, corporis morbis longè perniciosioribus, ut à quibus beata infelixque pendeat aternitas, nulla postmodum arte reparanda. Serio in hanc rem Gregorius:

*In Past.  
p. 2. c. 1.*

*Quisquis intrare aternitatis ianuam nititur, tentationes suas menti Pastoris indicet. & in Vitis Patrum: Ne abscondas cogitationes tuas: ita enim confusus immundus spiritus discedet à te. Nihil enim ita confundit damones, eorumque virtutem allidit, quàm si quis secreta cogitationum revelet Patribus sanctis.*

## CAPVT IV.

*Curiositas in indagandis, qua gubernationem tangunt.*

**Q**Uæ quo magis internam cuiusque pacem turbat, eo Religioso magis vitanda & fugienda est: neque enim potest in illius animo solida pax tranquillitasque consistere, in quo agendarum imperandarumque rerum perpetuæ natant sollicitudines.

Neque in vno inquietudo hæc permanet, abit in plures, cum quæ solerti indagazione



gatione cognita sunt, aperiuntur aliis; causamque saepe praebeant magnarumurbationum: cum ea ipsa quae decreta aliquando, coguntur, re melius propiusque perspecta, aut quibusdam inexpectatis nouisque intercurrentibus, quae aliud suadent, Superiores mutare. quod ubi euenit, aut inconstantiam in Superiore redarguunt, aut imprudentiam, aut denique, si ipsos res tangebat, prioraque consilia magis placebant,urbationum mare magnum nasci videbis.

Profluunt inde suspiciones in varios, moerores, murmuraciones & obloquia, quorum omnium causa primus ille curiosior indagator & explorator est. nascunturque ex his principiis temeraria in primis iudicia; & frequenter culpam in illum conicimus, qui extra omnem noxam est: unde ingentes profluunt animorum alienationes, partiumque noxia Religioni studia; variae deinde parum religiosae molitiones, & innocentissimorum saepe euerfiones; decurriturque demum ad interna, ac ad externa non raro patrocinia & intercessiones.

Plurimum deinde curiosior illa disquisitio adimit de obedientiae integritate, cum magnam partem debitae resignationis & indifferentiae tollat. Etenim animus ad omnia Superiorum imperia paratus, nullam causam habet curiosioris investigationis, promptus in omnem imperij par-

tem: neque illum cura mordet imperandarum rerum, qui in omnem Superioris, tanquam in Dei voluntatem excubat, & in quo nullus delectus maneris, aut agendarum rerum est: sed infima iuxta ac maxima à diuina manu per Superiores expectat; magisque etiam fertur in abiecta, tanquam in tutiora, & raro lapsui aut præcipitiis vicina, quia minùs splendida, & per plana ducunt, in quibus rarior ut æmulatio, ita infrequentior casus est.

Monemur in hac materia à Sapiente:

*Eccli. 3. Altiora te ne quasieris, & fortiora te ne scrutatus fueris. Sed quæ præcepit tibi Deus, illa cogita semper, & in pluribus operibus eius ne fueris curiosus. Non est enim tibi necessarium, ea quæ abscondita sunt, videre oculis tuis. In supernaculis rebus noli scrutari multipliciter, & in pluribus operibus eius non eris curiosus. multos supplantauit suspicio illorū, & in vanitate detinuit sensus illorum. Præcipit Deus per Superiores. quorū præceptis ut diuinis insistendū esse monet Apostolus. & ferè ingentem animo inquietudinem omnis curiosior indagatio adducit, magnarum ubique turbarū ac iactationum causa. ita in perpetua quadam tempestate fluctibusque curiositas omnis nauigat, omnibus littoribus exclusa, ignara portus, stationum nescia; inanibus plerumque vanisque suspitionibus iactata, dum irrequieta mente Superiorum consilia scrutantur, subiosque & fortuitos euentus, solerti subdo*

LIBER II. CAP. IV. 167

subdolâque prospicientia anteuertere conantur, semper anxij nequid fôrs alienum à propensione Superiores de se statuunt, multum de diuinâ prouidentia fiducia detrahentes, quam præprouida sagacique industria sua præuerrere conantur. quo fit vt relinquat illos Deus in manu consiliorum suorum, destituâtque cælestibus subsidiis; quibus affluunt quotquot vni Dei voluntati innixi, totam sui curam Superioribus relinquunt, certi fortunatiùs successura quæcunque à prudenti & præprouida diuina manu profluunt, quàm quæ à fatuo delectu nostro euentuum ignâro.

Huc accedit, in altissima pace viuere, quotquot se suâque diuinâ prouidentia committunt, ac cæca quadam manu accipiunt, quidquid à prouida illius dextera porrigitur. Eueniant vt placitum bonitati ipsius fuerit, res imperatæ; habent ad mimum illud solatij, Obsecuti sumus Deo. non eueniunt optata aut sperata felicitate; satis esse homini debet, paruissè in Superiore, Deo. & fortè in salutem erit infelicior euentus, fuisset in damnatione aut lapsum fortunatus successus. Quid altiora nobis scrutamur mortales? certum, non posse falli Deum, nec fallere sperantes in se posse.

Qui verò curiosiore indagatione Superiorum, ac in illis de se suisque, aut aliis etiam, diuina disquirunt consilia, in perpetua quadam sollicitudine vitam trahunt, quod si Superiores ad sua vota deduxerint,

## 162 MEDICI RELIGIOSI

æterna ferè pœnitundine conatus suos luunt; cùm plurimùm extorta hæc imperia infelici exitu claudantur, & præcisa tunc spes omnis mutationis videatur, cùm erubescimus ad prioribus contrarias preces, qui auctores nobis malorum fuimus, & mutatz in Superiore sententiz.

### *Remedia.*

**O**bedientiæ per meditationes, librorumque de hac virtute tractantium lectiones, excitatus amor.

Studium tranquillitatis internæ, quam nullo negotio consequuntur, quicumque extra omnem sollicitudinem Superiorum tanquam Dei imperia læti hilaresque expectant & excipiunt.

Commemoratio eorum, quibus plerumque minùs feliciter nimia hæc cura cessit; contraque aliorum, quibus fortunatissimo ferè exitu paratus ille animus ad omnia Superiorum mandata exequenda successit.

Proderit etiam cogitare, quem curiosior hæc indagatio finem sibi propositum habeat. si solam cognitionem: quò mihi illa laus quid adferet internæ pacis? si ut habear primus euulgator; invidentiam-etiam vereri debeo, & secretorum euulgator Superiorum, & indignationem timere. Si ut aliò Superiorum consilia flectam in iis quæ me tangunt; parum tutâ ingredior viâ:

viâ : accedentibusque molestiis , quales promptum est hic nasci , nullus querimoniis relictus est locus , cum Superiorem à suis ad mea consilia deduxerim. inde moerore sequuntur non rarè ; cum contrà pacatissimi sint , qui toti à Superiorum voluntate pendent , parique affectu quæcunque demum imperata cadant , amplectuntur ; quibus si non omnia ex voto prospera eueniant , habent quo se solentur , Superiorum , non sua se voluntate rem aggressos ; & tutò Superiori difficultates proponere , remediâque deprecari possunt.

## CAPUT V.

*Obedientia neglectus.*

**Q**ui ferè ex eo prouenire solet , quòd in Superiore non cognoscamus imperantem Deum : quem si in illo intueremur , non facilè ab imperatis desisteremus , iudiciâque nostra illius præponeremus. Nam quis paulò religiosior sua diuinis consiliis , quæ in Superiore elucent , præferre audeat ? aut quis ea temeritate , barbaroque fastu est , qui diuina postponat suis ? Omnis proinde neglectæ obedientiæ ratio in Superioris ignorance consistit , cum vicariam in illo Dei potestatem inferiores non agnoscunt , nec imperantem in eo Dominum considerant , sed humanis



manis rationibus metiuntur omnia; nec aliud in Superiore, quàm aut inditam naturâ, aut longa experientia partam prudentiam intuentur: ita fit, vt sæculi more obtemperant, rationibus nimirum, aut metu, aut sola externa auctoritate ducti, qui obsequendi modus longissimè à diuino abest, ac prudentiæ potiùs, & seruili timori, quàm diuinæ voluntati in Superioribus imperanti innititur; quam si in Superiore consideraremus, non difficile foret obtemperare, maximè cùm in obsequendo rarus intercurrere error possit: non quòd non aberret à recto veròque Superiore, sed quòd error ille perrarò in Superiorem cadat: nec minora interim apud Deum obedientiæ præmia reposita sunt, si quis imprudenter, quàm si prudenter imperanti obtemperet; ac merces etiam maior illi debetur, cùm minùs prudenter ac prouidè imperanti, solius Dei nomine, in illis quæ nulam peccati labem continent, obtemperet.

Damna verò adeò graua & obuia sunt quæ ex obedientiæ neglectu nascuntur, vt in omnium oculos nullo negotio incurrant: neque enim vlla non Religionis modo, in obedientia potissimùm fundata, sed nec reipubl. aut priuatæ etiam domus sine huius virtutis accurata obseruatione prudens consistere gubernatio potest, nullum imperium stare, nullus exercitus ab hoste victoriam sperare, nulla securitas in rebus humanis, pax nulla, quæ ferè obedientiâ

tanquam vinculo ligatur.

Ingentem deinde rerum omnium perturbationem huius defectu necessum est sequi, cum membra capiti, inferiores Superioribus aut imperant; aut non obsequuntur: quæ res interitum corpori de propinquo minatur. nam quid sperari potest, quid non timeri, cum inuertitur hic ordo rerum, quo inferiores Superioribus parere æquum est? cum aut Superiorum ignauâ incuriâ inferioribus omnia permittuntur, ut pro voluntate quisque sua vitam morésque instituat, munia deligat, res administret, in quæcunque se domestica ac externa profundat; aut cum innato quodam negandi timore, aut mœrore afficiendi metu, aut rogandi importunitate, succumbunt; aut temporalium denique commodorum causa; aut sanè ob inferiorum durtiem, & arrogatam auctoritatem, è Superiorum tepore natam, liberas suis habenas permittunt; quid expectari magni bonisque potest, dum singuli vnids licet corporis membra, contrariis in diuersa motibus feruntur, si non vltimarum desperationum miseranda consilia?

Commoda verò aded manifesta sunt, ut non egeant explicatione: mutuo enim hac virtute debito amore constringimur, dum singuli commissio sibi muneri incumbentes partes suas tuentur, ne in aliena De Ciu. sibi non concedita inuoluantur. Augu- tate lib. 14.  
Sunt de hac virtute verba sunt; Virtus obe-

dientia

## 166 MEDICI RELIGIOSI

*dientia in rationali creatura, mater quodammodo omnium est custósque virtutum.*

Sequitur hanc virtutem sine sollicitudine vita tranquilla, & curarum experta, cum Superiori se totum resque suas inferior credit, illius nutui paret, totumque se illius voluntati committit. Felicem impetrata res euentum consequitur: præmia cum Superiore laudisque partitur, & maior etiam gloriæ pars ad inferiorem transit. Infelicem sortitur effectum: si obsecutus est imperanti, securus, & extra culpam & reprehensionem est: prudentia, timor, dubius & anxius de euentu animus, seriæ deliberationes, mœror & pœnitudo, Superioris sunt: pœnitudo, dolor, metus nullus, fortuitarum rerum sollicitudo, internique fluctus nulli; sed pax alta, profundaque quies, ingensque animi tranquillitas, inferioris sunt. Nullæ in hoc, vt in Superiore, noctes insomnes, nulla anxia futurorum cogitatio, nullæ sollicitudines cor exedentes, nulla præcipitatio, nulla gloriæ aut hominis defraudatio metuenda: cum satis inferiori in omnem laudem sit quemcunque, res euentum sortita fuerit, paruisse; nec minorem laudem quocunque demum euentu, felici an infelici, mereatur, neque gloriam commendationemque referat inferiorem. cum omnis obsequentis honos in sola parentia, non in successuum felicitate consistat, & fortunati infortunatique euentus solius

Supe

Superioris delectui ac imperio ascribi debeant. Semper proinde laudem decusque quocunque euentu obediens reportabit, etiam apud iniquos rerum æstimatores; solam verò laudem Superior è fortunato euentu consequetur. vt tutissima obsequentis conditio, certissimæque gloria; dubia ac incerta per omnia imperantis sit. tanto hæc discrimine dissident, tantoque imperiis potior parentia est.

### Remedia.

FRæquens lectio, & commemoratio meditationisque eorum, quæ ad hanc virtutem pertinent. commodorum etiam incommodorumque, quæ ex huius virtutis prosecutione aut neglectu nasci proclive est, sæpe repetita memoria. quanta animi tranquillitate, quanta securitate ac certitudine, molestiis expertem vitam ducant, qui se totos obedientie sacrarunt: quanta contrà mentis turbatione, anxietate, inconstantia, dubioque ferè exitu iactentur, quotquot ab illa degenerarunt, aut, deflexerunt. Bene Sapiens, *Vir obediens loquetur* Prou. 25.  
*victoriam.* omnium nobilissimam retulit  
 Christus, qui *humiliauit semetipsum factus* Phil. 2.  
*obediens usque ad mortem, mortem autem*  
*crucis.* Sequitur victoria, & è victoria triumphus. Propter quod & Deus exaltauit illum,  
 & donauit illi nomen, quod est super omne  
 nomen: vt in nomine IESU omne genu  
 flecta

*flectatur, caelestium, terrestrium & infernorum, & omnis lingua confiteatur, quia Dominus IESVS Christus in gloria est Dei Patris.*

Frequentare narrationes in familiari colloquio, de infelici plurimum exitu illorum, qui Superiorum imperio neglecto, suo se arbitrato voluntateque rexerunt: quantaque sanctimoniae ac miraculorum etiam praerogativae virtutis illius cultores, omni aetate eluxerint.

- In omni Superiorum imperio Deum cogitare imperantem, allicientem, praemiantem. Monet Apostolus: *Obedite praepositis vestris, & subiaceite eis. ipsi enim pervigilant quasi rationem pro animabus vestris reddituri, ut cum gaudio hoc faciant, &*
- Ephe. 6. non gementes. Non ad oculum serviientes, quasi hominibus placentes, sed ut servi Christi, facientes voluntatem Dei ex animo; cum bona voluntate serviientes sicut*
- 1. Pet. 2. Deo & non hominibus.* addit Petrus: *Non tantum bonis & modestis, sed etiam dyscalis.* Ac licet de servis illa verba; multo certius in Superioribus locum habent, quibus non humana mercede, sed tanquam Deo peculiari obedientiae voto nos astringimus. Hierony. verba sunt: *Praepositum timeas ut dominum, diligas ut patrem. Credas tibi salutare quidquid ille iusserit. nec de maioris sententia indices, cuius officij est obedire, & implere quae iussa sunt.*

Sanctorum deinde exemplo, ac in pri-

mis



mis Christi Domini, ad ardua quæcunque imperia sese animare, spe maximè futurorum: sæcularium etiam exemplo, qui in Principum obsequiis, militari disciplina, ac in omni republica, in græuissimis rebus maiorum imperiis parèrè coguntur.

In omni re Superiori proponenda, duo præmittere, orationem & resignationem.

A facilioribus inchoandum, aliquando etiam in non noxiis aliqua concedenda: ad ardua dein descendendum, mōra tamen aliqua interiecta.

Per familiares etiam aliquando monēdo, maximè aliorum exemplis, qui maiores ætate, eruditione, grātia, paratos promptosque se exhibent, omnem felicitatem in vna obedientia ponentes.

## CAP. VI.

*Obedientia è solo metu profecta.*

Seruilis omnino ingenij obedientia, quæ non ultra me tum progreditur: si clam futura putat, imperata negliget; si pœnarum effugium sperat, etiam contemnet: nihil proinde magnum ab hoc sperari potest; quale ferè ab animo bene composito, & affectu, aut in rem ipsam, aut in imperantem proficisci consuevit: amor namque ardensque desiderium potentis-

H                      sima

simia incitamenta, ad magna sunt, quibus tanquam validis arctibus, quaecunque aduersantia propugnacula non magno negotio propulsantur ac deuerruntur. audet enim, qui amat, & leuia arbitratur quaecunque amore suo minora sunt: qui metuit, etiam viribus suis inferiora perhorrescit. omnia enim metitur metu, ut ille prior amore: qui cum rebus maior sit, non mirum ad ardua, ut ad leuia, prosilire: cumque metus in aliis rebus etiam leuioribus maior sit, nihil mirandum si ad illa non extendat manum. desperatio enim quaedam felicioris euentus, fortunatio-risque consecutionis metu impellente mentem possedit: hinc angusti illi exurgunt animi, tremorque ac timor, & dissidentia timoris comes. quare frustra ab hoc peccatore, viro ac caelo dignas, victurique ac in posteritatem abituri nominis cogitationes expectabis.

Idem in obedientia e solo humano metu nata reperies, aut enim yniuersum quod operatur opus, negligit, aut sine anima aut mente praecepta exequitur, aut languet ac quasi congelidata friget, plurimumque de sperato calore amittit. succedit pallor ac quaedam operum ægritudo, nec valetudinem sperare possumus nisi seruilem hunc metum potenti quodam amoris medicamine tanquam purgantibus minuat ac pellat.

Alienationes exinde animorum exurgere

## LIBER II. CAP. VI. 171

gere necessum est, quæ in odia paulatim  
excreſcunt, in murmurationes, detractio-  
nes, aliâque his affinia vitia. nam vbi so-  
lus metus inferiores continet, displicen-  
tia nascitur imperantis, cùm imperata di-  
spliceant, è qua procliue est recésita vitia,  
aliâque his similia tanquam laxatis habe-  
nis decurrere: quem enim solus continet  
metus, is si hunc excutere potest, fertur in  
imperantem, nec parcat, vbi cunq; vulne-  
ribus locum reperit, perpetuâque in statio-  
ne est. hinc aperto si quando datur marte;  
inde, vt plurimùm fieri consuevit, ex insi-  
diis imperantem petit, omnem euertendi  
illum occasionem captans.

Quid? quòd animus è metu obsequen-  
tis in perpetua quadam amaritudine ver-  
setur, semper inuoluntarius, suspicionibus  
& æmulationibus plenus, nusquam nisi in  
oblocutionibus apertus & candidus, sem-  
per reclusus & simulatus, & consiliorû su-  
orum occultator, mœroribus verò tantâ-  
que melancholia tam validè oppressus, vt  
ferè non nisi cum morte, aut loci Superio-  
risve mutatione dolorem ponat.

Neque latere externos hæc res potest,  
qui aut ab imperatarum rerum tarda &  
repenti executione, aut à verbo per im-  
prudenciam elapso, mali huius magnitu-  
dinè perfacilè cognoscunt: quod dum fit,  
nihil promptius esse potest, quàm vt vel  
in inuidiam vocetur Superior, vt in impe-  
rante durior & imprudencior, vel inferior

H 2 suspi

suspicionem apud alios incurrat alienioris à Superiøre animi.

Politici deinde ex hoc metu extingunt in inferiore spiritus, plenâque simulationibus sunt omnia. obsequentiam parentique studium factis exprimere, mentem aliud voluit: ut rebus cogitata non respondeant, atque hinc consilia exurgunt variis artibus tecta, dolisque fraudibusque plena, & cum mentem Superiorem obsequentem, & imperiorum amantem opera præ se ferant, animus odio natus, & sub exteriori obedientiæ spongia, tanquam sub amplexu Ioab ferrum latet, aut sub osculo Iudæ vincula & catena.

Et ignauissimorum hæc ferè signa animorum sunt, qui cum de virtute desperent, ex insidiis hostem petunt, solis fraudibus fortes, reliqua socordes. Generosus animus aperta ingreditur via, antè in mortem ruiturus, quam femineis his armis usus. certè non nisi servilis ingenij, & ignauissimi cuiusdâ pectoris est, solo metu ad obsequendum impelli, testatissimumque signum nihil in tali religioso affectu latere. imò manifesta signa hæc sunt spuria vocationis diuinæ, quæ si germana legitimæque esset, ab amore nasceretur, omni servili metu depulso.

Neque hic animus cælo dignus est, qui solis minis, grauioribus acrioribusque monitis, verberibusque in officio contineri potest. cælo filij inferibuntur, & hæreditariorio

## LIBER II. CAP. VI. 173

rario quodam iure possessionem illius ad-  
eunt; excluduntur quibus præter feruile  
ingenitum, nihil amoris ingenitum est, ni-  
hil filialis parentiæ & venerationis. amare  
debet quisquis amoris præmia sperat. nul-  
la verò cælo quàm amorì dantur; quo so-  
lo præmia metiri & erogare solet Deus.

### *Remedia.*

**M**agna parte à Superiore petenda sunt,  
qui si paternum in suos affectum in-  
duat, rebusque non nudis verbis illum  
ostendar, non magno negotio suorum in  
se affectu trahet. Neque difficile erit ama-  
re imperata, cum qui imperat, amatur,  
vbi paternum Superiorum pectus senser-  
int; maxime cum monita & imperata à  
paterno candore nata viderint.

Seria frequensque cogitatio imperan-  
tis in Superiore Dei, plurimum in hac re  
potest. qui enim vicariam in illo Domini  
potestatem intuetur, non tepidè ad impe-  
rata exequenda descendet; maxime si San-  
ctorum virorum exemplis, in omni Su-  
terioris imperio, cælo imperia nata co-  
gitauerit. quis enim non alacer obtempe-  
ret imperanti Deo? In omni ergo imperio  
si Dei imperia consideraerimus, quis non  
pulso frigore ac languore latus aduelabit  
ad præceptorum executionem, certus iam  
de illius voluntate?

Iuuabit etiam si generosum inferior



## 174 MEDICI RELIGIOSI

animum induat, illúmque ad magna obfirmet, indignúmque viro ac Religioso esse cogitet metu cõpelli, vt pudeat illum seruilis ingenij, & indignetur ad mancipij nomen, maiorémque se statuat, quàm vt vincatur à metu: quin adeò fortiù pugnantorum exemplo, antea in media arena generosam euomat animam, quàm timori locum tribuat.

Quòd si quis imperata amet, tanquam vberem materiam cælo coronandam, tanquam fecundam messem horreo Domini-co inferendam, discárque non imperantem intueri, variis fòrs affectibus obnoxium, sed promissa obsequentibus præmia; non erit difficile, metu seposito, æternorum amore alacri mète ad imperata decurrere, certus de remuneratione, certus de præmio, amabítque imperia à quocunque ore dictata, felici æternitate commensuranda.

## CRPV T VII.

### *Excusationes.*

**N**ON postremum in Religione malorum, cum imperata à Superioribus, quasi obiecto clypeo, excutimus. palàm & in os resistere verecundia prohibet, via excogitatur qua sine rubore liceat. valetudinem accusamus, virium tenuitatem, morbum

morbum etiam languoremque mentium verbo posse negamus, nimirum quia nolumus non possumus: ut nolle non posse sit. eneruandæ obedientiæ certissima regula. arbitreris tanquam nouacula aut securi iugulum illius præscindi: ita duobus verbis, Non possum, robur illius omne subruitur. Neque potest grauius quidquam Superioribus euenire, cum nolentes cogere durum sit, & plus habeat coactio omnis domini ac iudicis quam patris; & indulgere negantibus inconsultum sit, sit ut incerti dubiique hæreant Superiores. Si pergunt imperare, seueros cogites; si assentiuntur repugnantibus, mollescunt animi, & nulla iam imperia sunt, nisi quæ ultro suscipiuntur: ut vniuersa obedientia non ab imperantis virtute aut prudentia, sed à parentis nuda voluntate ac propensione pendeat. decurritur enim ad tritum illud, Dicite nobis placentia, & audiemus & obsecundabimur: ut ante imperia voluntas deposcenda inferioris sit.

Infelici sanè ferè exitu excusationes hæc terminantur. cum aut in nimis indulgentem, aut fortem nimium Superiorem inciderint. nam & primus indulgentia perdit, & secundus robore non tam flectit, quam frangit. mediam verò inuenire viam difficillimum. nec quisquam facilè talibus ingentis satisfaciet. nam ut voluntatibus istorum subseruire graue, ita nolentes cogere durum est. Sanè disciplinam paula-

tim omnem diffuere necessum est, cum paucorum exemplo reliqui ferè in paria trahantur. Si enim ad imperata excutienda minùs grata satis est, Non possum; quis non duobus verbis molestiam omnem deterget, & auerret à se quidquid minùs naturæ, aut propensionis cuiusque amicum est.

Infortunata omnino Superioris conditio, cum tales nactus fuerit, quibus nec imperare, nec indulgere tutum. & vix in his prudentiæ locus est. neque enim tales ratione, Dei futurorumque timore, aut vocationis amore, sed solis propensionibus suis aguntur placent imperia? amplectuntur. displicent? excutunt. Nec in vna re hæc res finitur. assuescunt paulatim his excusationibus, adeoque crescit hæc licentia, vt quidquid non placet, neget se posse, solis placituris obtemperaturi. vnde fit vt si in facilem mollémque Superiorem inciderint, ad indignissima quæque Religione dilabantur, suisque singuli motibus ac propensionibus agantur, nec tam ipsi Superiori, quàm hic illis obtemperet, euerfa omni prudentis gubernationis regula. si in fortem & qui imperare pergat deuenerint, ad mœrores labantur & melancholias; & de deferenda vocatione cogitationes.

Nec in vno malum hoc clauditur, ita ad plures, & obit paulatim domum, cum paria sibi singuli concedi velint, contendantque iisdem quibus alij prærogatiuis donari.

## LIBER II. CAP. VII. 177

nari, quæ si negauerit Superior, & personarum hæc discrimina admiserit, tota familia æmulationibus & oblocutionibus repletur, nec quies aut pax vlla, sed tanquam fluctibus ac tempestatibus iactatur, non ante domus totius interitum positura motus, quos etiam in externos nonnemo effundet, solatia ab his, & morbo suo remedia captaturus.

Prouenire hoc malum affolet, vel ex supina quadam ignauia, vel à libertatis amore, vel à Religionis tædio, vel ab alienatione à Superiore, vel à pusillanimitate mentis, vel ab amore proprio, vel à iudicii sui tenacitate, vel denique ab innato quodam fastu, & opinione sui. è quibus illæ profisciscuntur, non deprecatoriæ tantum, sed excusatoriæ & negatoriæ voces, præualida hac armatura armatæ, Non possum. hinc nimirum imperatis inferiores vires sunt, ibi alienior animus munus exhorrescit, alibi oneri succumbit, valetudini noxia res aut cælum, socij displicent. vellem; sed negat corporis animique robur, impedimenta quædam siue illa mentis, siue illa virium non permittunt impositæ rei susceptionem. adducitur etiam conscientia, & mentis quædam abdita vniuersim narrata, periculæque non expresso periculorum nomine. denique vno omnia verbo clauduntur, Non possum. quid agat Superior? perget imperare? ad manum est, Non possum. nihil nimirum potest nisi quod animo colli-

Al 5 hucrit,

## 178 MEDICI RELIGIOSI

buerit. ad hoc & vires & animus sufficit, ad imperata defunt. ad optata robur superest, ad imperata exulat. quò se vertat Superior? vrgebit nolentem & negantem posse? sauius & crudelis habebitur, qui maiora viribus imponat. indulgebit? collabascet omnis paulatim disciplina, corrúentque imperia, & in his Religio vniuersa. vt magna in talibus opus sit dexteritate ac prudentia, ne aut vniuersa corruat disciplina, aut mœroribus succumbant & opprimantur inferiores, aut otio diffuant, & in noxium dilabantur teporem, Dominico ore deuomendi, ac paulatim spiritalia fastidiant nauseabundis in omnibus similes: nec antè finem faciant, quàm desperata vbique re. in ignauissima socordia contabescant, diffuántque in amicam otio carnem, & quia spiritu inceperunt, in fœdas corporis voluptates infortunatissimo exitu dilabantur.

*Remedia.*

**A**B exercitiorum spiritualium frequēti repetitione petenda, vt his accendatur ad ardua animus, Christique Sanctorumque exemplo discat gaudere duris, delectari asperis, generosius inter hæc animam positurus, quàm inter mollia viturus.

Aliorum deinde, siue eruditione, gratia, eloquentia, viribus inferiorum, exemplo animandi



LIBER II. CAP. VIII. 179

animandi & ad magna impellendi sunt, honore etiam gloriaque, ac dedecore nonnunquam excitandi;

Iuuabit interdum loci, sociorum, Superiorumque mutatio. virum enim si tales nacti fuerint fortem, constantem, prudentem, quique exemplo præeat, socios etiam serios, & ad labores promptos, sola non raro verecundia ignauiam deponent, quam sub tepentibus sociis, mollibusque Superioribus nutriebant;

Quòd si emendatio non successerit, non inutile fuerit tales ad postrema officiorum reiicere, nullo loco habere, nulla familiaritate coniungere; vt pudore tandem vincente manum maioribus admouere incipiant. fortiùs certiusque hoc etiam fiet, si iuniores alacres & ad ardua prompti illis præferantur, si præmiis donentur, laude afficiantur, ac ad illu striora munia obeunda admoueantur.

CAPVT VIII.

*Intercessionēs.*

**V**Eræ ac genuinæ obedientiæ impedimentum, dum imperata aliorum intercessionibus infringuntur, & aliorum vertuntur importunis intercedētium precibus: vnde periculum creari Religioni potest, ne in omni imperio voluntas pri-

mum inferiorum, propensioque inuestiganda sit; nec quisquam alia suscipiat, quam ad quæ propensam voluntatem reperit, vsurus in non placentibus aliorum intercessionibus, quorum operâ imperata euer-  
tat: maxime cum apud Superiorem facilem, pronumque in suorum voluntates res-  
agitur.

Hinc etiam sequitur, cum subterfugiunt interposita onera, qui Superioribus in primis idonei videbantur, vt imparatioribus, minusque idonei, non sine graui totius coporis detrimento, rebus admo-  
ueantur.

Tollitur deinde omnis rectè gubernandi ratio, libertasque, Superioribus sollicitis in omni imperio de voluntate suorum, vt non tam Superiores, quam inferiores præesse videantur, vt quorum voluntati magis quam Superiorum fiat satis.

Exurgunt verò ex his intercessionibus ingentia mala, cum paulatim iuuenes patribus sibi apud Superiores parant, & præprouida sollicitudine tanquam in cautelam, antè sibi Mæcenates conciliant, habituri auxiliares & propugnatores quacunque necessitate occurrente. atque hinc partium videas suboriri studia, dum varij variorum beneuolentiam captant, eorum nimirum, quos apud Superiores plus posse arbitrantur.

E quibus initiis quasi dissensionum iactis fundamentis, mutua paulatim animo-

## LIBER II. CAP. VIII. 181

rum coniunctio scinditur, dum huic potius, quàm illi adhærescimus, & hos tanquam in clientelam datos, magis quàm alios, tuemur. quid enim reliquum, nisi ut ratione diuersorum patronorum ac clientum eamus in factiones, dum hunc laudamus, damnamus alium: illum supra merita extollimus, alium infra dignationem depressimus?

Hinc etiam aulici paulatim irrepunt mores, mutua obseruationes, ac ne paulatim patrocinationis studium intepestcat, frequentes, cum insigni temporis iactura, miscentur confabulationes: inter quas fieri non potest quin sæcularia intercurrent colloquia plurima, mutua aliorum detractiones, ac in primis patronorum, ac clientum aliorum; subdolæ etiam, curiosæque in iis quæ gubernationem tangunt, indagationes; & iam tanquam in diuersorum patronorum clientes conspirationes subnascuntur; consuetudo cum aliis rarior, cum illis frequentior.

Nec vera tamen inter patronos hos, ac clientes solidaue amicitia est: mentita enim omnis beneuolentia est, quæ, quamdiu apud Superiores aliquid poterit patronus, tamdiu adhærescet; ille si gratia aut munere exciderit, cadit omnis ille simulatus amor, & alium circumspicit Mæcenatem, plûsque iam in priore damnat, quàm antè laudabat. Neque hoc mirum, si cogitemus, non hominem clientes hosce,

sed fortunam illius fuisse veneratos.

Minor etiam inter vnus partis clientes amor est, quos sola patroni veneratio continebat, cum intus potentibus æmulationum ac inuidentiæ fluctibus concuterentur, si aut vnus carior aut frequentior, aut munere aliquo, aut verborum consultationumque prærogatiua prælatus, innumerisque aliis ex causis, quas solers sibi inuidentia fingit.

Decurritur tandem etiam vsu, & quadam consuetudine intercessionum harum ad externorum intercessionem, magnorum nonnunquam virorum, Principum etiam, & benefactorum, vt hac quasi armata manu extorqueant à Superioribus imperata. Quare nihil euenire bene constitutæ Religionis deterius potest, magisque noxium: cum enim neque negare Superiores audeant, neque concedere sæpe tutum sit, hærent anxij, & victi magnorum precibus, quæ illis pro imperio sunt, succumbunt, permittuntque & illis, & Religioni nocitura. nam cum neque mores delictaque interdum suorum aperire religiosa caritas permittat, neque negare petentibus audeant, damna nascuntur, nulla postmodum prudentia reparanda.

### *Remedia.*

**M**inùs recedat Superior à sententia semel maturè concepta, intercessoribus  
intercur

## LIBER II. CAP. VIII. 183

intercurrentibus, quàm si ipsi quas proferrunt difficultates, vtrò proponant.

Seriò intercessores moneat, & ab intercessionibus deterreat, doceâtque quàm noxiæ illæ omni bonæ gubernationi sint.

Intercessores hos, patronosque, si pergant importuniùs suorum causam agere, seriò non semel monitos à se remoueat Superior, aliisque functionibus distineat; vt hoc exemplo à patrociniis hisce terreantur reliqui.

Inuigilet deinde Superior, vt valida manu clientelas patrociniâque rescindat; occurrat initiis, nec permittat noxia hæc molimina succrescere, seculares hæc aulicâsque noxias in primis Religioni consuetudines; terreâtque ab his, grauibz etiam propositis pœnis.

Munere etiam si quo splendidiorē fungantur religiosi hi Mæcenates, exuantur, quò desinant ex officij magnitudine audaciam sibi ad patrocinandum sumere, reliquique à simili conatu terreantur.

Si externos patronos Superiores aut iusto metu veriti fuerint, aut factis etiam senserint, ad ea loca patrociniolorum prouocatores transferant, in quibus omnis cuiuscunque patrocinijs spes præscindatur. vt dum destitutos se patronis viderint, vni potius virtuti quàm aliorum gratiæ, beneuolentiæ, ac potentiæ incumbant.



## CAPVT IX.

*Laborum fuga. Otij amor.*

**M**Alorum vitiorumque adeo omnium  
seminarium. ex hoc namque omnium  
generum profiliunt mala, in Religionis  
interitum nata, omnemque succum, se-  
minaque fecundissimi antea illius agri  
emedullantia ac perimentia. & quid spe-  
xari à Religioso potest otij amatore, quæ  
non timeri mala? nam vt omnino nihil  
agat, remotissimum ab ingenio humano  
est, quod occupationibus gaudet, nec in  
ignauo consensescere perpetuo potest otio.  
refugit res instituti, ac vocationi suæ pro-  
prias? conuertit se ad alienas; & cum domi  
desint quibus delectetur, transit ad Reli-  
gioni noxia, seque suosque non raro in  
aperta coniiicit discrimina. Si negata, aut  
non concessa illi sæcularium rerum nego-  
tiatio, deflectit ad animi mala; paulatim-  
que tam altè ignauissimi teporis huius  
venena bibit, vt ne excutere quidem hæc  
dum volet possit. taptum inueterata vitio-  
rum consuetudo potest, vt versa iam im-  
probitas in naturam videatur, quam cum  
sola vita deponat.

Profiliunt ex hoc otio murmuraciones,  
dictorum factorumque aliorum obtre-  
pationes. nam cum paria aliis aut noli-  
mus,

mus, aut vitio nostro non possumus, sit ut  
damnemus in iis, quæ nos aut magnitudi-  
nis terrore, aut otij amore fugimus: & cum  
desperemus assequi in alto posita, pigeât-  
que ad ardua dexteram porrigere laboribus  
territos, dolemus reliquos generoso diffi-  
cilium calcatu, quasi per sudores & sangui-  
nem ad excelsa decurrere. nasciturque  
hinc optimarum quarumcunque rerum in-  
uidencia: à quibus dum ob coniunctam  
ferè indiuiduo quodam nexu difficulta-  
tem, manum remouemus, alienæ virtutis  
inuidencia stimulamur & depascimur; co-  
namurque reliquos aut propositis, ac in  
immensum auctis difficultatibus terrere,  
aut speratorum ex iis fructuum extenua-  
tione auertere. quòd si non assequamur,  
ambitioni, aut inani placendi Superiori-  
bus aliisque studio conatus hosce ascri-  
bimus.

Inualetudinis deinde metu ab arduis  
quibusque reliquos auocamus. ac si quæ  
tota Religione exempla sint eorum, quos  
in medio magnarum rerum conatu vale-  
tudo aliquando destituit, ingenti illa am-  
plificatione in terrorem adducimus, de-  
teriora etiam ob oculos ponentes. quæ res  
non parum momenti ad terrorem habet.  
Voluntario interim silentio teguntur in-  
numeri, quorum maximis conatibus va-  
letudo respondit. tacentur deinde quos in  
otio aut immatura & inexpectata mors  
præoccupauit, aut perpetua quædam in-  
uate

ualetudo tenuit. tacentur denique quorum inualetudo otio creuit, decreuit laboribus, quique non antea otio natam ægritudinem deposuerunt, quàm se laboribus darent, quorúmque quasi per gradus laboribus valetudo creuit, vt tantum valetudinis accederet bonæ, quantum laboris.

Et sanè plurimum damni ex amico hoc quorundam otio reliquis accedere negare non possumus. Valent enim hæc maxime in iunioribus in exemplum, ac sub prætextu valetudinis tuendæ, otij crescit amor: quod semel degustatum, minùs generosa pectora perfacile in solidum quietis quadam dulcedine ad se rapit, detinetque illicibus his prærogatiuis, molestiarum & laborum carentia.

Ad hos interim otij amatores prono quodam lapsu vitia decurrunt. & ferè omnes tales in somnum pronos, in cibum ac potum æstuosos, in corporis denique commoda omnia procliues videas, ac tandem in carnem labentes. Laboribus sanè caro frangitur, sudoribus tanquam fluminum superfusu flamma illius restinguitur, otio roboratur, ac tanquam olei superiectu accenditur: & vt non facile insurgit laboribus tanquam cæstibus domita, ac quasi pedibus conculcata caro; ita non facile prostrata iacet, otio fœta, deliciis commodisque exstimulata. Docemur hoc omnium Sanctorum monitis, & quotidiana propè in omni Religione experientia, vt ad

## LIBER II. CAP. IX. 187

ad lapsum non alia pronior via sit. & ferè bona pars illorum, qui semel ad Religionis aratrum porrecta manu, retrò respexerunt, ad Ægyptias ollas, ad honores & commoda; ab otio, & laborum fuga viam sibi ad præcipitia prostrauerunt. vt verè dixerit Sapiens: *Via pigrorum quasi sepes spinarum: via iastorum absque offendiculo.* Prou. 15.  
 & alibi: *Pigredo immittit soporem, & anima dissoluta esuriet.* nam mens quia se ad superiora non stringendo non dirigit, neglecta Gregor. Past. p. 3.  
 etiam se inferius per desideria expandit. Et c. 16.  
*dum studiorum sublimium vigore non constringitur, cupiditatis infima fame sauciatur: vt quo se per disciplinam ligare dissimulat, eo se esuriens per voluptatum desideria spargat.* cui rectè per Salomonem dicitur Prou. 20.  
*Propter frigus piger arare noluit, mendicabit ergo aestate, & non dabitur ei: qui enim nunc ex bonis operibus non exudat, cum sol iudicij feruentior apparuerit, quia frustra regni aditum postulat, nihil accipiens aestate mendicabit.*

### Remedia.

**A** Superiorum in strenuos operarios beneuolentia sumenda sunt. vt quos magno religiosoque conatu in proximorum salutem incumbentes vident, nullis laboribus, nec propriæ valetudini parcen-  
 tes, eos & singulari affectu prosequantur, & curreptes sistant, & iniecta paternâ manu,

nu, beneuolè reprimant, deque necessariis omnibus vltronea ac munifica dextera, etiam reluctantibus prouideant.

In alios verò, quos in medio magnorum laborum cursu fractos reperiunt, vniuersam paternum affectum profundant, nihil deesse patiantur, & quantum Religio patitur, peculiaribus fauoribus prosequantur, vltiò misceant colloquia, consiliis etiam dandis adhibeant, nec quicquam illis eorum quæ ad honestam recreationem, decentemque ac religiosam animi laxationem faciunt, deesse patiantur, vltroque etiam ingerant, & ad illa cogant.

Exemplo deinde suo, magnorum Imperatorum more, reliquos Superior excitet. Incredibile quantum hoc in subditorum animis valeat, vt vel solo pudore etiam illi excitentur qui ad otium proniores sunt.

Exemplis denique, maximè in Religione, aut in Ecclesia Dei illustrium, qui affecta etiam valetudine, magna ingenti ausu conatùque aggressi, ad felicem exitum deduxerunt. Iam si vita laborantes destituat, quid in omnem æternitatem gloriosus, quàm fortium militum more, in mediis sudoribus, laboribus, sanguinéque vitam ponere? nec ingloria aut ignaua morte vilem animam emittere; factaque priùs fortia indecora morte signare?

Proderit etiam, vt si quos otio & ignauia se dare viderint, nulla eos sibi familiarita

rita



ritate iungant, nullis familiaribus collo-  
quiis dignentur; sed tanquam ignavos, &  
Religionis quosdam quasi fures ac vomit-  
us aut reserant. ut vel dedecore, ac prudenti  
quidam paterni affectus repulsa contem-  
ptuque ad meliora impellantur.

Utile etiam fuerit tales in humilibus  
quibusque officiis continere, & ab omni-  
bus dignioribus remouere; ad extremas  
etiam quasdam habitationes, minusve no-  
biles ieiicere; aliorum etiam monitis, ac  
in primis Præfecti spiritus ad labores pro-  
uocare, præmiis ac non raro minis etiam  
propositis; ut quos non potest amor, non  
magnum exempla, impellat timor & ve-  
recundia è contemptu nata.

Neque res vlla potentiùs dæmonum in-  
curfibus resistit, impetum frangit, quàm  
perpetua seriarum rerum occupatio. Hinc  
illud Bernardi: *Varijs autem officijs occu- Ad Fra-*  
*patus, nullis vacabis cogitationibus, & tres de*  
*dum ab alio transis ad aliud, opusque succe-*  
*dit operi, illud solum mente tenebis, quod*  
*agere compelleris.* & Hieronymus: *Facito Ad Ru-*  
*semper aliquid operis, ut te semper diabolus*  
*inueniat occupatum: multam enim mali-*  
*tiam docuit otiositas.* Vitabit sanè quis-  
quis salutis suæ studet, quisquis illi ex ani-  
mo consultum volet. neque enim potest  
mens humana, tanquam in ignauo quo-  
dam sopore tota conuiescere. semper ali-  
quid agat necessum est: igni persimilis  
qui erumpit in flammam, in scintillas, in fu-

*monte.*  
*sticum.*  
*Eccli. 33.*

190 MEDICI RELIGIOSI  
mum: & antè ferrum disrumpet & chaly-  
bem, quàm arctetur angustiiis. facit idem  
mens nostra, antè diffringet hæc vincula  
quibus illigatur, quàm vt in pigro hoc car-  
cere ignaua delitescat. bona desunt? ver-  
sabit mala. hæc ne illam teneant, meliori-  
bus distineatur. nec magno admodum hîc  
molimine opus est. assuescat bonis; abi-  
bunt in naturam. fecundus nimirum ani-  
morum ager. sementem immitte bonam,  
respondebunt fructus.

---

## CAPVT X.

### *Studiorum neglectus.*

**Q**Vem inter prima Religionis mala si  
quis numerauerit, non multum ab-  
errabit. nam quid à iuuentute speres, stu-  
diorum ardore seposito? vt nihil agat in  
illo ætatis flore & æstu, nequidquam spe-  
res; vt ad meliora conuertat mentem, fru-  
stra expectabis: nam qui semel excussit iu-  
gum, ad quod ab obedientia destinaba-  
tur, reliqua contemnet. & quid potest in  
ea ætate maius esse, quàm solida funda-  
menta victuræ in omnem ætatem erudi-  
tionis, in salutem proximorum natæ; se-  
rio magnoque conatu & ausu iacere? aut  
quæ res plus apud proximos in veneratio-  
nem, admirationem, laudem, fidem, se-  
que

LIBER II. CAP. X. 191

quelam valet, quàm profundæ vt virtutis, ira & conceptæ eruditionis opinio? quam non facilè ignauus quisquam & altioris eruditionis contemptor consequetur. proder se illius aliquando infantia & inscitia, tantùmque ferè à salute illorum promouenda decedet, quantum ab eruditionis opinione.

Iam ad quæ se adolescens neglectis conuertet studiis? ad otium, laborum fugam, ad vitia denique omnia, quæ ex otio nasci consueuerunt. aliqua nimirum re necesse vt vacuam à studiis mentem occupet. desunt alia? conuolabit ad vitia, ac tanquam in præceps actus, toto pronus corpore ad ea delabetur; trahetque exemplo suo tenerrimum quemque, inde robustiores etiam, & quibus plusculum virilis pectoris est: tandèmq; iunctis quasi manibus viribûsque, ad profunda labentur vitiorum.

Et ferè virtutes comitantur studia, vt quem seridò totisq; animis videris illis incumbentem, pari propè generositate virtutibus insudantem reperias. idem enim propè ardor æstûsque qui in studiorum, in virtutum amorem rapiet. longè sanè erit à vitiis, vt quibus assiduus studiis aditum præcluserit. serius enim occupata mens non facilè illorum importunitati parebit. occupatio omnis moram postulat, poscitque tempus; quod si negaueris, excluderis ab occupatione, ille negat, qui vniuersum

## 192 MEDICI RELIGIOSI

animum iis definit, & cuius totam mentem studiorum occupavit amor, sancta quâdam æmulatione, proximorumque sperata salute, tanquam stimulis actus. qui cum omnem aditum præcluserit vitiis, virtuti aperuisse censendus est, quæ ultro vacuum vitiis mentem occupare solet. sanè paratior mens talis ad virtutum susceptionem est.

Iam studia ferè ipsa, ardorque illorum, mentem ad magna & generosa prouocat, ad contemptum minimorum & vilissimorum quorumcunque excitat; ad detestationem impellit vitiorum, ut quæ indigna arbitratur viro ad maiora gradienti: & cum veretur maculam gloriæ, abstinet ab iis, quæ ad contaminandam illâ nata sunt. cum verò virtutem nullo studii impedimento & dedecori, adiumento verò & honori maximo esse senserit; tanquam in amicam, studiorumque suorum sociam prona voluntate rapitur.

Adde, longa nos edoctos experientia, pari propè feruore Religiosos ferri in orationem, piâque exercitationes, quo rapiuntur in studia. Nam & studiorum neglectus ignauiaque transit in orationem; & scientiarum ac eruditionis ardor in orationis studium: nec difficile est astuantem studiis animum pari in orationem astu transferre: ut languentem in studiis, ignauiaque omnique amore subactum, in reliquis ferè languere ac ignauescere videas.

Ab

Ab hoc verò studiorum languore omnium propè spiritualium rerum nauscam proficisci, ac quoddam piarum rerù fastidium reperies; inde etià murmurationes, detractiones, invidentias, cibi potùsque auaritatem, commodorùmque corporis, ac complacendi aliis studium. Nam cùm deesse sibi ad maiora subsidia videant, & otij amantes, laboribùsque territi, nolint ad ardua coniti, ab aliis ambitioni suæ subsidia mendicant. Inde iam placendi conatus, adulationes, & politici spiritus ingentia semina, in validas arbores nascitura, ni potentibus sectionibus & vitionibus fortiter obuiam eatur.

### *Remedia.*

**O**Mnia propè à Superiore pendent, nec difficile est, adolescentiores maximè, quasi substratis ignibus in studiorum ardorem impellere, si modò prius hoc actu inardescat Superior, remque non perfunctoriè, sed seriò tractet. Si frequenter suos quàm publicè, quàm priuatim animet. Si ardentes, laude & præmiis; ignavos, dedecore & poenis prouocet. Si hos etiam amoveat à studiis; illos externa quadam pate. ni affectus beneuolentia accendat.

Magnum etiam momentum in hanc rem magistri adferunt. quos si studiorum laborùmque amantes nacti fuerint, pari ardore sanctæ cuiusdam æmulationis studio



dio ad illa rapiuntur. maxime si frequen-  
tes & serix commendationes illorum ac-  
cesserint; si amica quædam cum studi-  
orum amantibus familiaritas, & externa bene-  
volentix necessitudo; si frequens in cona-  
tu animatio; si ignavos non patiantur in-  
ultos; si in priuatis publicisque illos dispu-  
tationibus ad ruborem etiam patiantur  
deprimi; si acrioribus stimulent verbis; si  
frequenti disputationum ac defensionum  
recurso hos fatigent, ut quos non socio-  
rum exempla, non Superiorum moni-  
ta, erubescencia extimulent, & poenarum  
metus.

Plurimum etiam proderunt ad animos  
excitandos monita Præfecti spiritus, alio-  
rumque domesticorum Patrum, quibus  
languidiore familiari aliquo nexu con-  
stricti sunt, sociorumque prouocatio.

Inuigilandum etiam Superiori erit in  
linguæ Latinæ vsum. ferè enim linguæ  
illius neglectum, studiorum neglectus se-  
quitur. quem enim linguæ Latinæ & ele-  
gantia & promptitudo delectat, delectant  
etiam studia, sine quibus parari illa non  
potest. quem verò nulla capiunt studia,  
nec elocutione gaudebit. Mutuò enim se-  
rè contemptus se duorum horum, amor-  
que sequuntur. neque facillè studiorum  
contemptor linguæ elegantiam amabit,  
aut sequetur; sequeretur, si amaret. rapi-  
mur enim ad amata. amaret, si studia ama-  
ret. quæ linguæ calamiq; elegantia ex-  
ornan

LIBER II. CAP. X. 195

ornantur. Dandâque in hoc genere opera  
Superiori est, vt elegantia etiam in elo-  
cutione studeant sui. & turpe est ab exter-  
nis in hoc genere Religiosos vinci. tur-  
pius etiam, non posse animi conceptus  
Romana lingua, tersa & fluente exprime-  
re: sed hæere ad singula virum aliqui  
non ineruditum, vt qui scientias profite-  
tur, balbutiat ad illarum explicationem.  
Neque erit difficile, si exemplo præeat  
Superior, laudeque, præmiis ac pœniten-  
tiis reliquos excitet: maximèque iunio-  
res, & humaniorum literarum magistros,  
ac cuiuscunque professionis studiosos. se-  
riôque caueat, ne qua in recreationibus  
lingua, quàm Latina vtantur, vt assuetudi-  
ne vsûque promptam sibi illam, paratam-  
que faciant; ne barbarie sua & Religioni &  
sibiipsum dedecori, & aliis graues sint.





LIBER TERTIVS.  
SVPERIORVM AC  
Inferiorum communes  
morbi,& curationes.

CAPVT PRIMVM.

*Orationis neglectus.*



RATIONE enim tanquam ro-  
re suo, aut caelesti imbre de-  
stitutus animus necesse aref-  
cat, abeatque in vagū pulue-  
rem, omni vento sæcularis  
affatus variè dispellendum. Et sanè qui  
agro quantumvis natura sua fertili imbrè  
rorémq; fœcundantē subtraxerit, ille si-  
mul speratos fructus in semine tanquam  
falce demetit. Ac licet nonnunquam se-  
men bonitate sua exurgat, spémque in her-  
ba promittat; nisi nube rigeretur, æstu sa-  
niente, omni meliore succo viduatur; vt in  
cineres tandem diues illa spõsionibus her-  
ba fatiscat, ornatu suo nudata, spoliata ro-  
bore. Eadē in animo cogita. Sortitus ali-  
quis mentem bonam est, & promittebat  
Dominicis horreis messem amplā; verūm  
nega

LIBER III. CAP. I. 197

negatus calo ros suus , & fecundans sub-  
tracta pluuia, miserā reliquit sibi, omneq;  
illas locupletes sponſiones vertit in arenā.  
Cælestes illæ pluuia mentem vndique irri-  
gantes, & quadam pinguedine sua fecun-  
dantes , gratiæ sunt calo repositæ, quas ex  
opulenta nube sua depluere Dominus cō-  
suevit in animum orationi ac pietati de-  
ditum : nec ferè delabi gratiarum illum  
imbrem copioso fluxu permittit, nisi ora-  
tionum precūque vi pelleretur. Credas  
nubem illam diuinam non pluere, nisi an-  
tè mentium nostrarum vapor summa pe-  
tierit, ac quasi in cælestibus orationum vi  
concreuerit , à cælesti sole magno in su-  
blime tractus. atq; hinc Propheta Regius:  
*Meditatus sum in omnibus operibus tuis, in Ps. 142.*  
*factis manuum tuarum meditaber. Expandi*  
*manus meas ad te: anima mea sicut terra si-*  
*ne aqua tibi. & commodissimum huic ora-*  
*tionum generi nocturnum ac matutinum*  
*tempus. hinc illud eiusdem: Memor fui tui Ps. 62.*  
*super stratum meum, in matutinis medita-*  
*bor in te. &, Meditatus sum nocte cum corde Ps. 76.*  
*meo, & exercitabar , & scopebam spiritum Ps. 33.*  
*meum. & alibi: Prauenerunt oculi mei ad te Ps. 118.*  
*diluculo, ut meditarer eloquia tua.*

Vt cibo potūque spoliatum corpus diu  
vitam tolerare non potest ; ita & mens  
nostra orationis cibo frustrata, quo vno  
nutriri, foueri, roborari solet, omni bre-  
ui spiritali vita exuitur. nam vt corpori  
terrestri cibus suus terra est, ita animo cæ-

## 198 MEDICI RELIGIOSI

læsti à cælestibus sperari cibus debet. quo frustratus contabescat, ac quasi meliori succo emedullatus, exarescat: maximè dum vis illius concupiscentiarum vndiq; ignibus obfessa enervatur, hostilibus illarum flammis excocta; euigoraturque robor omne, potenti harum incurfu protritum, vt nisi à cælo nouæ accedant vires, noua suggerantur robora, diu salua consistere mens nostra non possit: sperari verò à cælo non debent, nisi valido orationum nostrarum prouocamēto excitatus Dominus cælestibus suis donis roborauerit egētem, stipaueritque contra incurfantia inimica agmina potētibz dexteræ suæ armis, firmisq; illā diuinæ gratiæ propugnaculis fulserit, ac in circuitum vallauerit cōtra nocte diēque procurstantes hostiles acies: vt quantum nimirum hinc inimicitarum ac oppugnationum, tanta inde gratiarum ac propugnationum materies subministretur. quod sine orationum assiduo cultu frustra speremus.

Et ipsa sanè oratio, validum in omnes hostiles procursus propugnaculum est: illa enim mens nostra de propinquo iuncta Deo, sub protectione dexteræ illius, omnes hostiles ridet conatus, valentiore clypeo diuinæ manus recta; perennique diuinæ potentiæ associatione, non metuit minitantes ac procurstantes mundi ac inferorum acies. Vt dama in summo inaccessiblei montis vertice venatorum ridet conatus,



LIBER III. CAP. I. 199

natus, & saeuientium infra canum illudrit  
rabiem secuta de loco: ita anima oratio-  
num quibudam alis ad superna euecta, &  
Deo suo inhaerens, de vicinitate illius  
omnem hostilem sauitiam contemnit, se-  
cura de protectione. Eleganter in hanc  
rem Chrysostomus: *Quemadmodum ciui-  
tas, quae muris cincta non est, facile venit in  
potestatem hostium: propterea quod prorsus  
absit id quo fuerat hostium incursus arcen-  
dus: sic & animam non munitam precibus  
diabolus facile in suam redigit potestatem,  
nec multo negotio omni scelerum genere  
implet. Nam ad animam quidem precibus  
munitam non audet propius accedere, me-  
tuens robur ac fortitudinem, quam illi  
deprecatio subministravit, magis vege-  
rans animam quam cibus vegetat cor-  
pora.*

Lib. 2. de  
Oration.

Quod anima corpori, hoc oratio est a-  
nimae: illam qui sustulit, vita simul exuit;  
hanc qui subtraxerit, meliore vita spolia-  
bit: & cum omnis animi vigor, vitaeque  
à caelestibus donis, diuinisque inspiratio-  
nibus pendeat, quibus necessum est care-  
re mentem, quae ex orationis neglectu ta-  
libus destituitur, fit ut mortuo similior sit,  
ut quae caelesti vita, qua vna verè viu-  
it, spoliata, in ignauo quodam sopore con-  
sepulta iaceat. Et sanè nisi continuo diui-  
norum influxu fulciatur, labascit & colli-  
quescit tota, mortemque bibit, tot modis diu-  
noctumque ab inimica inferorum manu pro-

pinatam, ignara generis sui, improvidaq;  
futurorum, immemórque creatoris sui ac  
Dei: & iam hosti mancipata, & duro ater-  
nùm seruitio obstricta. Hinc illud Chry-

*Lib. 1. de  
orando  
Deum.*

ostomi: *Quisquis non orat Deum, nec diu-  
no colloquia cupit assiduè frui, is mortuus  
est & vita carens, expersque sana mentis.  
nam hoc ipsum evidentissimum signum est  
amentia, non intelligere magnitudinem hu-  
ius honoris, nec amare deprecandi studium,  
nec hoc habere persuasum, quòd anima mors  
sit non prouolui ad Dei genua. quemadmo-  
dum enim hoc corpus nostrum, si non adsit a-  
nima, profectò mortuum est ac foetidum, sic  
anima nisi seipsam incitet ad orandũ, mor-  
tua est ac misera, ac grauitè olens. Et dete-  
rior longè animæ mors est quacũque cor-  
poris morte; cùm destituta anima celesti  
vita sua, orationis neglectu, graui somno  
defossa iacet, vt nec diuinæ virtutis ro-  
rem influxumq; sentiat, nec mala sua per-  
sentiscat, nec amissorum bonorum deside-  
rio tangatur; tanquã vna obliuionis spõ-  
gia, quidquid fuerat antè bonorum, dele-  
tum videatur. quæ omnia ab orationis di-  
misso studio paulatim irrepunt, donec ad  
extrema demùm hominem suum deduc-  
cant, & ad miseranda Religionis præcipi-  
tia propellant.*

Exempla nos docent illorum, qui de-  
serta Religione, ab orationis ferè neglectu  
initia ruinæ duxerunt; neque quisquam  
ad crimina descendit, aut in iis inualuit,  
callumve

callumve obduxit, qui non antè in orationis studio intepuit; ut meritò oratio meditationeque tutelaria arma, validaque aduersus hostem propugnacula dici possint, quibus munitus animus, nullo hostili robore superari potest. stat inuictus aduersus carnem, mundum, diabolum, validis his spiritualibus armis protectus. Sed neque exarscere mens potest, perenni hoc orationum fonte rigata, cælestiumque in dies gratuitis donis perluta. quòd si validdè undique oppressa ceciderit, promptius exurgit, periculaque vulneraque orationis ardoribus excita agnoscit; neque diutius prostrata licet, inhærere luto huic potest, quæ potentibus hisce diurnis administris, & tanquam auxiliaribus præualidis copiis fulcitur.

Quod cor viuenti, hoc oratio est animæ, illud sustuleris, vitam ademeris. orationem tolle, & tanquam clauo & castibus animæ vitam excusseris, quam ab oratione habet. qua spoliata, tanquam in ignauo sopore prostrata ac conspulta iacet.

Quod condimenta mensis, hoc animæ oratio. insulsus sine illis cibus, & fastidio ac nausæ propior: idem euenit animæ oratione destituta, nauseabundos transiget annos, & in ignauo languore, ac displicentia etiam sui desidem vitam trahet.

Quod gemma annulo, hoc oratio animæ. annuli decor gemma, animæ gloria oratio: à qua splendorem lucemque acci-

pit, gratam cælestium oculis, adeoque & Dei.

Quod flos hortu, pomerio poma, botrus vineæ, nemori laurus, pascuo flumen, vallibus torrentes, fontes montibus; hoc animæ oratio. hinc mentis gratissimi flores, quibus cælestis Sponsi vertex coronatur, hinc illa malogranata dilecti manibus decerpta, hinc botrus vineæ Engaddi, quo inebriatur sponsus, hinc æterna laurus nullo fulmine ferienda, hinc felicia oculorum flumina, torrentesque singultibus ab alto ductis prouentes, fontesque summo montium Domino salientes.

Quod lasso requies, mœrenti gaudium, inopi aurum, fatiscenti robur, nervi corpori, spiritus sanguisque vitæ; hoc animæ oratio est. alta securaque pace mentem firmat, ingenti læticia perfundit, cælorum opibus donat, vires suggerit, diuinòque quodam spiritu animat iacētem ac torpentem, ac nobiliore quodam cælestium donorum sanguine, pectoris mentisque venas impler.

Quod sol diei, luna noctibus, nauigantibus stellæ; hoc oratio est animæ. sol enim diem animæ pulsa criminum nocte statuit, cælestique lumen præfert, diuinique amoris radiis calefacit, gratiarumque donorumque fecundo influxu inopem mentem, omnique ope destitutam locupletat, scelorum verò tenebris oppressis, densaque delictorum caligine circumseptis, errantibusque in tenebricoso peccatorum sen-

sicero,

ticeto, noua luna felices aperit & ostendit,  
& à fallentium errore viarum reuocat.  
tentationum denique fluctibus oppressis;  
sauiſque tentationibus iactatis, inter ſco-  
pulos & breuia oppugnantium nos vndi-  
que hostium, tutà littora, portumque gra-  
tiſſima ſtella designat, deſperatiſque rebus,  
& tantum non insurgentium vndique vn-  
darum procelloſis iactibus abſorptis ma-  
num emittens porrigit, & ad tot votis, ſuſpi-  
riis; lacrymiſque optata deducit.

Quod gluten, calx, clauī, funes iungen-  
dis firmandiſque rebus, hoc oratio Deo &  
homini, qua vna tanquam glutine adnecti-  
mur, tanquam calce astringimur, tanquam  
clauo conterebramur, tanquam fune colli-  
gamur illi. Deme quibus illa in humanis  
runguntur, & collabascunt quæ associata  
mutuò fuerant. tolle orationem, qua vna  
coaduneſcit anima Deo, nec multo, dila-  
bimar, & deſectimur illi, quantumuis po-  
tentib. prius orationum vinculis cōſtricti.  
ita perpetuari oratio debet, ſi perpetuan-  
da cum illo coniunctio eſt.

Quod ſecures præualidis ſecandis li-  
gnis, quod maltei igneſque ferro doman-  
do, hoc oratio duris veteribꝫque pecca-  
torum nodis ſecandis, ac inueteratis, ac  
quaſi chalybātis criminum conſuetadini-  
bus contundendis ac emolliendis eſt.

Quod ſpeculum faciei, hoc oratio ani-  
mæ eſt. illud maculas detegit, oratio ani-  
mæ pellos, & nihil reconditæ deformita-  
tis.



tis, aut internæ inuenustatis latere diu possit orationis speculo proposito, intima enim peruadit, & nudam oculis proponit, siquid tortuosum, si quid degenerat aut aberrat à fine cui creatum, yniuersum nudat & aperit, & tanquam è latebris eruit ac in apertam deducit lucem.

Quod musica homini, hoc oratio Deo, neque enim vllus illi concentus gratior oratione supplici mente & corde prolata, nullus illi cantus suauior, inter suspirios ductus tanquam inter saxa & scopulos mœrentis animæ & cupientis dissolui, & esse cum sponso suo: nulla illi musica sonantior densis oculorum fluminibus imbricata, ac tanquam salientium ac supernè cadentium lacrymarum modulis variegata: hinc tardè ac quasi gemmatim profilientium, vt ad grauitatem de composito credas fluere; ibi celeri motu ac quasi mutuo se fatigantium & opprimentium lapsu, vt in multitudine festinèque lapsu arbitreris ludere; vbique in venustatem, latèntque caelestium oculis prospectum.

Quod cella vinaria sitienti, quod torcular musto plenum, quod vinea odorato flore grauida, quod arboribus floribusque confitus hortus; hoc oratio est animæ, vt bibat & inebrietur sponso. neque aliis clauibus amoris cellæ aperiuntur, aut caelestia referantur vasa, aut torcularia redundant, aut vineæ diuitem aurumque spondent,

dent, aut animorum horti gratos celestibus fructus, caloque perennaturos flores spondent.

Quod hominibus cellæ aromatum, hoc oratio est animæ. hinc illa currebat in odorem vnguentorum dilecti sui, non aliis quàm orationis passibus; & non aliis quàm orationum sponsæ suæ odoramentis excitus sponsus, columbam suam, speciosam suam amplectitur.

Quod gladius anceps bis acutus, bis hostem feriens, hoc oratio animæ. in quamcumque enim se aduersarius partem verterit, signa intulerit, aciem direxerit, paratum orationi deditum reperiet. quodque instructissimus exercitus in inimicâ aciem, hoc oratio est animæ. nam hac vna calorum angelorumque legiones, ipsæque celestium ductor legionum Deus euocatur. neque instructior alia acies est, quàm murus sibi succedens oratio.

Quod nobilissima medicamenta morbis medendis, hoc oratio est animæ. neque potentior vlla medicatio, nullaque certior curatio quàm ab oratione venit. Docent hoc omnium atatum exempla. nobile sanè mithridaticū, generosa theriaca oratio est, cui valentissima inferorum, mundi, carnisque venena comparata flaccescunt.

Quod coronâ regia nobilissimarū gemmarum multitudine variegata regio vertici, quod armillæ aureæ pretiosorum lapidum textura collucens, quod ornatus  
regius

regius argento, auro, purpura grauidus regio corpori; hoc oratio est animæ. Nulla enim gemmæ cælo lucidiores oratione; qua verticem, collum, brachia dilecti sui sponsa, tanquam nobili amoris vinculo stringit, sibi que æternum adnectit. nullum argentum, aurum, purpura cælo gravior: hac vna decorat sponsum suum sponsa, purpuratque nobilissimo auro gemmisque intertexto pallio, amoris sui tessera, latè interlucentibus votiuis flammæ suarum desideriiis, tanquam primis cælorum stellis.

### *Remedia.*

**F**requentes Superiorum de damnis neglectæ orationis exhortationes. & monita: de fructu etiam & varia vtilitate frequentatæ orationis.

Exercitationum spiritualium annuus vsus; & frequentior etiam, si qua necessitas postulauerit, aut maior quædam ignauia teporique hominem occupauerit, vt annuo vno exercitiorum igne non videatur posse accendi.

Præceptorum spiritualium in hanc rem incumbentium assidua sollicitudo, diligensque in vnoquoque inuestigatio, seriæque monitiones.

Frequens lectio piorum librorum, eorumque maximè, qui de neglectæ orationis damnis, quique de fructu, emolumentis,

ris, & orationis necessitate scripserunt.

Iuuabit in primis frequens seriâque cogitatio innumerabilium propè bonorum, quæ ex vnica oratione diuite vena promanare solent.

Hac vna quidquid in humanis intercurrit aduersitatis, tanquam molli spongia deletur, aut tanquam flumine diluitur, aut tanquam valido vento inimicæ nubes metum ineussuræ pelluntur, omniâque procurfantia mala vt leues aquilone iactatæ paleæ diffantur.

Hæc tormentis superiores cultores suos facit, poenarumque contemptores, ignibus, clauis, ferro, cruce maiores; neque sentit animus in neruo, sub ease & securibus qui per orationem coniunctus Deo est. credas in aliena carne carnifices sæuire, cum mens per orationem conditori suo iuncta est.

Hæc facit contemptorem sæculi, cum hæc vna discat homo, quantum inter cælestia & humana discriminis interiaceat, quantoque diuina terrenis potiora, quantumque æterna perituris antistent.

Hac intellectus illustratus nil nisi cælestia sapit, desipitque illi quidquid hæc magnum & nobile, quod illis cõparatum non nisi calcantium protrimentum pedum est.

Hac voluntas cælesti amore inebriatur, vulneratur, nec quidquam iam felici vulnerare saucia præter dilectum quærit calo reclusum: illum turturis instar compare destituti,

destituti, suspiriosis questibus amore languidis, lacrymisque suauè fluentibus, ardentibus votis deposcit.

Hæc vna ingentem animo voluptatem parit, cum mens cælestibus potata gaudiis mœrorem omnem detergit, illumque in gaudialem diem conuertit.

Hæc incorruptos nos seruat Deo, cum hac vna salis instar condiamur, & ab omni vitiorum putredine intacti seruemur. nescit mens purulescere hoc animorum sale confricata, intactamque se sponso suo seruat.

Hac vna ductrice virtutes omnes parantur, vitia extirpantur. Docemur hoc ætatum omnium sæculorumque exemplis, cum eos legamus omnibus semper virtutibus cultissimos fuisse, qui speciali orationis prærogatiua florent.

Hæc nos iungit Deo, disiungit sæculo, discriminatque ab huius amatoribus. sine qua sola ab his veste diuidimur; parésque nos angelis facit. cum hac vna ad angelorum saltigia tollamur, & mente Deo quodā familiarioris cōiunctionis nexu astringamur, & quantum diuina permittunt, mutuz cuiusdam amicitiz vinculo colligemur.

Sanè nihil tam potens est quod oratione non cōsequamur. hac scelerum veniam consequimur, extensam in vindictam iudicis manum, animumque flectimus, æternis ignibus poenisque abolitis. hæc enim



## LIBER III. CAP. I. 209

vna certa vt præmiorum, ita & pœnarum felix procreatrix est. sine qua nullæ cælestes gratiæ, auxilia nulla speranda sunt. petite & dabitur vobis. mentiri Veritas non potest, præmia petenti spondet, negatura torpenti.

Et certè vana sine hac omnis nostra religio est, & vmbra similis, cum quidquid solidæ religionis est, ab oratione tanquam capite, & diuite fonte defluat; inanisque omnis sine hac medulla, sine his nervis, sanguinéque vis ac robur, & vmbra quàm corpori similior sit. nemo verò huius cultor aut cecidit grauius, aut diu in delicto prostratus iacuit, cum orationis quadam quasi manu erigeretur in pedes, in spem vitæ melioris, peractæque pœnitundinæ culpæ.

Qui verò hanc negligit, præcipitio proximus est, facilis ad lapsum, pronus in ruinam, cum, quibus per orationem firmabatur præfidiis ac fulcimentis, spoliatus sit.

Et nemo sanè carni reliquisque vitiis paruit, nisi hac nudatus. nemo hac munitus sanguinem hosti dedit, vulnera morte allatura retulit. quid? quòd adpò potens ab hac vna medicatio petatur, vt numeri huius solius præsidio sumati in ætet. a castitate steterint. cum perpauci hac destituti in sepulchrum castimoniam deduxerint.

Et verò quicumque Religionis desertor audiuit, antè orationem proiecit & calcauit:

uit: à cuius neglectu, per contemptum ad iurata Religionis signa deferenda, regia via descenditur.

---

## CAPVT II.

*Ariditas, & in oratione distractio.*

**Q**ua mens tanquam terra sibi relicta, nullo aut rose rigata, aut pluuia de celo passa, arefcit, abitque in cinerem, ventis non multo pòst insurgentibùsque tempestatibus futura ludibrium: vel quacunq; etiam decidua caelesti nube fecundata fuerit, quibuscunq; mortificationis rastris ac vomere proscissa, manet tamen in inertì sua sterilitate, nec nisi perpetua vigilique cura assurgit aliquando ex ignaua & infœcunda sua procubatione. Quod vt faciliùs dignoscatur, remedia que malo huic admoueantur, ariditatis ac distractionum harum causæ examinandæ sunt: quare videndum.

Num ex innata quadam naturæ conditione, instabilitate ac leuitate, quæ certis adhærescere nesciat, aut vni insilire, aut materiæ defectu, discursus inopia, aut adnata ariditate malum oriatur. quod frequens multis malum est, eoque maioribus remediis eget, quò cum natura illis pugnandum est: frequensque hoc vitium

NON

## LIBER III. CAP. II. 211

non tantum in iis, qui omni studiorum adiumento carent; sed doctis etiam, quibus innata quædam mentis inconstantia est, aut quibus impotens imaginationis vis dominatur, quaque violenter in alia rapiuntur, ut incogitantes ab omni oratione alienissimis immergantur. Crederes nauem validis irruentibus aquilonibus, nequidquam pugnante domino, ad inimica litora rapi. quo maior cura ac sollicitudo adhibenda, ac principiis omni studio occurrendum est, præscindendo omnes autantium occasionum radices, nec vel tenuibus parcendo, ne exurgant in maius malum, habitumque induat qui patitur; & è leuibus his initiis innascentur, non nisi violenta postmodum manu medicanda.

Num ex inordinato ad vitia affectu, siue à natura ingenito, siue usu exercitationeque comparato: quæ res impedimenta adfert plurima, nec patitur mentem cælesti rore rigari: saxescit enim, ac quasi rupefcit anima vitiorum habitu roborata, omnisque è cælesti nube imber prouens è rupeo hoc monte facile dilabitur; aut sanè ut in profundam vitiorum arenaream congeriem decidens tam altè ariditate illius, exsuccoque solo imbibitur, ut nulla propè tantarum cælestium aquarum vestigia superfint. Euertendum proinde omne hoc solum frequenti potentique suspiriorum ductu, tanquam rastris; exscindendæque animorum illæ rupes violenta manu, serio  
conu

conatu, frequenti lacrymarum fusu. nec  
desperandum aut intermittendus labor,  
donec cum radice exaudicemus malum.  
Maior omni malo animus sit, & vincemus.  
Nihil inuictum audenti; succedit sperata  
victoria, si validè insistamus operi. Terretur  
tyro clamoribus & minis, veterano etiam  
vulneribus crescit animus. Idem con-  
nandum nobis, ab ipsa difficultate animus  
sumendus. Vincet quisquis vincere au-  
debit.

Num ex occupationum multitudine,  
quibus spiritale semen suffocatur, animus-  
que ad externa rapitur potenti illorum do-  
minatu totus possessus, ac quasi in seruitu-  
tem reductus, assiduòque illorum usu adeò  
altè pertinctus, ut vix elui hic color possit,  
quacunq; etiam cælesti pluuia inebrie-  
tur.

Num ex cælestis influxus subtractione  
ariditas hæc proueniat. Causæ hîc inuesti-  
gandæ negati aut subtracti influxus, diui-  
narumque gratiarum; nostræ culpæ sub-  
tractio hæc euenerit, impedimentane à  
nobis iniecta sint; repercussus cælestis in-  
fluxus duritia cordis nostri, delapsus frigo-  
re ac tepore nostro, protritrus nimia ad sæ-  
cularia effusione, excussus contemptu, ac  
ingratitude nostra, repulsus peccatis  
nostris; proiectus, ac in fugam actus oc-  
cultis vitiis nostris, superbia in primis,  
mente non casta, detrahendi facilitate, mu-  
tæ charitatis dispersione, obedientiæ ac

paupertatis neglectu, regularum ac constitutionum transgressione, politici & secularis ac aulici spiritus prosecutione ac imitatione? An verò nulla causa nostra, sed vel innata quadam naturæ, tanquam puluerulenti soli, ariditate. An solius Dei nutu, idque aut in meritorum augmentum, aut exercendæ virtutis ac roboris causa, aut in exemplum denique & instructionem aliorum.

Quibus omnibus seriò occurrendum, cum ferè ex hac ariditate spiritualiam rerum nausea enascatur, omniumque virtutum fastidium; cum languorem suum mens considerat, tardiorque ac diffidentia quadam speratæ emendationis, in desperationem tandem melioris consecutionis labitur, indeque ad extrema malorum omnium prorumpit, ad vocationis suæ languorem, neglectum, contemptum, desertionem, ad vitia denique omnia. Neque quidquam tam graue aut immane est, quod his initiis, tanquam è copioso fonte, fertilique vena non profluat, ac in apertum vitiorum omnium campum profiliat. Ut merito huic malo magnis remediis occurrendum sit, ne vniuersa animæ nostræ area celesti imbre destituta, arescat tota, & in steriles soluatur arenas, aut in noxias degeneret miricas, in venenarios frutices, in cespites dominum fallentes, solaque fuliginosa fauilla diuites, spemque fecundæ glebæ solique mercentes.

Validè



De Ora-  
tion.  
Dom.

Validè nos monet Cyprianus: *Qua segnitia est, alienari & capi ineptis cogitationibus & profanis, cum Dominum deprecaris? quasi sit aliud quod magis debeas cogitare, quàm quòd cum Deo loquaris. quomodo te audiri à Deo postulas, cum te ipse non audias? vis esse Deum memorem tui cum rogas, quando ipse memor tui non sis?* bene in segnitiei detestationem, in verecundiae prouocationem. audiri venimus: & dum preces fundimus, animus aliis distinetur. Simulationis hæc species est, & illudentis, non deprecantis Dominum. nemo reus iudicis aduolutus pedibus incertus de exitu, inter menfarum delicias animo latus accumbit: nemo pauper elemosynam supplicibus deprecans votis, opes suas ostentat: nemo æger medicas in dubia valetudine deprecans manus ludit & ridet. nos tot criminum rei, omnium egeni, extremis maiorum morbis iactati, peccatorum vulneribus concissi quid expectamus? remedia poscimus, & tam ignauo frequenter pectore, vt orandi potius videamur venisse quàm oraturi. hinc illa increpantis Domini verba sunt:

*Mat. 23. Hypocrita, bene prophetauit de vobis Isaias, dicens, Populus hic labijs me honorat, cor autem eorum longè est à me. Scio vix sperari in humanis posse, vt ab omnibus aliarum rerum cogitationibus liberi vacuèque, soli Deo inhæreamus, nec iactemur aut feramur sæculi motibus; conatam tamen adhi*

LIBER III. CAP. II. 215

adhibebit Religiosus, totumque se dispel-  
lendis illis impendet, dolebitque de im-  
portunis variarum rerum procuribus mo-  
nitore Cassiano: *Quis tantum spiritus po-* Collat.  
*tuit unquam retinere feruorem, ut non in-* 23.c. 7.  
*terdum lubricis cogitationibus, in ipsa quo-*  
*que orationis intentione translatus repente*  
*de caelestibus ad terrena corruerit? qua licet*  
*omnia nonnullis qui sunt crassioribus vitijs*  
*inuoluti, leuia, atque à peccato penè aliena*  
*videantur; scientibus tamen perfectionis bo-*  
*num, etiam minimarum rerum multitudo*  
*grauissima est. Sequatur proinde magno*  
*conatu Apostolum præeuntem: Orabo spi-* I. Cor.  
*ritu, orabo & mente: psallam spiritu, psal-* 14.  
*lam & mente.*

Remedia.

PRimi generis iuari poterunt, si fre-  
quentibus feruentibusque mentem ani-  
ment pascantque iaculatorijs orationibus:  
memores Apostoli, *Orationi instate vi-* Coloss. 4.  
*gilantes in ea. & Sine intermissione orate.* 1:Thess.  
Frequenti etiam, sed breui ferè, & interr-  
pta piarum rerum lectione; ac si quando  
meditationi se dederint, propositæ medi-  
tationis primo puncto perlecto, seriò de  
eodem aliquid cogitent, similitudinibus,  
alijsque à se inuentis materiam extenden-  
tes, claudantque breui aliqua oratione.  
Transeant deinde pari modo ad secun-  
dum, tertium, quartum, donec inueniant  
in

## 216 MEDICI RELIGIOSI

in quo animus magis conquiescat, in cō-  
quē persistant.

Secundi generis, si laborauerit, vt af-  
fectionum radices assidua cura, & parti-  
cularis examinis studio euellant, sperare  
victoriam possunt, maximè si temporario  
& aduentitio malo tenentur: si adnato,  
& quod cum ipsa quasi natiuitate adole-  
uit; maiore diligentia & assiduitate opus  
erit, maiore etiam cautela & custodia sui;  
amico etiam aliquo monitore, maximè-  
que spiritualium rerum Præfecto, qui vbi  
dignum aliquid monitione obseruauerit,  
non parcat.

Tertij generis, nulla videntur re magis  
iuuari posse, quàm frequenti per annum  
spiritualium exercitiorum repetitione: fre-  
quentatæ enim per exercitia meditationes  
facilè animum memorem sui, etiam in  
mediis occupationum turbis statuent, nec  
patientur superuacue effundi. Audet in  
mediis occupationibus regiis Propheta,

*Psal. 38. Concaluit cor meum intra me, & in medi-  
tatione mea exardescit ignis. & Dirigatur  
Psalm. oratio mea sicut incensum in conspectu tuo.*

140. quid non poterit Religiosus si conatū ad-  
hibuerit? Iuuabit etiam ante occupatio-  
num aggressiones, animum cum Deo com-  
ponere; illisque finitis, dicta factaque se-  
*Eccli. 18. cum examinare. vnde illud Sapientis: Ante  
orationem prepara animam tuam, & noli  
esse quasi homo qui tentat Deum.*

*Eccli. 35. Quarti generis, animi submissione (ora-  
tio*

## LIBER III. CAP. II. 217

*tio humiliantis se nubes penetrat*) tolerantia, perseverantia, spe meliorum, diuinorum decretorum conformatione iuuari poterunt: maximè si sibi persuaferint, ariditatem hanc, subtractionemque diuini influxus euenire ad gratiæ & gloriæ augmentum, ad amoris & ardoris excitationem; dum negata in amorem sui prouocant, fortiusque accendunt, & alliciunt ad se animos, & tanquam calcaribus cogunt, parantque ad condolentiam in aliorum ariditatibus: ad erudiendam deinde mentem, in aliorum instructionem; ad submissionis augmentum, & spiritualis superbiæ victoriam; ad virium etiam nonnunquam conseruationem, ne ex spiritualium consolationum & illustrationum affluxu contabescant; ad patientiæ denique excitationem, imbecillitatisque suæ cognitionem, cum vident, quàm nihil possunt, cum solitariè sibi relinquuntur.

Nemo hic dicat, Non possum. quanti omnium litterarum rudes, inculti omnibus educationis probæ præfidiis destituti, moribus indomiti & efferi, & barbara gètenati, ad summum orationis apicem venerunt? si non desit animus, reliqua aderunt. nulli enim tam natura nouerca fuit, quæ illum orationis præfidiò nudauerit. facile est protendere cælo manus, mentem, verba. & si verum illud Sapientis est: *Apposuit tibi aquam & ignem: ad quod volueris porrige manum tuam. ante hominem vita &*

K

mors,

mors, bonum & malum: quod placuerit ei dabitur illi. quoniam multa sapientia Dei, & fortis in potentia, videns omnes sine intermissione. oculi Domini ad timentes eum, & ipse agnoscit omnem operam hominis. Nemini mandauit impiè agere; & nemini dedit spatium peccandi. quātò promptius faciliusq; mentē per orationem coniunget Deo, Creatori, Domino, Regi, Iudici, Medico, Redemptori, Patri, animæ suæ Sponsio? nulli occludit ostia Deus & Pater, cū ipse ultro prouocet: Ecce sto ad ostium & pulso. si quis audiuerit vocem meam, & aperuerit mihi ianuam, intrabo ad illum, & coenabo

*Mat. 23.* cum illo, & ipse mecum. & alibi: Quoties volui congregare filios tuos, quemadmodum gallina congregat pullos suos sub alas, & noluisti? non repelle, admitte rogantem. aderit; nec solitarius. non solet nuda venire munificentia, sed cælestibus instructa gratuitis donis, quibus obsequentem, pacisci & ornari desiderantem, cibatur & beat animam. delicia enim illius, esse cum filiis hominum. nulla hoc in re elucet magis, quā in oratione: vt gaudere videas Deū, si potenti submissāque suorum oratione prouocetur ad dona, ad familiares congressus, ad amicas mutuāsque sermocinationes, vt exuisse illum arbitris personam Dei, induisse hominis.



## CAPVT III.

*Neglectus lectionis spiritualium  
librorum.*

**E** Quibus hauriuntur arma tutelaria ad-  
uersus hostes, quorum robore oppri-  
mimur, medicaminaque in spiritualium  
morborum, priusquam animum obsede-  
rint, præcautionem; ubi obsederint, de-  
pulsionem: discimusque ex his non magno  
negotio, quæ multorum sæpe annorum  
dubia non raro pugna, & periculis non tan-  
tum proximi, sed & immergi, & obruti e-  
riam malis didicerunt viri magni: ut quasi  
vno oculi iactu & morborum & medica-  
mentorum, pugnarum & victoriarum di-  
scamus genera. ita quod aliis sudoribus &  
sanguine stetit, nobis non magno labore  
paremus. Idem accidit, quod aurum per  
impressa terrarum marisque spatia, inter  
vitæ mortisque spem metumque quareretur;  
quod alteri extra periculorum terrores la-  
borumque molestias vltro defertur.

Et ferè videmus eos qui piorum libro-  
rum lectionem negligunt, ad minus pro-  
batos decurrere, e quibus non raro noci-  
turas flammæ hauriunt: & iam ardet for-  
nax, & iaculatur in propinquo flammæ,  
quorum antè pectus frigora & glacies con-  
strinxerat.

## 220 MEDICI RELIGIOSI

Completur deinde homo totus vesanis his ignibus, non multò post in alienam sexum erupturus; historiis etiam fallentibus & mentientibus, inaniumque litterarum scoria, vanissimarumque fabularum narrationibus. inde iam furit in tragœdia, amat in comœdia, liuet in saryra, ludit in epigrammate, ad alatur in elegia, bellumque intonat in aliis, omnemque intus non raro faciem induit noui alicuius lupanaris. & ferè harum rerum curiosiores gentilitatem cum his imbibunt, & cum illa animæ mortem.

Hinc colloquia nascuntur parum religiosa, modesta, casta, seculum & aulam redolentia, alienissima ab omni pietate: & totus homo procurrit in historias aut veteres, aut nuperas, in narrationes nihil nisi vanitatem loquentes; ut in exilium pulsam credas omnem fermocinationem religiosam. sequuntur liberiores cachinni, immoderati risus, gestus solutior, vox clamorior, diffunditurque vniuersus homo in sæculi mores. Contrà quos piorum librorum frequentata lectio delectat, paria etiam colloquia, & cogitationes delectat, ut in mediis etiam externarum rerum occupationibus, piis cogitationibus pascantur, facileque ad illas in quacunque etiam sæcularium consuetudine descendant, vranturque pro re nata talibus magno solatio suo, magno aliorum fructu; monendis etiam, & ad optima quæque impellendis,

LIBER III. CAP. III. 221

dis, copiosam in promptu supellestem habeant, qua & solentur morientes, reprimant effusos, erigant deiectos, deprimant arrogantes, animent timidos, refrenent audaces, mitigent iracundos, excitent languentes, recreent afflictos; medicamentis denique ad omnem spiritalem morbum curandum abundant. Neque enim deesse his remedia possunt, è tot præstantissimis spiritalium rerum officinis deprompta.

Sed neque deesse materia potest in omni serio, aut familiari colloquio, proximorum saluti aptata: semper enim ex iis quæ à lectione reposuit assiduus spiritalium lector, ad manum habet plurima, quibus utatur, ac tanquam è locuplete penu depromat vina, magnorum antea torcularibus & calamis prostrita.

Et ferè optimum quemque Deoque coniunctissimum piorum lectionibus delectari videmus; plûsq; ex illis solidæ haurire voluptatis, quàm quotquot sæculo immersi ex omni conuiuiorum apparatusu, inaniùmque lectionum & confabulationum serie: cùm & animi gaudia certiora, tutiora, puriora, potentiora omnibus corporis voluptatibus sint, possessorémque suum via recta ad felicem æternorû fruitionem ducant; corporis verò ad interitû, & miserandam pœnarum flammarûque perennitatem.

Et experiuntur illi, qui studiis hisce ca-

K 3 piuntur,

## 222 MEDICI RELIGIOSI

piuntur, tanta frequenter animorum solatia, tamque valida, ut prae his non deligant orbis imperia; contemnuntque quidquid hic magnum, tanquam verrucam terrae adnatam, tanquam folium aquilone raptum, tanquam pulverem vento agitatam, tanquam bullam concha excussam; rideantque magnorum omnium conatum in gloriam, in diademata & sceptra, in purpuram & opes momento eripiendas, & ut plurimum ignibus praemiandas.

Discet deinde ex his libris lector morbos saepe suos, quibus ignarus premebatur; simulque remedia discet; variarum etiam tentationum, & inimicarum fraudum circumventiones, dolosasque hostilium insidiarum machinationes, ut cum dolos cognoverit, nouaculasque spongia tectas, effugere sciat pericula, & imminetia vitae damna. totum denique se ipsum, tanquam in speculo intuetur, abditarumque saepe agritudinum intima depascentium viscera causas agnoscit, mortemque est propinquo minitantem: de cuius vicinitate aliorum docetur exemplis, viresque roburque induit, prudentibus Scriptorum consiliis, tanquam clypeis, ferro & vallo cinctus; variamque breui sapientiam colligit, cum est singulis quod prudentissimum est haurit, ac tanquam in vnum fasciculum compositum sibi ac occurrentibus necessitatibus seponit, usus ubi

res-ratióque postulauerit.

Iam cum in humanis animus sibi non sufficiat, sed à variis ferè profutura mutuari cogatur; breuique scriptorum compendio, multorum sudoribus uti possit; facile videmus quantis destituantur auxiliis, qui aut aliorum, cum possint, menses colligere negligunt, aut alienos labores contemnunt; nec horrea quidem sua aperire dignantur, aut torcularia mutuare, alieno autumnno grauidanda, aut alieno pecore stabula locupletanda.

Et sanè stolidum videtur, quod sine labore possis, ingenti sudore, nec rarò non profuturo, parare velle: quasi ingratae sint opes, quae vltro obueniunt, ac nisi sanguine sudoreque diu tingantur, displiceant. Docemur ab apibus, quae à variis propinanda mella sugunt, etiam à venenariis quibusdam floribus; ut mente captum non immerito dicas, qui vltro oblatam ab aliis scientiam, rerumque prudentiam contemnit; tanquam si inglorium sit, alienis noctibus & lampadibus erudiri, & sapientiam discere.

### *Remedia.*

**F**requens prouocatio sui in amorem librorum piorum, certumque in eorum lectione tempus diebus singulis seponere, quod nullis occupationibus elabiariatur.



## 224 MEDICI RELIGIOSI

Examinis etiam particularis circa hanc rem institutio.

Communicatio cum aliquo spirituali viro circa ea quæ quis legit, & maximè cum Præfecto spiritus, aut illo non inferiore.

- Ad De-*  
*metriad.* Pia quædam curiositas in variorum lectione excitata, desideriumque varia cognoscendi. Prudenter Hieronymus: *Vnum illud tibi nata Deo, præq, omnibus vnum* predicans & repetens, iterumque iterumque monebo, ut animum tuum sacra lectionis amore occupes, nec in bona terra pectoris tui sementem lolij auenarumque suscipias. & alibi: *Maximum ad iustitiam auxilium est,* implere diuinis eloquiis animum, & quod opere exequi cupias semper corde meditari. ibidem: *Precipua tibi cura sit, legem nosse diuinam, per quam possis quasi presentia cernere exempla Sanctorum, & quid faciendum sit, quidve vitandum, illius consilio discere.*
- In ps. 38.* Inuitat in hanc lectionem magnis nos sponsonibus Augustinus: *Sunt quadam delicia sancta in libris, sunt gaudia spiritalia ex diuinis eloquiis scrutatus & inuestigatis, ex dulcedine inuentionis, quam præcessit labor inquisitionis.*

## CAPVT IV.

*Examinis diurni neglectus, aut perfunctoria conscientia discussio.*

QVæ res maiora seculum damna trahit, quàm prima fronte cuiquam videatur: nam cum ex seria, & non perfunctoria sui discussione & mala retegantur, & malorum causæ, perfacile est ad eorum remedia deuenire, secarèque ad radicem, aut cum semine ipso euellere. quod in leuius, ac à superficie tantum tentatis morborum, discussionibus perdifficile est: in quibus perrarò ad maiorum fontes descenditur, vt vel palliata tantum ex illa nascatur curatio, vel ignauo hoc neglectu, tacitè sacrescat malum, viresque sumat maiores, quàm vt vis vlla postmodum assiduitasque curaque domet & frangat: reperitque tandem homo animæ suæ hortum cum certo interitu sementis bonæ, tribulis, sentibus, zizaniisque tam desè validèque confutum, vt nisi ferrum & ignem admoueat, desperanda salus & fecunditas sit. Ita quæ neglectu inualuere mala, morà ipsâ ingentia incrementa sumunt, cum fecundior semper fertiliórque noxiorum prouentus sit. quod in accurata diurna excussione locum habere non potest, cum hac vna, quidquid noxium est in se-

mine, & à radice, tenero etiam tum caule euellatur. neque enim patitur seria hæc diurnaque cura mala succrescere, aut in nocituros frutices arborésque coalescere.

Nascitur ex examinis diurni neglectu spiritualis quidam tepor, ac totius hominis languor: qui examinis vi excitari solet, ac tanquam supposito igne exardescere, & exurgere in flammam, quibus animi gelu discussionis frigore concretum soluitur, omnisque mentis torpor tanquam acrioribus suppositis aculeis pellitur, animique somnus vigili hac excubatione pulsatur.

Labitur etiam facile ad sæculi mores, quicumque hanc sui discussionem seignius obit. neque pronius quidquam est, quam ad illos prolabi, cum firmamenta tuendæ Religiosæ modestiæ desint; quæ à diurno examine petenda sunt. nam nisi continuo quasi freno mentem contineas, ad assueta, & naturæ adgenita dilabitur.

Spiritualibus etiam spoliatur armis negligens discussor sui. neque enim solet illius mentē Deus spiritualibus armare subsidiis, ac tanquam auxiliaribus copiis protegere, sed caelestibus destituit influxibus, quibus & se tueatur, & audenter in hostes eat. sed neque vlla re validius armatur petitis, quam noxiorum depulsu, salutariumque accensione. utrumque solerti conscientie discussione consequimur.

Exiit hinc etiam paulatim cognitio-  
ne diuina, cum enim ex huius neglectu,  
sui

fui ignoratione tanquam densa nube integatur homo, fit ut in cæleste lumen acciem intendere non valeat. solétque Deus lucis suæ radios iis subtrahere qui & prioris vitæ noctem, & diurnas incurfantes tenebras assidua cura non depellunt; sed in alto negligentiae cuiusdam somno intepescunt perpetuis erroribus ac labyrinthis inerrantes: è quibus nunquam se explicabunt, cælesti sole substracto.

Sed & nulla re alia à primæuo maiorum spiritu degenerare plerosque videmus. nam cum diligenti sui discussione & praua emendentur, & futuris prospiciatur damnis; fit ut illius neglectu & excrescant mala, ac tanquam habitum quendam induant, eântque quasi in naturam, nec præcaueantur damna; sed cæco quodam impetu in illa proruamus, ac tanquam atra nube reëti in præcipitia voluamur. Et nulla certè respública diu stare potest, quæ legum trāsgressoribus impunitatem concedit, & in qua cum bonis negentur præmia, tum improbis condonantur poenæ. idem in animo, & interiore mentis respública fieri consuevit: in qua nisi iudicem adhibueris qui delicta puniat, qui in omnem partem intentum oculum habeat, qui que seria indagatione in trangressionem inuigilet; nihil expectandum aliud, quàm quod in respública iudice destituta.

Magnam etiam homo ex hac diligenti discussione sui ipsius cognitionem consequitur;

## 228 MEDICI RELIGIOSI

quitur: qua destitutus, nulla propè spes reliqua bene prudentèrque dirigendi salutis vias. neque enim fortuitò quis se suàque cognoscet, magnum studium assiduàque diligentia necessaria est, vt quis tam abdita, tórque inuis viis recondita, tor anfractibus implexa agnoscat. quod ferè solius examinis vsu euenire consuevit. discit deinde ex hoc quibus subiacet pericula.

Crescit è seria hac cogitationum, verborum factorumque disquisitione prudentia. neque enim ille facilè cogitatione, verbo, aut re ipsa labitur, qui sua omnia ad quotidianam incudem reuocat. quique quoties prolixiora cum externis habita colloquia, toties in se redit, audita dictaque discutit. maturitatem enim talis ac circumspèctionem in omnibus induet, doctus tacere & loqui, neque facilè in pœnenda aut erubescenda proruet.

Magnum etiam ex hac accrescit animo robur. cùm enim illa duce in noxiorum veniamus cognitionem, quorum detractione melior manet animi habitudo, sic vt huius vires solidentur: non secùs ac corpus corrupti sanguinis emissionè roboratur, valetudiniq; suæ restituitur.

Continetur dehinc mens. in perpetua quadam puritate ac castimonia. vt enim ex assidua zizaniorum eliminatione agrorum perstat integritas, frequentique domus ac vestium emundatione, nitor quidam



dam ac mundities seruatur: ita frequenti  
seriâque sui discussione, mentis quidam  
nitor seruatur, ne aut sordibus obtegatur,  
aut aliquid de splendore remittat, aut ma-  
culas contrahat; quibus improuida cuius-  
que negligentia crescentibus, omnis de-  
cor obfuscat. quod vbi euenerit, nihil  
familiarius, quàm nitoris, puritatis, casti-  
moniar loco, sordes & impura vota sub-  
nasci.

Ducit deinde hæc discussio ad contem-  
ptum sui, magnâque animi submissio-  
nem, cum in miseriarum nostrarum nos  
cognitionem deducat, milléque submissis-  
simæ mentis causas præbeat, ac quadam  
verecundia totum hominem perfundat.  
indéque exurgit in admirationem laudés-  
que protegentis, eleuantis ac miserantis  
Domini: cum & delictorum suorum fre-  
quentiam, & ignoscentis Domini beni-  
gnitatem contuetur: maximè cum inter  
illa nouorum semper beneficiorum aug-  
menta videat, meritarumque toties pœ-  
narum condonationem, quæ omnia non  
possunt non ad toties totque nominibus  
debitarum gratiarum actionem hominem  
impellere: simulque metum incutere, ne, si  
negligentiores in hac fuerimus, benignam  
misericordémque manum suam subtrahat,  
& ad immania præcipitia labamur.

Paternum ac benignum in aliorum lapsi-  
bus animum inducit, commiserationis  
viscera aperit, dum enim sua diligens scru-  
rator

## 230 MEDICI RELIGIOSI

tator delicta cognoscit, periculâque quæ sola potenti diuina manu euasit; facilis in aliorum culpis est, nec tam indignatione, quàm coministratione impellente medicam ac paternam manum adhibet, conscius infirmitatum suarum.

Instruit etiam ac erudit, peritumque animarum medicum statuit. neque certior quisquam illo est, qui in se mala expertus est, quique ex se aliis mederi didicit, præcauere damna, præsentia pellere, prouidere futuris. ille namque, & morborum magnitudinem, initia, incrementa, exitum, & medicamentorum vim expertus, facilius tutiusque in alio exercet, quod in se didicit. neque vlla certior scientia est quàm quæ experientia nascitur.

Magnam deinde spiritalis lætitiæ causam præbet. cum diligenti hac discussione peccata ac imperfectiones mœrorum ac dolorum causæ euellantur; ac tanquam validis frequentatîsque ventis, noxiorum habituum nubes depellantur. hinc ingens exurgit animo gaudium; innocentia nimirum suæ, diuinæque protegentis se dexteræ: quod gaudium in illa mente esse non potest, quæ ingentium secum turbarum causas circumfert. nam cum è negligenti sui discussione vitia habitusque prauis in dies augmentum sumant, necesse etiam prauorum motuum ac turbarum causas crescere. cum nullis aliis rebus tam potentes insurgant animo tempestates, quæ illum

## LIBER III. CAP. IV. 231

illum continua tactatione tanquam decumanis fluctibus variè in omnem partem impellunt.

Denique ex hac sui sedula peruestigatione ingens delictorum pœnitudo, meliorisque vitæ seridè institutio exoritur. hic enim æternum profutaræ fluunt lacrymæ, quibus tanquam flumine fordes eluuntur; exurgunt ab alto ducta suspiria, quibus tanquam præualido fulmine cælos penetramus. Et sanè cùm è neglectu examinis huius in densa ignoratione nostri versemur, sit vt paulatim grauissima etiam crimina ignoremus, obducto mentis oculo, frequentata scelerum congerie. cùm contrà, qui diurna hac sui disquisitione assuevit, non facilè in pœnitenda labatur; aut si labatur, remedia ad manum habeat, seipso post robustior & cautior, adeoque vix fieri potest, vt qui seria ac diligenti bis per diem discussione conscientiam perscrutatur, in grauius aliquod delictum corruat; maxime cùm in singulis discussionibus animum in delictorum, etiam minimorum seriam pœnitudinem, ac emendationis propositum excitet, in præteritorum lapsuum seuerum dolorem, ac in futurorum cautam prouidentiam.

In quam rem illud in primis proderit, si in singulis conscientie discussionibus, seridè, & non perfunctoriè particularis aliquius vitij, in quod frequentius labimur, rationem à nobis seriam poscamus, conferendo

ferendo inter se præsentis hebdomadæ dies, dispiciendoque quos in propositi vitij victoria progressus fecerimus, cum forti validoque emendationis proposito. quæ res vel vna ad vitiorum extirpationem, rariorésque lapsus plurimum potest.

### Remedia.

**M**agnorum in Ecclesia virorum in Mexactam examinis institutionem nos meritò mouere debent monita. Ephrem verba sunt: *Diebus singulis vesperi & manè diligenter considera quo pacto se habeat negotiatio tua, ac mercimonij ratio. & vesperi quidem ingressus cubiculum cordis tui, examina te ipsum, & dicito, Putasne hodie in aliquo Deum exacerbaui? nunquid verba otiosa protuli? num per contemptum negligentiamque peccaui? num in re aliqua fratrem irritaui? num alicuius famam detractationibus laceraui? Eadem maturino tempore præscribit. eadèmq; S. Dorotheus: Vesperi sedulo quisque perquirat & inuestiget, quomodo pertransierit diem illum. rursus manè examinet quomodo exegerit noctem illam. & D. Bernardus: Manè præterita noctis fac à te metipso exactionem, & ventura diei tui tibi indic cautionem. vesperi diei præterita rationem exige, & superuenientis noctis fac indictionem. sic districto nequaquam tibi lasciuire vacabit.*

Bonorum, quæ à seria ac frequentata  
con

LIBER III. CAP. IV. 233

conscientiæ disquisitione nascuntur, recordatio; malorumque ac periculorum, quæ à disquisitionis neglectu proficiuntur, commemoratio. & ferè sola frequens diligensque disquisitio sui satis erit ad omnia vitia superanda. Sapienter Chrysostomus: *Hoc solum est quod à nobis exposcitur, De comp. ut semper recordemur mala nostra, & conscientiam gestorum nostrorum habeamus ante oculos, ut pro his supplicemus Deo.*

Fortis, ac sapius iterata apud animum suum propositio, seriò in accuratam conscientiae examinationem incumbèdi. Quòd si quæ impedimenta intercurrerint, quæ dilationem suadeant, aut consuetum examinandi tempus adimant; nullo tamen casu, quantacunque necessitate occurrente, omittenda disquisitio hæc erit; sed primo quoque tempore à grauioribus vacuo exequenda.

Proderit etiam vitæ mortisque incertitudinem sæpe sibi proponere, variorumque subitos casus, miserandos & inexpectatos exitus, momentaneosque excessus, & in summa non rarò valetudine, robore ac iuuenta, impruidos raptus: è quibus timorem similis in nobis exitus prouocemus, perque serias has conscientiarum disquisitiones mentem ad subitas has & momentaneas mortes paremus. Ad quam rem iuuabit in primis, si quando aut grauius delictum, aut grauius periculum occurrerit, non expectare consueta disquisitione



fitionum tempora, sed subitam in se excitare pœnitundinem, prouocareque in se contritionis actum.

Consultum etiam fuerit, si quando negligentia nostra disquisitio hæc omissa fuerit, vltronea aliqua pœnitentia animum ad maiorem sui curam prouocare: vt hac quasi monitione teporem, ac ignaum à se neglectum pellat.

## CAPVT V.

*Tepiditas in ijs quæ spiritum tangunt.*

**V**T non immeritò tales lenta tabe, & feбри hectica consumi dixeris, quorum robur pederentim emedullatur, vt nec sentientes mala sua corruant; quòque ruinæ propiores sunt, cò minùs pericula sua persentiscant.

Nec alteri rei commodiùs hæc tepiditas, animique languor comparari potest, quàm blattis & tineis, interiora validorum etiam lignorum rodentibus, vt si moram feceris, nudum corticem, exeso robore reperias.

Rectè etiam assimilari tepidus potest hydrope aut aqua intercure laboranti, à qua paulatim opprimitur & suffocatur. Ignauus planè morbus, qui à paruis initiis serpendo, tibias ferè, indèque vniuersum corpus

LIBER III. CAP. V. 235

corpus occupat: suffocátque quidquid generosorum spirituum toto sparsum iacebat corpore, enecátque quidquid magnum abditum latebat fibris, vertítque in limosam quandam sanicem quidquid venis claudebatur valetudinis bonæ.

Melancholicis etiam humoribus prægrauato similis est tepidus: nauscabundo in omnibus stomacho. ad omnia varius & inconstans, sibi aliisque grauis, aliorum contemptor & sugillator, inuidiâque in prosperioribus aliorum successibus intumescens. cui cum nihil placeat, displicent omnia. frigidos calentesque iuxta auersatur. nec bonus haberi potest, nec malus vult. *Vult* nimirum *& non vult piger; anima autem operantium impinguabitur.* *Protr. 13.*

Sed & similis est limaci, ignauissimæ inambulationis pigra fœdâque vestigia relinquenti; cum inerti volutatione corpus reptando trahit, signátque ignauas circumductiones spurca colluie, ingenti spectantium calcantiûmque fastidio. idem in tepido reperies, qui in omni actione teporis sui lenta vestigia relinquit, nauseam ardentibus paritura; & sanè nihil ab illo expectes, præter ignauas quasdam molitiones, pigro tepore signatas, ut aliquid voluisse illum potius, quàm fecisse deprehendas: adeoque nec voluisse quidem, nisi quæ propensioni suæ amica, amicum teporem fouent.

Vetus dictum & verum, Potior est exercitus

citus ceruorum leone ductore, quàm leonum ceruo duce. vt videamus omni gentium sententia, quantum possit ardor, animusque excelsus; quantum secum detrimenti damni que trahat mens vilis & tepore quodam cincta. leo nimirum vnus tot ceruos leones facit, ceruus vnus tot leones ceruos. Ita accensus ductoris animus in reliquos ardorem ignemque diffundit; mens tepida ducis in omnes teporis languorisque sui virus iaculatur. Ad ardua sanè, & victura idoneus esse tepidus non potest; cum quæ in posteritatem abitura sunt, calorem & ignem quen tam exigant: sine quo nemo manum extendit ad victura. Ingens nimirum animus esse debet qui ad excelsa dexteram porrigat. hunc animum interior quidam æstus propellit. at in tepido languet omne pectus, carètque hoc magnarum cogitationum prouocamento. & sanè nisi amoris quidam æstus hominem protrudat, quid sperari magnum potest? cum ab vno amore meritorum magnorumque mensura nascatur. ab illo nemo excluditur. pares Reges diuitesque seruis pauperibusque sunt. nulla conditionum, genitura, opum, honorum discrimina amor nouit. hunc amorem in tepido non reperiēs: ardoribus enim amor omnis fulcitur, ignorat frigora. Iam quam mercedem à Deo tepidus speret, mercedis mensura destitutus? neque enim ille tam donorum magnitudinem, quàm largientis ardorem in-

tue tur. misera alioqui futura pauperis conditio, qui sola mente magna magnis remuneranda præmiis donare potest. ita viduæ illius Evangelicæ laudatus animus, non minuta duo. & maiora hæc fuerunt maiorum thesauris, cum ab ingenti animo duo venirent minuta, abitura in talenta, si opes animis pares fuissent.

Nec in vno primo possessore suo tepor hic manet, sed noxiæ instar scabiei ac pruriginis contubernales occupat. arbitreris lepram latè se spargentem, ac in obuiâ quæque sæuientem. ita serpit hoc malum, & ab vno capite totam propè non rarò familiam occupat. extinguiturque vnus exemplo ardor quidam mentis, ac quasi iniectò flumine tepescit prior flamma. & qui ignis antè fuerat, nunc solo fumo ignem aliquando fuisse ostendit. pœnitet nimirum ignium, quia pœnitet laborum: molliâque blandâque amplectimur, cum domesticum exemplum videmus. noxia enim potentia in exemplum & imitationem sunt.

Ingens deinde teporem pusillanimitas comitatur, animus deiectus, variij metus ac timores plurimum inanes, suspicionumque integra nemora. quæ omnia potendarum rerum desperatione clauduntur: & qua malorum omnium extrema nascuntur. bonitatis diuinæ diffidentia, miserationis desperatio: ac denique celestium non iam neglectus tantum, sed & contem-  
pus

## 238 MEDICI RELIGIOSI

Sap. 2.

ptus quidam. nam cū labores fugiat, vidēatque se ad illa sine his peruenire non posse, in contemptum illorum deuoluitur: cū carere cælestibus malit, quā sudorem in illorum prosecutione fundere. ita carior illi cælestibus sudor est. vt similis sit illis qui apud Sapientem inelamant: *Extinctus cinis erit corpus nostrum, & spiritus diffundetur tanquam mollis aër, & transibit vita nostra tanquam vestigium nubes, & sicut nebula dissoluetur, quæ fugata est à radijs solis. Venite ergo & fruamur bonis, vino pretioso & unguentis nos impleamus, & non prætereant nos flos temporis, coronemus nos rosis antequam marcescant: nullum pratum sit, quod non pertranseat luxuria nostra. cū enim desperent cælestia quæ solis laboribus paraatur, vertunt conatum suum mollem ad humana, omnemque in iis felicitatem ponunt, cū non magnis sudoribus hæc parentur, vt quæ obuia sint, & vtrò etiam se ingerant, imò & non rarò etiam reluctantes se obtrudant.*

Et verò nemo è nobili Religioso vertice nisi per immania teporum præcipitia ad malorum profunda delapsus est: vt per tepiditatis incrementa, tanquam per præcipientes gradus, aut decliuiam montium, ad infelicia præcipitia labamur. nemo etiam Religiosam stationem signaque in quæ iurauerat desertor reliquit, qui non prius à teporibus his proripatus ac delinictus, lon-



ga quasi manu ad turpem infortunatam-  
que fugam deductus fuerit. nemoque spi-  
ritalis militiae desertor audiuit, qui ex-  
cusso tepore, fortiter Religiosam semitam  
presserit.

Benè dictum à Sapiente : *Spuria vitula-* Sap. 4.

*mina nō dabunt altas radices, aut stabile fir-  
mamētum collocabunt. Et si in ramis in tem-  
pore germinauerint, infirmiter posita à vento  
cōmouebuntur, & à nimietate ventorū era-  
dicabuntur. confringentur enim rami incon-  
summati, & fructus illorū inutiles & acerbi  
ad manducandū, & ad nihilum apti. Spuria  
in Religione vitulamina, & torpore quodā  
desides sunt, remotissimi à germanorum  
Dei filiorum affectu. neque altas in ea ra-  
dices tepor aget: neque debilius ullū fun-  
damentum tepore est. cui quidquid super-  
struitur, aduersis ingruentibus, radicitus  
euellitur: sed neque si excreuerit in arbo-  
rem, ramos fructūsque dabit perennatu-  
ros: ac si quos dederit, insuaues, & in fa-  
uillas, aut quasi in farinam commolendos  
dabit. insipida enim omnis operatio te-  
pentium est, & stomachum morura. vnde  
illud: *Vtinam frigidus esses, aut calidus: sed* Apoc. 6,  
*quia tepidus es, incipiam te euomere ex ore*  
*meo. Nec mirum hoc videri debet, cū te-*  
*pidus omnis instar tepentis sit aquæ, vomitu*  
*in humanis: nauscentis verò hīc stomachi*  
*consuetudo exprimitur, qui noxia à se va-*  
*lido impulsu repellit, vt reliquo corpori*  
*bene**

## 240 MEDICI RELIGIOSI

bene sit : ne, si nocitura hæc contineat , ad reliqua abeat hoc virus , & toti paulatim corpori interitum pareat. Hinc grauis etiam illa interminatio , *Maledictus qui facit opus Dei negligenter* , nec mirum , cum in tanta maiestatis oculis constitutus, ignaua quadam socordia diuinas res exequitur, tantis promissionibus locupletatas , tanquam si res ludicras pertractaret. ita dum ludit in re salutis , infelici plurimum exitu luditur ; & serio destituitur à Domino, qui non serio tanti Dei res peregit.

*Fortiter proinde per Sapientem nos Dominus ad labores inhortatur : Vade ad formicam, ò piger , & considera vias eius , & discite sapientiam : qua cum non habeat ducem, nec praeceptorem, nec principem, parat in aestate cibum sibi, & congregat in messe quod comedat. Usquequò piger dormies ? quando consurges è somno tuo ? paullulum dormies, paullulum dormitabis , paullulum conseres manus tuas ut dormias, & veniet tibi quasi viator egestas , & pauperies quasi vir armatus. Si verò impiger fueris , veniet ut fons messis tua, & egestas longè fugiet. Erubescat tepidus doceri à formica. caelo natum doceri ab infima bestiarum , & prudentiam discere ac futurorum prouidentiam ab insensato animalculo. ut paret hic sibi quod æternum prodesse queat : tempore nunquam parauerit. labore & sudoribus æterna veniunt. Nam quid aliud sperat torpore marcescens, quàm ut ab egestate*  
can

tanquam ab armato prematur, perenni-  
bus calorū diuitiis exclusus? *Egestatem* *Prou. 10.*  
*enim operata est manus remissa: manus*  
*autem fortium diuitias parat.* Sapientis  
verba sunt & illa: *Qui operatur terrā suam,* *Prou. 23.*  
*satiabitur panibus: qui autem sectatur*  
*otium, stultissimus est.* Addit, *Qui mollis*  
*& dissolutus est in opere suo, frater est sua*  
*opera dissipantis.* Et illud, *Pigredo immit-* *Prou. 13.*  
*tit soporem, & anima dissoluta esuriet.* E- *Prou. 18.*  
*gestatem anima remissa, fortium verò*  
*manus viriliter certantium, & de genu*  
*pugnantium, quibus à vulnere & sangui-*  
*ne crescit animus, opes parabunt æternas.*  
Hinc meritò stolidissimi cōsenti sunt otij  
sectatores, quibus animæ panes cælestes  
gratiæ, & æterni fontes cælestium dono-  
rum negantur: hinc illa esuries, & infeli-  
x tepentium sitis, quæ à negato cælesti  
cibo potūque nascitur; atque hinc etiam  
promissorum diuinorum bonorum abdi-  
catio. hæredes eramus. excludit nos te-  
por vt tam illustribus indignos. quæ sola  
virtute, vigili cura, profusis sudoribus, in-  
defesso labore parantur.

Eleganter torpentem describit Sapiens:  
*Sicut ostium vertitur in cardine suo, ita pi-* *Prou. 16.*  
*ger in lectulo suo, abscondit piger manum sub*  
*ascella sua, & laborat sicut ad os suum eā con-*  
*uerterit.* Et tamen sapientior sibi piger vi-  
detur septem viris loquentibus sententias.  
Commoditatibus nimirum suis tanquam  
molli lectulo indormit piger, frigora me-  
tuens.

tuēs. hinc illa ignauia retractæ dextera, ori-  
 riq; cibū negantis. negat subtrahitq; hūc si-  
 bi animæ cibū tepidus, laborem fastidiens,  
 quo solo cibus ille paratur. nec pudet il-  
 lum à puellis puerisque vinci: quorum nō  
 pauci contemptis calcatisque mollibus,  
 per dura & aspera cælesti cibo pasti sunt:  
 per vulnera nimirum & sanguinem cælo  
 inscripti. &, quod stolidissimū est, sapiens  
 sibi piger videtur; quasi prudenti circum-  
 spectione & ignes & frigora fugiat, & ini-  
 mica corpori deuiter: gaudet nimirum  
 blandè ludentibus, & quadam dulcedine  
 molliter dissuauiantibus: damnat quos du-  
 ris & asperis calcatis, per ardua viam sibi  
 ad æternitatem sternere videt, quasi na-  
 turæ aduersantia vltro auidi amplectan-  
 tur: ignari, æterna illis præmia, torpen-  
 ribus verò nullo æuo morituras pœnas pa-  
 rari. &, *Per agrum hominis pigri transui, &  
 per vineam viri stulti: & ecce totum reple-  
 uerant vrtica, & operuerant superficiē eius  
 spina, & maceria lapidum destructa erat.* te-  
 pentibus enim dormientibūque nobis, ac  
 tanquam de re salutis nimium securis, no-  
 citura aduersarius semina inspargit, op-  
 plētque malarum cogitationum ac desi-  
 deriorum zizaniis pectus, valido antè vir-  
 tutum aratro subactum.

*Prou. 24.*

Hoc malum vbi inualuerit, ad ardua  
 quæque ignauissimos reperies, sed neque  
 facillima nisi placencia admittent. Virges,  
 & instas operi negant se posse, inualetu-  
 dinem

dinem causantur, onerisque munerisque magnitudinem, impares vires.

Succedit his quædam spiritualium rerum nausea, horror paupertatis, obedientie & poenitentiarum, omnisque omni-  
austeritatis; dum mollia caprat animus, & blandientibus se totum immergit, deferuescente spiritus ardore, ac vniuersim  
mutua refrigescente caritate.

Itur deinde regia via ad corporis com-  
moda, ad prodigam in cibum, potum, som-  
num profusionem, ad voluptatem deni-  
que suaue ridentem, provocantem, & ad se  
molles hosce spiritus allicientem.

Neque aliud sperari ab hoc tepore po-  
test. nam ubi clanguit ardor spiritus, ex-  
tabuitque pristinus astus, ac quasi in fa-  
uillam cælestes antè flammæ abierunt, ni-  
hil nisi inanem fumum, leuëmque ac eua-  
nidum vaporem sperare possumus.

Et certè abacto pristino ardore, animi-  
que calore emortuo ac consepulto, om-  
nium spiritualium rerum mortem quan-  
dam ac interitum sequi necessum est: inci-  
pitque exinde viuere caro, cum quantum  
illi spiritus decedit, tantum illi vitæ acce-  
dat, quantumque spiritui cura cælestis  
subtrahitur, tantum huic sæcularis auræ  
succrescat. è tepore proinde illius, ardor  
huius enascitur: ita namque in his com-  
paratum est, vt quantum detrahatur vni,  
tantum addatur alteri, quantum decrescit  
vni, tantum alteri accrescat: vt vnius in-



teritus, vita sit alterius.

Inuigilandum proinde ne noxius hic  
tempor animam occupet, nam ubi illum se-  
nel possederit captiuumque duxerit, ne-  
quidquam ferè melioribus ignibus exci-  
tes: tan alto sopore pectus illi citur, vt nec  
potentissimis quidem spiritalibus prouo-  
camentis è profundo, quo tenetur, somno,  
ad se sedeat, & nihil iam huic in omni  
vita seruū vt ludicra, & comœdiæ scenam  
grauissima curque peragit: nec vt sua, sed  
vt alienā retractat: si dederis, accipiet, &  
vix aliquando vel offerenti manum porri-  
get: quod si vtrò non inieceris, nec desi-  
derabit quidem, multòque minùs sudorē  
effundet, aut laborem impendet: sed neque  
spe felicitis æternitatis, aut infelicitis æter-  
nitatis metu commouebitur: in gloria,  
aut inglorius vitam ducat, iuxta habebit.  
proponere vtriusque vitæ præmia; labori-  
bus terretur: proponere huius & alterius iu-  
dicia vitæ, tabescet ignauia; nec aut ad  
vnius gloriam, aut ad alterius prouocabi-  
tur tormenta. narra quæ æternitatem tan-  
gunt, fabulæ illi videntur; quæ ludicent  
Deum, tragœdiæ fragmentum. Nec plu-  
rimùm magis præmiis pœnisque propo-  
sitis mouebis, quàm cadauer minis: imple  
mentem terroribus, imple gaudiis, virtutis  
speciem pro pone, & quidquid in illa pro-  
uocat in sequelam, in admirationem, in  
laudem, in animi tranquillitatem & pa-  
cem nullo calamo explicandam; adde cæ-  
lestem

LIBER III. CAP. V. 245

lestem amorem, & quidquid vnquam flā-  
marum iaculatum est cælum, quidquid  
ignium infernus; emarcidum truncum  
arbitraberis: nisi quòd belluarum more  
pronus rapiatur in corporis commoda, fe-  
licitatēque in his ponat suam: quidquid  
verò ingenio, labore, industria assurgit ad  
magna, execratur.

Sed neque fidi huic quidquam potest,  
nec tutò aliquid committi, vnāque ferè  
huic beatitudo est, in ignauo otio & fa-  
bulis consenescere: nisi quòd, vt dixi, car-  
nis plerumque vitia sequantur hunc tepo-  
rem, eo maiora validiorāque, quo lan-  
guor hic maior est, altioresque in homi-  
ne radices egit. quod vbi euenit, nihil in  
eo, non dicam Religioso, sed nec Christia-  
no dignum reperiēs.

*Remedia.*

**O**Rationum, meditationum vsus fre-  
quentior, piorum librorum, vitarū-  
que Sanctorum frequentata lectio: neque  
credi potest quantum exempla in imita-  
tionem possint. puerorum enim virginū-  
que ignes calcantium, tormentis tanquam  
rosis inambulantū, poenas tanquam men-  
sarum delicias amplectentium, cogitatio-  
nes, quem non teporem pellant? iā Chri-  
sti Domini passio, calentes lacrymæ, fusus  
sudor, sparsus sanguis, immitia verbera,  
corona spinea, immania vulnera, clauī,

## 246 MEDICI RELIGIOSI

crux, lancea, quid non poterunt in Religioso pectore, si serió frequententur?

Mortificationum deinde, Sacramentorum, ac confessionis vsus solito maior: cōsultissimúmque fuerit fortibus pœnitentiis tanquam immixtis ignibus teporem pellere. validissima enim remedia sunt quæ à sensibus petuntur. magnus ille est, qui nusquam pepercit sibi: prudens, qui in se punit quod in alio displicet: fortis, qui pœnarum metu ad magna se cogit.

Spiritualium exercitiorum crebrior repetitio; frequens vsus piarum apud Deum aspirationum, maximéque earum, quæ aut in amorem illius, aut in laborem ex præmiorum aut pœnarum magnitudine impellunt, mentémque ad duriora ac diuina prouocant, auocant à suauibus & perituris. quæ si frequententur, tanquam perpetuis flammis inardescit animus, ac tanquam suppositis ignibus æstuant præcordia Deo plena. quibus accensus non facile intepestcit animus.

Diligens examen orationum, ac meditationum factarum, seriáque negligentiarum distractionúmque in illis disquisitio. Serium deinde emendationis propositum, excitationésque pellendæ tepiditati idoneæ. Neque satis fuerit in eo qui tepore hoc oppugnatur, si bis per diem examen instituat. iteret frequenter, post Sacrum, Horas, pias lectiones, conciones, catechizationes, prolixiora colloquia, studia. Incredibi

LIBER III. CAP. V. 247

credibile est quantum breuia hæc examina mentem sibi præsentem contineant, quantum animent; dum & lapsus suos & pericula intuetur, & fortibus seipsum propositis ad magna exacuit.

Frequens consideratio diuinæ præsentia, magnitudinis illius, potentia, scientia. hæc qui propius considerabit, facile teporẽ exuet inimicum Deo.

Iuuabit etiã in terrorem cogitatio iudicantis Dei, incertitudinis vitæ, æternarum poenarum, paratorumque cælo præmiorum. vtriusque enim æternitas vehemens calcar est fortiter audẽdi & explẽdi.

Proderunt etiam frequentatæ per diem cogitationes, Omnem diem primum, omnem vltimum esse; illum in ardorem, hunc in terrorem. & magnorum illud, Quare venisti? quis instituti finis?

Commodorum deinde incommodorumque discussio, quæ aut ex ardoribus, aut tepore nascuntur, non poterit non ingenti spe bonorum, malorumque metu, mentem accendẽre ac terrere, teporẽque omnem excutere. verè Prosper. *Sicut corpori noxium est, corpoream escam nõ posse percipere; ita animo periculosum est, spirituales delicias fastidire.* Sæt. 112.

Causam denique teporis consultiissimũ fuerit inuestigare, inuentãque valida manu euellere. neque sanè quidquam facilius, quàm repertam pellere: qua etiam ignorata, nihil solidi sperandum est. cum ab

## 248 MEDICI RELIGIOSI

huius cognitione omnis victoriæ spes pē-  
deat. & principiis maximè inuigilandum  
est. maximè cum in hoc vitio à tenuissi-  
mis & quæ propè sensum omnem fugiunt;  
quasi per insensiles gradus ad extrema du-  
camur, eorum more qui per præcipitia  
labuntur, qui non antè desinunt quàm ad  
ima variis infelicibusque volutionibus  
deuenerint. initis proinde fortiter insi-  
stendum, ne in medio infortunatissima-  
rum volutationum serò remedia cogite-  
mus, cum non teporem tantùm, sed & nau-  
seam ac spiritalium contemptum imbibe-  
rimus. Iam cum hostibus yndique cinga-  
mur callidis audacibusque, non repenti-  
bus consiliis opus est. domesticam pati-  
mur carnem, quæ nullam oppugnationi-  
bus moram concedit: ambientem mun-  
dum, ludentem, blandientem, allicientem,  
multa promittentem: insurgentem crude-  
li, effera, subdolâque simul infestatione  
dæmonem singula vigili cura obeuntem,  
ac in omnem momento omni perdendi oc-  
casionem intentum. quo magis tantis do-  
mi, forisq; hostibus in æternis nocendi  
excubiis stantibus, ignauia teporêque  
pulso, inuigilandum quaqua parte saluti  
est. nusquam indormiendum. omnia et-  
iam tuta circumspicienda, metuenda: nul-  
quam, nunquam arma ponenda, ne hosti-  
li pateamus ferro, ne insidiis, ne inglorio  
tandem exitu tepentem pigramque vitam  
signemus. Et sanè turpe est Religiosum, ab  
opum,



opum & honorum, voluptatúmque amato-  
ribus vinci: quos ingenti ardore alacrita-  
téque ad summa vitiorum tendere vide-  
mus, non sudoribus, non sanguini parcen-  
tes. & quid non audet auda humanarum  
förs hoc momento periturarum rerum si-  
tis? quanto molimine in breui peritura in-  
surgit, cüm audaci calcatu per contem-  
ptum etiam vitæ ad ruitura vota sua per-  
gat? Turpissimum verò tantis illis æstibus  
in momentanea hæc insurgentibus, Reli-  
giosos beata æternitate proposita, ad cælo-  
rum non peritura præmia ignauo protru-  
di potiùs quàm progredi gressu. quid hic  
speret, nisi qualia ab ignauo pectore expe-  
ctanda sunt, post grauem nimirum cum  
euangelici talenti fossore, Domini repre-  
hensionem, pœnarum æternitatem?

Teporis autem ferè hæ causæ. 1. Con-  
suetudo è sæculo in Religionem deporta-  
ta, quæ in naturam abiit. hæc validè fre-  
quentique conatu, ac quasi flatu prouoca-  
tis sopitis ignibus, & sæcularium adhuc co-  
gitationum cinere tectis, contrariisque  
consuetudinibus pellenda erit.

2. Naturalis quædam animi inconstan-  
tia. qua nulli certæ rei inhaerentes, ad va-  
ria semper manum protendimus, nõno-  
rum audidi, veterum pertæsi: omnia nimi-  
rum tentasse iuuat, cüm vna ferè veritas  
virtúsque gradientur via; dubia semper ær-  
ror, sui consiliörúmque ignarus.

3. Defectus bonæ voluntatis. quæ vna

L 5

poten

## 250 MEDICI RELIGIOSI

potentissima spiritualium omnium profectuum causa est. excitanda illa erit Christi Sanctorumque exemplis, poenis, praemiis, aeternitatis utriusque.

4. Imprudens & supra vires feruor, violento molimine expressus; qui ferè in languorem degenerat, cum indiscreto conatu robur omne paulatim exteritur, virisque vniuersim concidunt, totaque valetudo enervatur, nec se ad magna potest extendere, intempestiuus ardorum laboribus fracta, prudentia corrigendum hoc malum, & sapiente Superiorum ductu.

5. Domesticae disciplinae neglectus. cum teporis languorisque omnis, conniuentia excessuum, mater sit: qui Superiorum vigili cura emendandus. vetus enim illud verum, Vbi rigor, ibi vigor. si prudenti Superioris manu ducatur, ne nimius rigor in seueritatem, labatur inde in animorum alienationem, & odia.

6. Laboris fuga, otij amor. vellemus nimirum, sed labore terremur. extimulanda proinde voluntas erit potentibus timoris Dei, & infelicis aeternitatis stimulis.

7. Institutionis, & boni exempli in Superiore defectus. doceat; plus tamen rebus, quam verbo, & imitatores habebit. nam vel solo rubore sequentur praeventem.

8. Insurgentium difficultatum metus. qui ad infima abiicit, terret à magnis. expeilendus ille, propositis fortibus in utroque

que sexu in prima iuuentute exemplis, præmiorumque magnitudine.

9. Pusillanimitas. quæ è diuinæ protectionis & auxiliij diffidentia nascitur. hæc ingentibus Christi sponſionibus, omniumque ætate testatissimis exemplis depellenda erit. animi que ad æterna & magna erigendus, ingentique in Deum fiducia excitandus.

10. Neglectus minimorum. sunt enim hæc tanquam flabia ignem prouocantia, tanquam ligna flammarum & calorum materies, tanquam pulueres, qui densati prospectum adimunt, tanquam rare nebula, quæ compacta noctem inducunt, lumen adimunt.

11. Profusa passim loquendi licentia. qua ferè hauriuntur quæ internum altum minuunt. profunditurque omnis animi calor. in cuius locum tepor succedit, & generosi antè pectoris languor.

12. Nimia ad externa effusio. restringenda hæc erunt, & excitandus solitudinis celestiumque amor, vitæ breuitate æternitatēque proposita. quòd si obedientiæ imperio implicamur externis; frequentibus repetitisque per diem piis aspirationibus, mens indissociabili quasi quodam nexu, iungenda Deo: temporaliāque negotia diuinorum incentiuus farcienda erunt. ne his destitutus animus, diffluat in puluerem.

Quoties denique deuotionis seruior in-

Bern. de  
conuers.  
ad cleri-  
cos, cap.  
30.

teperit, consultum fuerit illud B. Bernar-  
di grata memoria repetere : *Non sunt con-  
digna passiones huius temporis ad culpam  
preteritam qua remittitur, ad gratiam pra-  
sentem qua immittitur, ad inferni poenam  
qua euaditur. Et ad gloriam futuram qua  
repromittitur.*

## CAPVT VI.

*Mortificationis neglectus.*

**E** Quo simul omnia propè mala nasci  
videmus. Neque cum immortificata  
hac affectuum ratione, castitatis, pauper-  
tatis, obedientiae obseruatio, aut solida  
aliqua virtus consistere, aut in vocatione  
constantia sperari prudenter potest. diu  
fortè in alta permittitur pace, nec bella  
sentit, aut inimicas experitur acies; con-  
tinebit se intra modestiae, ac quasi virtu-  
tis limites: at vbi insurrexerit hostis, nec  
minis tamen, sed conserto fortiter pede,  
armis & ferro inassuetum malis pectus ag-  
gressus fuerit; cadent animi, labascent ge-  
nua, & ferè antè succumbet, quàm verbe-  
ra senserit, adeoque ad solas etiam hosti-  
les expallescet minas, & victorem agno-  
scet, cuius non expertus est dexteram. Ty-  
ronibus hoc euenire solet, quos solus ho-  
stiliū armorum fulgor terret, & in fugam  
vertit. Veteranus, cui cum pugna & lucta,

dan

dandisque accipiendisque vulneribus quædam quasi amicitia intercessit, quique non vno pugno disculptum pectus habet; animos à sanguine indaer, assuetus post vulnera victoriarum.

Perpetuam deinde mentis inquietudinem sequi necessum est, internæque pacis turbationem. neque enim quies sperari potest, vbi perpetua turbarum causa est: cùmque vniuersa spiritalis vita, fructusque à benè mortificatis affectibus pendeat, tanquam à benè subacta & proscissa terra, semineque mortuo simillimo sperati agrarij fructus; sit vt mortuo similior dici possit, in quo crudi adhuc dominantur affectus, à quorum sæcunda malignitate nihil nisi agro Dominico nocitura proueniant: neque enim è scrupulo hoc agro, loliis ac zizaniis obsito, magna expectari possunt. nam vt non improbata terra sit, ruderibus tamen, ac miricis innascentibus, quidquid est seminis boni suffocatur, ac quasi inimico pede proteritur, vt magno licet se conatu in herbam nonnunquam erigat, spem tamen raritate sua fallat, nec ad maturitatem deueniat; cùm ferè in medio sperati fructus noxiorum pondere corruat, aut exarescat.

Sequitur deinde domestica vniuersim turbatio, dum ab huiusmodi malè mortificatorum affectuum inquietudine domestica pax turbatur, commouentur animi, & ab vnus sæpe malè subacta mente mul-

torum



torum sequuntur commotiones, & quædam quasi tempestates; dum his tanquam flabris, iuniorum in primis, minúsque solidorum animi grauius commouentur, excitanturque in paria exemplo, ac in imitationem prouocantur; dum ferè ad pessimorum imitationem natura feramur, nihilque pronius sit, quàm præeunte aliquo tanquam duce, reliquos sequi, à quibus vniuersa domestica pax scinditur, ac quasi imis sedibus concussio mari, tranquillitas in tempestatem vertitur; cum neque iam quisquam alteri cedere, nemo insurgentium quorundam impetus declinare, nemo durioribus interdum irruentibus molliora, ac veluti saxis puluillos obiiicere, nemo procurentibus locum, spatiúmque cursui concedat. quod ubi sit, & aspera duræque paribus incurrunt & illiduntur, quid nisi fragmenta & ignes expectes? Unde postmodum animorum alienationes, acerbioresque indignationes nascuntur, perpetuisque propè hisce mentium æstibus vniuersa familia iactatur, periculisque plena sunt omnia; dum singuli immortificatis impacatisque motibus præcipitio, quàm certæ stationi viciniore sunt. neque fieri potest, vt à malè subactis animis non ingentes insurgant fluctus, qui pacata etiam aliorum littera conturbent ac quatiant; vt tæpam iam domesticum elementum in non consuetos exurgat motus naufragiis proximis.

Sed

LIBER III. CAP. VI. 255

Sed neque quidquam magni ab his expectari potest, cum in perpetuo non vano metu Superior sit, ne in pertractandarum rerum decursu, si quid non placitum occurrat, aut minus iudicio illorum conforme, erumpant è cruda hac affectuum compositione in vniuerso corpore poenitenda. neque committi illis quidquam potest, à quo Religioni decus sperari, aut damna timeri possint: semper enim iustus ille metus Superiorum insidet animis, ne qua parte elabantur, ne qua in erubescenda erumpant.

Quod si iusto hoc Superiores metu ducti, non credant honoratiora, periculum est ne in graues & nocituras indignationes insurgant, & dum se contemptos arbitrantur, in salutem suam Religionemque nocitura prorumpant; ut ad quaecumque se Superior partem flexerit, non effugiat pericula. Quare nescio an aliquid grauius euenire possit, cum neque si fidat, neque si diffidat Superior, immortificatae huius mentis scopulos euitare possit. ut autem inter hæc turbati pectoris, tanquam turbidi maris breuia, tam certò clauum dirigat, ut in neutram partem illidat nauem; ingens omnino industria, longaque experientia, & prudentia necessaria est: ac nec in summa illa quidem semper effugere naufragia poterit.

*Remo*

Sed

## Remedia.

**A**B ipso Religionis ingressu peti debent. nam & suavius & tutius peruincuntur mala, ac quasi in semine suo praefocantur in primo illo quiduis ferendi aestu, quam cum mora inualuerunt, calorque ille victoriae suipsius elanguit & deferbuit.

Non ab omnibus simul inchoanda res est, vnique rei primò admouenda manus, & à facilioribus, minúsque radicatis initia ducenda sunt, vt assuescat paulatim animus vincere, audeátque etiam maiora tentare.

Proderit in primis ad hæc particularis examinis seria institutio, frequénisque cōmodorum incommodorúmque ex hoc neglectu nasci solitorum in vtramque partem, exemplorúmque tam veterum, quam recentium commemoratio.

*In ser-* Prudenter Leo monet: *Toties peccatis*  
*mon. de* morimur, quoties in nobis peccata moriun-  
*natali 7. tur. & pretiosa in conspectu Domini etiam*  
*Machab.* ista mors Sanctorum est, vbi homo occiditur  
mundo, non terminatione sensuum, sed sine

*Epistol.* vitiorum. & Augustinus: *Moriatur homo,*  
*114 ad* ne moriatur; mutetur, ne damnetur. optan-  
*Sophiam.* da mors, qua vna viuimus, qua spoliati morimur. prudens delectus, mori vt viuas: non viuere, ne moriaris. bene vuit qui moritur. felix mors qua vna viuimus: infortunata  
vita

## LIBER III. CAP. VI. 257

vita qua morimur. Habemus in hanc rem illud Domini: Si quis venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. & apud Ioannem: Qui amat animam suam, perdet eam: & qui odit animam suam in hoc mundo, in vitam aeternam custodit eam. Eleganter in hæc verba Augustinus: Trac. 51. Magna & mira sententia, quemadmodum sit hominis in animam suam amor ut pereat, odium ne pereat. Si male amaueris, tunc odisti: si bene oderis, tunc amasti. felices qui oderunt custodiendo, ne perdant amando. & Chrysostomus: Enigmati simile hoc dictum videtur: non tamen ita est, imò verò præcipua sapientia plenum. Et quomodo qui amat animam suam, perdet eam? qui absurdus eius cupiditatibus obtemperat, qui præter debitum ei indulget: quemadmodum è contrario, qui odit eam in hoc mundo, custodit eam: hoc est qui non paret ei cum noxia iubet. Facit hoc Religiosus omnis, qui se salutemque suam amat. mortis huius non tantum oblatas fortiter amplectitur causas, sed vtrò quærit, tanto futurus Deo gravior, quanto pluribus mortibus nobilitatus. fecunda mors, qua centupla fecundatione in vitam exurgimus aeternam. eo magis quòd interminantem habeamus Dominum: Nisi granum frumenti cadens in terram mortuum fuerit, ipsum solum manet. & Apostolum: Si secundum carnem

Luc. 14.

Ioan. 12.

Trac. 51.

in Ioan.

66. in

Ioan. 12.

Rom. 8.

vixit

## 258 MEDICI RELIGIOSI

*vixeritis, moriemini; si autem spiritu facta*  
*et iul. 43. carnis mortificaueritis, uiuetis, & de se Pro-*  
*pheta Regius: Propter te mortificamur tota*  
*die, estimati sumus sicut oves occisionis.*  
*Colof. 3. monétque Apostolus: Mortificate membra*  
*vestra qua sunt super terram,*

### CAPVT VII.

*Regularum etiam minimarum neglectus.*

*Eccli. 19.* **D**E quo illud dici potest, *Qui spernit*  
*modica, paulatim decidet.* & ferè à mi-  
 nimorum neglectu & transgressione itur  
 ad maiora; vt hæc minima, gradus quasi  
 quidam sint ad ingentia præcipitia. neque  
 facilè quisquã primo quasi saltu ad deter-  
 rima descendit. à paruis ferè initiis ad sum-  
 ma exurgimus, & maxima quæque mala à  
 tenuissimis profluxere principiis; quæ ne-  
 glecta, nulla postmodum arte reparanda  
 damna attulerunt. Nec mirum à tam le-  
 uibus subnasci maxima: serpunt enim ma-  
 la, & dormientibus nobis, ignauoque quo-  
 dam somno illis, succrescunt tenerrimi  
 frutices in arbores ingentes, quæ superbo  
 postmodum vertice de robore suo glorian-  
 tur, despectantque infra se posita.

Nec inter parua hæc numeranda, à qui-  
 bus ad maxima decurritur, ad immania  
 vocationum præcipitia, ad carnem & san-  
 gui



## LIBER III. CAP. VII. 259

guinem, & omni ordini erubescenda. ita tenuis nubecula solis prospectum adimit: & parua paruis innexa animum densa caligine cingunt, prospectumque ut meliorum, ita & periculorum adimunt. Sanè à scintilla neglecta ad humilem arenam nobilissimæ prostratæ iacent ciuitates, è leui vulnere & morbo frequentes magnorum mortes. & non gutta cauat lapidem? tam mollis elementi pars minima saxa & rupes. & stillicidia rara tectorum ferrum & chalybem, & durissima quæque marmora, ferro non rarè imperuia, exedunt.

Iam quàm magna è minimis prostrata iacent? à tineis & blattis emedullantur robora. & minimum animal fluctuum rabiem, ventorum sæuitiam, & nauium ludit magnitudinem. à cuniculis & formicis vrbes euersas legimus. crocodilum ichneumon interimit, basiliscum mustela, bufonem araneus, & ab imbelli populo & sudibus armato ingentia armata agmina interneccione deleta sunt. Eua in vno serpentis alloquio perit, Adam in Euæ. inde in omnem posteritatem vnus pomi improbitas transit: & pereunt tot millia, quæ totius paradisi nec cespitem nouerant. in vno mulieris aspectu cadit Dauid, leones & vrsos & Goliadas assuetus sternere; in Dalila Philistarum terror victorque Samson, in variis Salomon. pietas, fortitudo, prudentia, qualia nulla ætate, in femina iacēt. & non nobilissimi ductoris felicitatem

vna

*Curt.  
lib. 6.*

vna Iudith stitit? & quantula res mulierculæ aspectus vnus, familiarior sermocinatio vna, curiosior non casti penicilli intuitus vnus, impurius calamus, lasciuior cantus, mollia verba? & tamen in omnem ex his ætatem bella retulit non vnus, & intulit sepulcro vulnera, ab vno curiosiore oculorum iactu, vna in omnem vitam pœnitenda lasciuioze lectione, vno leni infelicique contactu. Dictum verè: *Nitidè in hoste despicitur: quem spreueris, valentior rem negligentia facies.* Quanta deinde, ac quàm valida res è minimis exsurgunt? è tenui lino ingentia licia, è minimo semine ingens arbor exoritur, è zizaniorum vna aut altera plantula neglecta totus siluescit ager. & quid inualidius stramine & serico? adnecte, & nullis viribus confringes. è minimis arenis ac lapillis quanti surgunt montes, vastissima palatia, superbissima moles, celsissima turres? quæ iisdem quibus steterant artibus euertes. minimorum aggestione steterunt, minimorum ablatione corruent. & quàm tenuibus initiis ad summam erigimur eruditionem? è minimis elementis, è mutis inanissimisque oculis, è paruis etiam opibus ad auri lenta, è plebeio sago ad orbis imperia.

Tepescit in his paulatim Religionis ac instituti sui amor, dum ea negligunt quæ proprii instituti sunt, & per quæ magis etiam, quàm à maximis, ab aliis distinguimur. Votorum namque obseruationes, &

viola

## LIBER III. CAP. VII. 261

violaciones, communes omnibus reperies, si votorum vim roburque spectes. minora reliqua licet sint, tamen ab his discrimini- bus & ornamentis reliquorum discrimi- na nascuntur. Et ferè qui vocatione deser- ta, sæculum petierunt, à minimorum ne- glectu ac contemptu inceperunt, à quibus pedetentim ad extrema venerunt. Vetus dictum: Nemo repente factus est pessimus. nec solet humani generis hostis ad imma- nia quædam scelera Religiosum primo im- pulsu propellere: paulatim, ac quasi non sentientem ducit ad præcipitia; è quibus sera sæpe poenitudine vetera respectantem ad malorum profunda deturbat.

Teperescit perfectionis desiderium; in- credibile enim est quantum leuiores hæc profectum ornatumque secum trahant; vt si quis in veste aureas hinc inde licet mi- nutas stellulas interspergat, venustiore longè dabit, vt credas aliam ab illa priore: ita in Religioso, minimorum obseruatio magnum decus splendorémque adfert, vt toto cælo alium horum obseruatorem pu- tes ab eorum violatore, & tanquam alienæ militiæ, ductorumque diuersorum stipen- diarios.

Tenebrescit deinde paulatim his quasi nubibus, obtegiturque mentis nostræ lu- men, & obscurantur animorum radij, qui- bus ductoribus ad virtutum summa duce- bamur, collustrabamurque in perfectio- nis semita.

Laba

## 262 MEDICI RELIGIOSI

Labascit etiam amor Dei, diuinarumque rerum, dum paulatim abducimur à perfectionis studio; tædet laboris, minora errata, leuiorésque offensiones nihili facimus. Non sunt amantis signa solis mortem inferentibus terreri, & auocari ab amati offensione: signa sunt in amore languentis ac tepentis. Nam quis hic amor, promiscuè non tantum offendere amatum, sed prona voluntate ferri in has offensiones? Sanè nemo negare potest, diminutiones hinc esse amoru, tantoque plures, quanto in pluribus transgredimur, & defectimus ab iis, quæ illi amica & accepta sunt. Quisquis enim amat, si verè amat, minimam amati vitabit offensionem, & sauiorem morte omnem amati offensam æstimabit: adeoque ferrum antè & secures patietur, ac in medios etiam deuolabit ignes. mites flammæ sunt, dulce ferrum est, si in eum locum deductum se viderit, vt aut offendendus amatus, aut illa eligenda sint; oculosque suos in amati oculos defert, in illis habitat; illis testibus, iudicibus, præmiatoribus res omnes peragit; displicere si quid senserit, mortem antè deligit, omni offensa mitiorem.

Quare quicunque Religiosus vero fertur in Deum amore, eum vocationis suæ auctorem ac ducem, etiam in infimis quæret in quo placeat, fugiet in quo displiceat. ac instituti solius amore, si verè amat, nihil patietur negligentia sua effugere, nihil

L  
hil int  
locu  
tur, &  
se puta  
Nec  
grella  
à mini  
ria du  
Eremit  
terro a  
la lapsu  
ne cecid  
ad prof  
delapso  
minim  
optimus  
minima  
ditur. it  
flamina  
gentia  
enaleum  
Hic agit  
patenter  
que erunt  
vera, sed  
nobiliter  
aut vnum  
necat.  
Cv m  
Crimo

hil intepestere: ac quadam illius quasi zelotypia tactus, minima maxima arbitrabitur, & ab illis deflexisse, à magnis aberrasse putabit.

Nec diabolus Religiosum primo aggressu in magnis petit: scit se repellendum. à minimis paulatim ad ingentia præcipitia ducit, sera in lapsu pœnitentia. suadet Eremitæ pascere gallinas, inde gallum, tertio ancillam quæ nutriat, tandem in illa lapsum. Sed neque quisquam à Religione cecidit, è tam nobili celsoque vertice ad profunda vallium, qui non per minima delapsus sit. nec præcipitia timuit qui in minimis stetit. & ut nemo repente sit optimus, ita nec pessimus. gradatim & per minima ad illa exurgitur, ad hæc descenditur. ita rapidissimi torrentes, vastaque flumina, à lentis minimisque fontibus, ingentia maria à non magnis fluminibus enascuntur. ut verum sit illud Gregorij: *Hoc agit sentina latenter excrescens, quod In Past. patenter procella sauiens. & minuta sunt par. 3. qua erumpunt in membris per scabiem vulnera, sed cum multitudo illorum innumeraliter occupat, sic vitam corporis, sicut unum graue inflictum pectori vulnus necat.*

### Remedia.

**C**um natura sua facillima curatio minorum sit, neglectus tamen diffi-



## 264 MEDICI RELIGIOSI

cillimam illam facit. fit enim, ut cum minimis indormiamus, ac extra metum in illis versemur, à neglectu tanta incrementa sumant, ut antè perimant quàm metum incutiant. & licet non rarò à tepore spiritusque quodam languore neglectus hic proficiscatur; à superbia tamen frequenter originem trahit. quasi indignum sit virum doctrina ac prudentia clarum talibus alligari. quæ res cum ad præsumptionis præcipitia ducat, ingentium causâ malorum est. Sanè non sunt parua quæ ad interitum ducunt, quæ diuinum amorem, vocationisque minuunt, quæque à perfectionis studio deducunt, quæ ad ingentia, non longa manu præcipitia ducunt, & ad nullis postea votis lacrymisque emendanda mala præcipitant.

Cogitet neglectum hunc minimorum paulatim ire ad plures, abirèque in posteritatem. principiis proinde obstitendum monent prudentes. nec contenti summa cacumina rescasse; ad radices manus securisque admouendæ sunt. nisi enim ad viuum rescindantur, ac in semine suo euellantur; cum fœnore repullulascent mala, & agrum alioqui fœcundum, tanquam iniecta manu occupabunt. Nemo igitur prudens malorum initiis ignoscet, secutura verebitur, & venturâ mala in radice conscindet. tutò hoc fit, nec magno molimine, cum tenerò adhuc frutice leui manu spurium germen euellitur. in quo, vbi ad-

leue

**LIBER III. CAP. VII. 265**  
leuerit, expugnando ignibus & securi opus  
est.

Cogitet deinde de omni verbo otioso reddendam rationem. grauis omnino res cum minimorum transgressio reuocanda ad iudicium Dei est. iam ut damnatio in violatoribus, ita præmiatio in obseruatoribus consideranda. præmiatur enim Deus, non quanta, sed ex quanto res proueniant intuetur. Hinc illud: *Euge serue bone & fidelis, quia super pauca fuisti fidelis, supra multa te constituam.* & illud Lucæ: *Quia in modico fuisti fidelis, eris potestatem habens super decem ciuitates.* Magna paucorum merces; ut ingens in transgressore paruorum poena. cum qui talentum domini suffoderat pœnarum metu, audit: *Inutilem seruum eijcite in tenebras exteriores: illic erit fletus & stridor dantiū.*

Mat. 25.

Luc. 19.

Mat. 25.

Cant. 2.

Seria hic adhibeantur minimorum examina, ut capiamus *vulpes paruulas que demoliuntur vineas.* in magnis enim vix opus monitore. à subdolis & ex insidiis irruentibus cauendum. & sanè non facile labetur in magnis, qui parua studiosè vitat. quid? quod qui parua vitat caueat tque ne in his offendat Deum, ne Ordinum statuta transgrediatur, ingentè & Dei & vocatiōnis amorem ostendat. Et sanè nemo filius in oculis piæ matris patrisque, nemo seruus in oculis domini & regis, nemo reus in oculis iudicis, etiā in paruis delinquit: nos in oculis magni Patris, Domini, Regis,

M

ludi

Iudicis, Dei, quid facere debeat?

Seria etiam Superiorum monitiones, & penitentia; ita tamen vt ne nimium frequententur, ne quasi in consuetudinem vertantur, ac tandem in contemptum: rariora proinde in hoc genere placent magis, sed quæ pondere suo premant, secreta feriâque adhibeatur monitio: periculorum malorumque impendentium metu, exemplisque aliorum, qui ab his principis ad extrema deuenerunt, & creantur: dedecore etiam propositò, cum indignum sit illum qui sæculo opibusque contemptis, calcata carne, dignitates spreuit, ab his minimis vinci, dextramque, ac victoriæ signum tam leuibus præbere: quæ cum in virum, verèque Religiosum inciderint; non magis illum lædere, quàm illis tectis glando consuevit. & ferè qui in paruis se virum ostendit, is non tam animum quàm maiorum sibi materiam ostendit defuisse: maioribus etiam animis ad hæc procururus; vt à quibus scenam mercedemque sperabit ampliorem.

Vt amur iisdem artibus quibus ad lapsū diabolus, è minimis ad maxima ducit, ad immania scelera; è minimis nos etiam abducamur ab illis, ducamur ad virtutem. certè minimorum cura & studium ab imminenti non rarò nos exitio tueri solet. ita summa libidinum proritamenta minimarum regularum cogitationibus propelluntur. nec alia re certius tutiusque aut tē-  
tatio

LIBER III. CAP. VIII. 267

tatio fugatur, aut inflammatio tanquam  
infecto flumine extinguitur, aut commo-  
tio quātumuis valida sedatur, quā varia-  
rum minimarum rerum ab illis remotarū  
seria cogitatione; vt obiectorum fortuitō  
capillorum, asserum, tignorū, fenestra-  
rum, similitūmq; rerum leui ac transcur-  
soria enumeratione.

CRPVT VIII.

*Silentij transgressio:*

**Q**uanta è loquacitate, liberāque quid-  
uis quouis loco effutiendi licentia,  
mala vereri debeamus, nemo ignorare po-  
test; cū paulatim ex hac silentij trans-  
gressione, à vanis ad nocitura decurramus;  
minúsque iam circumspecti negligentio-  
résque verborum nostrorum obseruato-  
res, facile etiam apud externos in pœni-  
tenda labamur. Neque enim modum ad-  
hibere currenti, ac per præcipitia prolabē-  
ti facile est; nescit enim finem sui, qui  
labitur, donec per infelices circumuolu-  
tiones deponitur potiùs, quā conquies-  
cat. Idem in hoc linguarum procursu re-  
peries. faciliùs vniuersim sistitur, quā  
vt in medio prolapsu reprimatur. assuesce  
silentio, etiam cum voluptate taciturni-  
tatem coles: assuesce fabulis, cum mœ-  
lore linguam cōtinebis. tantum in vtram-

# 268 MEDICI RELIGIOSI

que partem assuetudo valet.

Ac vbi paulatim inter domesticos creuerit hoc malum, nihil tam sanctum est, quod in sociorum sinum non diffundatur. nascitur quiduis effutiendi libertas, secretum res postulet, an secus; damna ex euulgatione secutura sint, an bona, iuxta habetur: dixisse enim, terminus est, vt quæ voluntur corporum, iacuisse.

Assuetus deinde animus quiduis profindendi libertate, nihil nec externis quidem clàm facit; amici illi, an inimici sint, pro eodem habet: neque enim personam intuetur, sed effutiendi quod concreditum illi erat, libidinem. Scitè sapiens

*Prou. 25. Sicut vrbs patens, & absque murorum ambitu, ita vir qui non potest in loquendo cohibere spiritum suum: quia enim murum silentij non habet, patet inimici iaculis ciuitas mentis: & cum se per verba extra semetipsam eijcit, apertam se aduersario ostendit. quanto ille sine labore superat, quanto & ipsa qua vincitur, contra semetipsam per muliloquium pugnat.*

*Greg.*

*Past. p. 3.*

*c. 15.*

Itur deinde ad muliereulas, & huic tam prodigo omnis secreti sexui domestica committuntur, accogitata etiam propè scelera; plùsque illis iam creditur quàm Superiori, quàm Parenti: quibus tacuisse crimè est; maximè dum inter socias mutuo procuocamento quidquid reconditum erat, produnt in amicitia quoddam pignus, nouiq; foderis testat ionem.

Sequi



## LIBER III. CAP. VII. 269

Sequitur deinde ex hac prona locutione noxia in omnium mores vitamque curiositas, cum mens confabulationibus assueta, destituta propriis, aliena quæ narret quærit. si obuia desint, intima scrutatur, & nunc per ambages, nunc dolis & astu, nunc aperto cælo profunda rimatur: nec quidquam tam abditum, quod horum oculos aurésque fugiat: & dum gloriam quandam à novarum rerum narrationibus venantur, nihil ne in amicissimo quidem intactum relinquunt: & cum vera desint, ad vanum suspicionum suarum campum decurrunt, & in alieno agro, etiam hyemem media, quod dolosa metant falce repetunt; mendaciis, cum veris destituantur, diuites. inde plenis iam plaustris aliorum fama prostituitur, & ille ingeniosissimus habetur, qui de suo quàm plurima in alieno reperit, & mendacio, tanquam peregrina veste eiusdem contubernij socios induit; sitque dicendi quodam usu ac consuetudine, ut falsa pro veris habeant; non dicta, non facta vsquam pro indubitatis testatisque narrent, nec mendacium sentiant mendacij auctores. abiit nimirum in naturam, & laudem etiam sperant ab ingeniosa criminatione. ita in aliena fama & sanguine natant hæ linguæ, postquam silentij semel frænis laxatis, vicina proterunt pascua, proculcant nemora; improba linguarum falce, flore sæpè medio, spem annorum multorum demetunt,

ter impij , in Deum, in socios, in Religionem, ac in salutē etiam proximorum , quā barbara hac libertate euertunt, dum fidem nomēque eis adimunt , à quorum æstimationis integritate plurimorum salus pendeat.

Variarum etiam in oratione distractionum occasio sequitur , cū mens tam variis onerata, ægrē se ad orationis quietem componere potest. occurrunt audita , narratāque ; & quidquid imbibit curiosa in alienos mores inuestigatione, non supremis tantū natat labris, sed suprema cordis occupauit : vt dum mens orationem meditatū , importuna hæc suggestione alio eam vocent , & ad se trahant. nec potest facillē animus tot dictorum auditorūque lusus speciebus, ad meliora se cōuertere aut supra hæc sese erigere , tanta illorum mole oppressus. Contingitque nō rarò, vt nullo fecundiū tempore narranda nascantur. fertilis nimirum in talibus area est orationum tempus: hīc suggeruntur, quæ alibi ignorantur: hīc inueniuntur abdita, & sociorum effodiuntur thesauri, imis sæpe deffossi pectoribus, densissimisque tecti ac damnati tenebris. tantum potest inimicus homo, & consuetudine improbitas firmata.

Denique Religiosus, à quo meritò perpetuam cum Deo coniunctionem exigas, totus ab illa auertitur, & in vana, ac non profutura, noxiāque etiam profunditur.

Nescit

## LIBER III. CAP. VIII. 271

Nescit mens inhaerere Deo, sui Deique per fabulas prodiga. ignorat cum Deo cō-  
iunctionem, quæ solitudinis amica non  
est, cū illa in omnia se profundat tēme-  
rario ausu: neque potest coniungi Deo,  
quæ tanta vanarum narrationum congerie  
disiungitur, neque tanta vanarum rerum  
varietate cincta, erigere caput potest, aut  
cælestibus inhaerere, quam narratarum au-  
ditarumque rerum maria oppresserunt;  
absorbuerunt fluctus. Non fert æmulum  
Deus; aut amari solus vult, aut amari nō  
vult. quantumque coniungeris aliis, tantū  
ab illo disiungeris. vis illi coniungi, pelle  
quidquid te disiungit, quidquid alteri iū-  
git. Inter potentissima, quæ te coniungūt  
alteri, loquendi quædam prodigalitas est,  
& narrandarum rerum curiosa inuestiga-  
tio: amat enim hæc, quicunque studiosius  
his incumbit; quantumque hæc amat, tan-  
tum ab amore illius decedit; quantum ac-  
cedit Deo, tantum ab illis recedit: nec a-  
lias, quàm diuinas narrationes nouit, quis-  
que Deum amat.

Quemcunque ergo videris propensum  
in aliarum rerum narrationes, cogita res  
illas amare, Deum non amare. nam si ama-  
ret, plenus diuinis esset narrationibus. pro-  
funditur enim quisque in ea quæ amat, vt  
animo, sic ore: non profundi, non amare  
est. & ea amantur, in quæ quis profundi-  
tur. Nescit amor mentiri, vt nec tegi.  
prodit se ignis, & amorem suum loquitur.

Sed neque magni quidquam sperari ab eo potest qui pronus in hoc vitium est, nec quidquā Religioso dignū. vt meritò dicat Apostolus: Si quis autē putat se religiosum esse, non refrenans linguam suam, sed seducens cor suum, huius vana est religio. Comitatatur enim hoc vitium detractio, secre-

34C. 1.

Eccli. 9.

Ртсн.29.

Р. 504. II.

Eccli. 20

*Eccli. 3.*

Prov. 4.

*Pf. 140.*

*Eccli. 22*

Eccli. 14

*custodit os suum, & linguam suam, custodit* Prou. 21.  
*ab angustijs animam suam. neque hoc*  
*mirum videri debet, cum mors & vita* Prou. 18.  
*in manu linguae sint; inquietum omnino* Iac. 3.  
*malum, plena veneno mortifero. & verbis*  
*paucissimis omnia complexus mala est:*  
*Lingua ignis est, vniuersitas iniquitatis.*

### Remedia.

**P**oenitentiae transgressoribus imponan-  
 tur. In inueterata, verò libertate lo-  
 quendi qui longius progressi sunt, remo-  
 ueantur, etiam à communi recreatione;  
 vt vel hac poena discant moderari lin-  
 guam.

Cura in Superioribus, vt recreationes  
 religiosè transigantur.

Aliquorum, etiam primorum, maximè-  
 que spiritualium excitatio, qui reliquos in  
 religiosa recreatione praeant, ducèsque  
 sint ad linguarum moderationem, mone-  
 antque etiam, maximè exemplo, si quis ad  
 alia deflexerit, minùsque religiosa miscue-  
 rit, praescindendo omnem eiusmodi nar-  
 rationem, aliàmque magis instituto con-  
 sentaneam substituendo.

Seria in conscientiae examinibus inue-  
 stigatio causae erroris huius, periculàque  
 ac incommoda recensendo, praecauendo,  
 cum firmo seriae emendationis proposito,  
 cum profunda, & non perfunctoria diui-  
 norum verborum discussione: Omne ver-



*bum otiosum quod locuti fuerint homines, reddent rationem de eo in die iudicij. Ad-*  
*dantur in omni hominum genere damna*  
*ex hoc vitio: quorum frequenti comme-*  
*moratione reprimat effusam hanc liber-*  
*tatem, quam sola saepe pœnitentia sequi-*  
*tur; cum emendari tam calidè effusa, ac*  
*in extremis labris, non in corde fabricata,*  
*non possint. neque enim retrahi dicta*  
*possunt, aut indicta dicta semel haberi. &*  
*manet non rarò offensio æterna, ex im-*  
*prouida paucorum verborum effusione*  
*nata. Accedit ferè in hac quiduis effutien-*  
*di libertate, quidquid in meditationibus*  
*orationibûsque magno studio collectum*  
*erat spiritus boni, effundi ac euanescere.*  
*ut meritò vir Religiosus omnem expel-*  
*lendo hoc vitio conatum adhibere de-*  
*beat, certus magnam silentio prudentiæ*  
*opinionem colligi, magnam in humanis-*  
*que diuinisque prouidentiam, raros in*  
*pœnitenda lapsus, rarissimas aliorum of-*  
*fensiones, magnam modestiæ famam,*  
*magnam cum Deo coniunctionem, al-*  
*tam internam pacem, omniumque virtu-*  
*tum vberem fecundamque per omnia*  
*messet.*

## CAPUT IX.

*Aberratio ab instituto in rebus pjs.*

GRAVIS error, eoque maior, quo sub pietatis prætextu fallit insequentem, ducitque Religiosum sub boni specie ad instituti sui alienissima: neque enim quia in se bona; ideo omnibus amplectenda sunt. quanta medicamenta multis fuerunt noxia? Ec quis potest grauior error in humanis esse, quam omnes ad eadem cogere, iisdem fouere & pascere, iisdem mederi velle, eadem munia & onera, remedia eadem præscribere? Nullum propè vitæ genus est, in quo non reperias aliqua laudanda; non tamen ideo imitanda omnibus. Nullum Religiosum institutum, in quo non plurimâ videas admirationem decusque merentia: non tamen omnia ad omne institutum traducenda. Nam cum discrimina necesse sit esse Religionum variarum; confundit illè decorem, quem in hac varietate grata memoria decurrimus, quicunque omnia ad omnes transferre conatur. Suos cuique limites præscripsit dictauitque Spiritus sanctus, suis iussit moribus contineri. non transgrediamur hæc cælo data in primis Religionis parentibus monita, ne plus aliquid, & supra cæli prudentiam sapere videamur. Hinc illa Sapientis

*Proh. 22.* pientis monita: *Ne transgrediaris terminos antiquos, quos posuerunt patres tui.*

Nobile institutum est SS. Augustini, Benedicti, Bernardi, Norberti, Dominici, Francisci; sed sua cuique stat gloria, ornamenta sua: quæ si quis in agrum suum trāfferat, erret. neque enim eadem fert omnia tellus, alia atque alia pro regionum terrarumque conditione spera. omnia si omni loco cogites, falleris: vt iam ē locorum varietate rerum discrimina enascantur; illa calido, illa tepenti, frigido etiam non pauca, humido plurima; sunt quæ sicco gaudent solo. Eadem propē reperies in variorum Ordinum situ vatio, Spiritu sancto seminatore, rigatore, fotore & altore.

Quare vt grauissimus sæpē error esset, ex aliena republica in suam leges velle transferre, cū alias atque alias diuersi hominum mores, ingenia, loci conditio, aliāque id genus postulerent; ita grauior etiam error foret, ex aliena Religiosa familia decerpere ea velle; quæ in tuam trāfferas: cū foret ita inter se connexa sine omnia; vt qui vnum loco mouerit, plurima mouere cogatur, magnamque illius partem veteri detore suo spoliare. Quod si noua aliunde rursū ac mutata inseruerit, in vno consistere non poterit, sed ad magnam recopiam ante, longaque annorum experientia probatarum rerum imitationem compelleretur. quo fit, vt alia iam res publica videri non possit, priore

forma

forma mutuatitio hoc colore deuenusta-  
ta: imò monſtrum è differentibus coag-  
mentatum; vt ſi quis è variarum gentium  
veſtibus moribúſque veſtem vnã, rem-  
publicã vnã ſtatuat; ſi quis è variis ani-  
mantibus animal, vnũ, equino capite,  
bubulo pectore, ceruinis pedibus, elephan-  
tis proboscide.

Et perſuadere ſibi quiſque debet, quid-  
quid à primigenio ſpiritu degenerat, ruinã  
proximã eſſe. tranſit enim quaſi in al-  
liã familiã, ad aliena caſtra, ad alienas  
aquilas, alteriúſque ducis imperia, quiſquis  
moribus alios proſitetur, alieniſque indui-  
tur armis; vt non immeritò militem cre-  
das, alieno ſacramento obſtrictum. Sanè  
aurigæ fortiter orbitæ inſiſtunt. nam vt  
vicinior planicies ſit ac planior, fors ta-  
men ea ducet ad ſaxa, ad dubios exitus, ad  
inuia. prudentiſſimus tutiſſimis notiſque  
inhæret; temerariuſ incerta amplectitur,  
& per ignota decurrit. ſapiens trita incedit  
ſemita; per inuia viã ſibi ſternit impru-  
dens.

Nec minor illorum error eſt, qui non  
ex alieno agro, ſed è cerebro ſuo nouè in-  
uenta, quia pia, quia ad ſalutem aliorum,  
traducunt ad vitæ genus ſuum, degene-  
rantes à maiorum placitis, & non pauca  
attexentes nobili Religionis ſuæ vertici,  
quæ nulla retrò nouit ætas. Non ſunt hæc  
viri prudentis, & inſtituti ſui amantiſ: ſunt  
proprio iudicio ſidentis, & de ſuo cerebro  
nouum

## 278 MEDICI RELIGIOSI

nouum institutum fabricantis. tales enim cum paulatim suos à maiorum moribus abducant, adducantque ad suos; ad aliud vitæ genus suum, non maiorum transferunt; vt ignari propè rerum, aliam omnino à maioribus faciem paulatim introducant, ingemiscamus: quam eò difficilius eluimus, quò quæ sub pietatis prætextu immissa sunt, altiùs refederunt.

Et sanè tales aut ignorantia rerum suarum labi necesse est, aut ambizioso nominis sui fastigio, aut quadam proprii iudicii pertinacia, aut denique imprudenti spiritualis profectus zelo. quidquid dixerimus, non leuis culpa est. Nam siue tam ignarus rerum sit, vt quæ stabiliendæ Religioni necessaria sunt, ignoret; siue veteris peritæsus nominis, ad nouum nouo fastu cogitationes flectat; siue nimia sui fiducia, longiùs quàm par est in nouarum rerum delectu prouehatur; siue fatuo denique zelo feratur in aliena, domestica fastidians, lata vbique culpa est, nec excusationi locus.

Dæmonum ferè fraudibus obnoxij sunt, qui suo fidentes iudicio, noua sibi placita commentantur, facti sibi ipsi legislatores ac magistri, quibus ferè contingit quod agrote, peritissimorū medicorum manum negligenti, deque suo cerebro medicamenta sibi in interitum commentanti: quòdque secundo prosperoque vento nauiganti, sed aliò vela vertenti, factus sibi ventus



ventus & infelix exitus. Et sanè periculi plenissima res, à maiorum placitis tot lacrymis rigatis, tot sanctissimorum virorum moribus comprobatis, recedere; aut de suo illis post tot magnorum testata exempla, addere aliquid, aut demere. magna sanè in hac re circumspectione opus est. Solet enim diabolus illos imitari qui sapidissimis quibusque rebus venena miscent, quoque facilius incautos in errorem & interitum trahant: ut sub bonarum rerum prætextu, ac perfectionis studio, in immania præcipitia trahat. neque enim quæ apertam malignitatem improbitatèque continent, timentibus Dominum propinabit; scit enim se repellendum. nec quisquam palàm porrecta venena prudens haurit. sed electissimis interspersa inscius transmittit: ut dum avidus in cibum fertur, mortem celerius accersat,

### *Remedia.*

**O**ccurrendum proinde est huic maligni conatu, & ad viuum rescandæ malorum radices, ne pullulent in interitum sementis bonæ. Cautè etiam prudenterque inuigilandum huic malo, ne grandi paulatim auctu occupet & depascat intima; eoque maiori providentia opus est, quo sub prætextu ac specie boni trahimur in nocitura, & interitum de propinquo sub amica specie iaculantia.

Accedat

Accedat frequens lectio eorum quæ instituti propria sunt. plurima enim ab instituti ignoratione nascuntur ab eo aliena.

Amoris instituti sui prouocatio. neque facile ab eo aberrabit, qui illius affectum altè in animum immisit: hic ille, antè propositis ignibus, in illos infiliet, quàm ab instituto deflectat.

Nihil nouè instituere sine seria & repetita in arduis deliberatione, ac ne in tenuioribus quidem, quidquam è voluntate sua aliis inconsultis statuere: nec minùs suspecta habere. diuersa à maiorum & instituti moribus, quàm vestem Ordinis & instituti alieni.

Suspectissima omnia habere, quæ aliorum ab instituto deflectūt, aut à maiorum semita recedunt: etiam in optimis, quæque magni speciem præ se boni ferunt, si peregrina sunt, neque domi nostræ nata, nec Religioni consuetæ, timidè ac lentè procedere, ac non nisi matura grauique non vna præuia deliberatione, idque cum iis qui & intelligentes, & instituti amantes sunt: sæpe apud animum suum voluendo, quò hæc tendant, quò ducant euntem; quid sperari ex his, quid timeri possit; à quo spiritu nata: subita, & tanquam à musto è torculari adhuc spumantia, aut ab igne calentia sint; an verò à matura seriâque meditatione, maiorumque placitis promanantia.

Iuuabit in primis nihil, quod nouitatem quo

LIBER III. CAP. X. 281

quoquomodo redolet, aggredi inconsulto  
 Tractato spiritus, multaque ad Deum pre-  
 ce, & sacrificiis præmissis.

Frequens etiam consideratio finis ad  
 quem vocati sumus: à quo aberrasse, ab  
 omnibus aberrasse est, qui verò à mediis ad  
 illum ducentibus aberravit, à fine decessis-  
 se arbitrandus est. facit hoc quisquis à  
 præscriptis in Religione mediis recedit.

CAPUT X.

*Aversio aut uniuersim ab instituto, aut  
 aliquibus instituti proprijs.*

**Q**Uæ res extremæ ruinæ proxima, &  
 periculi plenissima est, & ferè à su-  
 perbia nata; cum quis iudicium suum au-  
 ctoris instituti, totque magnorum in Reli-  
 gione virorum, decretisque Pontificiis præ-  
 ferat: aut certè à desideriis commodorum  
 corporis proficiscitur.

Hinc videmus eos qui aut carne, aut  
 nominis sui gloria pulsantur, cum despe-  
 rauerint ea in Religione consequi, paula-  
 tim ad instituti derogationem descende-  
 re; vt hoc quasi pallio vitia sua tegant. Sa-  
 nè vbi inceperit animus se his irretire, sin-  
 gulaque institutionis suæ humano sensu  
 suo, non maiorum placitis, non tantorum  
 annorum confirmationibus, non maxi-

morum Deoque gratissimorum virorum comprobationibus discutere; non multum ab extremo periculo abesse potest.

Desipit deinde huic non prima fronte tota vniuersum instituti ratio, sed vna alteraque constitutio, regula, Superioris ordinatio; inde serpit hoc malum ad plura, ac deinde corporis totius iugulum petit.

Nascitur deinde in hoc ab omnibus imperatis animi quædam alienatio, & tanquam febri detentis, occupato semel palato ab humore febrili acido, dulcissima amarissima videntur: ita hominis illius obfessa semel mente ab instituti auersione, acescunt omnia, & quæ antè mollia & suauius, rationique ac diuinis consiliis ac placitis consona videbantur; ea nunc dura & aspera, & à diuinæ voluntatis decretis remotissima censentur.

Plena deinde hæc res periculi est, cum ferè eiusmodi querant aliquem ingenij sui, cui paulatim instillent hæc venena; serpitque hæc res non magno negotio per plures, virisque acquirit vniuersæ Religioni noxias. & ferè magis coalescunt ingenia hac similitudine tacta, mutuoque se firmant & exacuant, quàm probatissimorum quorumcunque mentes. ita ad oppugnationem, quàm ad tuitionem natura proniores sumus, & pessima quæque, maximèque noxia impetu feruntur maiore, miscenturque tanquam fatua quadam circumuolutione, secumque trahunt, quidquid

## LIBER III. CAP. X. 283

quid solidiore fundamento caret. si quid radice tenuiore fecundo Religionis solo insertum, si quid opimæ illius arbori leuius inculcatum, si quid trunco superficiem tantum radat, id omne non magno impulsu corruere necessum est. Quare si quem hi deprehenderint aut commodis suis studentem, aut obedientiæ iugum reiectantem, aut potui ciboque potentius addictum, aut carnis illecebris proritatum, aut in mulierum familiaritatem propensio-rem, aut laudis gloriæque suæ sectatorem, aut magnorum familiaritatibus inhiantem, aut orationis studium fastidientem; perfacile in sententiam suam pelliciunt, & ab his initiis ad vniuersum institutum conuellendū pertrahunt. Nec difficile est tales inuenire, qui in aliquod vitiorum horum proniores sint, repertósque in omnem partem flectere, maximè si accedat accuratior regularumque obseruantior Superior, qui non parcat, nec impunita in illis delicta transeat. hinc enim animorum commotiones, exacerbationes, querimonix, oblocutiones nascuntur. Commodum proinde turbandæ rei tempus nacti priores illi in sæuas propellunt tempestates hæc maria, arentibusque his lignis flammæ ignesque subiiciunt. & à minimis sæpe scintillis ardet domus tota: à non potenti flatu, non in iras tantum minasque, sed in furores insurgunt hi fluctus, secumque non rarò in interitum trahunt domum totam.

Euita



Euitabit has flammæ, venena, pestes, quisquis Deum, quisquis Religionem amat: fugietque tanquam insanos scopulos multorum in Religione mortibus nobilitatos.

### *Remedia.*

**C**Ausæ inuestigandæ, è qua nimirum radice germina hæc pullulent: illa enim semel resecta & euulsa, reliqua nullo impellente corruent.

Fiducia etiam in illis excitanda, vt fidenter se Superiori aperiant. Beneuolentiis etiam, ac quibusdam confidentiæ demonstrationibus in fiduciam excitandi. vbi se aperuerint, paternè iuuandi.

Veterum etiam, aliarumque Religionum exemplis, rationeque singula confirmanda, dubia excutienda & dissoluenda: in quibus omnibus magna necessum est Superiorem vti patientia; audire lubenter, operam suam vtrò spondere, nullum illis aditum ad se negare; rem modò leuare, modò periculorum vtorumque quibus se obstrinxit, magnitudinem ostendere, prout prudens charitas, & patientis constitutio suaferit.

Spiritualibus deinde exercitiis, piorumque librorum lectionibus talis iuandus.

Proderit etiam per spiritus Præfectum, aut per alium virum cordatum, cui æger plus

LIBER III. CAP. X. 285

plus fidat, medicamenta malo huic propinare, maxime si quando aliquid alienationis ab ipso Superiore intercurrat; quod ferè talibus euenire solet.

Dispiciendum deinde, an per alium Superiorem æger noster, aut loci mutatione iuari leuarique possit: nec quidquam o-mittendum quod ad latentis huius mali venenum vtile futurum sit. Neque enim malo huic indormiendum, cum ferè magno impetu incrementa sumat, vbi primū hominem occupauerit. Quare nullis hinc laboribus parcendum, frequenter, & in omnem partem versandus æger, nullaque non medicamenta tentanda sunt.

Iuuerit etiam piarum occupationum varietas, à quibus minùs abhorret. Familiaritas etiam illorum, qui in virtutibus magna incrementa fecerunt, & à quibus nullum in hoc hominum genere periculum. Auocatio etiam conuersationis illorum, qui faciles ad hæc mala sunt, minorésque in instituti amore progressus fecerunt. Communes denique preces, ipsiúsque in primis Superioris, cui, vt pastori, hæc cura magis incumbit.

## CAPVT XI.

*Emulationes, etiam in rebus pijs,  
& institui proprijs.*

**V**T euenire frequenter solet in lectionibus, concionibus, confessionibus, catechizationibus, externorum familiaritatibus, aliisque generis eiusdem; cum paria, aut plerumque superiora etiam cogitemus, quæ cum ingenio, naturæque dotibus assequi non possumus, decurrimus ferè ad alienorum dictorum factorumque improbationes, depressiones, criminationes, tanquam si his alienæ famæ derogationibus viam ad gloriam nobis sternamus.

Neque res alia Religiosum ad alienarum virtutum, nominisque boni detractionem facilius deducit. vt non errauerit, qui exitialem hanc Religionum pestem dixerit: nam & virtutibus derogat aliorum, & propria deuenustat ac enervat: nec quicquam iam illi placet, semperque reperit aliquid quod reprehendat, ac in omni re magna tantum miscet acoris ac toxici, vt vniuersam massam venenet, laudæque sua, meritoque decore defraudet. Ingeniosa nimirum omnis æmulatio est, nec vnquam ei, quod reprehendat,

## LIBER III. CAP. XI. 287

dat, deest: fecunda damnationis mater, ut si rem non possit eleuare vniuersam, maximam tamen laudum partem detrahat, & ad apertè decurrat falsa, ad manifestas criminationes: & cum vbique talis dictorum factorumque alienorum vituperator ac damnator sit, tum suorum ingens laudator est. Quæ res etiam in rebus magnis fidem ei detrahit. assueti namque auditores narrationum excessibus, nec cum vera quidem narrat, fidem inuenit. Habet hoc nimis laudator sui, ut fide etiam in verissimis careat.

Sed neque diu latere hæc studia possunt, produnt se & vulgatione sui, animorum primùm alienationes, inde etiam odia concitant, contrariæque studia, quacunque via, proba an improba adiuuanda. Ita æmulatio omnis, quæ superbix innititur, cum virtutum media & adiumenta desint, à vitiis auxilia mutuatur, immemor mutux caritatis, instituti, & Dei. Acutè & verè in hac materia D. Augustinus: *Tolle inuidiam, & tuum est quod habeo; tolle inuidiam, & meum est quod habes. liuor separatur, caritas iungit.*

*Tract.  
32. in  
Ioan.*

Nec inter domesticos parietes se malum hoc continet, decurrit ad externos; ita proditor affectus sui, sit æmulator omnis; causamque præbet cur & externi descendant in partes ac factiones denique: ingentisque aliorum animis dissensionum suspiciones ingenerat, quæ ad vniuersi

corpo

corporis subuersiones tendunt. Neque Deo, aut gloriæ illius, sed sibi nominique suo æmulus omnis studet; paulatimque ab instituti & animarum zelo degenerans, ad laudes suas commodaque labitur, ut laborum sudorūque suorum finem seipsum sibi statuat.

Videt in alio, auditeque laudanda? indignatur ringiturque, & aut improbat, aut minuit laudem, semperque aliquid solers inuidia etiam in laudatissima re quod vituperet inuenit: sapiusque lubentiusque in externorum, quam domesticorum procurrit laudes. etiam in hostium religionis ac hæreticorum scriptis, quod obseruatum non semel, inueniet quod prober; in domesticorum verò quod vituperet; quasi domesticis laudibus aliquid detractum ear suis. contingitque non raro, ut quæ externi summa in aliquo & admirantur & prædicant, ea nos ingenti conatu deprimamus, stupentibus illis, & admiratione quadam attonitis, cum in suos exurgere videant viros religiosos, inuidiæque odioque grauidum pectus æmula prodant verba: indeque iam profiliunt famæ nominisque dedecorationes; sitque ut quos Religio laudatores sperabat, vituperatores inueniat. Insurgunt nimirum in matrem filij, cum filiorum vituperationes eant in matrem, magno non infrequenter totius Religionis damno; cum iudicia hæc plurimum integra regna peruadant, arbitren-



urque quorundam hanc sententiam, vniuersæ Religionis sensum esse.

Bene in re nostra Gregorius Magnus: *Past. p. 3. c. 11.*  
*Quid istis infelicius, quos dum conspecta felicitas afficit, pœna nequiores reddit? aliorum verò bona qua habere non possunt, si diligerent, sua facerent. sic quippe sunt vniuersi consistentes in fide, sicut multa membra vno continentur in corpore; qua per officium quidem diuersa sunt, sed eo quo sibi vicissim cōgruunt, vnum fiunt. unde fit ut pes per oculum videat, & per pedem, oculi gradiantur, ori auditus aurium seruiat, & ad usum suum auribus oris lingua concurret, susfragetur venter manibus, ventri operentur manus. In ipsa igitur corporis positione accipimus, quod in actione seruemus. nimis igitur turpe est non imitari quod sumus. nostra sunt nimirum, quæ etsi imitari non possumus, amamus in aliis, & amantium fiunt quæ amantur in nobis. Hinc ergo pensent inuidi, caritas quanta virtutis est, quæ alieni quoque laboris opera nostra facit sine labore. Dicendum itaque est inuidis, quia dum se à liuore minimè custodiunt, in antiquam versuti hostis nequitiam demergantur. Admonendi sunt inuidi, ut cognoscant quantis lapsibus succrescentis ruina subiaceant, quia dum liuorem à corde non projiciunt, ad aupertas operum nequitias deuoluuntur. nisi enim Cain inuidisset fratris acceptam hostiam, minimè peruenisset ad extinguendam vitam. liuor itaque sacrificij, fratri-*

*cidij seminarium fuit. Dicendum inuidia, quia dum se ista intrinsecus peste conqui-  
munt, etiam quidquid in se aliud boni habere videntur, interimunt. unde scriptum est,*  
*Prou. 14. Vita carniū sanitas cordis, putredo ossium inuidia. quia per linoris vitium ante Dei o-  
culos pereunt etiam quæ humanis oculis fortia videntur. ossa quippe per inuidiam putrescere, est quadam etiam robusta de-  
ferre.*

### Remedia.

**D**Eum in omnibus quærere, illūmq̃  
vnum sibi laboribꝫque suis propo-  
nere: nec aliud in his, quàm & illius glo-  
riam, & animarum salutem intueri. quod  
qui consecutus fuerit, non facili per æ-  
mulationum præcipitia labetur, prudens  
in solido pedem figere, in solius nimirum  
diuini nominis propagatione.

Proderit etiam meminisse damnorum  
ex æmulationibus nascentium, cū ferè  
nunquam illæ sine alterius, aut vtriusque  
etiam partis interitu, aut sine graui damno  
fiantur, maximè vbi se illæ prodiderint:  
tunc enim in apertam itur dissensionem.  
non desunt auctores alendis his ignibus  
idonei, donec erumpant in apertas flam-  
mas, in incendia & cineres: nec antè ferè  
finem faciunt, quàm lata partium regantur  
ruina, quæ corpus simul vniuersum in pe-  
riculorum & damnorum partem trahit.

Iuuabit

# LIBER III. CAP. XII. 291

Iuuabit etiam frequens cogitatio præmiorum à Deo repositorum iis omnibus, qui totis animis illi, cui omnia debemus, non sibi nominè suo laborunt.

Et sanè miserū est à sola populari laude præmia sperare, quæ aut cum vita, & plerumque ante illam finiantur; qualia euenire ab æmulo hoc liuore consueuerunt. Prudens ille est, qui pulso hoc monstro illi vni sudat, à quo æterna sperat, omnemque aliam cogitationem aliorum ducentem contemnit & calcat, tanquam cælo speratorum præmiorum blattam ac tineam.

## CAPVT XII.

### *Amor sui.*

**H**Inc nasci videmus non leuia mala, murmuraciones, impatientiam, parendi difficultatem, cum imperantur quæ minùs placent, minùsque ex honore suo esse iudicauerit qui hoc malo tenetur; indignationes etiam & alienationes, grauèque animorum mœrores consequi solent: contemptus deinde aliorum, censura graues, detractionis studium, quo quidquid in aliis magnum, deprimunt, vt sua extollant, delectus etiam rerum, muniumque ad honorem spectantium; familiaritas cum viris magnis principibusque quasi-

## 292 MEDICI RELIGIOSI

ta: contemptus plebeiorum, operumque villium; captatae confessiones primorum primarumque quarumcumque, neglectus infimorum: singularitates denique; ac praerogatiuae in rebus honoratioribus concessionibus. Sequitur poenitentiarum & asperitatum, omnisque mortificationis fuga, iudiciumque sui tenax in omnibus sequela, primarumque ubique partium postulatio: ingens. denique inquietudo mentis, si quid sentiant detractum gloriae, si quid non concessum; si frustrata vota, nec expleta in omnibus desideria, quatenusque ea demum fuerint.

Concedit Superior quae aut honori tales suo, aut commodis idonea arbitrantur? Nullus rogandi finis: neque enim modum sibi amor sui statuit, delabiturque in dies ad noua; ut vnius rei concessio gradus sit ad aliam, accenditurque hoc exemplo reliquis animus ad paria audenda & petenda; ut qui ante nec cogitationes quidem harum rerum admittebant, nunc exemplo moti, tanquam valido vento plenis velis ad similia ferantur, & imitari nunc palam delecter, quod prius ut tentationem tacite auersabantur.

Quod si neget Superior, & abnuat rogata, exurgunt ad indignationes, decurruntque ad dolos & subdolas machinationes, ad intercessores etiam externos: & quasi ultro oblata ab illis, quae nostris impulsoribus donata sunt, non illibentius quam

## LIBER III. CAP. XII. 293

quàm audaciùs accipimus. Ita paulatim & paupertatis, & obedientiæ ornamenta detrahuntur; & parte maxima pristini roboris spoliantur ac nudantur.

Est & illud in hac re in primis perniciosum, quòd ferè huius generis homines laborem omnem fugiunt, sectentur otia: ardua ne attingunt quidem, aut si tangunt, leui decurrunt manu, & superficiem potiùs radunt, quàm in latentia petant. Nihil proinde magni ab his sperari potest, quæ ferè innumeris difficultatibus, tanquàm vepribus, ac densis vndique spinis obsessa sunt. nam vt primùm asseriora senserint, manum retrahunt, & ad mollia flectunt, deliguntque in ignaua potiùs commoditate sordescere, quàm per ardua viam ad magna sternere: aut si quando ad difficulta dexteram porrigant, non extendunt conatù ad maiora, quàm quòd eos honoris ac dignationis propriæ libido impellit: vt nunquam, aut nusquam eos Dei solius, aut Religionis gloria, aut animarum salus, sed proprium decus ad angusta protrudat.

Quæ res cum veræ Religionis affectu diu stare non potest, atque ita præterquàm quòd meritum omne corruat, domesticæ mutæque Religionis amor diu consistere non potest, aut locum quem debebat, tenere. Vnde minor iam vocationis amor, auersio etiam, & vniuersim ab illa subductio & fuga, ac tandem odia nascuntur, & alterius vitæ cogitationes, nausea præsen-



294 MEDICI RELIGIOSI  
tis, & ingens fastidium.

Atque hinc gratiam venantur externorum, amicos sibi parantes in extremam hanc fortunam, & plurimum deteriorem sexum sibi conciliant, apud quem domesticas etiam querimonias deponunt: quòd sexus ille facilior in commiseratione sit, & laxiores affectui habenas concedat, maxime si paribus excitetur. quæ res à periculo longius abesse non potest; accenditur enim utrimque animus, ac tanquam ignes duo, mutuis se exacuunt flammis, celerius perituri, & in cineres dilabendi.

Et nihil in his dein sanctum aut sacrum est, quod non faciles lubentésque prodant, nihilque adeò reconditum, etiam cum alterius, ac non rarò cum Superioris ipsius dedecore coniunctum, quod non vltro profundant, & denuntient illis, quæ nihil arcanum norunt, nisi quod ignorant; quibúsque adeò etiam ignorata pro certis vulgantur; neque diutius silent, quàm socia aut auditrice destituuntur.

Nec quisquam Superiori voluntati talium faciet satis, aut explebit cupiditatem: semper enim in quocunque Superiore quod desiderent aut damnent, reperiét, etiam in benevolentissimo viro. omnia enim concedere, impossibile est; pauca vero, imò vnum illis negasse, omnia negasse est: immemorésque beneficiorum præteritorum, ad sola præsentia mentem convertunt, reliquorum obliti. adeò eos cōmodo

## LIBER III. CAP: XII. 295

modorum suorum vota cæcarunt, vtnisi omnia concesseris, omnia negasse videaris: ferunturque in hunc, tanquam in iuratum commodorum suorum hostem.

Sed neque serias vllas monitiones admittunt, non molles ac lenes: ita dum peccare impunè volunt, puniri nolunt: vt nihil reliqui amor sui fecerit, spe propè omni emendationis adempta, quàm extrema quadam salutis ac vocationis præcipitia.

Sequitur indiuiduo quodam nexu amorem sui ingens ignoratio sui; vt in rebus suis in perpetuis tenebris ac densa vbique nocte ambulent. acciditque his qui hoc vitio tenentur quod phrenesi laborantibus, qui quo propinquiore morti sunt, eo se valentiores arbitrantur, pereuntque dum in summa valetudinis bonæ opinione sunt. E quo deinde errore stolidissima sequuntur consilia, audent viribus non imparia tantum, sed & sibi & Religioni noxia. nec remedia sperari possunt, cum & graui teneantur ignorance morborum suorum, nec monentes admittant. sibi nimirum illi sapiunt, reliquis fidem abrogant: vt omni planè spe careant valetudinis bonæ.

Cumque cæci in suis sint, oculatissimi in alienis sunt. monstro similes. domestica & è propinquo sua non videt, remotissima aliena vsque ad ossium medullas scrutantur. quin etiam vident in alio quæ nusquàm sunt: cum solis suspicionibus in aliorum

## 296 MEDICI RELIGIOSI

vitiis oculos habeant, in quorum tamen laudibus oculis carēt. si quid lucis in aliis, nihil vident: si quid tenebrarum, vident. noctēque non rarō in alieno cælo reperiunt in quo plenissima lux est, diēque in densissima nocte sua vident. ita in nocte diem, noctem in die reperiunt; prodigioso vbiq̃ errore. tantum cæcus potest amor sui. minima illi in alio vitia maxima sunt, verruca mons est, pilæ surgentes cælo rupes, festuca trabes, risus fulmina cælo iaculata: in se ingentia criminum saxa nulla sunt, montesque & superstantes nubibus rupes, nullæ sunt. quid? quod vitia etiam sua virtutes arbitrentur, infantiam eloquentiam, imperitiam scientiam, fatuitatem prudentiam, morositatem lenitatem, asperitatem suauitatem. quo fit vt in grauissimos errores labantur. nemo mirabitur qui cogitauerit oculos illos habere toxico saginatos, ac in alienis inuidia ac odio, in suis amore sui grauidos: febris deinde illos maligna teneri. quo fit vt suauius illis amara, mella fella videantur: amorisq; sui veneno farti ac saginati, nil præter venena in aliis vident, & vt cum improbitate ingeniosus hic amor est, si quid inter ingentes aliorum virtutes non laudandum latet, araneorum more exugit, optima intacta relinquit.

Succrescit deinde ex hac improba radice amoris sui, Dei diuinarūque rerum densissima ignoratio. cum enim in omni-

bus

bus se solum, cōmoda, honorēmque suum  
intueatur qui hoc malo tenetur, sit vt lon-  
gissimè ablit à diuinorum consideratione  
cognitionēque. quod si quæ cælestia in-  
tueatur, non videt ea nisi qua parte com-  
modis illa suis subseruire posse arbitrat. &  
sanè regitur spissa quadam nebula, qui-  
cunque hoc vitio laborat, vt cælestis solis  
radios intueri non possit: aut si quos in-  
tueatur, facit eorum more qui per obscu-  
ram nebulam vestigia quædam cælestis  
luminis intuentur.

Cū verò fiducia sui ab amore sui nata  
ca stimoniæ sit hostis, sit vt mille se pudic-  
itiæ periculis induat, quicunque plus æ-  
quo prudentiæ suæ innititur: & antè laba-  
tur infelix quàm damna senserit. cūque  
commodis suis impensè studeat, delecta-  
tur mollibus, & corpori amica auibus am-  
plectitur: effundit se proinde facili in ci-  
bum & potum, castitati inimica. accedunt  
excusationes in omnibus sui, spretæque  
prudentium monita: quo fit vt cū in  
præcipitio steterit, præcipitia ignoret, &  
antè per inuia infortunatissimo lapsu de-  
uoluatur quàm periculum adire se sciret.

Scinditur exinde vniuersæ familiæ cari-  
tas mutuæque animorum coniunctio, qua  
vna Religionēs firmanantur, ac tanquam in-  
nodabili vinculo connectuntur. cū e-  
nim singuli paulatim horum exemplo re-  
bus suis studeant, fieri non potest vt coa-  
lescant animi, dum singuli se, suæque com-  
moda,

moda, honores, reliquaque præferri volunt aliis: quæ cum mutuo se ingulgent perimantque, necessum amorem interire, amicitiamque penitus omnem ab illa domo exulare. nam nisi omnia probes quæ cæcus amor sui ambit, amicitia collabascit. omnia probare in tanta iudiciorum diuersitate impossibile est, nisi adlatio rebus misceatur, quæ cum germano amore stare non potest. accedit, eos qui hoc malo tenentur: sibi amicos esse, aliis esse non posse, cum solis rebus suis studeant, aliorum commoda laudésque ignorent.

Ingressiuntur verò huius loco doli & fraudes, omni candore ac sinceritate pulsa: nam cum regia via ad optata peruenire non liceat, quaruntur anfractus, subdolaque semita, & per obscura viarum ad præfinitum animo tendimas. quod si minus è voto successerit, nec cogitationibus res responderint, suboriuntur mœrores, grauésque insurgunt melancholia, ac non vltima pusillanimitas, timorésque, ac ingentes vndique curæ: indeque extremus quidam languor, orationum salutis proximo- rum neglectus, ac vniuersæ vocationis contemptus. nam cum quæ validè animo proposuit, his non consequatur viis, ad alia principia vitæque genera amoris suo congrua, se, cogitationes, studiisque sua, toto conatu conuertit.



*Remedia.*

**E**Xercitatio sui in rebus humilioribus, maximeque in iis, à quibus potissimum horremus, delectulique eorum, quæ in primis auersamur: animo prius per varias huius generis meditationes exulto, & ad viliora ac duriora excitato; proposita sibi humilitatis pulchritudine, utilitate, necessitate, præmissque virtuti huic à Domino æternum concessis: superbix verò scditate, damnis, minisque ac pœnis à Deo intentatis: cælum in Lucifero, & Angelis illius; paradysum in primis parentibus; orbem in infelici ferè superborum exitu; infernum in miserando æternum arrogantium cruciatu considerando.

Mutux deinde caritatis per beneficia inuitatio: mutui honoris, maxime in iis, à quibus alieniores sumus, præuentio: honoratiorum operum, & quæ plus externi splendoris habent, aliis concessio: difficultiorum, minusque in speciem illustrium arrogatio.

Contemptus in se sui, dictorumque factorumque suorum, præteritorumque criminum memoria.

Sanctorum hic, magnorumque, ac Christi ante omnia exempla proderunt, si nostra cum illis composuerimus: si quanta Deo, creationis, conseruationis, redemptionis, innumerisque penè aliis titulis de-

### 300 MEDICI RELIGIOSI

bemus, præmiorumque cælo repositorum magnitudinem frequenter consideraerimus.

Ioan. 12.

Proderit in primis frequens cogitatio verborum Domini: *Qui amat animā suam, perdet eam: & qui odit animam suam in hoc mundo, in vitam æternam custodit eam.* qui odit, prauas animi propensiones frangit ac domat: qui amat, assensum illis præbet, obsequitur. ille demetit tanquam falce luxuriantes noxias herbas, nusquam parcit, ferro & ignibus sæuit in insurgentem amorem, hoc vno pius, quod impius sit amori, nec quidquam largitur petenti.

Iuuabit etiam odio quodam ferri in hoc vitium, propositis sibi illis quæ ex hoc nasci consueuerunt. maximè quod nec humana, nec diuina, vbi inualuerit, pensi habeat amor sui. nihil apud hunc sanctum, nullum secretum, nisi qua parte commodis hæc suis seruiunt. pugnant cum amore sui: violabit omnia, quod amori suo consulat. Ingens deinde cæcitas amoris socia terrere nos debet. cæcus ad æterna præmia, ad ignes æternos est. nec mortem videt imminentem fors cras, fors hodie. sed neque finem suum consequitur hic amor sui. laudem quærunt? damnationem referunt. commodis suis student? ferè iis frustrantur. honores venantur? ignominiam referunt. cum gloria fugientem sequatur, prosequentem destituat.

Magnum deinde calcar ad victoriam sui,

## LIBER III. CAP. XII. 301

sui, cogitatio seria iudicij extremi, in quo occultissima quæque nostra retegenda sunt. orbe inspectore; mortisque momento omnis dubia incertitudo. & quò mihi in illa hora gloria, opes, eruditio, scriptio, eloquentia, commoda? quis tunc sensus humanarum laudum, quæ utilitas?

Utile etiam fuerit sapiùs animo voluerè, quanti nos orbe totò vicerint robore, formà, eloquentia, opibus, honore, commodis, prudentia, variâque eruditione, æternis nunc ignibus materies æterna. quòd si humanas laudes spectemus, quanti nos laudant? quàm pauci norunt orbe toto? & vicefimusne quisque è notis laudat? certum plures damnare. iam quò laus absentium ignoratà mihi? præsentium verò laudes, adulationes sunt, laudes non sunt. cùm ergo absentium de te laudes ignores, præsentium adulationes habendæ sint, quid certi in humanis est quo extollimur?

Necessaria in omni hoc vitio frequens seriâque conscientia per diem discussio: validum in eo propositum victoriæ sui: omniâque amorì huic amica generosè ac constanter pellere; illiusque loco contemptum sui, diuinumque in se amorem his similibusque verbis excitare, *Dilectus meus mihi, & ego illi; qui pascitur inter lilia. Deus meus, amor meus, & omnia. A te quid volui super terram? Pars mea & hereditas mea Dominus. Quemadmodum desiderat cervus ad fontes aquarum, ita desiderat anima*

mea ad te, Deus. Trahe me post te, curremus  
in odorem unguentorum tuorum. Exultabi-  
mus & latabimur in te, memores vberum  
tuorum super vinum. Fasciculus myrrha  
dilectus meus mihi, inter vbera mea com-  
morabitur. Botrus cypri dilectus meus mihi,  
in vineis Engaddi. Sub umbra illius quem  
desideravi sedi, & fructus eius dulcis guttu-  
ri meo. Quis mihi det te fratrem meum  
sugentem vbera matris mee, ut inueniam  
te foris, & deosculer te, & iam me nemo  
despiciat? Pone me ut signaculum super cor  
tuum, ut signaculum super brachium tuum,  
quia fortis est ut mors dilectio, dura sicut  
infernus amulatio: lampades eius, lampades  
ignis atque flammarum. Aqua multa non  
poterunt extinguere caritatem, nec flumina  
obruent illam. Hæc aliæque generis huius,  
quæ cuique sua pietas, & amoris diuini au-  
ctor Deus suggeret, ad illius amorem nos  
excitabunt. beneficiorum etiam comme-  
moratio diuinorum, gratæque recordatio,  
præmiorum deinde cælo repositorum, ac  
passionum Domini. potentissima hæc in-  
centiua veri amoris sunt.

Orationis denique studium plurimum  
in hac re poterit. in quo mens cælestibus  
collustratur, discutiturque cælesti lumine er-  
rorem suum, agnoscit tenebras exiitque,  
melioribus cognitionis amorisque diuini  
radiis perfusa.

## CAPVT XIII.

*Dictorum factorumque suorum commen-  
datio, reliquorum damnatio.*

EST hæc innata quibusdam conditio,  
consuetudine deinde aucta & roborata,  
sua ut laudent sola, aliena aut damnent,  
aut silentio transeant; laudes suas etiam  
ab imperitis auidè excipiant; aliorum, de-  
iecto vultu, fronte, oculis hauriant; & cum  
improbare non possint, nunquam tamen  
pro bent. Dolent potius aliorum præclaris  
dictis factisque, ac mœrerem si quando  
verbis obtegant, vultu tamen produnt; ad-  
sua, etiam minima, & quæ laudem nullam  
merentur, si quis laudator accedat, totis  
animis ut ad tubas & tympana militiæ  
amatORES, exiliunt. nec continere pruri-  
tum hunc possunt, os genæque gaudium  
testantur; ut ille iam illis amicorum pri-  
mus maximusque sit, qui primus maxi-  
musque laudator est.

Quò te veritas in hac vanorum homi-  
num pruriginè? laudabis omnia? non est  
viri Deum timentis; neque enim possibi-  
le est, non profluere ab homine quadam  
non laudanda. damnabis? pro hoste ha-  
beberis. tacebis? non laudasse, damnasse  
apud hos est. quid adeò eò crescit hæc  
quorundam scabies, ut in vno non laudasse,

AUR.



## 304 MEDICI RELIGIOSI

aut improbasse, in omnibus damnassee sit. Nescit modum aut frenum sibi imponere laudum - hæc libido : sed neque vulgari contenta laude est, etiam infima in summa reponi laude desiderat. ferendum quoquo modo esset, nisi meritò improbanda non rarò, summè etiam laudari vellent; vt, ni feceris, contracta ac corrugata fronte, deiectisque genis ac superciliis mœrorem testentur, & amicitiz renuncient. cum enim amasse in illis, laudasse; non probasse, damnassee sit, sit vt amorem, & odia sola laude & improbatione metiantur.

Et sunt plerumque hi molesti grauesque omnibus : nulla enim propè illorum colloquia sine dictorum factorumque laude reperies. velis proinde, aolis, laudes audias necessum est : & ingerunt has nulla sæpe temporum, locorum, personarum habita ratione ad omnium fastidium; nec immunem quemquam ab importunissima laudum suarum narratione abire permittunt, veriti ne, si vnus ignorauerit, damnati, aut non satis laudati videantur. non facerent si memores essent monitorum.

*Prou. 27. Sapientis : Laudet te alienus, & non os tuum: extraneus, & non labia tua.*

Nec inter domesticos tantum, apud quos faciliior venia esset, sed inter externos, & mulierculas etiam ingentibus verbis decantant sua : quæ nisi plenæ abeant commendationibus, nullum sibi dictorum factorumque suorum fructum retulisse videntur;

LIBER III. CAP. XIII. 305

dentur; futuræ nimirum apud socias, aut æmulas, laudum præcones confessorum suorum; narranturque sæpe dicta factaque, nec dicta, nec facta vnquam: imò vniuersæ aliorum Superiorumque laudes in illos commigrant: ab horum scilicet consiliis, si quid in domo vniuersa est, quod laudem mereatur, profectum est; sin aliquid infelici euentu præter spem successit, his monitoribus meliora euenissent. aliud suaserunt, auditi non sunt; hinc damna accepta: auditi fuissent, & alia longè rerum facies esset, & pro damnis emolumenta nata forent,

Noxium ante omnia hoc hominum genus in Religione est, multorumque æmulationibus & inuidiæ obiectum, mutuarum dissensionum & alienationum causa. Et nati hi non Religioni, non Deo, famæ tantum suæ sunt: nam si Deo & Religioni, gauderent vtriusque nominis propagatione, quam aliorum dictis factisque ingentia vident incrementa sumere. Non gaudere, non laudare, cum meritò possis, damnare est. Et cum de tuis minimis prodigè in omnem lætitiā profundaris; in aliorumque etiam maximis doloris potiùs quàm lætitiæ signa prodas; non hoc est de Domini Religionisque gloria, quæ talibus augefcit, crescitque in maius, dolere quæ quibus innitantur principiis, nemo non videt; superbiæ nimirum & inuidiæ fundamentis, quibus hæ suorum laudatio

dationes, alienorum damnationes inædificatæ sunt.

Et sanè non minùs perniciosus est, qui alienas laudes alto silentio premit, quàm qui eleuat, aut damnat facta. quid? quòd silentio suo grauiùs sæpe ille feriat, quàm apertus hic improbator: nam cùm primus ferè moderatioris ingenij habeatur, vt qui affectus suos tegat, sit vt silentium illius pro aperta damnatione habeatur. Non laudasse enim cùm possit, qui modestiæ opinionem habet, vituperasse est. & ille qui apertè laudanda damnat, criminatoris potiùs nomen obtinet, & verbis ipsis improbandique modo alienationem ostendit, incompositumque minùsque ordinatum affectum, vt hoc ipso fide careat. at ille alter modesto seueroque silentio fidem reperit, vulneraque infligit, altiùs penetratura, quo à profundiore mente infliguntur & veniunt.

Et tales ferè, qui alto silentio laudanda in aliis premunt, ingentes sub modesta fronte arrogantia montes tegunt. neque enim aliunde prouenit parca hæc alienarum virtutum laudatio, quàm ab animo laudis suæ auido: qui cùm aliorum commendationibus suis detractum iri veretur, seriò cauet ne quid elabatur in alio laudandum. apertè damnare conscientia terret, & exterioris cuiusdam moderationis opinio captata: silere posse arbitratur, nec vlla lege ad alias laudes vulgandas teneri. qui si  
cogi

## LIBER III. CAP. XIII. 307

cogitaret plus sæpe moroso se obesse suo silentio, quàm apertum criminatorem effutiendi quidlibet licentia; non tam parvus laudator esset.

Et sanè vt homines fugiat, Deum latèremens illa amulationibus grauida non potest. videt illam propriarum laudum balneo, tanquam oceano innatantem, aliorumque encomiis liuidam: nec crimen effugere potest interni fastus, à quo vnico hæc silentia imperantur.

Et sanè nisi ingenti vndique cingeretur possidereturque rerum suarum arrogantia, vt nullo non loco ac tempore auidè laudes suas venetur, non tam seuro silentio aliorum præconia premeret: quæ cum veluti soles arbitretur officere tenuissimis lucernarum suarum luminibus, omni conatu dies illos suppressit, magnaque eos silentij sui nebula, densaque liuoris nube tegit; qui si altius pectoris sui latebras excuteret, perfacile fundamenta taciturnitatis huius erueret, & in abditæ arrogantia suæ profundum nullo negotio veniret.

Quamquam palàm ac quasi aperto mare dicta factaque aliorum damnare, maioris cuiusdam impudentiæ sit: neque tales aliud expectare debent, quàm vt pari licentia feriantur. ferè enim hæc diuinæ cuiusdam vindictæ remuneratio quadam est, vt damnari sua ab omnibus sentiant, qui omnium damnant; ita talionis poena ferit hos Deus, aut permittit ea, qua ipsi

reli

## 308 MEDICI RELIGIOSI

reliquos, mensura donari: acciditque illis, ut cum dicendi licentia in omnes se profundant, omnium etiam patiantur linguas, calamisque omnium percutiantur, qui nulli parcere didicerunt: & ut nihil illis rectum bonumque, quod ab alio patre natum est, ita nihil horum probum aliis laudéque dignum videtur, aut quod nomen decusque mereatur.

Graues deinde tales omnibus esse consueverunt, inuisi paribus, duri inferioribus, nisi quos perpetuos laudum suarum præcones nacti fuerint: Superioribus molesti. cum enim mutuum pacem turbent, amicitias ac necessitudines dissoluant, non Superioribus, non æqualibus, non inferioribus parentes, sit ut omnium in se animos prouocent, omniumque indignationem extiment: vade etiam sit, ut omnes horum familiaritatem fugiant, consuetudinem auersentur, ut à qua nihil expectare possint, præter graues censuras, seuerasque accusationes, eo molestiores, quo neminem propè illæsum prætereunt, damnant omnes, testes facti ac iudices omnium, maximéque magnorum virorum; in quibus ob angustam aliquam nominis amplitudinem pronius inuidia & æmulatione stimulante incurrunt.

*Reine*



*Remedia.*

**A** Malorum, quibus laudator sui agitur, extirpatione petenda sunt: innatam quandam hic superbiam invidiamque nemo non videt, quibus agitur, & alienis contabescit, ac suis pascitur laudibus. Quare ad superbiam ac invidentiam radices securis admouenda est, contrariisque submissionis & amoris remediis animorum hæc venena pellenda sunt.

Assuescat proinde quicumque hic est, aliena laudare etiam minima, illa mirari, prædicare & publicare; sua tegere, deprimere & extenuare: fugiat suorum laudatores: cogitetque fere eos nos pati gravissimos in absentia censores, quos præsentibus profusissimos sensimus laudatores.

Cogitet illa nobis speranda ab aliis, quæ nos impendimus aliis, paribusque dicta factaque nostra commendationibus, aut vituperationibus metienda.

In aliis denique, qui simili vitio tenentur, tanquam in speculo seipsum intueatur, & in aliena fœditate suam deuitet; alieno exemplo vitia emendet sua. displicent in aliis? fugiat in se displicentiora. odit domesticæ pacis turbatores, amaretque focias dexteræ necessitudinis fraternæ? exequatur in se quod amat in aliis: fugiat quod odit in illis, factus iam aliis magister & doctor mutæ caritatis, æternitatis

310 MEDICI RELIGIOSI  
tis memor vitæ alterius, breuitatis huius;  
pœnarum & præmiorum illius, incertitu-  
dinis huius.

---

#### CAPVT XIV.

*Ambitio: speciosorum munium prosecutio:  
vtiliorum fuga & contemptus.*

**M**Alorum omnium in Religione sum-  
mum, & è quo tanquam oceano &  
fontibus, reliquorum ferè vitiorum flu-  
mina nascuntur. Quid enim sperari ab illo  
potest, siue in salutem proximorum, siue  
in Religionis augmentum, siue in diui-  
ni nominis propagationem, cui honor di-  
gnitasque propria pro proposito sibi sine  
est? quique cogitationes suas omnes in  
præfixum sibi dignitatum suarum scopum  
iaculatur? Quid non timeri? Diuini illi no-  
minis gloria, salus proximorum, Religio-  
nis progressus tamdiu cordi erunt, quam-  
diu hæc idoneam ambitioni suæ materiam  
inducarit: vbi senserit auxilio sibi ad quæ  
sperabar, non esse, repellet & auersabitur,  
vt votis, expectationi, conatibûsque suis  
inimica; adeoque in depressionem ac euer-  
sionem illorum studia sua conuertet, si per  
calcatam Dei Religionisq; gloriam, pro-  
ximorûmque salutem, viam sibi ad hono-  
res strata viderit.

Cetera

LIBER III. CAP. XIV. 311

Cæca omnis ambitio est. nihil videt præter conceptam semel animo gloriam, qua tanquam densa circumfusus nebula, nullos aliorum prospectibus habet oculos. sol luceat, sideraque micent; nihil videt oculus obscura dignitatum suarum nube circumuallatus. nubem suam videt, ad reliqua cæcutit. Non patet illi aditus nisi per scelera ad prætensum decus? per scelera in illud ibit. clausa illi semita est ad munus quod ambit, nec aditum videt, nisi per diminutionem famæ alterius? miscebit falsa veris, & in optimo quoque comminiscetur pessima; nec persequendi finem faciet, donec detractionibus, tanquam validis harpagonibus, innocentem à munere deturbauerit, ut optato potiatur. obstat fortior illius studiis? adulationibus expugnare conabitur. irriti hi cadunt doli? ad aperta se conuerteret odia, ut importunitate ac improbitate vincat, quem non potuit fraudibus.

Hinc ingentes domi animorum nascuntur conturbationes, dum mente ambitiosus inquieta, iactatione sua commouet reliquos: ut pro pacato æquore, tempestuosa in Religiosa domo reperias maria; forbendus cum non vno, si propius accesseris, & inter hortorum pratorumque hæc quondam amœna, fornaces inuenias, ambitionum ignibus accensas, amburendus si admoueris pedem.

Misera Religionis conditio, quæ ambitioni

tioni patefecit ostia. reliqua enim cum illa admisit vitia: neque enim sola venit; ingenti scelerum omnium stipata comitatu est. nec ullum iam illi scelus, si fruatur optatis. etiam in matrem sæuiet, & per calcatum Religionis utrum ad propositum sibi decus aduolabit interrita, crudelis in genitricem.

Sed neque, si sperata consecutus ambiciosus fuerit; quiescet, noua meditabitur: perpetuo namque tanquam rotatu per aspera, mollia, plana, præcipitia, voluit infelix, nec ulli minùs quàm sibi placet. intus inuidentia depascitur, foris aduersarios patitur; nulli amicus, inimicus omnium; contemptor omnium, omnium percutitur linguis; pari mensura ferendus, qua prior ille reliquos ferit. alinæ virtutis hostis; nulli benignus, crudelis in omnes. nullius etiam beneuolentia donandus. laudar neminem, damnat omnes, etiam quos sibi iunxit. nam si eos viderit vilioribus contentos, inter inglorios & ignavos numerat: si ad maiora exemplo suo contendentes, pro hostibus & gloriæ suæ obstructoribus habet. sed neque faciliè fidem adhibet ulli, suo semper ingenio reliquos metiens. suspectissima deinde illi omnia, dum singula metuit, & ingeniosa solertia è vanis, nec cogitatis principiis miras consecutiones necitat. & ferè cogitandum talem reperies, multa machinantem, melancholia etiam oppressum, nusquam

## LIBER III. CAP. XIV. 313

nusquam explicatum, dum vel amittendi muneris torquetur metu, vel mœret de repulsa, vel in obtinendo etiamnum laborat, & aduersarios circumspicit.

Infelix planè ambientium in Religione conditio, qui nec noctes patiuntur quietas, dum perpetuis æstibus iactantur. nulla iam illis oratio. vota pro oratione sunt. exulat pietas, & pro pietate speratum illis decus inhæret animo; pro Dei præsentia, expectata gloria. quid? quòd vilescant animis, dum singulorum, quos commodos sibi arbitrantur, captant gratiam, etiam vilissimorum; ad quorū se genua abiciunt, si idoneos arbitrabuntur fini proposito.

Humilis contrà, sorte sua contentus quanta in pace degit? nec mirum in pace esse qui nihil ambiat, nulli abblandiatur, nihil à quoquam speret. quare nec quemquam veretur, aut sollicitè & anxie colit. erecta illi verba, animus celsus, nulliusque, præterquàm Dei indigus. verba plana, nec ad gratiam composita, nec ad simulandum formata, aut ad fallendum delecta. inimicus nulli, amicus omnibus; molestus grauiusque nulli, carus omnibus, in alta quiete, omniumque admiratione & laude vitam ducens, vitamque finiens rara posteritatis gratâque memoria. Superioribus obsequens, inferioribus carus, paribus acceptus, omnium ore laudatus. familiaritatem illius ambiunt omnes, delectantur consuetudine, pascuntur collo-

O

quiis.



# 314 MEDICI RELIGIOSI

quis. Superiores concedi hunc sibi postulant, prehensant inferiores, parésque gratulantur sibi. qui quo maiore submissione repellit à se magna, hoc maiori impetu cōfluunt ad illum magna. postrema deligit, prima omnes vltro obtrudunt. vilissima ambit, summa nolenti ingeruntur. quōque maior sui contemptor, hoc validiore aliorum conatu extollitur. Hac sunt debita virtuti prēmia, quibus omnis ambitiosus carer. vt bene Augustinus: *In humili loco salus, in alto periculum.* & eleganter Magnus Gregorius, ad ambitionis contemptum, metum, horrorem, humilitatis amorem & amplexum: *Audiant humiles quā sunt aterna quē appetunt, quā transitoria qua contemnūt: audiant elati, quā sunt transitoria qua ambiunt, quā aterna qua perdunt. audiant humiles ex magistra voce veritatis. Omnis qui se humiliat, exaltabitur: audiant elati, Omnis qui se exaltat, humiliabitur. audiant humiles, Gloriam praeceat humilitas: audiant elati, Ante ruinam exaltatur spiritus. audiāt humiles, Ad quem autem respiciam, nisi ad humilem & quietum & trementem sermones meos? audiant elati, Quid superbis terra & cinis? audiāt humiles, Deus humilia respicit: audiāt elati, Et alta à longè cognoscit. audiāt humiles, Filius hominis non venit ministrari, sed ministrare: audiant elati, Initium omnis peccati superbia. audiant humiles, Quia redemptor noster humiliavit semetipsum factus*

*Serm. 1.  
de Vita  
Cleric.*

*Past. p. 3.  
c. 18.*

*Luc. 18.*

*Prov. 19.*

*Isaia 66.*

*Mat. 20.*

*Ecc. 10.*

*Phil. 2.*

obe

## LIBER III. CAP. XIV. 315

obediens Patri usque ad mortem: audiant elati quid de eorum capite diabolo scriptum est; Ipse est lex super omnes filios superbia. Ocasio ergo perditionis nostra facta est superbiæ diaboli, & argumentum redemptionis nostra inuenta est humilitas Dei.

*Remedia.*

**A**B humilitate petenda sunt. ambit aliquis magna, in vilissimis continendus est, ad ignobilissima loca relegandus, minimisque destinandus: ut talium assuetudine aut se vincat, conerátque altiores spiritus, ac sub iugo contineat; aut impatientia victus, Religionem à metu liberet. consultius enim fuerit talibus carere, quàm tot domi turbarum causam alere. monendus tamen seriò per confessarium aut Præfectum spiritus, aliosque viros magnos. pœnitentiis etiam simulandus: quæ si irritò cadunt conatu, & perstat ille in fastu; forti Superiorum robore & constantia continendus in humilibus erit. aut enim se vincet, animosque domabit, magno Superiorum aliorumque gaudio; aut submissionis impatiens, in apertam prorumpet defectionem, Religionemque metu liberabit.

Proderit in primis, si omnis illi materia gloriæ adimatur. obseruetur diligenter à variis, ac sicubi deliquerit, non parcatur.

si quid

316 MEDICI RELIGIOSI

si quid vituperatione dignum egerit, non delectatur: si quid laude, silentio prematur, & magnorum clarorumque virorum, matronarumque confessionibus & consuetudine auocetur, adimatúrque illi vniuersim quidquid ad laudem facit aut ducit.

*Super  
epist. ad  
Rom.*

Forti sententia terret ambiciosos Origenes: *Omnis adeundi honoris Ecclesiasticæ abscinderetur ambitio, si se iudicandos potius, quam iudicatu- ros, hi qui præesse volunt populi, cogitarent.* Ambitionem verò ipsani scitè Bernardus describit: *Ambitio futi- la quadrag. malum, secretorum virus, pestis occulta, doli artifex, mater hypocrisis, luoris parens, viti- orum origo, tinea sanctitatis, excacatrix cordium, ex remedijs morbos creans, ex me- dicina languorem generans.*

*Past. par.  
3. c. 18.*

Nobile remedium à D. Gregorio. habemus: *Plerumque elatos vtilius corripimus, si eorum correptionibus quadam laudum fo- menta miscemus. inferenda namque sunt illis aut talia bona quæ in ipsis sunt, aut di- cendum certè quæ poterant esse si non sunt: & tunc demum ressecanda sunt mala quæ nobis displicent, cum prius ad audiendum eorum placabilem mentem fecerint præmissa bona quæ placent. nam & equos indomitos blanda prius manu tangimus, ut eos nobis plenius postmodum etiam per flagella subi- gamus, & amaro pigmentorum poculo mel- lis dulcedo adiungitur, ne ea quæ saluti pro- futura est, in ipso gustu aspera amaritudo sentiatur: & dum gustus per dulcedinē sal- licur,*

litur humor, mortiferus per amaritudi-  
nē vacuatur. Ipsa ergo in elatis inuictionis  
exordia permista sunt laude temperanda, ut  
dum admittunt fauores quos diligunt, etiam  
correctiones recipiant quas oderunt.

## CAPVT XV.

*Delectus munium, locorum.*

FAllit plurimū Superiores hic de-  
lectus, nec respondet votis, plūsque ferē  
sue temporalis, siue spiritalis auxiliij ab  
aliis consequitur. quod maior in his fidu-  
cia in Deum eluceat, plus in illis pruden-  
tiā humanā: quo fit, iusto Dei iudicio, ut  
spe ferē sua Superiores frustrentur, cum  
saepe etiam tales pariantur aduersarios,  
grauēsque obseruatores ac censores, quos  
precibus impetrarunt. Monitorum dein-  
de, ac si qua necessitas id postulet, in iun-  
gendarum pœnitentiarum libertas tolli-  
tur, cum offensionem Superiores verean-  
tur: & qui se vocatos sciunt, liberiūs offen-  
dant, euocationis suæ spe freti, facilēsque  
ad murmurationes sint, si minūs placen-  
tia imponantur. Nec quidquam in his  
promptius, quā ad minimarum rerum  
displicentiam illud inculcare, Cur euo-  
cauit bene constitutum? melius mihi erat  
alibi. Nascitur inde non loci modò, & mu-  
neris, sed & omnium propē displicentia,

& murmuraciones, inde animi inquietudines, cum nunquam expleantur desideria, & præteritorum memoria præsentia displicent.

Quòd si in Superiorem minùs fortem, aut robore destitutum delectus ceciderit, sequitur facilis & ingens noxiorum iuxta ac bonorum permistio; cum indulgentiores ferè simus in eos quos vltro vocatos meminimus: & nullus propè querelarum locus apud eos, qui mederi possent, ne delectum nostrum damnare videamur, aut imprudentiam accusare, nèue consuetum illud audiamus, Habes quem peristi; obsecutus sum voluntati tuæ. antè cogitasse oportuit, bene illi alibi erat. vt omnis iam culpa in euocatorem eat. atque hinc graues sæpe multorum offensiones nascuntur, cum Superiores delectus sui sibi conscij, ne aut offendant, aut mœrore afficiant, aut minùs commodos tales experiantur, non concedenda concedant. quod vbi fit, abit res in exemplum, & paria sperare reliqui non verentur, paria etiam audere: è quibus vniuersa paulatim domestica disciplina delabatur: quæ vbi refrixit ac corruit, à sola ferè sectione remedia expectanda sunt; mutandi nimirum plerique omnes, & ad Superiores disciplinæ arctioris, variæque amandandi loca sunt, cū à sola propè mutæ cohabitationis separatione salus sperari possit: ac disciplinæ amantiore in illorum locum substituendi erunt; aut sanè Superior



## LIBER III. CAP. XV. 319

Superior ipso loco mutandus, & robustior illo subrogandus.

Eadem incommoda in inferioribus reperias, qui precibus locorum mutationem impetrarunt. sequitur enim plerumque pernitudo, cum non omnia votis respondeant; & damnamus preces nostras, & queri erubescimus, ne consilia ipsi nostra accusemus, & audiamus inconstantes: inde mœrores, ac tacitæ interni roboris emedullationes, cum interiores animi vires exedantur, & aperire pudet, & ad vincendum robore destituuntur. ad locorum enim novas descendere mutationes rubor vetat; & locorum tamen, sociorum, Superiorumque ferre conditiones imbellis animus negat, aut innata quædam menti aliena, pugnansque cum aliis, ac quasi hostilis & inimica conditio, ita cum hinc verecundia terreat, isthinc molestia crescat; contabescit animus, aut in apertas prorumpit factiones, & causas aliquas comminiscitur, quibus inconstantiam suam tegat. has si verisimiles reperiât, laxat delationibus habenas; sin minùs, comminiscitur etiâ falsas, dummodo potiatur optatis, subducâtque quasi è servitute ceruices nunquam satis domitas, nec suavi obedientiæ iugo in solidum submissas.

Profiliant ex his initiis omnia malorum genera, nec quidquam tam à Religione alienum, quod non audeat. semel enim pudore deposito in omnia se profundit

## 320 MEDICI RELIGIOSI

mala, & quæ antè damnauerat, probat vt sequenda: ita qui febribus tenentur, inimica antea gustui laudant, & auidius hauriunt, profutura damnant.

Accedit, quòd rarò diuina bonitas felices huic delectui successus tribuat, vt qui resignatæ obedientiæ repugnet, plûsque adferat iudicij nostri, quàm in Deum fiducia: quasi enim de Domini in nos providentia diffidentes, recurrimus ad hunc seu personarum, seu locorum delectum, cui penitentia perpetua & indiuidua comes est. quod innumeris propè aliorum exemplis discimus: quorum infelix exitus meritò terrere omnes, & auertere ab his consiliis debeat.

Iam cùm ferè in inferioribus delectus hi nascantur ex amore sui, cùm huic aër sit crassior, illi tenuior; huic minùs ætænum cælû, illi nimis sudum; alteri plebeiæ nimium occupationes, minùs splendidæ, minùs è dignitate, eruditionis opinione, vulgares, rariores, frequentiores, intempestiua, subitæ: aut Superior durior, tenacior, morosior, ocularior, maturior, retractior, ad suspiciones pronior, regularum obseruantior; aut alius suauior, liberalior, mollior, facillior, hilarior, laxior, ad omnem concessionem profusior, indulgentior: fit vt in ingentia se plerumque animarum discrimina coniciant: cùm ferè ignorent quanta domi forisq; pericula immineant. natus nimirum latet malum, quod nisi ex-

cussè

cusserint, nulla locorum mutatione pel-  
lent: cum ferè tales libertatis amor, disci-  
plinæ Religiosæ fuga, commoditatum cor-  
poris studium, adnatus animo tepor., gra-  
uiorum metus & horror, ad hæc consilia  
adigant; unde fit vt speratæ apud Deum  
mercedis non postrema, aut omni etiam  
parte spolientur, cum delecti muneris aut  
habitationis concessio mercedis illis lo-  
co sit.

### *Remedia.*

**I**ndifferentiæ studium, frequens excita-  
tio in Deum fiduciæ: cui maior cura de  
nobis, quàm nobis ipsis incumbit.

Incommodorum delectui huic colliga-  
torum memoria, recordatióque illorum,  
quibus non rarò cum interitu delectus hic  
coniunctus fuit.

Nihil deinde in omni Religione certius  
pacatiúsque, quàm vniuersam sui curam  
Deo committere; ne quid videamur detra-  
xisse de ingenti in illum fiducia, plúsque  
prudentiæ nostræ, quàm illius providen-  
tiæ fidisse. Ille securus viuit, qui totum se  
diuinæ gubernationi commisit. quàm for-  
titer monemur, quàm certò: *Considerate* *Matt. 6.*  
*lilia agri, quomodo crescant, non laborant,*  
*neque nent. Si autem fœnum agri, quod ho-*  
*die est, & cras in clibanum mittitur, Deus*  
*sic vestit; quanto magis vos modica fidei?*  
*Nolite ergo solliciti esse, dicentes, Quid man-*

*ducabi*

## 322 MEDICI RELIGIOSI

ducabimus, aut quid bibemus, aut quo operiemur? hac enim omnia Gentes inquirunt. Scit enim Pater vester, quia his omnibus indigetis. quarite ergo primum regnum Dei, & iustitiam eius: & hac omnia adjicientur vobis. Quod si pergat delectus hic animum pulsare, consultum erit cum Præfecto spiritus, aut si quis alius in domo vir prudens, rerum experientia edoctus, consultare; nec quidquam aggredi, nisi non tantum consulto sapie Domino, sed aliorum iudicio præquisito, quorum potius sententiis, quàm nostris stemus.

Proderit etiam aliquando cum iudicio confessarii voto se aliquo temporario obstringere, omnemque hanc delectus cogitationem negligere ac respuere, vt inimicam Deo, aut sanè vt minùs ei placentem gratiamque, vt obedientiæ repugnantem, adeoque vt omnis perfectionis hostem, omnisque inquietudinis matrem.

Moueant nos exempla Christi, totum se parentis obedientiæ committentis: *Meus*  
*Joan. 4.* *cibus est vt faciam voluntatem eius, qui me*  
*misit, vt perficiam opus eius.* & post illam lacrymarum, sudorum, sanguinum luctam, omnium quas vlla sæcula viderunt grauissimam, *Non quod ego volo, sed quod tu;* &  
*Mar. 14.* *apud Matthæum, Non sicut ego volo, sed*  
*Mat. 26.* *sicut tu.* sequamur ducem milites, & cuius præferimus nomen, imitemur facta.

Magnum victoriæ genus hic est contraria propensione ambire, voluntatemque  
 valido

### LIBER III. CAP. XVI. 323

valido conatu ad illa propellere, magnorum in omni Religione exemplis. nūquam sanè quidquam poscere, & in re firmare animum tutissimum est. versanturque tales in altissima quadam pace, quidquid euenerit, diuinæ prouidentiae committentes, securi se non ambiuisse: in quo vno solari se possunt, & audenter cum Propheeta dicere: *Qui habitat in adiutorio Altissimi, Psal. 90. in protectione Dei cali commorabitur. Nam Psal. 22. Et si ambulauero in medio umbra mortis, non timebo mala: quoniam tu mecum es. & Psal. 24. Non erubescam, quoniam speraui in te. & Psal. 25. In Domino sperans non infirmabor. protector enim est omnium sperantium in se. memo Psal. 17. res monentis Apostoli, Omnem sollicitudinem vestram proicientes in eum, quoniam I. Petr. 5. ipsi est cura de vobis. cum contrà petitores interno externoque solatio destituantur. intus habent conscientiam redarguentem, extrà reliquorum destituuntur auxilio, bis infelices, bis miseri.*

### CAPVT XVI.

*Nimia in unam alteramue nationem propensio.*

**D**E beata felicique diuersarum nationum in vno spirituali corpore indiscriminata coniunctione benè Hilarius: *Populo Dei cōgruit sub vno patre fratres. Psal. 132. sub*



sub vno capite vnus corporis membra esse. non enim oculus aurem odit, nec nares os execrantur, nec manus pedem spernit. hac enim vt officijs mutuis sibi, ita & amore distracta sunt. hoc iucundum & bonum habitare fratres in vnum, in eodem esse, idem esse, nec congregatione fieri, nec amore diuersos. Propius etiam ad rem nostram S. Basilii: Quid eo beatius dici? quid hac coniunctione, vnitae ac necessitate aptius excogitari? quid mutua inter se morū animorūque contemperatione gratius fingi? homines ex diuersis nationibus profectos, per exactam morum ac disciplina similitudinem aded in vnum veluti coaluisse, vt in pluribus corporibus vnus modō animus esse videatur: vicissimque plura corpora mentis vnus instrumenta cernantur. Hanc variarum gentium tanquam variarum vuarum in vnum torcular amicam cōmitionem, aut variorum marmorū in vnus Ecclesiæ ornatum coalitionem, quicumque sustulerit; & nobilitate & decore suo vniuersum corpus nudabit, & in miserandam ridendamque solitudinem, omni robore augustaque maiestate spoliata dispersget. scinditur enim hac nationū gentiūque discriminatione vniuersum Religionis corpus, quod sola animorum coniunctio tuetur, descenditurque in validas partes; neque iam in vno, aut altero, sed totis concurratur castris, proutque in vniuersæ Religionis perniciem & interitum laxatis habenis deuoluimur.

Nam

Const.  
mon.  
L. 19.

## LIBER III. CAP. XVI. 325

Nam vbi semel hic morbus occupauit animos; nullis iam propè consiliis, aut rationi locus est. exulat enim cum veritate ratio, cùm non tam rerum momentis, quàm nationum pondere ducimur.

Et quid sperari potest, quid non timeri, cùm ad fugam, aut sequelam satis est, hanc illamve gentem ira censuisse, aut damnasse? in quo non tam rationum momenta, quàm gentium placita discutiuntur, vt satis iam sit ad damnationem, alterius à nostra natione mentem hanc esse; satis ad probationem, gentis nostræ sensum hunc esse. & veritatem ipsam non rarò manu tangimus, repellimus interim cùm ab alia gente progeneratam scimus, gaudemusque deterioribus domi nostræ natis, ne meliora videamur ab aliis mutuati. Desunt nostræ viri magni qui præsent, quique saluti proximorum incumbant, vt deterioribus placet domesticis, ne ab externis meliores videamur deposcere. tantum nationum studia possunt, vt destituti nostris, carere in solidum velimus melioribus, ne ab alieno solo nata nobis salus, aut petita videatur. & iam ad impugnationem damnationemque satis est, ab alia, quàm nostra gente venisse consilia. etiam solem negaturi in meridie, si ab alieno in nostrum illuxerit agrum.

Denique ad aperta vniuersim descendimus odia, & perire prauis nostrorum consiliis, quàm bonis salutaribusque aliorum  
florere

florere præligimus. ac tandem eò dissensionem animorum acerbitas venit, ut si ignorata gens sit, probemus & sequamur consilia; at ubi primum innotuit alienæ gentis auctor, resiliamus à probatis, nouâque impugnandi causas reperiamus; priora consilia nostra, ex auctoris ignoratione prognata, damnâtes. grande malum, & non iam turbandæ, sed euertendæ Religioni natum. nam cum è variis nationibus omnium propè Religionum, tanquam validissimi exercitus robur conflatum sit, nec alia re magis virtus illius potentiâque quàm animorum coniunctione contineatur; nemo non vider, disunctionibus hisce, animorumque dissensionibus, vniuersum robur, quod vna validâque connexionione firmabatur, labascere, hostibûsque ludibrium fieri, inimicorumque depredationibus exponi; & quæ terrori primum acies erat, inuictâque mutua coalitione stabat, solis domesticis dissensionibus, nulla externa inimica manu impellente ruere.

Huc accedit, quod hæc gentium studia etiam ad externos decurrant: & inuoluimur iam Principum, rerumque publicarum pœnitendis, & in capita nostra casuris negotiis. tantum potest effervescentes hic gentium amor: ut cum æmulationes odiâque abeant in vniuersam gentem, in vniuersam etiam eant consilia machinationesque, exigua cura tuitionis famæ salutisque nostræ: ita dum fortius quàm prudentius

dentiùs aduersarios insequimur, vulneribus locum damus, & autè sæpe ipsi cadimus, quàm hostem feriamus, aut assequamur.

Et sanè torum paulatim genuinæ Religionis spiritum pestifera hac nationum discretione collabascere necessum est. neque enim inter has inuidias, æmulationes, partiùmque studia charitas habere locum potest, vnicum Religionum Ordinùmque vinculum ac firmamentum. neque veneratorio hoc partiū gentiùmque studio commaculata Religio valetudinem diu tueri suam potest. ibit non multo pòst in perimentes morbos potenti hoc toxico inebriata. & quam nulla externa mouere poterant arma, domestico hoc cadet malo. stetit interrita & inuicta stante charitate? cadet pauida labante charitate, quæ nulla in re potentiùs, quàm in diuersarum nationum coniunctione illucescit.

Certè tales degeneres à Christi disciplinatu sunt. ignorat nationum discrimina Christi sanguis, quo vno arctiùs quàm omnibus patriæ vinculis colligamur. non imitamur magistrum discipuli, ducem milites, parentem filij, si aliud sapimus, si non pariamur inter nos amore, quos lacrymis, sudore, sanguine, ac vocationis prærogatiua pariauit Christus, nec Apostolos in vnā gentem, sed in omnes misit. & ferè omnium gentium conuersiones ab exteris nationibus profectæ sunt, quo magis in  
illis

illis diuina luceret potentia : ne quis illarum ad fidem cōuersionem sanguinis propinquitati, linguarum cognitioni, amicorum opibus, similibusque tribueret.

Quot propè amoris propriij incommoda, tot huius sunt, cū ex amore proprio nationum hæc propensio nascatur. commodior nimirum ab vberibus frequentata lingua, cibus, vestes, socij, amicus, cædum. ignaui militis signa hæc sunt. ardua poscit generosus, in quibus virtutem ostendat; gaudet asperis, in quæ magnos animos effundat. sanguinēque aut dare, aut baurire pulcrum, ne inglorius, aut sicco hostili sanguine baltheo cadat : hæc prima illi cura. ab arduis gloriam laudēque venatur. à quibus solis ingentra & viro digna decora nasci arbitratur. facit idem verus Religiosus, qui vocationis ac Christi ducis sui memor, indignatur animos patria sua claudi. angusti hi termini sunt virtuti. vn̄uersum contuetur orbem. semel renuntiauit patri, matri, fratribus, sororibus, amicis, patriæ, renuntiauit æternū. aut si retrò flexit oculos, indignus Christi sui militia, indignus regno est.

### *Remedia.*

**E** Superiorum ferè vigili studio speranda ac petenda sunt. initia proinde, semināque mali hūius validā secanda & exaudicanda manu sunt.

Quod



LIBER III. CAP. XVI. 329

Quòd si publicis priuatisque monitis non cesserit malum, ad pœnitentias decurrendum erit, etiam publicas in publicis delictis.

Quòd si neque hîc steterit malum, serîo de dissensionum harum auctoribus à Religione tota rescindendis deliberandum erit. Clementia est sœuire in paucos, vti vniuersi corporis valetudini consulatur.

Nec inutile fôrs fuerit misceri nationes, vt mutuo hoc conspectu conuictique coalescant animi. plurimum enim ad coniunctionem contubernia faciunt, maxime si à prima ætate mutuo assuescant conuictu. non quòd frequentem in linguarum varietate & imperitia misionem probem, aliquam tamen probo, & paucorum à prima adoleſcentia consuetudo, mirum quantum ad variarum gentium coniunctionem valeat.

Neque quemquam in quacunque gente excludendum putem à muneribus, etiam Superiorum, modò reliqua functionibus eiusmodi necessaria adsint. Nam vniuersam aliquam gentem à talibus excludere, magnam & dissensionum, adeoque & odiorum causam præbet. Nam quæ se seclusam videt, paria in aliis tentabit. atque hinc iam partium & nationum contraria & aduersantia profiliunt studia.

Et licet inter genuinos, verèque Religiosos, fuga potius horrôrque, quàm dignitatum aut munerum prosecutio, aut vota

vota esse debeant; nescio tamen quis sensus à negatis functionibus pectus animùmque feriat. præcidisse, ac in solidum negasse, quasi in vota impulisse est. offer, fastidient. nega, propendebunt. crescit à negatis amor, à concessis fastidium. vt ad expletionem satis sit potuisse: ad desiderij prouocationem, negatum fuisse. Et vniuersim gentis alicuius exclusio validissimum alienationum ac odiorum prouocamentum est. quis enim nesciat, ex omni gente viros enasci magnos, & sæpe vnam destitui, aliam abundare? ita vno non raro sæculo & ætate plurimi in vna republica duces imperatoresque, ac in omni scientiarum genere exurgunt magni, cum insequenti sæculo nullum bellica, aut literaria gloria clarum reperias. mutuare proinde ab aliis, cum propriis destitueris, prudentiæ est: magis etiam in Religione; in qua non à nationum varietate, sed à dignatione, ac meritis munia distribuenda sunt. quæ res valido illam in primis vinculo colligat, & non nisi stolidissimi ingenij est, nolle ad externa circumspicere auxilia, cum domesticis destituaris. Sanè potentissimos ferè summorum imperatorum exercitus è varia gente videbis; vt mutuis æmulationibus crescerent animi, dum pro gentis suæ gloria in posteritatem itura quisque pugnaret. primasque ferè orbe toto victorias à misto variarum gentium robore relatas legimus.

# LIBER III. CAP. XVII. 331

Proderit incommoda secum confidere, quæ è nationum discrimine nascuntur, benèque de aliarum gentium moribus sentire & loqui, semperque in illis inuenire quod laudem mereatur; quæ verò meritis reprehensionibus obnoxia sunt, alto silentio premere: humaniter illos benèque excipere, ac impensius etiam in salutem illorum incumbere: operamque suam prolixè spondere, prolixius etiam rebus exequi, peculiarem etiam familiaritatem cum illis induere, sæpiusque opportunitate data colloqui, aliquid etià quando Religio patitur, propensionibus illorum indulgere: hilari etiam vultu excipere à moribus nostris aliena, si nihil contineant Religioni aduersum: ac facillimum esse in delictis illorum ignoscendis: parcissimè cum laude de gente sua loqui, prolixè de aliena: si quæ misceantur de gente tua minus proba, aut damnanda etiam, cum risu ac modestia excipere; quædam fateri, quædam suauiter excutere, aliòque sermonem flectere, ad laudem nimirum gentis alterius, aut quamcunque rem aliam.

## CAPVT XVII.

*Nimia cum uno alteròve familiaritates.*

**A**mulationum hîc magnus aperitur campus. paulatim enim illæ excre-  
scunt

scunt in alienationes, adeoque in odia, & frequentes oblocutiones, murmurationes, detractiones etiam; quodque magis hæ familiaritates crescunt, eo magis etiam crescit obloquendi facilitas. quod quò promptius fiat, causæ improbandi has priuatas familiaritates & disquiruntur, & non magno conatu ab aliis reperiuntur. itur deinde ad talium mores, cum aut fastum, & reliquorum contemptum singuli interpretentur aliorum vitiationem & fugam; singulorum vitia, tanquam coalitionis causa singulis imputantur. nec famæ hic parcitur aut gloriæ. tantum possunt conceptæ è familiaritatibus hisce indignationes ac æmulationes.

Sequitur deinde in aliis fuga consuetudinis talium, vt omnes alieniores tandem reperiant, & diffidentia plenos. quicumque enim se neglectum videt, contemptum etiam arbitratur, & ab innata paucorum superbia nasci hæc putat, aut à studio reliquis se præferendi. quod vbi semel aliorum animos peruasit, omni ope qua dictis, qua factis deprimere tales conantur, quos per priuatarum familiaritatum studium ad maiora conniti suspicantur.

Nascitur etiam plerumque è priuata hac tanto studio parata consuetudine, vt mutua facile vitia imbibant, adeoque sequantur, æmula quadam morum similitudine, tanto nimirum futuri coniunctiores, quanto mutuis vitiis propinquiore. Con-

## LIBER III. CAP. XVII. 333

functio enim à morum ferè similitudine, initia & incrementa sumit: hinc vt placeamus amico, aut cuius amicitiam venamur, mores effingimus; probi illi aut improbi fuerint, minima ac postrema curamur: maxima, placuisse, & ingenio ac moribus se alienis conformasse est. Vincit nimirum familiaritas, quem vitium vincere non potuit: imò quos valido tentationum proeufu vincere non potuit diabolus, vincunt familiaritates; dum aut offendere volumus, aut moerorem ingenerare, aut placere luber, aut imitari etiam iuuat, delectaturque similem amico fieri: vt quos arctior quædam necessitudo coniunxit, connectat delictorum paritas, ne nimirum ruborem incuriat amico, si imitari vitia erubescat: quasi amicitia corruat, nisi scelerum conexio statuatur.

E mutua hac etiam familiaritate mutuas necessum exurgere adulationes. cum enim mutuam deuitent offensionem, mutuas decantant laudes, mutuóque se scabie hac capti perfiricant: probant omnia, improbant nihil, veriri ne quid alienationis enascatur.

Discendimus his familiaribus, imúsque in partium studia, ac aduersarias motiones: nec iam vniuersam caritas, aut amicitia stat, sed in vno aut altero capite. quæ res noxia in primis Religioni est, exponiturque corpus totum iniuriarum oppugnationibus, cum nudet latera, viribusque



## 334 MEDICI RELIGIOSI

quæ totius corporis coniunctione continentur, spoliet, exuatque omni robore, quod mutuo vniuersim amore firmatur.

Maiora etiam ab his amicis mala quam ab inimicis metuenda sunt. nam cum ab his sibi quisque caueat, neque facile quidquam illis committat, quod ruborem iniicere possit, non habent metuendi causam. cum enim quisque se suaque sciat ab inimicis obseruari, insidias verbis rebusque tendi, nemo prudens pœnitenda elabi permittit. accedit, hostium quæcunque consilia, beneuolentiæ signa muneraque, ac iuratas etiam sponsiones, suspectissima meritò esse, vt in perpetuis verborum factorumque suorum verferetur excubiis quisque hostes patitur. at ab amico aut perfamiliari quis se tueatur? quis non intima referat familiariori sibi, siue consilij, siue solatij, siue leuandi mœroris causa? è quibus ingentia deinde pericula damnâque metuenda sunt, ab offenso nimirum familiarioris illius animo. offensionem verò nasci è minimis etiam rebus experientia docemur.

Et fallaces ferè has familiaritates, dolo-  
sòque cinere amicitias ex his natas tegi in  
dies discimus. neque enim diutiùs perstant,  
quàm sperata partis cuiusque emolumenta ferent. vbi illa corruunt, collabascit  
omnis amicitia, quam ferè quisque com-  
modo suo meretur. excidit spe sua, & fru-  
strata est illum opinio, dilabitur omnis fa-

millia

## LIBER III. CAP. XVII. 335

miliaritas. ita qui nihil sperat, cum nihil metuat, non facile aliorum venabitur amicitias, quas quisque bono suo venatur.

Ingens deinde hæ familiaritates diuinæ familiaritati impedimentum iniiciunt. credas ingentia flumina flammæ extinguendæ iniecta. Et sanè quantum ferè amicitia hæ crescunt, tantum diuinæ decrefcunt. quantum enim prioribus concesseris, tantum diuinis ademisse videris. occuparunt priores animum? occuparunt totum, Deumque exclusisti, cum illi locum nullum reliquum feceris, qui omnem prioribus concessisti.

Demum in carne ferè consummantur hæ familiaritates, desinuntque in mutuorum commodorum, honorum, similiùmque rerum connexionem. cum enim in talibus non Dei maior gloria, non boni communis amor, aut proximorum salus, sed suum cuique emolumentum propositum sit; fit vt ab his paulatim quàm longissimè recedamus, ac in sensuales plurimum familiaritates dilabamur. semel enim seposito Deo, alióque nobis sine proposito, toti per priuatorum commodorum præcipitia ad carnem sanguinèmq; diuoluimur.

*Remedia.*

**H**umanum amorem nostrum diuino  
 amore metiri, nec ab alio, quàm à  
 diuino

### 336 MEDICI RELIGIOSI

diuino principia illius petere, aut ducere: hinc fiet, vt cū in omnibus pares diuini amoris causas reperimus, pari omnes amore complectamur, parique familiaritate ac beneuolentia, quæ amoris famulæ quædam sunt, in omnes feramur. Hæc certa, & falli nescia regula est, à qua quantum per priuatas amicitias deflectimus, tantum à veritate aberramus, mendacio iungimur.

Frequens in nobis detestatio omnium quæ Religionis propugnacula roboraque dissoluunt: cū verò inter prima priuata illa priuatarum familiaritatum studia sint; perfacile erit viro Religioso intelligere, quo loco illa habere debeat, qua cura ac sollicitudine vitare.

Aliquoties in anno meditationes hac de re instituere, cogitaréque apud se sæpius, religiosam familiam nobili musicæ harmoniæ meritò comparari posse; in qua vnus dissonantia vniuersam concentus suauitatem turbat & euertit, & ridendam aliorum auribus musicam propinat. facit hoc, quicumque harmoniacum hunc Religionis concentum priuatis familiaritatu- bus turbat.

Iuuabit etiam non assuescere paucis, sed promiscuè omnibus, maximè recreationis temporibus, eūque arripere, quem primum fortuna obuium dederit.

Proderit vetus illud sæpius secum reuoluere; Sic ama tanquam osurus, sic odi tanquam amaturus. quod in magna familiari-  
tate

LIBER III. CAP. XVIII. 337

tate locum non habet. amamus enim in illa tanquam semper amaturi; hinc committimus varia tanquam semper celanda, tanquam semper amico. fallimur. nullæ propè in humanis æternæ amicitiae sunt, quas leuissimus aliquando status dispellit, tanquam nubeculam coalitam validiores venti. Sanè nemo in erubescenda corrumpitur, qui amauerit tanquam osurus. neque enim tali poenitenda committet, aut ad quorum propalationem erubescat.

CAPVT XVIII.

*Familiaritas, & gratia quasita externorum Principumque virorum.*

Specie plerumque hanc ambimus animas lucrandi, & Religioni conciliandi, maximè viros magnos: reuèra plurimum ad ea amore proprio impellente trahimur magna ferè multorum offensione, æmulatione, odio, emolumento propè nullo, errorum & lapsuum periculo magno, ut tam carè familiaritas hæc parari non debeat, Religionis non rarò damno ingenti, nominisque illius fœda deuenustatione. Neque enim quidquam proclivius est, quàm inter Magnorum quasitas familiaritates verbo aut facto labi: quod ubi cõtingerit, vno non tantùm lapsu bona laborisque omnes sepeliuntur, ut illorum memoria

### 338. MEDICI RELIGIOSI

morbia iam nulla sit, quasi vna potenti spō-  
gia deleta, aut tanquam falce recisa sint,  
sed grauis insurgit indignatio, quæ in vni-  
uersum etiam corpus transit, & tanquam  
à Babylonia fornace, vicina, & latè etiam  
posita amburit. vnus enim error abit in  
omnes, & delicto vnus plectuntur omnes,  
ab vnóque indignatio nata totum corpus  
amburit.

Et sanè tot in omni Religione, omnium  
retrò seculorum docemur exemplis, vt  
nullo alio magistro opus sit in terrorem &  
cautelam: neque vigesimus quisque inta-  
ctus ab hac aulica flamma pedem retulit.  
Ita amburitur quisquis propius accesserit,  
vt vix cineres referat, vel ignium vestigia,  
sepiùsque in fauillas abeat, quàm in lenem  
vstulationem.

Et experientia tot iam ætatib. docemur,  
petraros omnino, ea aut virtutis opinio-  
ne, aut integritatis fama, aut pietatis sensu,  
à Magnorum familiaritate ad Religionem  
rediisse, quæ egressi fuerant: plurimos et-  
iam aulicam consuetudinem miterando  
vocationis naufragio nobilitasse; vt vix  
iam trigesimus charybdim hanc tabula  
enatarit, fortuita potius, quàm præprovi-  
da felicitate; reliqui irrespirabili hoc pro-  
fundo absorpti sunt.

Nec facile quemquam reperies aulicis  
hiscè Magnorum moribus assuetum, qui  
non ea retulerit, quæ vix annorum pluri-  
morum deleri spongia potuerant. Ita se-  
mel



mel Magnorum consuetudine delinitus & assuetus Religiosus, vix affectum hunc nisi cum vita aut infamia deponit. Iam ubi inualuit illa nobilitatis prurigo, vilescit quidquid humilitatē, & instituti tenuitatem sapit: atque hinc vocationis quidam contemptus nascitur, omniāque displicent quæ probata prius; dulcia nimirū in amaritudinem, mella in fella, medicamenta in venena versa sunt, & quæ antè adamabat anima, in horrorem murata sunt: exulat candor, & pristinae religionis simplicitas, euanuit pulsa synceritas, veritas abacta est; & pro his aulici mores, politica agendi ratio, mentiendi libido, soli & simulationes subintrarunt. Nec mirum ea adhærescere quæ inter aulicas consuetudines in dies teruntur manibus.

Fugiet hanc familiaritatem, quicumque vocationem amat, qui præcipitia veretur infelici, in omni quâ patet orbis Religione, exitu funestata: quique nullos ab illa meliores, omnes propè deteriores exauisse videbit; paucissimos integra nominis, quam intulerant, æstimatione, omnes ferè ingenti eiusdem decoloratione. præterquam quòd ea res in Religione, magna non vltimarum æmulationum mater sit. nam cum vident reliqui ambizioso aliquo conatu Magnorum familiaritatibus se implicare, domesticorumque consuetudini subtrahere, quasi viliorum sociorum consuetudinem ac conditionem auerfetur, in

auersiones etiam ipsi, adeoque & in odia decedunt, carpuntque iam etiam optima, cum æmulatio inuidentiæque, è captata magnitudine nata, religiosum alioqui peccatus occupauit: contingitque plurimum ut qui aliena sectatur, domestico excidat amore, ac Magnorum interim beneuolentia careat, utrisque inuisus, aut sanè neutris probatus. E qua re mœror exurgit, & animo non satis Deo, aut cælestibus dedito melancholia exoritur, vniuersum internæ mentis robur emedullans, & quidquid est spiritus boni, radicitus exaudicans. Hinc languor, & spiritalium rerum omnium fastidium ac nausea: sibi que aliisque demum grauis, miseram vitam trahit, finitque etiam miseriorem.

Sequuntur externorum æmulationes inuidentiæque, qui non ferunt Religiosos tanta Magnorum uti familiaritate. nec res ferè magis vlla in oculos incurrit, aut citatiora certioraque odia prouocat. tritum namque est, quæ consequi ipsi diffidimus, aliis inuidere. hinc illè in æmulationibus euertendi molitiones: quasi leniendo mœrori medicamentum sit alios deturbasse; mitiusque damna feramus, si socios nacti fuerimus. Huc accedit Principum plurimum delicta familiarioribus ascribi. prudenter benèque se habet Princeps, Principis ingenio nateræque illius benignitati tribuimus; aberrat à probitatis regula, in familiarem illi Religiosum omnis culpa reici

LIBER III. CAP. XVIII. 341

relicitur. non monuisse etiam, aut dissimulasse in his, fecisse est,

Sequuntur & reliquorum in Religione non minùs noxiæ æmulationes, imitandi nimirum hæc studia. hinc mille excogitantur viæ, non trita priùs Religioni, mille inueniuntur maioribus ignoti modi. cùmque per nos, pèrque domesticos ad optata peruenire non possumus, externos in consilium adhibemus pudendæ ambitionis nostræ. quodd si nec hac successerit via, vertimur in indignationes, in detractiões, in euersionem conatum alienorum. tantum potest æmulationi iuncta ambitio, nulli parcit, & in maximum, in optimum quemque citatiore fertur passu. nam in aliis æmulationum materia deest. nescit enim æmulum paruo contenta humilitas, in magnis inuenit quod ambiat, quod æmuletur.

Ferè etiam ingentibus aulica hæc caprata familiaritas adulationibus plena est: dum enim placere studemus, displicere nolumus, amorem venamur, offensionem fugimus. purpuræ proinde & gratiæ seruiendum est. quare placitura dicimus, facimus, & ad omnem Principis voluntatem vela vertimus. cùmque vnicum studium gratiam parare, partam conseruare; modis ad hanc rem idoneis vtimur. quod cùm fieri non possit, nisi pleraque ad gratiam eant, liberum adulationibus campum aperimus, laxamùsque indomito huic vitio

## 342 MEDICI RELIGIOSI

liberrimas in omnem partem habenas: plus laxaturi si plus placuerimus. quæ res ad quàm indigna Religiosos propellat, nemo non videt. certè generosi spiritus hæc esse non possunt, non cælum suspirantis non æterna cogitantis, non Dei sui gratiam ambientis.

Omnis deinde in hac familiaritate monendi libertas perit. quòd si in Principis confessarium Religiosus talis ascitus fuerit, quantis se induit conscientia laqueis Religiosa libertate deposita? dum monere timet cuius gratiam venatur, cuius indignationem veretur. & tamen ferè non monuisse hîc, deliquisse est, & Principis sui error in doctorem cadit. monuisse verò, non tardò excidisse gratia est. quid faciet? monebit? parata offensio est: tacebit? Deum habet iudicem: ita dum amittere gratiam veretur, silentio cauenda premia. grauius etiam est, dum ne offendant, assentitur roganti, & laudat damnanda.

Periclitatur in his frequenter castitas, cùm inter aulicas fermocinationes ferè minùs pudica, & castis indigna mentibus intercurrant. Paupertatis etiam amor flaccescit, cùm plerumque aliquid opum, còmodorum, dignitatumque, etiam non cogitanti affricetur. assuetudine enim ac quadam vitiorum familiaritate ac consuetudine, etiam quasi nolenti aliquid adhærescere solemne est; quo magis ambienti, & vtrò se in illa coniicienti? Obedientie etiam

LIBER III. CAP. XVIII. 345

etiam vis vel vniuersim tollitur, vel magna sui parte minuitur; cum vix talibus imperare Superioribus liceat, ne fors in offenso subito offendant Principem, exurgantque patrociniis ac intercessionum molitiones: quæ ubi inualuerint, prostrata iacet obedientia, non facile caput erectura.

Addit S. Basilius: *Qui maiorem in modum secularium hominum amicitia delectatur, ea quere assidue cum illis esse in colloquio cupit; is ex frequenti cum illis sermone prauas eorum affectiones in animum facile insinauerit, & mente rursus cogitationibus mundanis completa, à preclara illa, quam erat ingressus instantia operis descisset, & à se deinceps proscripta vita spiritualis stabilitate, quem ex animo effuderat vita prioris vomitum resorbebit, atque aded saucius eadem concidet, miserè confixus ab hoste. Et B. Ephrem. Qui conuersationibus gaudet*

*Mon. cōst.*

*c. 12.*

*Tom. 2.*

*par. 1.*

*46.*

*mundanis, sæculum nondum se edisse ostendit. nam sicut qui ignem excitat, flammam suscitatur: ita & mundana colloquia, passionibus & affectionibus prauis in corde monachi commouent. Et David ab Augusta, Ordinis Minorum: Sape experti sumus, tam in nobis quam in alijs, quod frequens exitus & conuersatio cum sæculo, & occupatio nimia negotiorum externorum, deuotionem mentis extinguit, feruorem spiritus reperficit, forte propositum virtutis emollit, cor dissoluit, studium pro-*



ficiendi debilitat, delicias docet amare, tempus sine fructu expendere, verba otiosa multiplicare, iocis & trifis intendere, orationes pratermittere. Et fortiter in terrorem B.

Lib. de  
discip. c.  
22.

Epist. 7.

Laurétius Iustinian. O quot temporibus nostris fuerunt, qui tanquam ardentes lampades & mundi luminaria lucebant coram hominibus, paulatim ex conuersatione secularium, & confabulatione reperfatti, ad pristina opera secularis vita miserabiliter redierunt! Et docemur à Seneca, vt nō pigeat Religiosos imitari Stoicum factum ex se Magistrum: Nunquam mores quos extuli refero. aliquid ex eo quod composui, turbatur: aliquis ex his quæ fugavi, redit.

Signa verò animi in hac familiaritatis venatione nō Religiosi esse possunt: si quis eo in illam affectu rapiatur, vt grauiter molestéque ferat, si ab iis retrahatur; si maiore cura & sollicitudine illorum negotia, quàm quæ Religionis propria sunt, suscipiat; si insciis Superioribus, negotia illorum amplectatur, doleatque sibi eorū tractationem à Superioribus inhiberi; si maiori conatu & studio viros magnos, Principesque sibi, quàm Religioni conciliet; si Religionis ministeria minùs speciosa contemnat, & indigna putet quibus se tradat, & implicetur; si paupertatē & obedientiam incipiat fastidire, commodisque suis hinc inde quæsitis studeat; si Superiorum monita minùs æquo ferat animo, simpliciumque consuetudinem aspernetur.

Remedia

*Remedia.*

**A**Mouendi ab hac familiaritate quoscunque pronos in eam Superiores deprehenderint; aliisque occupandi & distinnendi muneribus, minùs quidem speciosis, sed tutioribus minorique periculo obnoxiiis: demum loco etiam mouendi, alióque ablegandi.

Proderit etiam aliquem è domesticis maximè spirituales excitare, qui vltro amicitiam illius ambiat: quò securiùs eum postea, maioréque fructu monere possit.

Magna etiam cura in hunc inuigilandum erit Præfecto spiritus, qui ratione erediti sibi muneris, maiore auctoritate & pondere monere ac terrere potest, magnorum maximè exemplis, qui propè omnes à quæsitâ hac familiaritate ad sæculum & Ægypti ollas transferunt, infortunatòque ferè exitu vitam finierunt.

Nec erit inutile, retrahendi tales conatum Principi, magnisque viris elucescere: vt, si quid erroris postmodum intercurrerit, videant non frustra Superiores motos fuisse, & in illius auocatione laborasse, errorésque non iam Religioni, sed homini adscribantur.

Malorum quæ ex hac familiaritate nasci consueuerunt seria recordatio non parum proderit: ingentia pericula, damnaque accepta, finem deinde vocationis suæ

P 3      propo

## 346 MEDICI RELIGIOSI

proponere alium omnino ab aulica consuetudine. Deum denique sæpe sibi oculos proponere, cuius seruitio Religiosus mancipatus, & à quo filiorum prærogativa donatus est: ut indignum sit tanti Imperatoris sacramento addictum, minoris se obsequio addicere, & ad inferiora dimittere.

Lib. 2.  
Conf.  
c. 6.

Pulcrum in imitationem apud Augustinum exemplum habemus de suo Nebriidio. Agebat illud prudentissimè, cauens innotescere personis, secundum hoc saculum maioribus, deuotans in eis omnem inquietudinem animi, quem volebat habere liberum, & quàm multis posset horis feriatum ad querendum aliquid, vel legendum, vel audiendum de sapientia.

## CAPVT XIX.

*Affectus in parentes, in sanguine  
iunctos.*

Nec postremum, nec contemnendum in Religione malum. damna namque à nimis prodigo in suos affectu, & varia & magna sequi necessum est. fauimus propinquorum opibus ac dignitatibus, prosperiorisque fortunæ successibus. inde etiam operam nostram aut rogati impendimus, aut vitrò etiam pollicemur: & negotiis iam secularibus, quibus antè renun-

ciauimus,

LIBER III. CAP. XIX. 347

ciauimus, induimur & implicamur.

Accedunt non rarò ex infelici euentu pœnitendæ, & ruborem incutientes commendationes; sitque vt qui sæculo semel ac parentibus nuntium miserunt, plus illis, quàm extra Religionem immergantur, magna sæpe aliorum inuidia, qui Religiosorum studio operæque parentibus se illorum postpositos vident; & inimicos illos non priuati tantùm, sed Religio patitur: ac non infrequenter ex amicissimis hostes parantur, cum se priuatis Religiosorum propinquitatibus posthabitos sentiunt.

Crescit deinde obligatio apud eos, quorum operâ parentibus impetrata dignitas, aut quæcunque res alia: transitque hæc obligatio in Religionem, quam tanquam collato beneficio obstrictâ sibi arbitratur.

Et ferè videmus prodigum hunc in parentes amicòsque affectum totum in sæculi affectum ruere, exuto spiritali domesticorum; ipsiusque adeò Religionis affectu: vt omnis Religiosæ coniunctionis æstus hac propinquorum alluione, tanquam vastissimi fluminis prolapsu, extinguatur. neque enim affectus hic propinquis tantùm adhæret, transit ad opes & dignitates, ad eaque omnia, ad quæ studia illa cogitationesque feruntur. Frequentatæ enim res sæculi, affectum in parentes materia, nescio qua Religiosam mentem fuligine aspergant, ac tanquam sepiattingant, nam cum frequenter illâ mentem

## 348 MEDICI RELIGIOSI

obseruentur, manibus etiam tangantur, non leuia sui relinquere vestigia, nemo prudentior mirabitur: imbibimúsque paulatim pro Religioso, sæculi spiritum & mores, tanquam lana imbrem, valida nube fusum: etiam amare incipimus, quod procurare non pudet, ambire etiam, &, vocatione sæpe deserta, ad sæculi dignitates commodáque cogitationes flectere ac transferre.

Præeunt deinde tales exemplo suo reliquis, prouocántque ad par in suos studium, & ad æmulationes Religioso indignas, ad alienationes etiam animorum; dum indignantur reliqui, improbántque has commédationes, effusúmque in suos affectum; cum semel mundo suisque mortui, saluti incumbere animarum, non suorum indulgere deberent amor.

E nimio deinde propinquorum affectu, serè in carnem & sanguinem Religiosi prolabantur: vt affectus ille suorum de propinquo carnis affectum iaculetur, accendátque recludátque tot annorum cineribus reconditum impuritatis ignem; & plurimùm ex his initiis ad illicita quæque ruunt, cum aut sororis, aut neptis, aut alicuius sanguine iunctæ, femineis ac mollioribus assuescunt colloquiis, liberioribúsque prospectibus. dum enim non timent mala in propinquo sanguine, minùs cautè prouidéque versantur: cadúntque non rarò propinquis hisce insidiis, aut sanè causam

illæ



## LIBER. III. CAP. XIX. 349

illa præbent, pulso priore metu, puritatis custode, familiarioris cū aliis similis sexus consuetudinis: è qua celeri procursu reliqua postmodum mala mortem allatura promanant.

Sequitur & aliud malum Religioni in primis noxium. facit enim frequentata hæc cum propinquis consuetudo, vt multa iam liberiùs in sinum illam Religiosi profundant; domestica dicta, facta consiliâque retegant: nec quidquam tam reconditum sanctumque, quod tantis affectibus claudatur, narrantur aliorum imperfectiones, animorum in hæc aut illa vitia propensiones; & hæc ferè innata quadam naturæ propensione in maius tolluntur, virtutes deprimuntur: si quid dignum laude, extenuatur: siquid reprehensione, immensum augetur. atque hæc mulierculis sæpe committuntur, à quibus propere cursu, non sine insigni augmento abeunt ad alios.

E qua re & mala nascuntur plurima, quæ cuique obuium est videre: & tanquam iniecto fræno, aut compede, sperata reprimuntur bona: Religionis nomen minuitur: salutisque proximorum propagatio arctatur, dum illorum virtuti detrahitur, à quorum singulari industria, nominisque æstimatione magna salutis proximorum pars pendebat.

Et vt reliqua non terreant, terrere nos meritorè debeant verba Domini: *Si quis Luc. 14. venit*

# 350 MEDICI RELIGIOSI

venit ad me, & non odit patrem suum, & matrem, & uxorem, & filios, & fratres, & sorores, adhuc autem & animam suam, non potest meus esse discipulus. Seuera omnino sententia, cuius erit, si non fuerit Domini discipulus? Nemo seruus potest duobus dominis seruire; aut enim unum odiet, & alterum diligit; aut uni adharebit, & alterum contemnet: non potestis Deo seruire & mammona. Hinc illa sponsi ad fidelem animam desponsandam sibi verba: Audi filia, & vide, & inclina aurem tuam: & obliuiscere populum tuum, & domum patris tui. Et concupiscet rex decorem tuum: quoniam ipse est Dominus Deus tuus. Magna prerogatiua animæ obliuiscens domum patris sui, ut concupiscat Rex decorem eius, deducatque illam in cubiculum genitricis suæ, fiatque illi sponsus, atque inter vbera illius commoretur, dignetur illam associatam iam sibi reginam & spōsam osculo oris sui.

Et verò quid sperari de Religioso potest, cui adhuc patriæ affectus inhaeret infixus animo? non compatiuntur se murus patriæ amor, & Deus sponsus: illam si amas, destituendus sponsus est; hunc si vis sponsum, deserenda patria est. Acute Hugo Victorinus: Delicatus ille est adhuc, cui patria dulcis est: fertis autem, cui omne solum patria est: perfectus verò, cui totus mundus exilium est. Ille mundo amorem fixit; ista sparsit, hic extinxit.

Lib. 3.  
Did.  
erud.  
cap. 20.

Remo

*Remedia.*

**V**T qui propensiores in propinquos sunt, non permittantur soli cum illis versari, sed adiungatur socius, lingua & rerum intelligens, & spiritus boni.

Rarior omnino permittatur colloctio.

Interdicatur seuerè, commendatio omnis, & si qua deprehensa, non permittatur impunita.

Mittantur ad ea loca, in quibus nulla commendationum harum commoditas esse possit.

Moneantur Superiores, vt diligenter dispiciant, ne quas aut ad suos scribere patiantur littèras, aut ab iis accipiant negotiorum administras.

Ipsi Superiores exemplo suis præeant, caueantque ab omni omnino propensionis in suos ostentatione; idque adeò prouidè ac serio, vt nec verbo in hoc genere labantur: fugiantque, quacunque mentione injecta, omnem harum rerum materiam, & apertè à se repellant.

Magnorum in Religione virorum exempla proponantur, qui omnem hunc affectum fortiter calcarunt, ac in se aliisque damnarunt, & ferè patria domo egressi remotissimè ab omni cognatione vitam duxerunt.

Iuuabit etiam pericula damnaque ab affectu hoc in non vltimis virorum nata  
propo

352 MEDICI RELIGIOSI  
proponere, vt horum exemplo propensio-  
res terreantur.

---

CAPVT XX.

*Commendationes ad Ecclesiasticas, aut  
saculares dignitates.*

**I**n numeris permixta periculis.

Quia dubia in impetratione. quòd si non succedant rogata, in nos plurimum cadit indignatio; cum arbitrantur per nos stetisse, quo minùs consecuti fuerint. ita ferè euenire solet, cum omnia nobis ab vno pollicemur, cum aut potentia, aut gratia fidimus, conatum licet omnem explicauerit; si frustrati spe sumus, in illum ipsum indignationem vertimus, & negata, aut non consecuta rei causam in patroni negligentiam conuicimus: è qua ferè opinione, nullo licet plurimum fundamento nitatur, animorum nascuntur alienationes, & amicitia in odia commutantur.

Quia incertae in euentu, & impetrati muneris administratione; vnde graua timeri aliquando reipublicae pericula possunt. quid, si se aperiant improbi, qui latebant mores? quid, si laesa maiestatis criminosa; quantis conscientiae exurgunt remorsus, verecundia; quanta pericula auctori & promotori? Ferè enim promoti à se delictis innoluitur; ac licet magna innocen-

tia

LIBER III. CAP. XX. 353

tia tegatur, semper tamen in probatissimo vestigium aliquod liuoris aut vulneris manet: neque facillè clientis à se notam patronus eluet, maximè in iis, quæ Principem, aut rempublicam tangunt, in quibus tanquam indemitis furentibusque fluctibus, aut tanquam insanis montibus, rupibusve, sedibus ab imo diuulsis, non vicini tantùm, sed & longè positi vna ruina consepeliuntur.

Ferè aduersarios iusto Dei iudicio, commendatione nostra prouectos experimur. quod plurimis in vtraque dignitate Ecclesiastica, & sæculari exemplis doceri potest, eo magis, quo plus sæpe operæ studiique impendimus. Nec mirum, viro hoc Religioso euenire, cum se extra modestiæ & regularum suarum limites extulerit. nam & illi ipsi, qui patrocinia nostra poscunt, licet patrocinia hæc probent; Religiosos tamen patronos non probant, cum non ignorent, longissimè à Religioso instituto sæcularia patrocinia abesse debere. vtuntur tamen iis vt proditoribus reges; non amant, non colunt: timent magis, & potentiam hanc in alieno solo metuunt; amaturi, si in sæcularibus resideret: in Religioso, cuius omne studium salus propria & proximorum esse debeat, oderunt veriùs quàm amant, ridèntque tacitè secum, tanquam frænos aureos, iubamque leoninam in ouino vertice.

Offensio dein nascitur omnium illorum,



rum, qui se neglectos à nobis arbitrantur. Hinc pro vnus dubia sperata beneuolentia plures inimicos paramus; quorum odia longè Religioni perniciosiora sunt vnus commendati fauoribus, iis que plerumque incertis ac dubiis, ac in perniciem potiùs quàm subsidium tendentibus.

Graue etiam Religioni accrescit onus, cum pluribus eadem præstanda veniunt, maximè sanguine iunctis, amicis, aut qui tales videri volunt, beneficis, aliisque huius generis non paucis; vt tota iam Religio in negotiationis quandam curiam, aut patrocinantiam atrium vertatur: nam cum nemo ferè in illa sit, qui non aliquem habeat clientem, aut amicum, cuius commodis studeat, perfacile videre est, quanta imminuat moles à Religioso instituto alienissima. Vnde fit vt crescentibus paulatim commendationibus, quæ innumeram secum negotiorum turbam trahunt, elanguescat spiritus, dilabaturque primæuus ille rigor; & qui ad Deum, animorum salutem, Religionis augmentum ducebat, ad sæculi mores & imitationem deducat.

Gravia dein damna metuenda vniuersæ Religioni, cum vnus factum errorque toti Ordini adscribitur ita ferè euenire solet, vnus delicto plectuntur omnes: arbitris tanquam è paradisi traduce crimina transire in socios; & quos sociauit amor, imprudentiæ colligari nexu, tanquam si vnus insipientiæ, temeritatis, arrogantia, vani

**LIBER III. CAP. XX. 355**

vanitatis nota signentur omnes. virtutes  
nimirum singulorum, vitia omnium sunt.  
quare nemo alterius virtute coronatur; vi-  
tio vnus damnantur omnes. quo maior  
cura adhibenda est, vt ab omnibus, quæ  
quoquo modo in vniuersum redundant  
corpus, abstineant singuli.

Ingeneratur etiam plurimorum animis  
politicismi opinio, cum pluribus eandem  
dignitatem ambientibus, operam nostram  
addicimus; qui enim se vident frustratos,  
& vni de facto operam nostram impensam,  
veniunt in non immeritam politicismi de  
nobis suspensionem: peritque omnis conce-  
ptæ æstimationis opinio, cum tales iam  
non in Religiosorum, sed in aulicorum nu-  
merum referant; tantam in posterum ver-  
bis fidem adhibiruri, quantam opere com-  
pererint. Vnde nec in salutis negotio certa  
iam stat fiducia, cum exemplo vno edocti,  
aliud arbitrentur verbis exprimi; aliud  
mente contineri. quæ res vniuersam salu-  
tis animarum spem euertit & eludit; tan-  
quam si aut vna falce quidquid erat messis  
futuræ demetas, aut vnus frigor ardori-  
bus omnem torcularis spem fallas, aut vna  
denique nouacula omnem bonorum ope-  
rum spem præscindas.

Accedit demum non leuis obligatio  
apud eos, quorum in commendationibus  
opera vsi sumus; qui beneficium hoc non in  
vnum hominem, sed in totam Religionem  
collatum arbitrantur. Quare obstrictam se  
habent

hanc putant habere, paria aut maiora expectantes, & cum tempus aut ambitio suadent, suo quasi iure poscentes: quibus si neges, cum beneficia acceperis, durum. nam & gratitudo quædam obstrictos nos tenet, & impensus in nos labor, fauorque iure suo paria deponunt; aut si rogati operam negamus, præter ingratitudinis notam, animorum alienationes, odia quoque expectanda sunt, quæ in vniuersum Ordinem transfundantur.

### *Remedia.*

**O**Mnium vbique commendationum interdictio: nam si vel tenuem rimam, quocunque demum prætextu, illis aperuerimus, integra postmodum panduntur ostia: serpit enim hoc studium, vbi inchoaueris, ac instar cancri aut scabiei, ex vngue ac capillo vno vniuersum occupat hominem. dulce venenum, quod magnos etiam viros à leuibus initiis, tanquam ritulis, in ipsa commendationum maria impulit, è quibus salua rate nunquam enatarunt: sed neque subducere eam, cum vellet, potuerunt: in altum enim prouecti, medios inter procellosos fluctus nequidquam littora portumque spectarunt.

Seuera in transgressores punitio, vt & ipsi desuescant, & alij terreantur, ne paria audeant: quos enim pariauit delictum, pariare & pœna debet; imò grauiori pœna post

LIBER III. CAP. XX. 357

post primi punitionem, secundi transgressores puniendi sunt. nam primo exemplum deerat, ut aliquid excusationis videretur posse prætexere, secundis nulla excusatio reliqua est.

Exemplorum in infortunato ac infelici euentu frequens commemoratio, qualia in terrorem & fugam, siue domestica, siue externa nunquam deesse possunt. obruimur enim multitudine, nec quisquam vlla memoria se illis miscuit, cuius non hisce flammis ambustæ pennæ timenda posteris dederunt exempla, pœnitendæque reliquerunt vestigia.

Damna periculæque Religioni è varia commendatione nata recensita iuuabunt.

Fuga etiam sæcularium negotiorum, ac inter Religiosos limites certa rigidæque arctatio: in id solùm intenti, operamque laborémque pollicentes, quod in salutem tendit animarum. quod vnum veri Religiosi est, reliqua tantum ab hoc spiritu absunt, quantum à proximorum salute recedunt.

Nulla cuiuscunque negotij etiam pij susceptio inscio Superiore; quem tamen ne nolentem in suam trahat sententiam inferior, curandum est: nam vbi precibus, tanquam armatâ dextrâ, res extorquetur, magna simplicis obedientiæ pars deperit, raroque felici successu res peraguntur: quin imò infortunato ferè exitu domum funestant.

## CAPVT XXI.

*Paupertatis neglectus.*

**C**VM immemor quasi votorum suorum, quæ distinxerunt labia sua, ad opes & periturarum se rerum studium conuertit, incipiuntque placere, quæ generoso ausu cōtempnit prius, admirari etiam & vovere atque insectari, quæ forsi calcatu protriuerat antè, factus ex hoste amator & laudator opum. miserrima planè conditio, dum, quæ reipsa pondera excussit, repetit, & sub pusillo ingemiscere delectat, qui vno iactu exonerauerat humeros sub immani mole fatiscentes: eoque miserior, quo minoribus implagatus detinetur, qui vniuersa perfregerat retia, tanquam si passerum laqueis teneatur, qui leonum plagas excussit.

Et sanè post ingentes sæpe thesauros non semel calcatos, indignis viro reculis irretiri, commiseratione dignissima res est: breuiario tenetur elegantiori, icuncula capitur formosiore; veste delectatur hic laxiori, ille strictiore, compitiore alius: vt merito in admirationem rapiantur quotquot viderint valentem antè & robore plenum implexum inhærere minimis, qui maxima difflauerat tanquam plumas vento raptas, aut festucas fluctibus illisas.

Magis



## LIBER III. CAP. XXI. 359

Magis etiam mirandum cum magnus ille diuitiarum contemptor, qui per iocum & lusum magno impetu adlabentes, & vndique afflatas opes percussisset, postremis inhæserit reculis; post Philistæa nimirum agmina areæque diffractas portas, Dalilæ fasciis, femineæ implexis manu. Turpe viro, magis etiam Religioso, maxime cum repudiata repetit, & amare incipit, quæ odisse didicerat. Infelix omnino infortunatæque vicissitudo, è sæculi totius ięnorum imperiorumque etiam contemptore amatorem nasci spectarum rerum, & adrepere ad eā, quæ valido antea impulsu, magna omnium laude, sæculo regnisque maior, vt Religioso calōque indigna prōtriuerat.

Varia ex his sequuntur mala, dum ambire & amare Religiosus audet, quæ neglexerat prius, & sæpe veteranus commodis inhære, quæ spreuerat tyro. hinc enim inquietudo nascitur animorum, nec quies menti vlla, donec optatis fruatur. Sed neque in consecutis statur. semel enim habendi admissa auiditas ad noua deuoluitur; vt è minimis tanquam è semine ingentes succrescere arbores videas, latissimis postmodum ramis vicina quæque sterili sua ymbra obtegentes. nam & in exemplum & imitationem res hæc reliquos trahit, dū noxia æmulatione priuatis quibusdā commodis suis student, amantque quæ oderunt antè: inde iam secreta prosiliunt

consilia, & ab externis mutuamur, ad quorum nomen exhorrescebamus antè.

Decurritur deinde ad priuatorum commodorum studium, & dum ab amicis aut poenitentibus reculas emendicamus; libertatem proicimus, pro pulmento nimirum primogenita vendentes. ingens exinde ex amissarum, aut Superiorum voluntate subductarum rerum priuatione mœror nascitur, crederes regno exutum regem, aut amplissimis possessionibus sæculi possessorem. Profiliunt ex his initiis integra murmurationum plaustra, & maiora iam audet animus, tegitque necessitatis quodam prætextu, tanquam pulchro velamine sordam proprietatum sentinam. ingeniosa nimirum ad vitiorum suorum tuitionem auditas, amorque proprius est: & qui antea ad priuatarum rerum possessionem expauescebat, nunc illam etiam tuetur, & subdola ratiocinatione propugnat, & plurimum auidam hanc proprietatis famem priuatorum honorum sitis comitatur, incipitque Religiosus hac titillari & exasperari: & qui vltro pleno se sinu expandentem gloriam repulerat, obuiis etiam fugientem prosequitur vinis; nec erubescit ad prosecutionem, qui prius erubescere ad vltionem oblationem. indiuiduo enim ferè nexu opes & honor iunguntur; vt qui illas amet & ambiat, honore delectetur.

Omnia deinde paulatim corporis commoda irreperiunt, amorque rerum harum to-

tum

## LIBER III. CAP. XXI. 361

tum occupat hominem: incipiunt dis-  
 cere duriora, & quidquid seueriorem ve-  
 ramque religiosam disciplinam sapit. Ac-  
 cedit ciborum & potus auaritia, vnóque  
 impetu tanquam ruptis aggeribus omnia  
 corporis commoda inuolant: cibus proinde  
 parcior potúsque moderatior virtutum  
 propè reliquarum vehiculum, pro minús  
 ingenua parsimonia ac pro sordescente  
 etiam auaritia habetur; prodigalitas & libe-  
 rior in escam potúmque profusio virtutis  
 nomen sortitur: & auarus iam audit, quis-  
 quis mensas religiosa moderatione cir-  
 cumscribit, quisquis libidinum fontem  
 excludit, quisquis ignibus materiam sub-  
 trahit; liberalis verò quisquis prodigit  
 parcenda, & animorum in saginato corpo-  
 re flammam nutrit.

Accedit quòd omnis paulatim pietas in  
 talibus refrigescat, omnis Religionis a-  
 mor congelascat, omnis disciplinæ rigor  
 conspeliatur: nam cum in paupertate tan-  
 quam in fundamèto omnis religiosi ædi-  
 ficii structura formetur; illa collabente,  
 omnem necessum est reliquam structuram  
 collabascere, nec rimas tantum ducere, sed  
 vniuersim corruere; cum primus omnino  
 gradus lapísque angularis, cui reliqua Re-  
 ligiosa domus innititur, ab auri opúmque  
 contemptu originem trahat.

Iam cum Beati pauperes spiritu à Do-  
 mino dicantur, non infelices erunt pau-  
 pertatis supra omnes opes à Domino ama-

ta contemptores, desertores, ofores? & quàm infelices illius in Religione post sacrata Deo vota, transgressores? vt merito quidam dicat: De radice peculiaritatis, vel amore pecunie gignuntur vitia hæc: inobedientia, superbia, auaritia, contumelia, vana gloria, extollentia, voracitas, mendacium, luxuria. & Turbat pacem cum proximo, subijcit hominem diabolo, auertit animam à Deo, vt nusquam feratur affectus quàm de conseruando peculio, iuxta illud, Vbi est thesaurus tuus, ibi est & cor tuum. & pergit, Rarò salutis remedia admittit propriarius, à paruis ad maiora precipitatur, sub specie boni & necessitatis. è conquisitis bonis oritu, displicentia sui status, murmurat, detrahit, iudicat omnes, transferre se cogitat ad tutiorem locum, sub colore profectus. uaticum putat sua apostasia insolenter respondere Superiori, quarit causas discessus, alios nititur deprauare. & antè: Inter fratres concors & amica perstat consonantia fraterna caritatis, cùm nihil habet vnus, quod non omnes. inter proprietarios rixa sunt, discordia, diuisiones. Res communes non sunt materia litis, sed cùm quis vult sibi appropriare, surgunt inquietatina pacis, iuxta illud, Cõturbat domum suã qui sectatur auaritiã. Ob hoc vitium Cyprianus Diaconum suum sepultura Ecclesia priuauit, & patres sepultura asini tumulandos voluerunt. quanto ergo magis punietur in inferno, qui sic punietur in munda

Pauper

# LIBER III. CAP. XXI. 363

Paupertatis verò neglectores, propriorumque commodorum amatores vir magnus fures vocat, & Achan, Ananiæ & Saphiræ comparat: latrones, quòd plurimos exemplo suo iugulæ: sacrilegos, cùm Deo in pauperibus data prodigant: proditores, cùm domesticos defraudent bonis: apostatas, cùm abiciant repellantque à se paupertatem, cui arctiori vinculo, quàm vestibus locòque religioso astringuntur: idololatrias, cū avaritia, Apostolo teste, sit idolorum sermitus: mendaces & hypocritas, Spiritui sancto ad Ananiæ imitationem mentientes: plenos dolo & diabolo.

## Remedia.

**A** Christi primorumque Sanctorum exemplis petenda sunt: quorum si aliquando gloriæ participes esse velimus, etiam opum contemptu parari debemus. Christi sanè in Propheta suo verba sunt: *Pauper sum ego, & in laboribus à iuuetute mea.* *Psal. 87.*  
*& Ego mendicus sum & pauper.* *Psal. 39.*

A recordatione seuerissimæ dictæ in Epulone ac diuitiarum sectatoribus sententiæ. & apud Lucam quanta interminatione insurgit? *Qui non renuntiat omnibus* *Luc. 14.*  
*quæ possidet, non potest meus esse discipulus.*  
 & Apostolus: *Qui volunt diuites fieri, incidunt in tentationem, & in laqueum diaboli, & desideria multa inutilia & nocua,* *2. Tim. 6.*

Q I que



# 364 MEDICI RELIGIOSI

qua mergunt homines in interitum & perditionem. radix enim omnium malorum est cupiditas : quam quidam appetentes , errauerunt à fide , & inseruerunt se doloribus multis.& Dominus : Amen dico vobis,quia diues difficile intrabit in regnum calorum. & iterum dico vobis, Facilius est camelum per foramen acus transire,quàm diuitem intrare in regnum calorum.

Mat. 19.

Matt. 9.

Iac. 2.

Isaia 29.

Nam. 18.

A frequenti opum ac cælestium thesaurorum , centuplexque redhibitionis & spõsionis recordatione. hinc illud , Beati pauperes spiritu , quoniam ipsorum est regnum calorum. & Iacobus : Nonne Deus elegit pauperes in hoc mundo , diuites in fide , & hæredes regni , quod repromisit Deus diligentibus se ? & auxilium apud Isaiaam pauperis habemus: Factus es fortitudo pauperi , fortitudo egeno in tribulatione sua, spes à turbine , umbraculum ab aestu. vt ingenti fiducia pleni, certam in vnum Deum spem coniiciamus, certi impossibile esse destitui sperantem in Domino , cuius hæc verba sunt , Ego pars & hæreditas tua.

A damnis passim omni propè Religioni datis & acceptis à possessionum opumque coaceruatione.

Danda Superioribus hinc opera, ne quid ad honestam religiosamque sustentationem desit, ne necessariis Religiosi destituti, ad paranda sibi illa animos studiũque conuertant. meminerint huius: Liberalis & bona

### LIBER III. CAP. XXI. 3

*Et bona prouisio Pralati, omnium necessariorum: unicuique necessaria dentur sine exceptione personarum. Ut quemadmodum sibi prouidere desiderat, ita et subditis: nam ex indigentia necessitatis, ex mala prouisione, ex tenacitate Pralati saepe oritur hoc vitium. Caueant proinde Pralati ne subditis occasionem proprietatis subministrent, vel necessaria subtrahendo, vel superflua admittendo.*

Plurimum in hac, ut in omni alia re, Superiorum exempla proderunt; ne non necessariis abundant, ne superfluis stipentur, ne ad delectationem aut ornatum aut priuatum commodum rebus utantur, communibusque contenti, singularia deuinent.

Ea demum res ingens reliquis ad veræ paupertatis amorem irritamentum est: neque enim Superiore præeunte, quidquam facile cuiquam graue videbitur: & sola sæpe erubescencia deterrebit subditos, pudorque è Superioris in paupertatem affectu collectus, ne ad maiora commodioraque manum porrigamus: néue ad sæculi opes commodaque sæculi desertores circumspeciamus.

## CAPVT XXII.

*Singularia in cibo, potu, vestitu, reli-  
quisq; corporis commodis.*

**A**Emulationum & murmurationum in Religione causa, ac dissensionum seminarium. nam si Superior hoc malo laborat, perpetuam sugillandi materiam præbet, eò magis quò omnium in illum oculi intenti; eòque nocentiùs, quò illius exemplum transiit ad plures, seminàque in posteritatem spargit, prouocâtque reliquos, viàmque secuturis sternit ad paria aut maiora etiã audenda. sæpe enim, quò exempla desint, à noxiis abstinemus; at vbi præuiis maiorum factis referatus est aditus, proni ad libertatem commodaque decurrimus: nec imitari pudet, ad cuius initia erubescimus; & cùm pudeat audire primùm, in imitatione gloriamur.

Eòque grauius hoc malum est, quòd non se intra primi transgressoris terminos contineat, sed singuli ferè aliquid adiciant noui, hic in cubiculo, ille in vestibus, alius in cibo & potu, non nemo in omnibus, ac tandem in delicias & luxum, sæculumque totum res abeat. è quibus infelicibus initii paupertas Religionis murus corruit, nudatúrque vniuersa Religio propugnaculo, exuitúrque suis viribus, roboe destituta.

Acce

### LIBER III. CAP. XXII. 367

Accedit ciborum hunc reliquorumque commodorum delectum ipsis plerumque Superioribus grauem adgenerare molestiarum causam. nam cum in plerisque Religionibus perpetui non sint, sit ut munere defuncti, agrè consuetis commodis careant; patienterque non postremas in illorum defraudatione difficultates, multorum ex in fabula facti, & acerbiorum irrisionum materies.

Si inferior malo hoc tenetur, sociorum in se amulationes excitat, oblocutiones etiam, percutiturque ferè tot linguis ac iudiciis, quot capita in vna domo sociata habet. Iam exemplo suo ad paria prærogatiua reliquos prouocat, maximè eos qui meritis, laboribus, functionibusque superiores, pares, aut non inferiores sunt. adolescentioresque etiam ad paria aliquando audenda incitat: neque enim quidquam in vtramque partem, vitiorum ac virtutum, maiorum exemplo potentius est.

Graues deinde tales Superioribus sunt, & plerumque illorum conuietum auersatur, subterfugiunt oblatos, ac cum mœrore quodam patiuntur domesticos; dum aut negare non audent ne offendant, aut concedere non audent ne reliquos ad paria prouocent.

Quod si Superiorum vnum beneuolum nacti fuerint, reliquos patiuntur aduersos; ita ut quod aut naturali quadam munificentia, aut priuato affectu cōcesserit vnus,

negaturi sint alij, quæ negatio durissima in consuetis est. profligantque exinde omniū propè generum tentationes, tristitiæ ac inœrores, cor exedentes, ac murmurantium integra plaustra. quòd si fortiter in sententia steterint Superiores, non rarò tabescunt tales, ac quasi emedullaris ossibus decinerefcunt; si grauiorum metu aliquid à constantia remiserint, fastidiosos patiuntur, ac vniuersæ familiæ pacem euertunt.

Iam quotquot commodis suis auidè, & supra quàm Religiosam modestiam, ac paupertatem decet inhiantes vides, eos ferè in carnem & sanguinem labi comperies, ac in inchoatæ tandem vocationis desertionem. cùm tepescat primò in his omnis Religionis spiritus, qui fomentis hisce tanquam iniectis puluibus suffocatur. neque aliud ferè certius signū est languentis in vocatione, ac à primo feruore degenerantis animi. vnde ingens spiritualis nausea nascitur; à qua ferè vehemens flamma carni iniicitur.

Repugnat etiam hæc singularitas multo amor: qui paritate roboratur & crescit, imparitate subvertitur. ignorant filiorum discrimina vbera necessitati nata, vniūque patris filij prærogatiua de generatione nesciunt. nimirum quos vterus vberaque pariarunt, pariare debet amor. quē minuit quisquis de prærogatiua censei desiderat; quisquis sub eodem patre

matre



matrèque Religione, potiora sibi arrogat, aut concedi desiderat.

Illud verò mali huius magnitudinem auget, quòd superbiæ tanquam fundamento inædificetur, qui enim præ reliquis singularia ambit, plus sibi deberi quàm aliis censet: si consequatur, plus sibi merito suo concessum quàm aliis gaudet. singularis esse voluit Lucifer, dum parari Deo studuit: si in ordine reliquorum angelorum steterisset, æternum steterisset. prærogatiuæ illum vota æternaturis flammis addixerunt.

### *Remedia.*

**A** Superioris exemplo petenda, qui si fortiter intra consuetos se Religionis terminos teneat; vel solo rubore reliquos continebit, terrebitque ab hoc parum Religioso conatu. Sanè si fortem in hoc genere se præbuerit, commodorumque contemptorem; non difficulter reliquos ab hac spe excludet, terrebitque ab illorum petitione. memor proinde sit illius Sapientis: Rectorem posuerunt te, esto inter Bon. de illos, sicut unus ex illis. vt nihil habeat, 6. aliis vel diligat pomposum, mundanum aut vatum, sed omnia qua habet, Ecclesiasticam personam & statum suum deceant, & humilitatem ostendant: nihil in omnibus appareat, quod iactantiam vel curiositatem sapiat. non est enim humilis cordis indicium,

# 370 MEDICI RELIGIOSI

*curiosa quarere, pretiosa affectare, excelsa ambire. Et sanè indignum viro est cœlestia cogitanti, ad quæ natus, ad vilia hæc se abiicere, & primogenita cum Esau pultibus commutare.*

Exempla hîc deinde omnium ætatum in omni Religione magnorum virorum valent: qui per calcata corporis commoda, ad magna claræque in terris cæloque nomina deucenerunt. exempla etiam generosorum militum, qui vltro assuescunt duris, auersantur molitia, quibus vt corpora, ita & animi effeminantur. nescit mens ad magna se erigere, quæ vilioribus deprimitur.

Greg. in  
Pastor.  
p. 3. c. 20.

Terrendi denique multorum magnorum lapsibus erunt, quicunque ad hæc auidè aspirant. & admonendi gula dediti, ne in eo quod escarum delectationi incumbunt, luxuria se mucrone transigant, & quanta sibi per esum loquacitas, quanta mentis leuitas insidietur, aspiciant: ne dum ventri molliter seruiunt, vitiorum laqueis crudeliter astringantur. tanto enim longius à secundo parente receditur, quanto per immoderatum vsum dum manus ad cibum tenditur, parentis primi lapsus iteratur.

Incommoda etiam frequenter ob oculos ponenda, quæ ex hoc singularium delectu sequi nata sunt: idque in publicis exhortationibus, conferentiis, ac priuatis etiam Superiorum aliorumque monitis.

Remediorum verò potentissimum est

nihil

LIBER III. CAP. XXIII. 371

nihil vlli præ reliquis indulgere. præscindenda proinde omnis sub initium occasio est, ne serò remedia cogites postquam inualuere mala. in scintilla nimirum sua extinguendum incendium est.

CAPVT XXIII.

*Neglectus munditiei & modestiæ religiosa.*

**L**icet mundities in omni exteriori cultu non sit Anachoretis, & ab hominum consuetudine ac familiaritate remotis necessaria; illis tamen qui proximorum saluti promouendæ student, perquam necessaria videtur. ne dum è sordium conspectu & odoratu in personarum fastidium veniunt, doctrinam etiam institutionemque contemnant. ferè enim certa sperati fructus spes est, placuisse. quicunque proinde ex instituti ratione ad aliorum salutem vocantur, munditiei studeant.

Nolo curiosiores vestium compositores, nolo capillorum structores, nolo sacularem ambitum, morèsq; ad aulam compositos, ad externam benevolentiam captandam figulatos, ac quasi è capsâ & acu prodeuntes, nolo ornatum luxus ac deliciarum indicem: munditiam volo grauitatis & interioris nitoris ac munditiei zestem, nolo sordes. neque enim sanctimo-

## 372 MEDICI RELIGIOSI

nix aut solidæ pietatis hæc signa sunt: plûsque non rarò factus ac arrogantix in extremo quodam vestium corporisque neglectu, quàm in curiosiore delectu est. mediocritatem tenuisse viri & virtutis est. non splendeat proinde, nec sordeat vestis, vt sine cultu culta sit, & dum paupertatem Religiosus amat, non amet sordes quibus fastidium nauséamque pronocet. sed neque exquisitiore compositione vanitatem signet. Sanè nec affectatæ sordes, nec exquisitus cultus Religiosum decent: hic delicias, illæ animum neglectum ac remissum, aut inanis gloriæ studium designant. nam cùm ferè habitus hominem suum loquatur, sit vt exterior constitutio interioris animi indicium sit, tanquam si quis è vestibulo de domo sententiam ferat, è fronte oculisque mentem designet, è verbis pectus cuiusque recludat. non quòd hæc falli nesciant, sed quòd plurimum externi mores ingenium cuiusque prodant.

Qui ergo aliorum sibi salutem proposuit, vitiorum extirpationem, virtutum infusionem; nec fastum præ se ferat nec contemptum, ne suadele ostia claudat, ne sordibus terreat, horrore exanimet, mollioréve cultu aliquid de probitatis opinione amittat. virilem habitum morésque virtus depescit, maturos, graues. Non loquatur vestis feminam, sed neque sordes aut agrestem & inhumanam negligenziam,

## LIBER III. CAP. XXIII. 373

tiam, aut barbariem aliorum oculis ingerat. nemo è speculo & crinali acu ad vitiorum odia, virtutumque amorem potens prouénisque persuasor prodiit; nemóque facílè in quæ voluit animos flexit beneuolentia destitutus. cùm ergo horrorem sordes, accuratiórque compositio mollitiem testentur; vtrumque prudens animarum auceps fugiet, media sectabitur, extrema deferet: nec fœda à se illuue reliquos terreat, nec munditiem tantùm colet; sed vbi nitore in familiaritatem pellexerit, in virtutis amorem pertrahet.

Tota etiam domus nitorem præ se feret, magis etiam singulorum cubicula: quorum concinna, aut neglecta compositio inhabitantis ferè animum morésque designant, compositos, incompositos. & incredibile propè est, quantum domus totius apta concinnitas externorum animos in admirationem & amorem trahat, quantumque sordes deterreant, ac in contemptum ducant: vt plerique è domestica compositione de incolentium moribus statuunt. magis etiam in Religione: in qua in minimo deflexisse magnum videtur, maximè cùm ea innata omnibus opinio sit, ab interna animorum constitutione externa profluere, talémque cuiusque mentem esse, qualem mores factaque testantur; nec aliam. proditor interiorum mores sunt. neque certior interiorum index reperiri potest, vt frons, oculi, verba, yultus,



vultus, corporis iactatio, lentitas celeritasque incessus, modesta aut sordida, cultior aut neglectior habitudo totum hominem suum loquatur. etiam ipse odor nescio quid virtutum vitiorumque spiret. tetrum omnes auersantur, nimiam vestium fragrantiam, impurius molliorisque animi signum designare arbitrantur. Quid? quod inter prima tuenda valetudinis adiumenta munditia sit.

Dici deinde non potest quantum siue ad imitationem, siue ad persuadendum religiosa morum compositio valeat, vultus totius modestia ac maturitas, decens membrorum omnium compositio, frons serenior, oculi medicè deiectioni, & verecundiam signantes, os genæque pudorem testantes, manuum totiusque corporis seria maturitas. ut vel hæc sola ingentia non semel incitamenta fuerint vitæ melioris. potentiora nimirum ad suadendam facta verbis sunt, plusque potest muta morum locutio, quam fecundissima verborum flumina, diuine quocunque fonte manantia. ita non raro plus Superioris aspectus ad seueritatem compositus, quam acerbiora verba potuerunt: ut lasciuior etiam quisque si in seueram maturamque vultus compositionem inciderit, comprimat meditato ignes, ac tanquam fulmine percussus cogitata recondat, & audaciae suæ cursum pudoris freno retrahat: ut sola sæpe vultus castimonia satis sit ad validè præcursantes

## LIBER III. CAP. XXIII. 375

curfantes flammās reſtinguendas. credas integra ſuperfundi ignibus flumina, ita momento ſiſtitur omnis aſtus, cū in ver-  
recundos ſeuerōſque maturōſque mores incurrerit.

Iam ipſa oculorum caſta maturitas, ve-  
recunda deiection, quantas peccatorum  
occaſiones tanquam falce ſecat? quantis  
contrā liberior illorum procurſatio oſtia  
reſerat hoſtibus? quanti deinde omni æta-  
te vno licentioſior oculorum intuitu ceci-  
derunt? quanti ſtarent ſi ſtetiſſent oculi li-  
toribus ſuis contenti? quantos verò vnius  
mulierculæ curioſior circumſpectio ſub  
ingum miſit? quot captiuas animas vna au-  
dacior oculorum iactatio in triumphum  
duxit? quanti æternis paſcuntur ignibus,  
viuerent calorū gaudiis, ſi proditor ocu-  
lus non prodidiſſet animas? quanti denique  
mutuis oculorum propudioſis ignibus de-  
cinerati in inglorias fauillas abierunt? adeo  
vt vel ſemel aliquid viſiſſe minùs caſtum  
multorum annorum materiam ſuggerat.  
quid, quòd in omnem etiam ætatem? tan-  
tum poteſt prouida arctioſque oculorum  
cohibitiō, tantum licentioſior peregrina-  
tiō. Idem de reliquo corpore dici poteſt,  
ore, auditu, tactu, inceſſu. quæ omnia ſi ad  
religioſam modeſtiæ regulam componan-  
tur, ingenti decore Religionem illuſtrant,  
magnamque ſui admirationem amorē-  
que prouocant: cū contrā laſciuior libe-  
riōſque oſtentatiō dedecus inurat, aucto-  
ritatem.

ritatem minuat, probitatis opinionem tollat, speratamque animarum messem fallat.

### Remedia.

**A** Superiorum in primis vigili, ac in omnem partem intenta cura petenda sunt, crebris monitionibus, cubiculorum singulorum totiusque domus frequentibus lustrationibus.

**A** nouitiorum seria institutione magna harum rerum pars pendet. ferè enim in omnem ætatem adheret quod primis illis annis imbiberunt. seriò proinde ab ipso Religionis exordio excitandi erunt ad munditiei cultum & amorem, ad modestiæ admirationem & studium. quæ vna, Bernardo teste, *seruicem submittit, ponit supercilia, componit vultum, ligat oculos, cachinnos cohibet, moderatur linguam, guttam frenat, iram sedat, firmat incessum, omnemque corporis motum ad exterioris etiam cuiusdam elegantiae normam, religiosamque compositionem fingit.*

Pœnitentiis deinde à sordibus deterrendi, præmissæque laudibusque ad munditiam, decentemque corporis compositionem impellendi sunt.

Commodorum etiam è nitore, incommodorumque è sordido neglectu nascentium consideratione iuvari singuli poterunt.

Excitandum denique in singulis vehe-

mens

Epist.  
113. ad  
Soph.

LIBER III. CAP. XXIV. 377

mens salutis proximorum desiderium, quæ res ad nitorem impellet, cum beneuolentia ante omnia captanda sit illorum quorum saluti studemus: quam nemo sordidiore neglectu ac cultu, & externo squalore nauseam prouocaturus parabit. honestatis enim pulcritudine ferè omnes capiuntur, munditia, maturaque morum consuetudine gaudent, & lubentes horum monita admittunt.

---

CAPVT XXIV.

*Sæculares mores, risus, ioci, minúsve  
religiosa recreationes.*

Quæ paulatim animos ad se rapiunt, auocant ab instituti & perfectionis amore. Irrepunt hæc mala à leuibus primùm initiis ad summa, ut nihil iam præter nomen & togam in Religioso videas: mores sæculum non redolent, sed exprimunt. Et sanè qualem externo conuictu & conuersatione Religiosum videris, talem interiùs cogita. respondent interioribus externa, cum hæc ab illis proficiuntur; ut meritò mentiri habitu Religiosum dixeris, qui sæculum moribus, veste Religiosum præfert.

Sed neque consistere vocationis amor cum sæculi moribus potest: exprimunt  
amo

amorem mores. sæculum loquuntur? à sæculi amore nascuntur. amarent vocationem? amorem hunc mores referrent. aliud ostendant? aliud amant. Neque certior index interni affectus est. nescit amor mentiri. prodit affectum, flammâsque spargit, quibus intus ardet. ut omne iudicium constitutionis internæ ab externis moribus fumendum sit: neque enim alios testes habemus, non certiores, minûsque fraudibus expositos. Deum quis loquitur? possedit animum Deus. vana inaniâque loquitur? possedit animam mundus. nemo è vase odorato vino pleno venena promit: nemo ex impuro fonte aquam puram. nimirum, non potest arbor bona malos fructus facere: nec arbor mala bonos fructus facere. &.

*Matt. 7.*

*Mat. 12.* *Bonus homo de bono thesauro profert bona: & malus homo de malo thesauro profert mala.*

*Matt. 7.*

*nec quisquam colligit de spinis vvas, aut de tribulis ficus.*

Sequuntur ex his multorum offensiones, animorûmque alienationes, conceptâque de Religione opinionis ingens diminutio. neque enim cum his moribus integra stare opinio potest, nec prudens de interno homine aliud iudicium ferri, quàm quod mores exprimunt.

Atque hinc illud sequitur, ut collapsa semel sanctimonix aut sanctitatis opinione, exigua in sanioribus intercurrentibus monitis, fides resideat, fructus aut admodum tenuis aut nullus, totâque spiritualis



LIBER III. CAP. XXIV. 379

emolumenti spes corruat : nemo illis paulo circumspectior arcana credat , neque facile animam cōmittat ; nemo prudentior ad virtutem magistros hos deligat , quos ad sæculum moribus præire potius , quàm ad cælestia videt , nasciturque inde vetus illud , Exemplo præeat , qui docere volet : & , Talem te finge , qualem alios desideras : Res monitis præluceant , facta dictionem ducant : Illudque in alio spera , non quod animo foues , quod verbis exornas ; sed quod rebus factisque exprimis , memor grauissimæ censuræ D. Bernardi , *Inter sa-* Lib. 2.  
*culares nuga , nuga sunt : in ore Sacerdotis de Con-*  
*blasphemia.*

Exemplo etiam talium in paria trahuntur reliqui , maximè iuniores ; in quibus necdum ad viuum , & radices domita & excisa sæculi vanitas , leui hoc exemplorum flabello exurgit in arborem , veterèque inanium vanitatum fractus : & fere quoscunque in moribus deprehendimus effusiores , & sæculum suum loquentes , illos postmodum vidimus , ab his infelicibus initiis in carne prolapsos. præludunt enim illa carni & sanguini , viamque insternunt perituræ animæ.

Illud etiam ex his malum nascitur , vt tales plerumque domesticam turbent pacem , vniuersam disciplinā euertant , exemploque suo regularum inducāt neglectum , ac instituti denique totius contemptum : à cuius vniuersum placitis morum vanita-

te recedunt, cum nihil aliud quam sæculum sapiant, sæculum loquantur. nam ut nihil minus cogitent. fit tamen ut usu quodam, ac sæcularium morum consuetudine, tantum ab omni religiosa modestia ac disciplina recedant, quantum ad sæculi mores accedunt; tantumque religiosarum rerum neglectum inducant, quantum sæcularium morum adducunt. dum enim hos imitari discunt, amare etiam assuescunt, & in deliciis habere; unde fit, ut religiosa modestia mores fastidio incipiant esse, nausæamque pariant animo sæculi moribus imbuto: maximè si à frequentatione, ut fit, altius infederint, & quasi in naturam abierint.

Iniuriam deinde Deo non leuem irrogare videtur qui linguam ipsi sacram iocis verbisque non satis castis polluit. tanquam si quis nobilissimam gemmam sterquilinio contegat. cumque viuum Spiritus sancti templum Religiosus omnis sit, peculiari illi voto sacramentum, quid arbitramur facturum, cum dicata sibi membra ad sæculi mores transferri viderit? Angelos sanè super vno peccatore penitentiam agente gaudere docemur. quid facient super degenerare à maiorum institutis Religioso, sæculi moribus implicito? magnò profecto aduersarius, qui circuit quærens quem deuoret, gaudio repletur, qui sciat viam per hæc ad quæcunque crimina sterni, solètque se colloquis hisce medium misce

## LIBER III. CAP. XXIV. 381

re, cùm piis cordatisque se misceat Deus. Ibi enim duo congregati sunt in nomine Domini, ibi ductor ipse auctôrque colloquiorum horum est.

Signum verò hæc colloquia sunt tepentis & languentis in amore Dei. nam quis amans non vtrò lubensque prorumpit in amatum? imò omnis amans perpetuus in amantis laudibus est. nam cùm ille pectus vniuersum occupauerit, non potest non verbis effundere igneum amorem suum corde clausum. in illo eloquens est, in aliis infans; verborum in reliquis inops, hîc diues est; parcus in aliis, in his prodigus. quanto verò ardentius amat, tanto promptior in illius laude frequentiorque est. neque vnquam amanti materia deficit. mare magnū amor est: nauigat illud quicumque amat. deesse nauiganti aqua non potest, nec amanti laudes: vt non laudasse, non amasse; adeoque de amato siluisse, non amasse sit. Certè sola ego illū veste Religiosum arbitror, qui parcus in Dei, prodigus in sæculi moribus ac laudibus est. parcus non esset si amaret, & Religiosus esset si amaret. quare cùm parcus in illis sit, nec amat, nec Religiosus est. iam cùm verba sæculum loquantur, veste Religiosus, animo non est, cùm hunc alium verba prodant. dictum olim: *Ex verbis Matth. 12.* *quis iustificaberis, & ex verbis tuis damnaberis.* nec potest animus religiosus esse in ore non religioso.

Et

## 382 MEDICI RELIGIOSI

Et ferè quicunque in sæculi mores ver-  
bâque effusiores fuerunt, exuta tandem  
Religione, totum sæculum induerunt. nec  
mirum. induerant antè animo: nec pote-  
rat non totum se aliquando effundere ani-  
mus talis, neque diu habitu solo mentiri  
Religionem. quòd si qua necessitate com-  
modisque suadentibus in Religione per-  
stet, monstrum, non Religiosus est, tan-  
quam si quis capiti equino hominis adne-  
ctat pectus; Religiosæ nimirum vesti ani-  
mum, verba, morèsq; sæculares.

### Remedia.

**E**X intenta Superiorum in omnium mo-  
res vigilantia peti debent, vt in semi-  
ne suo occidantur hi mores, cùm nulla re  
maiora incrementa sumant, quàm Super-  
iorum incuria & neglectu. Serio in accu-  
ratam regularum omnium obseruationem  
incumbat, qua vel sola mores componun-  
tur, domesticamque disciplinam fortiter  
tueatur. Describit eam Bernardus: *Disci-  
plina virtus est, qua corporis & mentis habi-  
tum componit, ceruicem submittit, ponit  
supercilia, componit vultum, ligat oculos;  
cachinnos cohibet, moderatur linguam, gu-  
lam frenat, iram sedat, firmat incessum.*  
Accuratè Religiosum instruit Hugo: *Tem-  
peranda est etiam facies, & modificanda in  
gestu suo, ita vt nec proteruè exasperetur,  
nec molliter dissoluatur. Sed semper habeat*

*Epist.*

*113. ad  
Sophiam.*

*De di-  
sciplin.  
Mona-  
chorum.*

*rige*

*rigidam dulcedinem, dulcēque rigorem, secundum illud Ecclesiastici, Ex visu cognoscitur vir, & ab occurſu faciei cognoscitur ſenſatus. Motus corporis, & riſus dentium, & inceſſus hominis enuntiant de illo qualis ſit. quia per illud quod foris, ſive bene, ſive malè agitur, interior animi qualitas intuentium oculis patenter indicatur. Idem: Diſciplina honeſta conuerſationis ex quatuor perpendi poteſt, ex geſtu, motu, affatu, & conuictu. geſtus autem reprehendiſibilis eſt, ſi eſt aut mollis, aut diſſolutus, aut tardus, aut incitatus. mollis ſignificat laſcium, diſſolutus negligentem, tardus pigrum, citatus ſive impetuoſus inconstantem.*

Iuuabit in primis, ſi Præfectus ſpiritus fortiter inſiſtat componendis ſuorum moribus ad modēſtiæ regulam.

Proderit etiam, ſi iunioribus, & ad ſæcularem profuſionem propenſioribus, miſceantur in recreationibus potiſſimū viri graues; nec permittantur iuuenes à ſeniorum ſe conſpectu proripere. habeant ſemper quem obſeruent, cuius oculum vereantur, cuius exemplo ad modēſtiam componantur, cuius, quando neceſſum, monitis comprimantur.

Quod ſi quis poſt varia antè nequidquā tentata, maiore remedio eguerit, ſemouendus ille ad tempus à reliquorum recreationibus ac conſuetudine fuerit, vt aſueſcat modēſtiæ, aliſque hac ſeueritate mores temperent. Neque enim amor tantum,



rùm, sed verecundia & metus magnum in Religione momentum afferunt.

Spiritualibus etiam exercitiis extra consuetum tēpus assumptis & imperatis iuvari talis poterit, vt sæpius ea etiam per annum peragat, donec se reducat ad eam morum maturitatē, quam iure suo Religio postulat.

Proderit vehementer, ante omnem recreationem fortiter animo Religioso dignam recreationem proponere, post singulas verò breuissimè eas animo percurrere, cogitareque illud, *Omne verbum orationem de eo in die iudicij*. Simul etiam tacitum secum cogitare altam animi pacem tranquillitatemque post religiosè transactam recreationem, inquietudinem verò à vana recreatione insurgentem, malaque plurima quæ ferè recreationes has sequuntur; illudque magnorum virorum, Verbum leue in Religiosi ore blasphemiam esse, non quòd talis sit, sed quòd paulatim eò Religiosum ducat.

Vtile etiam fuerit, præsentem nobis Deum proponere, inspectorem, iudicem, præmiatorem. eoque modo recreationes omnes peragere, quo non illo solum, sed & externis spectatoribus peractas vellemus.

Denique consultissimum fuerit semper aliquem è maturioribus domus iuniorum recreationibus interesse: ipsūque ad eò Superiorem, quātum occupationes ferunt, eo loco esse, è quo moderari illas possit.

## CAPVT XXV.

*Conuiuiorum frequentatio.*

Sive illa domi nostræ, siue apud exter-  
nos instituantur, noxia in primis sunt.  
intrepescit enim his paulatim Religionis  
spiritus, qui cibi potûsque magnam mo-  
derationē exigit, & ferè ieiuniis pascitur.  
Ita omni sæculo, quotquot arctius se Deo  
deuouerunt, ab insigni victus potûsque  
moderatione initia duxerunt: quotquot  
verò laxata maiorum institutione, ad lau-  
tiores se mensas profuderunt, spiritum,  
quem ciborum continentia imbibérant,  
exuerunt, & ad malorum deum extre-  
ma delapsi sunt.

Et ferè pari, quo frequentantur conui-  
uia ardore, pari spiritus aut tanquam flam-  
mis exeditur, aut tanquam flumine aut  
spongia eluitur; vt quantum accessit cre-  
uitque mensarum, tantum decesserit de-  
creueritque genuini spiritus. ita augmen-  
ta decrementaque à cibo potûque spiri-  
tus iam inde à primordio mutatur. neque  
vnquam in bene pasto saginatôque corpo-  
re, & esois vndique stipato, religiosam  
mentem, & solius Dei cupidam reperies.  
Nō possunt simul stabulare Deus & men-  
sa. quantum concesseris vni, tantum ne-  
cessè detrahas alteri. quare si quem videris

R in men

in mensas proniorem, cum in spiritu comperties retractiorem: quôque plus quisque cibo potûque maduerit, hoc plus spiritu exaruit. vt deliciis emedullari ac eneruari spirituale robur deprehendamus. Nam cum ciborum potûque copia, tanquam oleo libidinum crescant flammae; perfacile quimus videas, restingui his artibus internarum fluentia gratiarum. neque alia potentior libidinum materia, quam saginatum fartumque cibus corpus. vt validissima voluptatum incentiua à cibo potûque nascentur. Et ferè videmus eos qui victus moderatione spiritu inceperunt, eiusdem liberiore consuetudine carne consummasse: & vt nullus lapsus sequatur, minùs tamen catta narrationes, quales inter pocula nasci proclius est, potentibus tentationibus materiam in omnem ætatem suggerere solent: vt taceam ad illecebras femineum compositum ornatum, mollia verba, lasciuientes oculos, quarum vel in mediis orationibus recordatio ingentes animo parit molestias.

Sequitur hunc ciborum affectum laborum fuga, orij amor. languescit enim ad labores corpus cibo fatigatum. colloquia deinde venatur & fabulas, risus, iocos: lusus, & quidquid sæculum de mensarum ac conuiuiorum apparatu promittere solet. sterniturque his via ad mutuas detractiões, quas ferè ex orio tanquam è fonte flumina promanare videmus. profliguntque tandem

tandem ex his liberiores locutiones, carnem & sanguinem redolentes, castitatis omnisque puritatis hostes. inde etiam minus prouida oculorum custodia, blandiorque prospectus, quam religiosam castimoniam, maturamque seueritatem deceat. itur demum ad verba libidine natantia, parumque castas libertates, ac demum ad malorum profunda. Nec mirum si duobus his ignibus substructum corpus accendatur, & appetere discat quod ignorabat. neque sane quidquam promptius quam duabus his potentibus flammis inardescere.

Plenas etiam ex his videas Religiosas domus æmulationibus, dum paria concedi sibi quisque contendit. & vt ingeniosa cupiditas est, modi excogitantur & inueniuntur, quibus impetremus quod volumus. quod si præclusa via est, murmuraciones nascuntur. cum enim quæ prona hæc cupiditas implacabili auiditate poscit, negantur; aut minus quam vellent prodigè largiuntur; exurgunt querimonie & oblocutiones, in quas reliquos etiam facile propellunt, eosque maximè, qui non inferiore propensione in cibum potumque feruntur. plena etiam conuiuia reperias distractionibus, cum familiare sit inter mentes poculæque in alios incurrere, liberi usque effutire silenda, aliorumque mores carperè, dicta factæque improbare, dampnanda laudare, laudanda dampnare. à quibus si

## 388 MEDICI RELIGIOSI

Religiosus sibi temperet, domum tamen ea refert quæ aliis narret: nec crimē agnoscitur quod palam inter pocula acceptum. nihil deinde tam sanctum tamque reconditum quod non deuomat vinum, impatiens secretorum: publicanturque per sapē ea à quibus fama vitæque pendet. nesciunt secretum vina: adeoque publicasse illis gloria est, & candidi pectoris symbolum. etiam domestica suaque reterege mala, pulcrum.

Offensiones deinde externorum sequi proclive est: qui si Religiosos videant in hac proniores, & supra religiosam continentiam in cibum potumque effusiores, non immerito offenduntur, contemnuntque non delinquentes tantum, sed vniuersam Religionem, cum ex paucorum horum affectu reliquos metiantur. magis etiam, cum liberiora, minusque religiosa insonuerint verba, morésque sæculum potius quam pietatem loquentes viderint, quod ferè inter pocula, in omni mensali deliciatumque profusione vsu venire videmus, ut immemores sui, religiosaque modestiæ, cibo potumque impellente, plus longè de mundi vanitate, quam de religiosa referant maturitate. quæ res & scandalum parit, & nominis æstimationem minuit, & proximorum in primis saluti aduersatur. Et sanè prodigium sit in tanta prouocantium ciborum copia, vinoque prodigè propinato, modum statuere, ac se in-



LIBER III. CAP. XXV. 389

tra modestiæ ac continentiæ limites continere. dum prouocati veremur ne neglexisse videamur, aut honori detraxisse, aut amicitia minus concessisse, aut denique non satis affectui indulxisse.

Estque hoc huic vitio inditum, vt nulla moderatione exsatietur, maioraque semper concupiscat: nec expleatur, donec insigni aliquo lapsu se noménque suum dehonestauerit. sed neque hic finis: vt oculis priuatos arbitrere, ita nec mala quidē, licet grauiā, in quæ inciderunt, vident, rapiunturque in dies ad deteriora. adeo difficile est modum in his statuere, vt etiā post præcipitia nouam quærant ruinae materiam. Periclitatur deinde in his vehementer paupertas, cum in tanta rerum varietate, immemores illius, multa profundimus veriùs quàm vtamur, & appetere discimus religiosæ tenuitati ignoratā, desipiuntque domestica, & religiosæ mensæ quibus antè delectabamur fastidium pariunt. gustata nimirum copia inopiam detestatur, nauscatque iam animus super tenui cibo, qui per conuiuia lautioribus assuescit.

Neque domesticæ in hoc genere mensæ, minùs quàm externorum noxiæ sunt, maxime cum ad eas vocantur externi. nam cum dignitatum illorum rationem habere volumus, fit plurimùm vt religiosos transgrediamur limites, pulso modestiæ rigore, effundimurque in apparatus sæculo ma-

### 390 MEDICI RELIGIOSI

gis,quàm Religione dignum. nec hoc non  
rarò cum offensione etiam conuiuarum.

Accedit talibus alios ad paria excitari,  
& Superiorum exemplo ambire his simi-  
lia, & imitari. Inde frequentantur domi  
conuiuia, & repetuntur mensæ ab institu-  
to alienæ. dùmque his externorū gratiam  
venamur, fit iusto Dei iudicio, vt illa exci-  
damus: neque enim per conuiuia beneuo-  
lentiam captare religiosum est.

Disciplina deinde domestica soluitur,  
dum protrahuntur mensæ, Religiosi q; his  
occupationibus distinentur. Iam dum in-  
assueti talibus indulgent, & valetudinem  
laxant, & religiosæ obliuiscuntur mode-  
stia, & inlatentes ignes excitant, viciâque  
aliquando eruptura, latèque crescente  
consuetudine damna datura.

Illud etiam in his non carèt incommo-  
do, quòd lautius habitū externi, domesti-  
cis exin suis, aliisq; mēsarum apparatus  
referant, augeant etiā: ac præ se non-  
nunquam liberaliorem tractationem vul-  
tu vocēque referant. quæ res & Religio-  
ne indigna, & meritam offensionis mate-  
riam præbet, & plurimum æstimationis  
detrahit, & proximorum saluti, ac diuinæ  
gloriæ propagationi nō leui impedimen-  
to esse solet.

Neque in vno alteròue stare hæc con-  
uiuia possunt: nam cū plurimi sint, qui-  
bus aut obstringimur beneficiis, aut quo-  
rum opera nouè semper egemus; multi  
qui

qui dignitate, opibus, nobilitate, amicitia  
 pares videri velint, pares etiam inuitatio-  
 ne esse volunt. Concedis omnibus? quid  
 non iure metuendum? negas vni, conce-  
 dis alteri? sequitur de prerogatiua hac in-  
 dignatio, quæ etiam ad odia transit: vt aut  
 omnibus concedendum, aut negandum,  
 sit omnibus: omnibus concedere, indi-  
 gnum Religioso. omnibus ergo negandum.  
 & sanè quocunque te vertas, vix reperiri  
 temperamentum potest. vnum enim ad-  
 mittere, altero neglecto non possumus.  
 frequentanda proinde ac repetenda con-  
 uiuiæ erunt. verùm quis finis eantibus in  
 orbem amicis, beneficiis, conuiuiis? cre-  
 scentibus etenim illis, hæc etiam crescere  
 necessum est. quæ res incommoda quanta  
 secum trahat, nemo paulò prudentior non  
 videat: cum & vniuersam domesticam sol-  
 uat disciplinam, modestiæque ac religio-  
 sæ castimonie mores, in vanos secularés-  
 que vertat, vt non iam vltra religiosam  
 sed externam domum præferat.

Tolliturque ex his pars maxima, in mo-  
 nendo, ac suadendo libertas. nam cum  
 deuinctum te teneat conuiuator tuus, sit  
 vt non parum de libertate decedat. vere-  
 mur enim offendere cuius beneficio ob-  
 stricti tenemur. displicere nimirum aolu-  
 mus à quo mensale beneficium accepimus  
 & erubescimus etiam in delictis monere,  
 cuius munificentiam expetei sumus. Mi-  
 sera conditio, pro tam vilibus libertatem

vendere, imò pro tam leuibus æterna pro-  
iicere. nam cùm ferè conuiuia remunera-  
tionis ac quasi mercedis cuiusdam loco  
instituantur, meritam hîc mercedem ac-  
cepisse videbimur priuandi æterna. & plu-  
rimùm cōiunio vno omnem se gratitu-  
dinis obligationem exsoluisse saculares  
arbitrantur: noui nos Esau facti pro pul-  
mento primogenita vendentes. vt meritò

1. Pet. 5. ab Apostolo moneamur, *Sobrii estote, & vigilate, quia aduersarius vester diabolus tanquam leo rugiens, circuit, querens quem deuoret.* Sanè inter vina ac lautiores mēsas perfacile illi est, exarmatum aduersarium ferire. ita cadit Amnon, Simon, Holofernes etiam muliebris manu: quo magis nos armata inferiorum dextera? Et quam tēta-  
tionem superabit qui deliciis succumbit? qui tā molli-  
bus frāgitur proster niturque, quomodo inter rugientes leones & hosti-  
les acies stabit interritus? Indignum vito, magis etiam Religioso, vinci à vino; à tam molli generosum pectus, Christi toties sanguine delibutum, sanguine pastum. T&  
Prou. 23. terret nos Sapiens: Cui va? cuius patri va? cui rixat? cui fonea? cui sine causa vulnera? cui suffusio oculorum? nonne his qui commo-  
rantur in vino, & student calicibus epotandū? ne intuearis vinum quando flauescit, cū splenduerit in vitro color eius, ingredi-  
tur blandè, sed in nouissimo mordebit vt co-  
luber, & sicut regulus venena diffundet.

v. 31. 32. 33. Remedii.

**M**oderanda conuiuia erunt, & tanquā  
 Miniecto fuano reprimenda, vi etiam  
 coërcenda. sapientiusque versetur animo, qua-  
 re te Religioni dederis, sacraueris Deo. &  
 illud Hieronymi: *Facile contemnitur cle-* *Epist. ad*  
*ricus, qui saepe vocatus ad prandium, ire non* *Nepotiā,*  
*recusat. Consolatores nos potius in mœrori-*  
*bus suis, quàm conuiuas in prosperis noue-*  
*runt homines.*

In solidum si conuiuia amqueantur, tu-  
 tissimum erit. nam moderationem agrè  
 reperies, neque facile ad mediocritatem  
 deduces: inexplabilis enim quædam con-  
 uiuiorum sitis mentem occupat, quæ se-  
 mel se ei dederit. Nec satiatur hæc auidi-  
 tas concessis, nec expletur modicis. & tan-  
 quam sphærica corpora, quæ supernè la-  
 buntur, non antè finem voluendi, quàm  
 præcipitij faciunt: ita animus semel hoc  
 malo possessus, nullum pronitati suæ finē  
 statuit, donec ad extrema deuenerit, ut fi-  
 nis illi sit, cecidisse.

Seriis pœnitentiis, mōnitisque graui-  
 ribus delinquentes auocandi sunt. Supe-  
 riores etiam à functionibus amouendi,  
 quorum exempla eo nocentiora sunt, quo  
 singula eorum facta, domesticis posterisque;  
 non rarò documenta & promouementa in  
 imitationem sunt,

Proderit, exemplis eorum quī omni sæ-  
 culo à conuiuandi pronitate ad grauiā de-  
 lapsi sunt, reliquos deterrere. nec exem-



pla desse poterunt in omni Religiosorum Ordine, domestica tamen plus ad motum & terrorem poterunt, quanquam & externa in hoc genere iuuabunt.

Iuuabit considerare sapientius, quam paucis natura contenta sit; quam modico satisficitur. quanto etiam paratior est tenui mensa ad magna surgamus, ad studia, consilia danda, imperia, virtutum exercitia, celestium cogitationes, tentationum victoriam, hostium proculcationem.

Lib. 1.

in Iouiana.

Bene Hieronymus. *Grandis exultatio animi est, cum paruo contentus fueris mundum habere sub pedibus, & omnem eius potentiam, epulas, libidines, propter qua diuitia comparantur, vilibus mutare cibis, & crassiore tunica compensare: cis enim expletur natura necessitas. frigus, & fames simplici vestitu & cibo expelli potest.* addit: *Sapientia operam dare non possumus, si abundantiam mensa cogitemus, qua labore nimio & cura indiget, & monemur a Sapiente: Melius est ire ad domum luctus quam ad domum conuiuij. causam addit; In illa enim finis cunctorum admoneatur hominum, & uiuens cogitat quid futurum sit.*

Eccles. 7.

*& cura indiget, & monemur a Sapiente: Melius est ire ad domum luctus quam ad domum conuiuij. causam addit; In illa enim finis cunctorum admoneatur hominum, & uiuens cogitat quid futurum sit.*

CAPIT

## CAPVT. XXVI.

*Munerum acceptatio, largitio.*

**N**on magna hæc res cuiquam videatur, maximè in rebus non magnis; grande tamen malum est, eoque nocentius, quo sub amoris ac beneuolentiæ testatione mollius animo illabitur, antè nimirum venenum præcordia occupauit, quàm bibisse nos sciamus: neque enim ad animorum obstrictionem potentius quidquam in humanis reperias; vt vinculis iam tanquam validissimis compedibus constrictum teneas, quem muneribus quasi retibus implagasti. Et verò certius etiam beneficis hostem, quàm armis fregeris, faciliusque iniunicam mentem muneribus subiugum, quàm ferro miseris. Ingens omnino vis munerum est; quæ seuerissimos etiam iudices, nulliusque minis, purpura, ac ne propinquo quidem sanguine à recto bonoque flectendos, ab innata seueritate & æquitate dimouit. vt munus in iudice accepisse, propè vicisse sit. expugnauit nimirum arcem quamuis præualido præsidio infestam, qui aurum immisit, perdidit, qui accepit. hinc illud Sapientis: *Con- Prompturbat domum suam, qui sectatur auaritiam; qui autem odit munera, vinct, & illud: Xenia & donaria excecant oculos iudi. Eccli. 10.*

*cum, & quasi mutus in ore auertit correptionem.*

Et exemplis docemur omnium saeculorum, ut nesciam an valitius aliud ad expugnationem in omni hominum genere reperiri possit. hoc prudētes sapientia exuuntur, prouidi circumspēctione spoliantur; docti eruditione destituuntur, continentes castimonia nudantur, fidentes spe sua frustrantur; amicitia labascit, deferuescit zelus, intepeſcit pietas, succidit fiducia, exarmatur exercitus, emedullantur robora, & quidquid terris magnum est, ad humilem descendit arenam. Ita quidquid in vnaquaque re summum est, si accesserint munerā, deflorescit, ut exaruisse virtutem omnium credas ab horum tactu. quid? quod longē etiam posita improbo quodam afflatu venient, ut vel vidisse notitium sit bene Cassianus: *Oblatio muneris linea est regiminis.*

Si à Superioribus hæc nascuntur, nescio quo modo in mores vitamque illius nostrahant, ut etiam damnanda laudemus, imitemur.

Si ab inferioribus, credas tanquam falce præcisos disciplinæ nervos: ita intepeſcit rigor, & correctionis succiduntur genera. succedit simulatio, dum offendere nolumus, quorum beneficiis tenemur, aut à quibus maiora speramus.

Si à paribus, multa marcescit correctio, dum indignum censemus Superiori in beneficiis

neficio socio nocitura prodere. quid ? quòd perfacile etiam in illorum mores eamus, ne videamur à benefactoribus degenerare ? aulicos referunt mores ? imitatur. obloquantur ? addimus aliquid de nostro. detrahunt ? probamus: in cibum potumque feruntur ? iungimur socij. in risum, & sæculares iocos solvuntur ? reddimus paria. liberiora, minúsque casta proferunt ? arridemus. nimirum ne silentio nostro dicta factaque illorum improbare videamur, decurrimus ad paria vitia : néve displiceamus quorum beneficiis irretiti tenemur, mores restringimus, & induimur iisdem malis, vt dictorum factorumque similitudine placeamus.

Si ab externis beneficia accipimus, penit in monendo, consulendo, corripiendo libertatis pars maxima: nam & pretio illam benefactor emit, & nos vendidimus. minuit deinde veneratio auctoritatem, offensionisque timor magnam libertatis partem adimit, dum veremur ne monitione nostra elanguescat benefica manus, & exarescat donorum fons, monitis tanquam æstibus repressus.

Quid? quòd ab eodem offensionis timore, & placendi studio, non ratò improbanda probemus, probaque respuamus ; vitia si non laudamus, extenuamus, placituræque etiam in sceleribus consilia damus. nimirum displicere nolumus, ne beneficiorum spe excidamus.

Quòd

Quòd si à femina veniant munera, in-  
priuatum maximè vsum vertenda, maius  
etiam periculum est. quòque hic sexus  
mollior teneriorque est, hoc maiora etiam  
damna metuenda sunt, & nescio quid  
etiam seuerissimis ac castissimis mentibus  
afflent tenerioris affectus. solàque non ra-  
rò muliebrium donorum memoria valen-  
tissimi ac religiosissimi viri pectus tãquam  
molli, sed potenti tamen iaculo transadi-  
git. & dum munera placent, incipit placere  
donatrix. Ludit deinde in muneribus, tan-  
quam in amoris quodam symbolo, mol-  
lior affectus. & illa antè mens, multorum  
sæpe annorum spiritalibus exercitationi-  
bus roborata, ac quasi in ferrum chaly-  
bémque versa, muliebrium donorum mal-  
leis concussa, fatiscit, succiditque paula-  
tim, donec suauioris huius elementi fre-  
quenti stillicidio exesa & euigorata, in va-  
gum puluerem cinerémque dilabatur: &  
quæ nullis antè minis territa, non armis  
fracta, inuicta mundo & inferis steterat,  
mollissimis hisce femineis vinculis, omni  
ferrea compede firmiùs tenetur. credas  
Samsonis capillum vniuersi roboris ger-  
men, muliebri manu demessum.

Huc accedit, non vna nos experientia  
doctos, aliquid aliquando in his muneribus  
diabolicæ latuisse fraudis; nec antè  
animo quicuiusque qui acceperant, quàm à  
se dona propulsaissent, tamque diu tan-  
quam immanissimis sæuissimisque iactatos  
astibus,



LIBER III. CAP. XXVI. 399

æstibus, ac quadam quasi flamma ac for-  
nacibus inæstualle, atque adeò arsisse to-  
tos, quandiu muliebria hæc munera cir-  
cumferrent: quibus vt primùm sese exue-  
rant, resedisse tempestates, restinctas flam-  
mas, & ad pristinam animorum rediisse  
malaciam & tranquillitatem.

Accedit, munera hæc familiaritatis ac  
fiduciæ cuiusdam maioris prænuntia quæ-  
dam esse, nec pudet præeuntem sequi, ne-  
que ad colloquia iam illius erubescimus,  
cuius donis inhiamus. transitque iam talis  
aut in matrem si senior, aut in filiam si iu-  
nior est. Inde licentior exurgit consuetu-  
do, nec peccatum in tanta propinquitate  
veremur. liberiora hinc exuto pudore na-  
scuntur imperia: neque ea dicere nunc ve-  
remur, ad quorum antè memoriam eru-  
bescebamus. Bene Hieronym. *Crebra mu-  
niscula, & sudariola, & fasciolas, & vestes*  
*ori applicatas, & oblatos ac degustatos ci-*  
*bos, blandasque & dulces litterulas sanctus*  
*amor non habet. Hac sunt incitamenta, vel*  
*amoris retinacula.*

*Epist. ad  
Nepoti.*

Exurgunt denique ex his domesticorum  
æmulationes, externorum offensiones,  
vtrorumque obloquia & murmuraciones:  
& imitari delectat, quod damnari non vi-  
demus. trahimur enim commodorum spe,  
& rapimur in nocitura exempla. nec præ-  
cipitia sentimus, nisi in ipsis, serò in me-  
dio lapsu tutiora cogitantes. antè opor-  
tuit.

*Ingens.*

*Isaia 33.* Ingens prerogatiua apud Isaiam munera detestantium meritò mouere nos debeat, & calcar addere, ad seriam illorum detestationem: *Qui ambulat in iustitijs, & loquitur veritatem, & projicit auaritiam ex calumnia, & excutit manum suam ab omni munere; iste in excelsis habitabit, regem in decore suo videbit.* Armemus pectus hoc robore. quò sub his spongijs ferrum, sub hoc fauo in latentia venena vitemus. mollia licet iacula sint, & feminea sæpe dextera missa, tincta perimente toxico sunt: vt tetigisse in mortem satis sit. Et sanè vel sola diues illa Prophetæ sponsio meritò mouere nos debeat, *Habitabit in excelsis, regem in decore suo videbit.* quid vel sperari aut voueri poterat maius? alterius sæculi felicitatem omnem complexus est. habitatio æternitatem designat, visio in decore diuinam fruitionem. vt omnia consecutus fuerit qui munera excusserit.

#### *Remedia.*

**R**efecanda omnia hæc munera priuatim collata, maximè à mulieribus & pœnitentibus: quæ non vni noxia fuisse, experientia edocti sumus. dandæque opera, vt pœnitentes intelligant religiosi moribus vetera hæc munera esse, ac si quæ dederint, Superiorum iudicio pro cuiusque necessitate distribuenda. consultumque fuerit, alteri potius, quàm confessorio hæc conce

### LIBER III. CAP. XXVII. 401

concedi. ut si materia ad vestes, similiæque corpori necessaria donantur, ea alterius necessitatibus impendatur. confessario vero, si egerit, aliunde prospiciatur. ingentes alioqui hæc res, præter recensita pericula, excitabit æmulationes, & ad paria à suis impetranda dona prouocabit alios. vel sanè abundabunt hi, egebunt alij; quæ ingens materia dissensionum est, & à paupertate, quam Religiosi profitentur, aliena, cuius nitorem non parum obfuscet.

Lūnabit non infrequenter secum reuoluere verba D. Hieronymi: *Nescio quomodo etiam ipse qui deprecatur, ut tribuat, cum acceperis, viliores te iudicat: & mirum in modum si eum rogantem contempseris, plus te post venerabitur.* Ad Marc. cell.

Proderit in primis si Superiores exemplo suo reliquis præeant, excludantque à se quantum fieri poterit, omnem omnino munerum largitionem, aut in priuatum usum acceptionem.

Pœnitentiis etiam prouiores in hanc rem terrendi, si quando in horum aliquo peccauerint: nec parcendum hîc ætati, ne concessio eat in exemplum.

### CAPVT XXVII.

#### *Adulatio.*

Indignum in Religioso vitium, cuius omnes cogitationes debent esse cælestes,

## 402 MEDICI RELIGIOSI

stes, omne studium placendi vni Deo. de-  
generes sanè à vera Religione animos o-  
stendit, quicunque se ad humana studio-  
sius quàm pâr est conuertit. facit hoc om-  
nis adulator, qui in aliorum se effundit be-  
nivolentiam, quàm vt consequatur in om-  
nem se veritè formam. virtute non potest  
virtutem mentitur. satis enim illi placuisse  
est. adeò si vitiis placeat, vitia induet. &  
totum se in illa immerget, si natasse in il-  
lis, placuisse sic.

Quo magis vitandum malum Religio-  
so est qui aliquid Christiani ac virilis ani-  
mi pectore clausum tenet. quid enim tam  
indignum Christiano ac Religioso. quàm  
mentiri, sine quo nulla diu stare adulatio  
potest? cùm omnis illa mendacio vestiatur  
detrahe vestes, mendacium & informis  
apparebit nuditas, ridenda, non admiran-  
da. neque enim aliud est adulatio quàm  
perpetuis propè oratio vestita mendaciis.  
aut enim infra aut supra fidem adulantis  
verba sunt. dum enim placere studet, si  
laudibus aliquem capi videat, auger illas  
longè etiam supra verum, vt placeat ma-  
gis. si nihil quod laudem mereatur repe-  
rerit, è suo cerebro noua comminiscitur.  
quid? quòd non rarò, cùm nihil præter vi-  
tia repererit, etiam illa ipsa in laude ponat,  
& damnanda probet. quo fit vt in maiora  
impellat scelera. laudasse enim hæc, ad  
paria aut maiora impulsisse est.

Ingens vitium, quando in Principes &  
Supe

# LIBER III. CAP. XXVII. 403

Superiores incurrit: quorum crimina improbamque vitam morésque laudasse, ad similia calcar addidisse est, & natura aut educatione ad illa properantes, grauius etiam propulisse est. tanquam si quem precipitio vicinum iniecta manu protrudas, quò faciliior proniórque lapsus sit. vt dictũ verè, Tolle laudatores, & magnam sceleurum materiam sustuleris. neque quisquam facile improbata omnibus aut aggreditur aut iterat. laudem & propugnatorem crimina poscunt vt repetantur. tolle hæc fomenta, ligna ignibus; & partem longè maximam ademeris. Vera nimium Magni Gregorij verba sunt: *Incessanter crescit culpa fauoribus nutrita. curari autem vulnus negligitur, quod dignum premio laudis videtur. unde bene per Salomonem dicitur, Fili mi, si te lactauerint peccatores, ne acquiescas eis. peccatores enim lactant, cum vel perpetranda mala blandimentis inferunt, vel perpetrata fauoribus extollunt. an non lactatur de quo per Psalmistam dicitur, Quoniam laudatur peccator in desideriis animæ suæ, & cum iniqua egerit iniquus, benedicunt?*

4. Mor.  
cap. 28.

Prou. I.

Suspectum proinde omni viro probò hoc hominum genus esse debet; neque enim illi tam animi sui sensus exprimunt, quàm voluntatibus aliorum subseruiunt ac obsecundantur. mores ingeniumque cuiusque obseruant, & quod cuique audit in iucundum referunt. vera an falsa pro  
eodem



## 404 MEDICI RELIGIOSI

eodem habent: satis illis dixisse, placuisse. quin aded, ferè aliud sentiunt, dicunt aliud: ut probasse adulatoris improbasse, laudasse damnasse sit. si quem proinde videris in os laudantem, mente damnare cogita. aliud nimirum reclusum habet anima, aliud depromit ore. ac sanè malè de te sentit quisquis coram laudat; arbitratur enim te gloria nominisque quadam scabie teneri. profundit proinde laudes, eo copiosiores, quo maiori te harum prutigine titillari arbitratur. non faceret si te virum putaret, si res diuino iudicio metientem, si æterna cogitantem, si reposita cælo præmia, si non ab humano dolo ore, fallaci dictione, sed ab omnium conscio Deo fallique ignaro mercedem sperantem videret. Laudat mollem censer, & ad præconia insurgentem, aqueum nimirum, facilem in bullam, in ventum, & ad omnem flatum vela pandentem. ludit proinde inter hæc amica ac votiuæ carbasæ, & in omnem partem molli Fauonio impellit hanc ratem ignaram sui, discriminumque suorum. quæ eo periculis propior est, quo securior indormit his ventis, ludibrium paulò post futura fluctibus sera poenitentia.

Comparari deinde merito assentator omnis proditori potest, qui blandis & ad dolum compositis verbis, diuite sponcione, in insidias & fraudes improvidos impellit: medico etiam qui inani & falsa spe ægrum lætat, plùsque bonarum valetudi-

num

LIBER III. CAP. XXVII. 405

num spargit, quo vicinior morti est. Facit  
omnis assentator, ementitis incautos lau-  
dibus in verarum virtutum opinionem tra-  
hit, damna tegit, pericula minuit, aut vni-  
uersum tollit, eoque magis cautiúsque, quo  
viciniores illis sunt. Magnus Gregorius  
adulatorum linguas locustis comparat, *Moral.*  
quod omnem virtutum virorem adulatione *3 I. c. 20.*  
sua corrumpant. Augustinus verò duo *In Psal.*  
ait esse genera persecutorum, vituperan- *19.*  
tium & laudantium; plus tamen persequi  
adulatorum linguam quam persequentium  
manum.

Plenis etiam faucibus politicissimum  
adulator combibit, quem in eos maxime  
denomit, quorum gratiam venatur. cum  
enim virtutibus destitutus, factorum cla-  
ritate nomen parare non possit, decurrit  
ad fraudes commune improborum subsi-  
dium, ut quod probitate desperat, dolis  
consequatur, cum enim benevolentiam  
alicuius sibi suisque rebus persuaferit com-  
modam aut necessariam esse, quacunque  
illam via parare studet. veris nudatur, pro-  
trudet falsa. satis illi si optata consecutus  
fuerit, quocumque demum flumine dedu-  
catur ad hunc portum.

Noxium in primis Religioni genus, cum  
Superiores eos deliberationibus admo-  
nent, consiliorumque ac secretorum par-  
ticipes faciunt. cum enim ferè non è men-  
te sua, sed è Superiorum voluntate sen-  
tentiam dicant, fit ut non pro veritate, sed  
pro

proponentium affectu consilia explicant, in eam partem prolabendi, in quam Superiorem viderint propensum. ita fit vt dum captandæ illorum beneuolentiæ insudant, sola placitura depromant. vnde fit vt malis remedia nulla admoueantur, ac nec nocitura quidem, & in interitum ductura, Superioribus indicentur, displicendi metu. Hinc paulatim zizaniorum more serpunt neglecta mala, & mora vires sumunt, donec fera eradicationis spe terram latè occupent.

Accedit, plurimum tales quæ hîc laudarent, alibi damnare; quæ apud hos probarunt, apud illos improbare, siue innata quadam naturæ inconstantia, siue omnibus placendi studio. vnde fit vt nihil stabile firmumque sperari ab his possit, nihil illis tutò credi: prodituri commissa quæcunque si è re sua futurum arbitrentur. nulli deinde ex vero amici, sed fortunæ cuiusque sunt, omnium se successibus expandentes, omnium subseruientes: tam faciles in proditionem, quàm faciles in assensum, vt nulla illis fides adhiberi, nulla verbis fiducia possit.

### *Remedia.*

**C**onsultum erit suspectos assentatores Comnes, ac pro hostibus ex insidiis insurgentibus habere, familiaritate sua excludere, consuetudinem fugere, si inferiori

LIBER III. CAP. XXVII. 407

res sunt, pœnitentiis monitisque frequen-  
tibus ab hoc vitio, indignitate ac forditate  
huius proposita, arcere: per domesticum  
etiam confessarium, aliósque viros corda-  
tos ab irreligiosa hac consuetudine auo-  
care. quæ omnia si concurrant, non magno  
negotio euelletur hoc malum. vbi enim  
viderint serios vbiq̃ue Superiores, qui as-  
sentationem omnem improbent, qui can-  
dorem ament, adulationem auersentur,  
qui sinceros & regia inambulantes via, fa-  
miliaritate sibi altringant, reliquos negli-  
gant; facilè se ad illorum mores compo-  
nent. quòd si deserì se à reliquis viderint,  
optimorũque quorumcunq̃ue familia-  
ritate destitui, alia longè consilia morès-  
que induent.

Inuabit etiam tales si subditi fuerint, lo-  
co mouere, & iis Superioribus subdere, qui  
ab omni assentatione alienissimi sunt: si Su-  
periores sunt, à gubernatione amouendi,  
& aliis occupandi erunt. ne horum mores  
reliqui imitentur, & incipiat placere quod  
in capite ac ductore suo vident, & pro vir-  
tute virtum habeatur.

Proderit etiam frequens cogitatio in-  
commodorum quæ ex hoc vitio nasci con-  
sueverunt. Frequentata deinde cœlestium  
cogitatio, vnicũque studium placendi  
Deo, sic enim vilescunt humana, nec gra-  
tiam aut beneuolentiam captabimus ho-  
minum, solius Dei contenti.

## CAPVT XXVIII.

*Politica agendi ratio.*

Quæ res ingentem diffidentiam parit, mutuaque alienationis vel inter primas causa est; maxime vbi hæc ratio innotescit, quam diu celare in tam variis doctorumque factorumque obseruatoribus impossibile est. atque hinc perpetua quædam nascitur diffidentia, vt in illo quasi iusto metu, dum seu Superiores, seu inferiores detinentur, nihil sperari possit boni.

Nam si Superior hoc malo laborat, frustra genuinam conscientia rationem sperabit. nemo ad hunc vt ad patrem & medicum recurreret. omnes vt minus sinterum, & cui fidi non possit, aut secretiora credi, auersabuntur. contingitque illis, vt dum affectu plano sinceroque res tractant, fidem tamen non inueniant: quod resecta sentiel politica agendi ratio perpetuam ingeneret suspicionem nulla arte eluendam. Agit seuerè? seueritate sua displicet. mollior & benignè? seueritatem his regi arbitrantur? animumque alieniorem, & fraudibus dolisque vicissim. tegitur nimirum hoc cinere ignis, paulò post in flammam & incensum erupit; intregunturque pulchro hoc velamine nositura venena, si quis propius tangat.

Iam



LIBER II. CAP. XXVIII. 409

Iam adulationibus omnia plena videas. exulat candor, & è politico Superiorum ingenio reliquorum finguntur mores: vt secularis iam Principis aulam, alienissimam à religiosa familia reperias.

Atque hinc in Superioribus imperia nascuntur secularia; in inferioribus seruilis obsequentia. dolis interim fraudibusque plena sunt omnia; & ille iam prudentissimus habetur, qui solertissimè socium circumuenit. veris falsisque rebus, aut calumniis etiam ac criminationibus, iuxta habetur; res modò votis respondeat. solertia proinde, ac quadam seculari agendarum rerum dexteritate, simulatàque beneuolentia, ac ementita sæpius pietate tota Religio continetur. verba amorem præferunt, intus aluntur odia. externa beneuolentia animorum dissensiones, improbæque & Religiosis indignas æmulationes regunt, dum suis singuli commodis student, & per aliorum emendicatas extrinsecus amicitias, gradum sibi ad optata struunt. inanibus plurimos pollicitationibus, vanaque spe ludentes; solis ferè verbis diuites. nisi qua parte aliorum promotiones votis cogitationibusque suis subseruiunt. Habes in hanc rem illud Gregorij: *Est speciale duplicium malum, quia dum perversa & duplici actione ceteros fallunt, quasi prastantibus ceteris prudentes se esse gloriantur: & quia distractionem retributionis non considerant, de damnis suis misere exultant: audians*

Past. par.  
3. cap. 12.

diant quomodo super illos propheta Sopho-  
nias vim diuina animaduersionis intendat  
dicens: Ecce dies Domini venit magnus &  
horribilis, dies illa, dies ira, dies tenebrarum  
& caliginis, dies nebula & turbinis, dies  
saba & clāgoris super omnes ciuitates mu-  
nitas, & super omnes angulos excelsos. Quid  
enim per ciuitates munitas exprimitur nisi  
suspecta mentes, & fallaci semper defen-  
sione circumdata? Et quid per excelsos angu-  
los nisi duplicitas mentis intelligitur? Dies  
igitur Domini, vindicta atque animadu-  
ersionis plena, super ciuitates munitas & super  
excelsos angulos venit, quia ira extremi  
iudicij humana corda defensionibus contra  
veritatem clausa destruit, & duplicitatibus  
inuoluta dissoluit.

Si inferior vicio hoc tenetur, omni apud  
Superiorem fide caret, nihil illi tutò cer-  
tòque credet, verebitur omnia, nec vera  
dicenti fidem adhibebit, omniāque eius  
dicta factāque, licet à virtute profecta, in  
deteriorem partem interpretabitur.

Quòd si vtrumque malum hoc posse-  
derit, nusquam fides, dolis verò mutuis-  
que adulationibus plenissima reperias, cō-  
spirationibus etiam, fallacibusque in op-  
timos non raro machinationibus, quæ ad  
euertendos maximos etiam viros suffi-  
ciant. Neque interim inter eos qui politi-  
co hoc spiritu aguntur, certa aut fides,  
aut animorum concordia cōsistere potest;  
cū enim à suo iudicio meriantur alios,

LIBER III. CAP. XXVIII. 411

timoribus referta sunt omnia. verentur  
dolos quales animo se suo fouere sciunt,  
neque diutius externæ huic coniunctioni  
inhærent, quàm commodis eam suis uti-  
lem sibi fore persuaferint: quæ ubi conse-  
cuti fuerint, in aperta mentitus hic amor  
abit odia.

Signa in his vides animi, sibi ac virtu-  
ti diffidentis. qui si virtute excultus foret,  
non descenderet ad has fraudes artificiâ-  
que: cum sat multa domi suæ nata orna-  
menta ad maiora haberet. quibus dum se  
destitutū videt, confugit ad hæc externa,  
& à sæcularibus mutuatur, quò se consiliâ-  
que sua tueatur. quo fit vt sola iam vestis  
Religionem, reliqua sæculum loquantur.  
exulat exinde omnis candor sinceritâsque  
religiosa, charitatis custos: succedunt fu-  
cata, pullâque veritate è perpetuis menda-  
ciis intertexta verba. laudant, assentiun-  
tur, ampla promittunt; alia omnia cogitâ-  
da sunt, & sponsonibus adde. sanctia: vt  
laudasse, damnassee; spopondisse, negasse  
sit.

Iam quid indignius viro Christiano, Re-  
ligioso (cuius vniuersa professio habitûs-  
que simplicitatem candorémque loqui-  
tur) quàm continuis contexta oratio mē-  
daciis? parui hæc animi sunt, sibi que vir-  
tutis sue diffidentis. generosa mens an-  
te vitam ponit, quàm illam mendacio cō-  
maculet. nescit magnus animus mētiri, pu-  
illi & muliebris pectoris mendacia sunt,

## 412 MEDICI RELIGIOSI

Et meticulosos ferè hos, immites ac crudeles reperies, vbi rerum potiti fuerint, neque in vltos magis insurgunt ac sæuiunt, quàm quos paribus fallacijs ad maiora cōniti vident, conscijs fallaciarum animique sui, veriti ne paribus aliorum dolis circumueniantur & corruant, quibus ipsi iam antè non vnum in fraudulenta præcipitia impulerunt.

Scinditur hinc vniuersim mutua charitas: quæ vna Religio omnis stare consuevit. nam vbi fiducia, candor, veritas exulât, mutuam etiam charitatem exulare necessum est. Hinc dura illa sapientis imprecatio: *Susurro & bilinguis maledictus*, multos enim turbat pacem habentes.

*Ecclesi. 28*

Nascuntur demum partium studia, & dum politico magis spiritu, quàm Religionis amore feruntur, solerti singuli prudentia illis adhærent & abblandiuntur, quos conatibus suis vtilis fore arbitrantur: reliquos negligunt ac contemnunt. è quorum neglectu ac contemptu parem in alijs neglectum, ac cōtemptum sequi proclive ac quasi necessum est: vt iam in partes toti descendant, in mutuas animorum alienationes, mutuorum consiliorum ac conatuum subuersiones, in sociarum amicarumque sibi partium promotiones, alieciarum depreffiones. denique tanquam in aduersaria ac inimica acie pro se quisque pugnat, ferturque in alios tanquam in iuratos conatuum suorum hostes; ex insidijs

## LIBER III. CAP. XXVIII. 413

fidiis tamen plurimum, quod proprium at-  
 que adnatum huic spiritui est: quæ si non  
 successerint, ad aperta etiam arma odiâque  
 decurritur. nec iam vltra Religio, sed ini-  
 mica stant in una domo, ac sub eiusdem  
 Religionis signis agmina. eo nocentiora,  
 quo magis domestica. nam ab extraneis  
 non magno fors se quis negotio conatuq;  
 tueatur, à domestico hoste difficile, ac  
 propè impossibile est: cum mutuis conui-  
 ctus, mutua colloquia, nihil propè rectum  
 patiantur, mutuâque consilia priuati rete-  
 rant parietes; vt omnia, etiam tutissima  
 suspectissima sint, secretissima periculis  
 plena, vt vix iam sibi ipsi quis credat. ocu-  
 lata arbitrantur omnia, ac in cubiculi sui  
 pariete thalamoque aduersarios verentur  
 oculos. Sanè in vultu, mutuoque prospe-  
 ctu profutura, aut nocitura legunt. tantum  
 in omnem indagandorum consiliorum par-  
 tem solertissima hæc valet improbitas:  
*Verba nimirum bilinguis quasi simplicia, & Prou. 23.*  
*ipsa perueniunt vsque ad interiora ven-*  
*tris.*

Misera planè Religionis conditio, cum  
 spiritu hoc semel imbuta, ac quasi posses-  
 sa, veteri pulsa charitate, simplicitate, can-  
 dore, politicis hisce flatibus, tanquam flu-  
 ctibus in profundum, ac interitum sui ra-  
 pitur. quo magis fugienda ac detestanda  
 hæc pestis est, ingentibusque animis in  
 hæc mala insurgendum. nec superledendū  
 labori, donec stirpitus grande hoc malum



## 414 MEDICI RELIGIOSI

euellatur, vt ne vestigia quidem spiritus huius remaneant. quodd si euellendi mitior clementiorque desit via, ferro etiam sarniendum, & partium sectionibus. ingens pietas est secare & vrere, nec noxiæ parti parcere, vt vniuerso periclitanti corpori succurras: noxiæque e contra & crudelis clementia est, perituræ & noxiæ parti parcere, qua reliquum pereat corpus.

Exurgit demum ex his ambitio: nam vbi semel à politico hoc spiritu genuinus & primigenius subactus ac depressus spiritus est, ac tanquam in languido quodam sopore conspultus iacet; nihil reliquum est, quàm vt singuli ad prima quæque magisque illustria in Religione munia contendant: ad quæ vt aliquando pertingant, captanda eorum gratia est, quorum fauor operaque utilis ad propositum sibi finem esse queat. quæ res ad indignissima quæque tales impellit, dum se variorum moribus ingeniiisque & à Religione alienis accommodare coguntur, plurimæque seruilis planè ingenij munia obire, voluntatibusque etiam aliorum non rarò parum religiosi morem gerere, ne nimirum alienos aduersariosque patiantur, quorum opera studioque in votorum suorum desideriorumque consecutionibus egere se arbitrantur.

Inconstans omnis politicus est, nulli certæ personæ aut rei inhærens. si cōmoda ferant, ad contraria prioribus vita propelletur,

letus, idamabit probata, iterumque laudata damnabit. idque in aeterno quodam metu. *Possedit enim timor hypocritas.* cum *Isaia 53.* iisdem artibus circumuoniri metuat, quibus alios in fraudem impulit. Accedit perpetuus timor, ne fors in apertum doli erumpant, quos in tanta mutuo conuietium sibi ingeniorum varietate & solertia diu regere impossibile est. Et iusto sanè Dei iudicio, suis ferè politici capiuntur artibus, rebus implagantur suis, politicis suis, tanquam veneno, ense, fune suo. neque diu tales in alta pace esse possunt. *Gaudium Job. 22.* enim *hypocrita ad instar puncti.* nec potest ibi solidum esse gaudium, ubi perpetuis uenis fluctibusq; perpetuè coguntur tempestates.

Similes politici sunt purpurissa & stibio formam mentientium. eumentia enim verborum beneuolentia humanitatem amicitiamque mentiuntur, quibus crudelitatem & infidos regunt animos: ut meritò quis dicat sepulcra dealbata, monumenta marmore recta retegè, intus latent sordes, quæ pedore suo vicina, remotæque compleant. Hinc grauis illa Sapientis interminatio: *Ua duplici corde, & labijs scelestis. Eccl. 10.* Scelesti sanè politicorum labia sunt, quæ sub melle & saccaro venena tegunt, sub molli spongia nouaculam premunt, sub roseo ore & labris virus iaculantur, sub lilio & viola toxica recondunt. à quorum ore cadunt barbara illa uerba, si violanda fides,

# 416 MEDICI RELIGIOSI

regnandi causa violanda est. Et sanè nihil tam sanctum, quod mens politicis imbuta opinionibus non violer, si proposito sibi fini aduersari putauerit. suus enim cuique politico honor, emolumentum suum, pro summo bono est: minùsque veretur offensam magni Dei, quàm proposita sibi rei frustrationem, vt iure detestetur hos Sa-

**Prou. 8.** *Sapiens: Arrogantem & superbū & os bilingue detestor.* quæ ergo poterit esse spes hypo-

**Iob. 27.** *cū venerit super eū angustia? aut poterit in Omnipotentie delectari, & innocare Deū*

**Sap. 1.** *omni tempore? Fortiter Sapiēs: Spiritus sanctus disciplina effugiet fictū. neque habitare in eo pectore sapientia potest, à quo sapiētiae mater veritas exulat, neque Religionis in eo spiritus, à quo Religionis abest candor, veri amoris symbolū. & verum illud:*

**Eccli. 3.** *Cor ingrediens duas vias, non habebit successus.* Grauiissima in omnē politicū cō-

**Iere. 17.** *minatio Prophetæ est: Maledictus homo qui confidit in homine, & ponit carnem brachii suum, & à Dōmino recedit cor eius. Erit enim quasi myrica in deserto, & non videbit cū venerit bonum: sed habitabit in siccitate in deserto, in terra falsuginis, & inhabitabili. Benedictus vir qui confidit in Domino, & erit Dominus fiducia eius. Et erit quasi lignum quod transplantatur super aquas, quod ad humorem mittit radices suas: & non timebit cū venerit aestus. Et erit solum eius viridē, & illi se potest fecit.*

LIBER III. CAP. XXVIII. 417

is non erit sollicitum, nec aliquando desinet  
facere fructum. Præuū est cor hominum &  
inscrutabile: quis cognoscet illud? ego Domi-  
nus scrutans cor, & probans renes: qui do-  
unicusque iuxta viam suam, & iuxta fru-  
ctum adinventionum suarum. Quis ponit  
carnem brachium suum, nisi qui prudentiæ  
solertiæque suæ fidens, remedia à diuina  
fiducia non mutuatur, sed à rebus prouidè  
callidèque. è se excogitatis: quibus innixus  
blandèque linguæ ac oculorum lusu, re-  
liquos in suam sententiam subdola inescan-  
tione pertrahendos arbitratur? cū ipse  
ferè iisdem artibus cadat, à diuina manu  
temperatis: neque enim permittet Deus  
altas illum radices agere. *Spes namque* *Iob. 8.*  
*hypocrita peribit, & cogitatio illius sterilis: Iob. 15.*  
*& si in ramis in tempore germinauerint, in-* *Sap. 4.*  
*frmiter posita à vento commouebuntur, &*  
*à nimietate ventorum eradicabuntur. con-*  
*fringentur enim rami inconsummati, & fru-*  
*ctus illorum inutiles, & acerbi ad mandu-*  
*candum, & ad nihilum apti.*

Remedia.

**N**ihil in humanis sperare, nihil vere-  
ri: hinc probamus & laudamus pas-  
sim quæ vel placent, vel displicent iis, quo-  
rum aut potentiam veremur, aut beneficia  
speramus.

Nullius gratiam ambire, ne placendi  
studio à vero rectòque deflectamus.

S S Deum,

# 418 MEDICI RELIGIOSI

Deum, & vocationis suæ bonum, animarumque salutem in omnibus dictis factisque præ oculis habere: reliqua contemnere. hæc qui fecerit, stabit interritus, nec ceruices linguamve gratiæ flectet: nec à vero bonoque minis aut purpura terribitur, aut præmio trahetur. Cogitet, maiorem se esse Christi sanguine, hereditate, præmio, quam vt tam illustrem animam assimilata Deo, aliorum complacentiæ mancipet. à Deo solo mercedem speret æternitate commensurandam. talem se esse qualis illo iudice censetur, nec alium. nihilque ad demeriti meritique mensuram humanam censuram addere.

Iuuerit in primis harum rerum studiosos ab omni nobilium consuetudine arce-re. quòd horum ferè familiaritate crescat malum: & ad ea loca muniæque destinare, in quibus talium materia negata est. nec parcendum si quando in hoc vitio deprehensi fuerint. omnisque omnino talium familiaritas vitanda est. & ab ipsa adeò Religione tanquam pestes rescandi, quotquot huic vitio obnoxij sunt. si Superiores fuerint, remouendi in solidum ab omni munere erunt, & aliis minùs noxiis occupandi.

Proderit recordatio monentis & interminantis Sapientis omnem duplici corde:  
*Eccles. 1. Ne fueris hypocrita in conspectu hominum,  
 & non scandalizeris in labijs tuis. attende in illis, ne fortè cadas, & adducas anima tua*



LIBER III. CAP. XXVIII. 419

in honorationem, & reuelet Deus absconsa  
tua, & in medio synagoga elidat te: quoniam  
cor tuum plenum est dolo & fallacia. Et  
imprecatio magni Regis: Disperdat Domi- *Psal. 117.*  
nus vniuersa labia dolosa, & linguam mag-  
niloquam. addit minas: Dilexisti omnia ver- *Psal. 51.*  
ba precipitationis, lingua dolosa. propterea  
Deus destruet te in finem, euellet te, & emi-  
grabit te de tabernaculo tuo: & radicem  
tuam de terra viuientium. Monétque om-  
nes Apostolus: Qui vult vitam diligere, *1. Pet. 3.*  
& dies videre bonos, coërceat linguam suam  
à malo, & labia eius ne loquantur dolum.

Admonendos vult Gregorius Magnus:  
Et quàm gratis sit, quem cum culpa susti- *Past.*  
nent, dupliciter laborem agnoscat. dum *par. 3.*  
enim deprehendi metuunt, semper improbas *cap. 12.*  
defensiones quarunt, semper pauidis suspi-  
cionibus agitantur. Nihil autem est ad de-  
fendendum puritate tutius, nihil ad dicen-  
dum veritate facilius. nam dum falsitatem  
suam tueri conatur, duro cor labore fatiga-  
tur. hinc namque scriptum est, Labor labio-  
rum suorum operiet eos. hinc per Ieremiam  
dicitur, Docuerūt linguam suam loqui men-  
dacium, ut iniquè agerent, laborauerūt. au-  
diāt quod scriptum est, Qui ambulat simpli-  
citer ambulat cōfidenter. fiducia enim magna  
securitatis, est simplicitas actionis. audiant  
quod Scriptura testatur, Cum simplicibus  
sermocinatio eius. Deo enim sermocinari, est  
per illustrationem suae praesentiae humanis  
mentibus arcana reuelare. Cum simplicibus

igitur sermocinari dicitur: quia de supernis  
mysterijs illorum mentes radio sue rati-  
onis illuminat, quos nulla umbra duplici-  
tatis obscurat.

## CAPVT XXIX.

*Aulici mores.*

**D**Vlce Religionis venenum. Insuunt  
hi ciuilitatis & urbanitatis prætectu,  
vt inurbani inciuilésque iam habeantur,  
ac rusticis moribus, qui aulica illa asper-  
gine non sunt tincti, Religionis nimirum  
toxico, quo quidquid est genuinae pri-  
migenij Religionis spiritus, suffocatur.  
Hinc illæ aulicæ compellationes, saluta-  
tiones, scripture, relegate in vniuersum,  
ac quasi in exilium pulsæ religiosâ maio-  
rum simplicitate, candore, veritate: in  
quorum locum succedunt simulationes,  
fraudes, politica agendi ratio, & è meris  
contexta oratio mendaciis, ad gratiam  
verba composita, putidisque narrationi-  
bus confectæ narrationes. præsentibus lau-  
damus, mordemus absentes; venientibus  
magna beneuolentiæ ostentatione occur-  
rimus, amplexamur, stringimus, ad genua  
decrescimus, intus emulationibus, inui-  
dencia, odio natamus. rogati non tantum,  
sed vltro spondemus; nos nostraque omnia  
aliorum obsequiis deuouemus, ac tantum

non

LIBER III. CAP. XXIX. 421

non in seruos & mancipia sacramus, cùm animus liuore stipatus, alia omnia cogitet, hostilitatèmq̃ue magis dolòsque damnàque, quàm obsequia meditetur, aut vt quàm mitissimè, nihil eorum quæ dicit cogitet: officiosis nimirum hisce mendaciis aures aliorum locupletamus. quæ res; cùm hominem dedeceant, cui vultum erectum, verba mentem exprimentia natura dedit; tum minùs Christianum decent, qui Christi nomìnè insignitus, etiam verba illius morèsque nominis professione imitandos sibi proposuit, longissimè ab aulica oratione dissentientes; minimèque in Religiosum cadere illa debent, qui habitu reliquòque vitæ genere candorem ac veri studium proficitur.

Hosce mores siue Superior, siue inferior induat, grande malum est; nisi quòd in Superiore grauius: faciliùs enim ad alios delabitur, & trahitur in exemplum. Inde diffidentia nascitur: nam quis fidat hiscè moribus imbuto, cuius omnia propè verba aliud volunt, quàm oratione promittunt? quis illi conscientiam vulneràque retegat? quis decurrat vt ad patrem, quem verba resque aulicum loquuntur, non patrem? quis volens lubensque obsequetur imperanti, cuius imperia non à Religionis amore, sed à despotica aulicàque ratione nata videt, ac in eiusdem finem tendere?

Si inferior his moribus tenetur, caret omnia

## 422 MEDICI RELIGIOSI

omni apud Superiorem fide, nec quidquam tutò illi credet.

Si uterque, mutuis fraudibus adulationibusque plena sunt omnia. nec iam vltra Religiosa domus, sed mendaciorum officina exurgit; omnisque omnino Religionis spiritus aulica hac spongia vniuersim deleretur; nec quicquam iam illius, præter habitum reperies rebus inanem: ac demum, pulsus virtutibus, aulica succedunt vitia; ambigio, adulatio, doli, detractiones, aliorum contemptus, odia, commodorum & dignitatum procuratio, otij amor, laborum fuga, vltimùmque malorum caro & sanguis: neque illum diu castitas tutabitur; quem aulici possederunt mores, castimonia; hostes, omnisque libidinis administri.

Et vbi semel religiosus spiritus non elanguit, sed aulicis hisce moribus pulsus, ac tanquam flumine extinctus est; quid nisi caro, & quæ illi coniuncta timenda sunt? nec potest in illo pectore diutius religiosa puritatis institutique sui amor residere, quod aulici occuparunt mores, castis piisque Religionum moribus è diametro pugnantes. Quos rectè sepulchra dealbata speciosa exterius, sed mortuorum offibus plena intus Veritas vocat: quia vitiatorum mala intus contegunt, humanis verò oculis quorundam demonstratione operum de solo foris iustitia colore blandiuntur. admonendi sunt ut considerent, quia dum prauos se in oculis exhibent, sed tamen exempla de

Greg.  
Pap. p. 3.  
cap. 36.

LIBER III. CAP. XXIX. 423.

*de se publicè in bonis operibus præbent; ostendunt sequenda quæ fugiunt, clamant amanda quæ oderunt; viuunt postremò alijs, sibi moriuntur.*

Tota deinde conceptæ probitatis opinio perit. neque hi mores latere diu possunt: in oculos incurrunt omnium iudiciis feriendi. Et quis iam externorum talibus se familiarem, liberos, conscientiamque suam credat? quis Principum, nobilium, aulicorumque virorum, se suamque committet illis, cum è suis moribus metientur hos Religiosos? è sua fide illos? vt omnis omnino speratus animarum fructus depereat, cum similes sibi arbitrentur animo, quos oratione moribusque similes perspexerint.

*Remedia.*

**I**Nter prima, aulæ aulicorumque fuga est. Ineque enim fieri potest, quin ex assidua illorum frequentatione non plurimum etiam aulici adhæreat pulueris: nam & non cogitantibus aliquid aspergitur, & nolentibus quædam ex continuo vsu adrepunt. tantum familiaritas potest. Idem accidit in venenis. tange, & damna expecta. in vitijs omnibus idem reperies. ne vita, & obrepent quasi dormienti, magis etiam si frequentaueris, aut lateri illorum diu latus adiunxeris.

Si natura aliquem trahat ad aulam, imperio arcendus erit, poenitentis etiam, & scuerioris



## 414 MEDICI RELIGIOSI

seuere disciplina, si contrauenerit. ac ni  
emendatio accesserit, ad remotissima ab  
aulis loca destinandus, omnéque illi litte-  
rarum cum aulicis commercium interdi-  
cendum erit.

Si Superior fuerit, nec post frequentata  
monita destiterit, functione sua exuendus  
erit, & ad ea loca ablegandus, in quibus  
nulla nec ipsi, nec ipsius exemplo aliis au-  
lica damna timeri possunt.

Exemplis terrendi eorum, quibus aulae  
aulicorumque consuetudo morésque omni  
propè saeculo exitio fuerunt, latamque rui-  
nae causam dederant; vt vix quinquagesi-  
mus quisque eum in Religionem retulerit  
spiritum, quem in aulam attulerat, domo-  
que extulerat. quod in omni Religioso-  
rum hominum genere reperies.

Exemplis etiam magnorum orbe toto  
virorum, qui aulam omnem, vt certam  
Religionis pestem, totis conatibus animis-  
que auersati sunt. quòd si illos necessitas  
ad aulicorum frequentationem aliquando  
coëgit, subduxerunt se tamen, & aulicis  
hisce fluctibus eripuerunt ratem, nō igna-  
ri in euentura hac malacia, tempestatum.  
Nec mirum: sciebant enim vbi primùm  
periculum alterum aulae intulissent, præci-  
piat alterum proximum esse. vt mirum sit,  
tot magnorum exemplis edoctos, venari  
tamé Religiosos aulas, aulicorumque imi-  
tari mores. Prudenter quicunque hac pru-  
rigine titillatur, dum aulam cogitat, præci-  
pitia

## LIBER III. CAP. XXIX. 425

pitia indiuiduo illi nexu coniuncta meditatatur; dum mores prouocant, damna prospicit; dum externæ inuitant uenerationes, animos intuetur liuorè & odio graues, & in sociorum ruinam paratos. Principum allicit sauer? scit dictum verè, Si benefeceris, leuior pluma est gratia: verbo si deliqueris, plumbeas iras gerunt. vt semel excidisse, æternum sit: & plurimum sanguine, aut ingenti dedecore error lauandus est.

Denique quicumque Religiosus aulicis hisce moribus tangitur, pulsaturque in sequelam, secum familiæ suæ non postremos viros recenscat, qui se aulicorum consuetudini moribusque dederunt; videátque an vigesimus quisque integra salute, nominisque æstimatione pedem retulerit: memórque illius, Quia me vestigia terrét, perhorrescat ad aulæ nomen, fugiátque illius mores, vt enssem iugulo inhærentem, vt præcipitia lapsa bunda pedi, vt venena propinata labris; vt infelici propè omnium exitu signatos.

Proderitque magnorum ruinas recreationum tempore frequenter recensere, qui ab aulicis moribus ad calamitatum extrema deuenerunt, & inglorij vitam finiuerunt, vocatione plurimum deserta. in exemplum miserando ferè exitu posteritati dati.

GAULI

## CAPVT XXX.

*Clancularia agendi ratio.*

**Q**Uæ ubi innotuit, ut eiusmodi res dilaterè non possunt, ingentem in Superiore ingenerant diffidentiam, suspiciònesque præbent in omni genere varias, adeò ut nec in apertis quidem, & quæ nulla fraude teguntur, fidem adhibeat. Hinc animorum insequuntur alienationes, cum etiam subditus obseruat Superiorem hac diffidentia laborare.

Iam qui assuescunt talibus, non procul à ruina sunt: crescit enim hoc studium celandi res omnes Superiorem, & à leuibus initiis, & ab vnus generis rebus itur ad magna, & omnia: atque hinc machinationes clanculariæ, subdoliæque consilia sua tegendi ac explicandi rationes; & ut Superiorum oculos fugimus, ita paulatim etiam sociorum, à quorum conspectu nos nostræque subducimus. quæ res plurimum infelici exitu finiuntur.

Neque ferè quidquam aut Superioribus, aut sociis magis ingratum euenire solet, quàm callidæ hæ circumuentiones, ac simulatæ agendi rationes, fraudibûsque tanquam nebula intectæ, cum alia omnia, quàm agimus, simulamus.

Nec quisquam faciliè cum eo cotlascis, quem

LIBER III. CAP. XXX. 417.

quem deprehendit occultis molitionibus inhaerere ; vt non iam Superioribus tantum , sed omnibus omnino incipiat talis esse grauis , fugiantque huius familiariorē consuetudinem : cū ferē tales quō magis consilia sua tegant , eo in aliorum vitam morēque diligentiores scrutatores , grauiorēque censores sint. omnibus proinde ingrati , sibi etiam cum perpetua hac regendi sollicitudine graues , periculūque innumeris expositi , quid expectent , nisi inter hæc discrimina infaustum exitum?

Neque vlli maioribus aut fraudibus , aut periculis obnoxij sunt , quā qui consilia resque suas tanto studio ac molimine Superiores celant. Nec erit hoc difficile in omni rerum genere ostendere , maximē vbi variæ tentationes animum pulsauerint , & non leuia à talibus vulnera aut expectentur , aut data acceptaque fuerint ; nec Superiori tanquam parenti & medico morbum retegimus. Quid enim hīc timeri aliud potest , quā ē proximo interitus ? Et tales ferē fidentiū cum externis , quā cum Superioribus agunt : consilia sua aperiunt illis , celant Superiores , ac proinde magis iuncti sæcularibus , plus etiam referunt sæcularis quā religiosi spiritus.

Accedit , studium hoc vnum esse diaboli , qui in id vires , quas habet , exerit , vt celentur nocitura , morbus tegatur , vulnera non explicentur , discrimina , & quidquid merito

## 428 MEDICI RELIGIOSI

meritò timeri malorum potest, alto prematur silentio. Illud nimirum illi sapiendi commodissimum tempus est, cum quasi alto somno consopitis custodibus, nudata iacent castra, propugnatoribus viduata: quod fit, cum Superiores fiducia pleni, periculorum, subditorum sibi, ignari, malis indormiunt.

Et sanè Superiorum etiam vigilantiam fallere perfacile est humani generis hosti, quando inferiorem ad noxiam taciturnitatem, priuatâque consilia induxerit. quæ res in vnius capitis discrimine non consistit: quærunt enim ferè tales, & inveniunt eos, qui paribus tenentur malis; crescitque exinde è communicato noxio consilio morbi malignitas, ac in manifestam tandem erumpit pestem: sequunturque toti nonnunquam Ordini erubescenda. Ita à non magnis initiis ad maxima damna decurritur, & ad machinationes in instituti euerfionem natas descenditur.

Signum verò celandi hoc studium, inglorij & vilis animi est, cum per fraudes quærimus quod per virtutem qua caremus negatum est. sequitur familiare vitium, virtutibus suis diffidentium, mendacium, viro indignum; quo magis Religioso? ingens deinde inconstantia, iuxta illud Apostoli: *Vir duplex animo inconstans est in omnibus vijs suis.* qualem necesse est esse omnem illum qui per occultas machinationes res suas stabilire cogitat, serpentum more, qui

*Iac. I.*



LIBER III. CAP. XXX. 429

qui se prius in latebras condunt, quàm cogitatum virus explicent. Fugiet hæc vir Religiosus, metuens illud Sapientis: *De Eccli. 5.*

*uoratio pessima super bilinguem.* vt meritò talis destituatur à Domino, & in peccati pœnam, in interitum relinquatur. cùmque infelici euentu callida consilia sua claudì viderit, mœroribus obrutus contabescat, miserrimàmque per ærumnas vitam trahat. Et certè quicumque hoc vitio tenetur, eum necesse est, aut pertinacissimi ingenij esse, aut de virtute sua præfidentis, aut de aliorum prudentia integritatèque diffidentis, aut insigni fastu & arrogantia, aut aliquid machinari improbandum, quod latere vult alios, & in quo testem crubescat. quare & in perpetuo versatur metu, continuàque pulsatur sollicitudine, ne consilia prodantur, ne profiliant in apertum fraudes, ne retegantur doli. Sanè non nisi à Diabolo occultatio hæc consiliorum venit. tenebrarum ille & anfractuum auctor est, vt in fraudem incautos ignaròsque malorum trahat: Dei consilia in luce versantur, noctem oderunt, diei amica, inimica tenebrarum sunt. amabit hæc quicumque Deum amat; certus ab illo nihil posse in fraudem & interitum nasci: fugiet illa quicumque salutem amat, certus à Diabolo nil posse in salutem proficisci; nihil sperari;

non enim otiosum est cor. *Rema*

*Remedia.*

**S**eria in omnem partem excubatione in Superiore opus est, ut si quid deprehenderit clanculariæ molitionis, ad radices excindat, quin adeò cum semine illas ipsas euellat. si quæ etiam secreta frequentiaque colloquia, & ab aliis semota, aut in tempestiuis horis & locis habita; refecet ut noxia, mutuaque animorum coniunctioni aduersantia; eliminetur è domo sua quidquid clandestinas conventiones sapit, quidquid à publico candore abducit.

Frequens cogitatio incommodorum, quæ ex hoc vitio nascuntur, maximè cum exempla nobis proponimus illorum, quibus hæc agendi ratio infeliciter successit.

Ex nostro dein iudicio si metiamur aliorum, facilis victoria erit, cum ob oculos posuerimus aliquem hoc malo tactum, damnabimus indubiè, fugiemusque illam consuetudinem perpetuas veriti fraudes. idem proinde nobis euenturum si cogitemus, facile ab hisce semitis pedem retrahemus. magis etiam iuuabit infelices horum exitus cogitare, damnæque ingentia ex hoc malo nata.

Iam si considerauerimus, quantis discriminibus hæc res obnoxia sit, cum propriis consiliis fidentes, vias decurrimus minus tritas, & Religioni aduersas, obedientiæ inimicas; non magno negotio malum hoc  
vira

LIBER III. CAP. XXXI. 431

vitabimus. Neque enim in humanis quidquam ad fugam, vitiationem & horrorem certius est, periculorum & incommodorum commemoratione. Quid enim grauius Religioso, quàm semper in metu esse, ne consilia, quæ recta desiderat, innotescant aliis, aut Superiori? quod ubi euenerit, ingens diffidentia in omnibus enascitur, quæ nulla potest arte, aut candore eximi potest. Semel enim concepta huius rei opinio, propè perpetua est: vt ferè necesse sit loci mutationem cogitare, vnicumque adeò propè remedium hoc est, quod à Superiorum, locorum sociorumque mutatione sumendum est.

Fortibus. deinde penitentiis insistendum erit Superiori, vt & delinquentes iuventur, & reliqui à similibus terreantur.

Cogitandum deinde sæpe, quid sperari ex hac re possit, quid timeri. minimarum rerum spes, ingentium timor est. tutiora certioraque prudens eliget.

---

CAPVT XXXI.

*Simulata amicitia. Occulta odia.*

**S**apientis verba sunt: Homo qui blandis fit. *Prou. 29.*  
*Et sic, sermonibus loquitur amico suo, rete expandit gressibus eius. Indignum homine, ac multò etiam magis Religioso vitium hoc est,*

est, & aulicis moribus adnatum, nec aliud, quam proditorium nomen meretur. excrandum omnibus, ac in vltimas terras ablegandum. neque enim parcat vlli, ac ne parenti quidem, quem hæc humanæ associationis foderisque pectus occupauit. indignissimus Christiano nomine, dignissimus quem omnes presentissimis venenis nocentiorum detestentur ac fugiant. nam quis huius fidei se suauē credat? & opatior hostis est, qui aperta bella mouet, à cuius ferro tutari te potes. arma namque armis contineas, & enseni ense reprimas: à domesticis hostis insidiis quis nos defensabit? maximè dum sub amico vultu hostilem regit animum; fetta vino miscens, & electibilibus quibusque cibis venena temperans. Cuius tanta prudentia est, vt in explicata benignaque fronte, ore ridente, blandè ludentibus oculis, inimicam mentem videat? Etiam sapientissimus capietur his lacrymis, nec effugiet insidias mentientis amici. & vita hæc longè omnium miserrima est: cum nescias cui fidas: plena hinc omnia suspicionibus. nusquam exporrectus animus, & regia gradiens via: timoribus natant pectora, perpetua anxietate grauida, nam aut inimicum præferunt ora verbâque, & iusta timoris causa est: aut loquuntur amicum; & terrent te hostiles animi, amico velamine tecti. ita dum nusquam fides, in æterno versamur metu: pendula semper dubiâque mente, vnde

LIBER III. CAP. XXXI. 433

mœrores & melancholia quædam enascitur. Fraudibus deinde replentur omnia, mutuûsque cadimus insidiis. euanesceat vniuersum Religionis spiritus, candidus & simplex, & in aperto ad lucem habitans: succedunt doli, aulici mores, incerta consilia, nebula ubique & densæ noctes, & nouacula spongiâ tecta. Et sanè verissimum illud Sapiētis est: *Meliora sunt vulnera diligētis, quàm fraudulenta oscula odientis.* *Prou. 27.* illa in salutem, hæc in mortem eunt.

Si inferior morbo hoc laborat, præcipit sibi, damna Religioni parat: neque enim talis ægritudinem suam explicabit Superiori, aut ægram reteget mentē ruinæ proximam. vnde fiet, vt imperaturus sit illi Superior in interitum illius, & in Religionis totius dedecus itura. quod si in latentium sub benigno vultu odiorum cognitionem Superior venerit; ingens animorum nascitur alienatio, auersaturque hunc vt familiæ pestē, vt Religionis portentum, vt domesticæ pacis turbatorem, alienæ virtutis oforem.

Si Superiorem malum hoc occupaue-  
rit, misera inferiorum conditio est. non tu-  
tò illi quidquam, aut tanquam patri com-  
mitti potest. & quis sua credet hosti? sus-  
pecta deinde illius verba, consilia, imperia,  
dictaque factaque sunt omnia. consequi-  
tûrque vt ne quidem cum verum dicat,  
sincerôque patriôque suos prosequatur  
affectu, fidem inueniat; cum semper ve-



reantur, ne verborum blanditiis odia, & hostiles integantur animi.

Plurima deinde mala ex hac simulata & e mentita amicitia profiliunt: mutuorum hinc dictorum factorumque nascuntur obseruatores, grauesque censores, occulti nominis boni famæque detractores, secretorum violatores, domesticæ quietis turbatores, odiorum seminatores, infidarum mentium auctores, oblocutionum & in Superiores conspirationum propugnatores, ducésque ad illa, alienæ virtutis improbi æmulatores, ingratitude principis & ductores. Inde fit, vt omnium à se animos alienent, odia prouocent; nec minùs hos quàm certam Religionis pestem & venena auersentur; fugiant vt mutux charitatis hostes iuratos, vt amicitix proditores, vt violatæ coniunctionis incentores, inuidentiæ impulsiores, vt Religiosi roboris fallaces substructores & eueriores, omniùmque propè malorum causam.

*Prou. 3.* Grauitèr in hos inturgit Sapiens: *Ne moliaris amico tuo malum, cum ille in te habeat fiduciam: quia abominatio Domini est omnis illusor, & cum simplicibus sermocinatio eius.* Fortiter in hoc vitium quod Israëlèm occupauerat insurgit Ieremias: *Unusquisque se à proximo suo custodiat, & in omni fratre suo non habeat fiduciã: quia omnis frater supplantans supplantabit, & omnis amicus fraudulenter incedet, & vir fratrem suum deridebit, & veritatem non loquetur*

## LIBER III. CAP. XXXI. 435

loquentur. docuerunt enim linguam suam loqui mendacium, ut iniquè agerent, laborauerunt. habitatio eius in medio doli. sagitta vulnerans lingua eorum, dolum locuta est in ore suo: pacè cum amico suo loquitur, & occultè ponit ei insidias. nunquid super illis non visitabo, dicit Dominus, aut in gente huiusmodi non ulciscetur anima mea?

## Remedia.

**A** Seuera in tales punitione petenda sunt. Nihil hîc parcendum. functionibus omnibus excludendi, vilissimis occupandis; seriò monendi, proposita delicti. huius fœditate. ablegandi ad probationis domum, vt nouum à Tyronibus spiritum hauriant. A familiaritate illorum reliqui deterrendi, iuniores maximè, quorum molliores animi faciliè hac contagione capiuntur: dandâque opera ne quis illis familiarius adhæreat. irrepunt suauiter, nec antè venena sua iactantur, quàm alterius obstrictam sibi mentem teneât. iniuriis proinde resistendum, & præscindenda omnis consuetudo est.

Qui verò malum hoc ab alio patitur, si decurrat cum magno Iob ad Dominum, sequatûrque in omnibus consilium illius, errare non poterit. habet enim magnum ex se doctorem. *Qui deridetur ab amico suo Tob. 12. sicut ego, innuocabit Deum, & exaudiet eum: deridetur enim iusti simplicitas.*

T 2 Iuu

# 436 MEDICI RELIGIOSI

Iuuabit priuatis monitis prouiores in hoc malum serio seueréque monere; minis etiam adhibitis, grauibúque in transgressores pœnitentiis, quò & emendentur prauaricatores, & reliqui terreantur.

Quòd si eruperit malum, & in reliquorum domesticorum cognitionem uenerit, arcendi ab aliorum familiaritate erunt, excludendúque à reliquorum consuetudine. palamque grauitè in hoc vitium infurgendum, damnis propositis.

## CAPVT XXXII.

### *Secretorum violatio.*

**I**Nimica hæc omni bonæ gubernationi est, ad quam necessaria est tenacissima secretorum obseruatio: cuius violatione res ferè maxime, regnaque perierunt integra: ut meritò quis dixerit, euentendis imperiis rebúque natum malum. Ita hostilium consiliorum cognitio inter prima feliciter imperandi documenta merito ponitur. hinc etiam secretorum violatio inter maximè imperiis noxia, & inter lasæ maiestatis crimina adnumeratur.

Neque potest diu feliciter gubernatio consistere, nec fortunato terminari exitu, quæ tacenda prodit: planè ut nihil sit tam inimicum bonæ gubernationi, tam pestilen-

lens, quàm silenda vulgare; cùm vna sæpe agendarum rerum prosperitas à silendorum tenacitate dependeat. Vulgasti? perit bene gerendi rei occasio; & elapsa non raro manibus præda est, verbo vno aut altero intempestiuè prolato: imperiaque non postrema iacent, ad cineres in ludibrium magnorum improvida secretorum violatione deducta.

Neque vilo modo ad gubernacula ad-mouendus, qui femineo hoc vitio laborat. Viri est franos linguæ iniicere, laxare mulieris. & antè vitam ponere, quàm concredita retegere, viri est imperio nati: effugire commissa, muliebris ingen j est, & ad colum & acum nati. Nā quid ab eo spes res, cui nihil tutò credi potest? qui cōsilia in fronte & manibus ferat? patère fors poterit, imperare non poterit. Verum in eis illud Sapiētis est: *Sicut vrbs patens, & abs-* P. cu. 25.  
*que murorum ambitu, ita vir qui non potest in loquendo cohibere spiritum suum.*

Nulla deinde sincera reddendæ conscientia ratio sperari potest: à qua tamen vna magna pars bonæ gubernationis pendet, vt sine qua prudens tutâque gubernatio non diu consistere possit.

Nemo deinde cuiquam tutò quidquam crederet, nemo vulnera, pericula, morbos, malâque sua aperiet. nam quis arcana credat, animique vulgandos morbos? quis quæ sæpe pudor vel cogitare erubescat, vt quozum vel memoria sine rubore non trans-

## 438 MEDICI RELIGIOSI

eat, enulgori committat? ut iam in omnium oculis versetur, quod proprios etiam oculos pertimescebat. & imprudens merito habeatur, qui abdita mentis pectorisq; illi credat, de cuius silentio merita suboriri dubitatio potest.

Sed neque solida vlla amicitia stabit, nullus amor vitio hoc imperâre: cum omnem mutæ benevolentiaë fiduciam tollat, cui amor omnis innititur.

Occasio deinde non vltima, secreti violatio est, politicè agendi, aliudque verbis, aliud inclusum pectore tenendi: cum violationis huius metus aliorum verba cogat flectere: nam quæ sinceritas sperari potest, ubi perpetuò refectionis adstat timor?

Gravis etiam hinc turbarum causa, cum sæpe ob noua aliqua enata, aut minùs antè prouisa, minùsque notà, cogantur Superiores sententiam mutare. quod, ubi res prodita, aut non sine vitio quodam incōstantiaë, aut cum aliorum ingenti turbatione necessum est fieri: aut sanè necessitas quædam Superiori imponitur in minùs tuta prolabendi, ne aut externos, aut suos offendar, aut animorum in se alienationes prouocet.

Accedit, tales vsu quodam & quauis effutiendi consuetudine, externis etiam intima quæque domus aperire. hic pœnitenti sibi mulierculæ, ille familiari sibi viro; quæ domos denique peruagantur & oppida: quin & defectus animorumque va-



ria propensiones, delicta vitiaque, si quæ sunt, seu vero, seu falso non raro adscripta, Superiorum decreta, monita, & quidquid demum priuatis æternum claudendum parietibus erat, ostiatim ac plateatim decurrit. tantum potest praua consuetudo; vt quæ vel sanguine firmanda forent. spargamus ac propalemus primi; ac tanquam semen Chanaan, & deteriores etiam filij. dedecorantes matrem, prospectandam ridendamque præbemus alijs. quæ res eo grauior est, quo minima etiam Religioris, maxima apud externos habentur: eò magis, quòd in immensum res illæ crescant, nec per vnus ora, sine insigni aliquo augmento transeant.

Sequuntur deinde ex hoc capite detractiones plurimæ, nulla postea penitentia aut lacrymis eluenda; adhærentque adhuc constanter firmiterque, vt nullis virtutibus eruere conceptam semel de se opinionem queant, qui passi sunt hæc linguæ mala. Nimirum vt videamur fidere externis, vt amari se sentiant, vt in mutuam illos fiduciam affectumque impellamus, vt sentiant se hac narratarum rerum prærogatiua donari, effundimus etiam in virgines & matronas beneficas domestica propè omnia, mores omnium. ea interim fiducia sumus, vt celanda hæc arbitremur. fallimur, nulla est, quæ non vnā plurisque amicas habeat, in cuius sinum muliebri more profundat omnia, vel hoc etiam so-

## 440 MEDICI RELIGIOSI

lo nomine, vt sent ant aliz, quo apud confessorium loco sint, quibus domestica omnia tanquam domesticis credantur. Sanè quisquis prudenter vitam instituit, certò sibi persuadeat, nihil adeò grande & perenni silentio premendum, etiam in ipsa confessione, cuiusque committi mulieri, quod non aliquando vulgandum sit, vt ille prudens sit, qui nihil illis credit, ne in secretiore quidem sanctissimæ confessionis tribunali, quacunque præcautione spõsionibusque firmatum, quod non certò sibi persuadeat, tanquam tympanis ac tubis decantandum aliquando in foro & compitis. Illa proinde dicit vir prudens, ad quorum propalationem non erubescat: neque enim talis facilè labetur in pœnitenda, aut se noménque suum animúmque periculis exponet grauioris mali, aut committeret quæ vel leui quadam indignatione, vel innata naturæ inconstantia, vel alterius solertia, vel noua veterive amicitia & familiaritate pelleret: quæ nec mala quidem sua delictaque diu premere didicit, maximè si ab alia paribus fiducia narrationibus prouocetur.

*Remedia.*

**G**rauis punitio illorum, qui in hoc muliebri vitium cadunt: qualis est, remotio ab omni munere, nulla consiliorum agendaúmque rerum communicatio, ab-

legatio

LIBER III. CAP. XXXII. 441

legatio etiam ad alia loca minùs cognitioni commoda, ac proinde minùs etiam secretorum violationi obnoxia.

Seriæ pœnitentiæ, etiam publicæ, quando res in aliorum cognitionem venit, publicæque reprehensiones acres.

Frequentia & seria monita, quotiescunque vel in minimo peccatum est: ita ut nunquam in hoc vitio parcat, aut dissimulatione delictum prætereatur. Sciat se observari qui hoc malo laborat, & nunc amore, nunc pœnis, nunc proposita rei indignitate terreatur.

Consultam fuerit, si alij horum consuetudinem fugiant, sentiântque hoc qui huic se vitio dederunt. pudor & verecundia magnum incitamentum victoriæ est. Sciant hoc malum latere non posse. prodit se ipsum, & propalatione sui improbitatem aut imprudentiam ostendit. Monemur hîc à

Sapiente: *Qui ambulat fraudulenter, reuelat arcana: qui autem fidelis est, celat amici commissum.* ut arcanorum reuelatio à fraudulenta & infida plurimum mente proficiscatur: fidelis enim commissâ concreditâque sibi alto premit silentio: qua enim fide ab amico rem accepit, eadem seruat. credit ille, & in huius sinum reposuit? non fallit si amat, si committentis affectui respondet. si prodit, amicus non est. fallit, infidus est. nihil illi proinde credendum. nam ut inimicus non sit, ingenti laborat imprudentia, pertuso similis vasi. quis sapiens

PROV. 12.

442 MEDICI RELIGIOSI  
piens vina sua huic committat? quis con-  
silia proditori: proditor omnis commisso-  
rum violator est.

### CAPVT XXXIII.

*Insidus animus. Alieni explorator,  
& delator.*

Vicinum Superioribus vitium, & fere  
à placendi studio natum. deterius est,  
quando à nocendi libidine nascitur. pri-  
mum ab amico aut patrono gratificandi  
desiderio provenit. cum enim vident ali-  
quid inter amicum & alium æmulatio-  
num, aut mutuarum suspicionum interce-  
dere, idque è muneris siue iam parti, siue  
sperati quadam corruialitate; miscent se  
hi medios, amicitiam simulant, gratiam  
venantur. inde ubi se in illam sinuauerint,  
partis maximè oppositæ delatione, gratif-  
que quibusdam detractionum relationi-  
bus, perfacile ab animo verborum his acu-  
leis exulcerato extorquent ea quæ non iu-  
cundum sæpe audire est priori illi amico  
aut patrono; maximè si consilia proposi-  
tæque menti fines subdola hac beneuo-  
lentia ostentatione intellexerint, aut si  
quid in alium dictum scriptumve acer-  
bius. quarum rerum omnium explorator  
ille & dux & auctor fuit, fallaci quadam  
maledicentia, simulataque calumniatione  
alterum

LIBER III. CAP. XXXIII. 443

alterum in paria prouocans; maximè si patroni illius sui in hunc criminationes falsò licet recensitas, & à se excogitatas retulerit, quo tanquam stimulo in indignationem primùm illum impellit, inde etiam in conuitia, simulata semper inimici in altero, amici verò in hoc persona.

Et ferè vsu venit, vt deteriora referant, plurimàque de suo misceant, ad prioris illius pectus potentiùs exacerbandum. validam odiorum causam subministrantes, conceptasque priùs animis scintillas, in ingentes ignes noxiis his infidissimi oris flabris excitantes.

Sin non tam placendi vni, quàm nocendi alteri studio hæc retia tendantur, detestandi etiam magis sunt, vt quos solum odium ad has fraudes impulerit. quod non tam humanæ mentis, quàm diabolicæ crudelitatis vitium est; maximè cùm in innocentem, nullàque illius hostilitate prouocati, effera nocendi libidine in aliena damna rapimur, idque beneuolentiæ quodam mantello tecti; tanquam saporato pulmento toxica miscentes. ad quæ proiectissima scelera nemo Religiosus venit, nisi omnem antè Religionis spiritum exuerit, vindicisque Dei timorem excusserit, factus sibi ipsi improbitatis dux & magister.

Sequuntur ex his initiis mala innumera. ac inter prima lethale Religionibus omnibus detractionis vitium, non fortuitò, aut linguae quadam incontinentia, aut à prauo



#### 444 MEDICI RELIGIOSI

habitu natum, aut aliorum narrationibus prouocatum; sed ab insigni maleuolentia & præcogitatione, ac præmeditata improbitate profectum. quæ res veniam nullam meretur, nec sat graui poena puniri potest: soluit enim omne humanæ coniunctionis commercium, omne mutue charitatis vinculum, omnem fraterni affectus necessitudinem, omnem Religiosæ domus tranquillitatem, omnem spiritualis amoris nexum, omne fiduciæ robur.

Succeduntque illorum loco, nullo ingenio, aut arte reparanda damna: in verbis factisque pulsa securitate trepidatio: in omni etiam familiari colloctione, candore fugato, fraudum anxia sollicitudo; ac tanquam inter inimicas acies versanti, attonitus quidam timor: quaque parte infidiis septo, hostilis quidam metus. nulla hæc læta dies, nullum gaudium explicatum; ponderantur tanquam in trutina verba singula, & in omni oratione retia & compedes circumspicimus. iam & incessus ipse & inambulationes nescio quid metuendum contineant. dumque omnis fiducia fidēsque exulat, taciti contabescunt animi, ac quasi in saxa ac rupes congelascunt.

Miscia omnino vita, & non hostium acerrimis vouenda: vt extrema præligēda pauperies, vincula sint & carceres inter lætum hilarēque panem & aquam, quàm inter orbis delicias ac diademata ad om-

nem

nem congressum verbâque mens attonita,  
 dubia, infidiis beneuolentiam mēientium  
 circumsepta, perpetuâque suspicionum  
 æstibus, tanquam decumanis fluctibus ia-  
 ctata, vt infelicissima in continuis tempe-  
 statum harum circumuolutionibus omni-  
 que acerbior morte censi vita debeat.  
 Tales sunt quorum ineminit Ecclesiasti-  
 cus: *In labiis suis indulcat inimicus, & in* **Eccli. 12.**  
*corde suo insidiatur vt subuertat te in fo-*  
*seam. In oculis suis lacrymatur inimicus: &*  
*si inuenerit tempus, non satiabitur sanguine:*  
*& si incurrerint mala, inuenies eum illic*  
*priorem. In oculis suis lacrymatur inimicus,*  
*& quasi adiuuans suffodit plantas tuas. Cap-*  
*ut suum mouebit, & plaudet manu. De ini-*  
*mico amicitiam simulante hæc verba, cu-*  
*ius cum distillent labia fauum, mellâque*  
*fundant, lacrymæque amorem testentur,*  
*hostilitatem facta loquuntur. de quo il-*  
*lud verè: Dens putridus, & pes lassus, qui* **Prov. 25.**  
*sperat super insideli in die angustia, & amit-*  
*tit pallium in die frigoris. Sicut enim ara-* **Eccli. 12.**  
*mentum aruginat nequitia illius: & si hu-*  
*miliatus vadat curuus, adyce animû tuum,*  
*& custodi te ab illo. Non statuas illum penes*  
*te, nec sedeat ad dexteram tuam: ne fortè*  
*conuersus in locum tuum, inquiret cathed-*  
*ram tuam. talis etenim est amicus secundum* **Eccli. 9.**  
*tempus suum, & non permanebit in die tri-*  
*bulationis: est amicus qui conuertitur ad ini-*  
*micitiam: & est amicus, qui odium & rixam*  
*& conuitia denudabit: est amicus socius*  
*mensæ,*

# 446 MEDICI RELIGIOSI

*mensa, & non permanebit in die necessitatis. Excitabit etiam tribulationes, nec parceret animæ morienti, nec iacentis sanguini. impinguatur namque aduersis, & ridebit in interitu aliorum, omni bellua crudelior.*

**Prov. 16.** *Lactat amicum suum, & ducit eum per viam non bonam, viam insidiarum & mortis. & dum amicum simulat, hostilia in incauto exequitur. bis sceleratus, simulatione & fine.*

**Prov. 26.** *Et sicut noxius est qui mittit sagittas & lanceas in mortem: ita vir qui fraudulenter nocet amico suo: & cum fuerit deprehensus, dicit, Ludens feci. nimirum ludit in amico sanguine. hoc solo iudicio suo infelix, quod cogitata ad optatum animo suo exitum deducere non potuerit. nec finem tamen improbitati, nisi in suo aut alieno sanguine statuet. Hic exitus infidæ mentis. perit, aut perimit: & miserando exitu amici, aut infelici suo, infidum animum signat, Deo hominibûsque iuxta inuisus. de quo illud Prophetæ dici potest: Va qui profundi*

**Isaie 29.** *estis corde, ut à Domino abscondatis consilium: quorum sunt in tenebris opera, & dicunt, Quis videt nos, & quis nouit nos? peruersa est hac vestra cogitatio. quasi si lutum contra figulum cogitet, & dicat opus factori suo, Non fecisti me; & figmentum dicat fictori suo, Non intelligis. Profundi cordis omnis infidus est alieni obseruator & substrutor. ac licet fraudulenta consilia sua apud homines tegat, Deum habet cordium scrutatorem, qui educet e tenebris insidias in prox*

LIBER III. CAP. XXXIII. 447

proximorum perniciem structas. quem si cogitarent inspectorem & vindicem, non descenderent ad noxias has fraudes, tanquam si machinationum harum nullum aliquando habituri essent discussores, nullum iudicem. audiant Sapientem: *Beni- Sap. 1.*  
gnus est enim spiritus sapientia, & non liberabit maledicum à labijs suis: quoniam renum illius testis est Deus, & cordis illius scrutator est verus, & lingua eius auditor. quoniam spiritus Domini replevit orbem terrarum: propter hoc qui loquitur iniqua, non potest latere, nec prateriet illum corripiens iudicium. In cogitationibus enim impij interrogatio erit: sermonum autem illius auditio ad Deum veniet, ad correptionem iniquitatum illius. Custodite ergo vos à murmuratione, qua nihil prodest, & à detractioe parcite lingua. quoniam sermo obscurus in vacuum non ibit, os autem quod mentitur, occidit animam.

*Remedia.*

**A** Vitij huius scelerate & gravitate petenda: quam à communi mortalium omnium sententia mutuare possumus. qui licet proditores non raro bono suo venentur & probent, & pretio etiam parent, proditores tamen execrantur: quorum infame omni retrò ætate apud omnes nationes, omnique sæculorum memoria nomen est. quodque vnaquæque generosior gens est, hoc proditoris nomen maiore

# 448 MEDICI RELIGIOSI

maiore in horrore habet. venalia nimirum  
alieni honoris, gloriæ & commodorum  
mancipia, indigna quæ hominis nomine  
censeantur, quo magis ab omni Religione  
eliminanda? Monemur sic à Sapiëte: *Noli  
Eccli. 37. consiliari cum eo qui tibi insidiatur, & à ze-  
lantibus te absconde consilium. & Ei qui  
Prou. 20. reuelat mysteria, & ambulat fraudulenter,  
& dilatat labia sua, ne commiscearis.*

Fouendus contra fidus animus, qui nec  
proposita morte alieni proditor fiet. ta-  
lem quicunque nactus fuerit, inter verti-  
cis sui gemmas primam statuatur, colâtque  
vt cælo datum, obseruet vt oculi pupillam,  
benefaciat vt animæ suæ, intimæque sibi  
familiaritate iungat: rarissimus enim ho-  
rum vsus, ac inter millia vnus aliquando,  
aut alter, quo studiosius querendi, fouen-  
di, tutandi sunt. vt videant qui contrarij  
virtuti huic tenentur vitio, quanta sit fidi  
pectoris prærogatiua. omnibus hoc opi-  
bus regnisque præstat: parari enim hæc  
industria laboréque possunt; animus fi-  
dus, secreti tenax, nulla mercede aut tor-  
mentis vincendus, à solo cælo sperari de-  
bet. amicus fuit in prosperis? magis etiam  
erit in aduersis. steterit inter secunda? non  
cadet inter aduersantia: quin fortius fir-  
mabit gradum; & ostendet se non purpu-  
ræ aut fortunæ, sed amico natum, cum  
quo per aduersantia lterior ibit, quam sine  
illo in gloria. Serpens nimirum, sitis, ardor,  
arena, dulcia amori sunt. propone diade-  
mata:



## LIBER III. CAP. XXXIII. 449

mata : contemnet , si prodendus amicus  
 est. opes & honores : ridebit , si alieni ex-  
 plorator delatorque esse iubeatur. sponde  
 plena manu voluptates : nulla illi maior  
 voluptas est , quàm pro fidei firmitate ac  
 tuitione vitam proicere. deince functioni-  
 bus omnibus , exue muneribus , ad extre-  
 ma terrarum populorùmque relega , indue  
 compedibus : gaudebit , si pro fide , & ne-  
 gata proditione patiaturs , & dulce ducet  
 pro tam bona causa pati : imò si destitua-  
 tur ab amico , & hostem patiaturs ex amico ;  
 stabit tamen in gradu , nec semel datam  
 fallet fidem ; & hostilitatem hanc errori  
 tribuet , commiserabiturque amico tan-  
 quam è febribus phrenetico & mente ca-  
 pto : morboque inimicum hunc ex amico  
 animum tribuet , non homini. ac nec in-  
 iuriis quidem damnisque prouocatus , aliud  
 quàm commiserationem reponet , qualem  
 solemus mania laborantibus. Beatus qui  
 hunc nactus fuerit : non epim quidquam  
 in hac vita voueri aut concedi potest  
 optatius aut maius , quàm si nactus ali-  
 quem fueris , in cuius sinum tutò reponas  
 quidquid animo habes malè , quidquid  
 bonè , securus de fide , certusque de custo-  
 dia. Bene Sapiens : *Amicus fidelis , prote-* *Ecclesi. 6.*  
*ctio fortis : qui autem inuenit illum , inue-*  
*nit thesaurum. Amico fideli nulla est com-*  
*paratio : & non est digna ponderatio auri*  
*& argenti contra bonitatem fidei illius. ami-*  
*cus fidelis medicamentum vite & immorta-*  
*lita*

CAPVT XXXIV.

*Ingratus animus, beneficiorum immemor.*

**D**Eo hominibúsq; inuisum malum :  
quod cum in omni hominum genere  
detestandum sit, tum multò maximè in Re-  
ligioso, & mitior longè aperta hostilitas  
est. Nam quid magis cum ratione pugnat,  
quàm cui benefeceris, pati inimicum? &  
omni hoste acerbior ingratus est. nam ini-  
micum amulum suum auersari nihil no-  
uum; odio etiam prosequi, cum mutua sæ-  
pe damna data & accepta, sat ampla odio-  
rum causa intercurrent, nemo miretur. at  
post beneficia accepta datæque, in benefi-  
cium largitorè insurgere, & pro beneficiis  
odía detractionesque reponere, belluæ ve-  
rius, quàm hominis est.

Ingratitudinem verò vitia plurimùm  
reliqua sequi, experientia nos docet. ne-  
que enim illa intra solius nudæque ingra-  
titudinis limites se continet: prosilic ferè  
ad odia, famæque ac bonæ æstimationis  
diminutionem, dictorum factorumque  
sugillationes. Semel enim verecundia ex-  
uta, ne ingratitude ab aliis damnemur,  
decurrimus ad acceptorum beneficiorum  
extenuationem. inde etiam damnamus  
donatorem, merita nostra extollimus, dona  
de

## LIBER III. CAP. XXXIV. 451

deprimimus. quòd si magnitudine sua celari dona & beneficia non possunt, aliò donatoris mentem torquemus, & suis illum commodis, non nostris dona contulisse contendimus: vt cùm rem non possumus, mentem damnemus. ita sagaci ingratitude inuolamus in amicos. Inde iam in apertas dilabimur detractiones ac hostilitates: ac primò apud vnum alterúmve, tandèmq; pudore exuto palàm in omnium oculis.

Fœdum in Religione vitium. & ferè reperiès pari hos ingratitude ab aliis percuti, qua in Superiores benefactorésve suos sæuierunt: plerumque etiam mœoribus opprimi, ac melâcholia quadam exedi & extingui. nam cùm benefactores à se auerterint, nec quisquam se illis suâque credat, fidat nemo, imò quisque consuetudinem familiaritatémque fugiat; sit vt contabescant malis, sibi aliisque graues.

Qui si Superiores sint, non facilè suorum animos possidebunt: neque quisquam tali duce ad pericula decurret, nemo vltro labores suscipiet, nemo gaudens sudorem fundet, quem scit ingratitude munerandum. nulli ad ardua mens stabit, aut ad generosa manum porriget, quam didicit non vacuam tantùm remittendam, & nullo dignandam præmio, sed insigni aliqua ingrati animi testatione feriendam. hinc pro laudibus, & beneuolentiæ signis, sicciore inferior pumice, satyróque quodam

452 MEDICI RELIGIOSI

dam dente pronunciata verba referet, aut indignantem etiam orationem, factaque, clara & illustria licet, deprimentem. quibus modis etiam probissimorum, & ad labores promptissimorum animos exasperant. Ingrato enim benefacere durum, sudoremque ingratitudine siccanti ac detergenti profundere graue est. inuitos proinde ac reluctantes suos ad ardua quæque reperiunt.

Si inferiores hoc malo tenentur, omniū à se Superiorum animos auertunt, alienissimoique experiuntur, ac dissidentia pleenos, nec quidquam laude aut gloria dignum magnūve committentes: nullorum etiam consiliorum participes faciunt, nullaque familiaritate dignantur: nulla præmiorum munerūque prærogatiua condecorant. nam quis ingrato aut se, aut sua credat, aut beneficiis obstringat, quem nulla munificentia vincit, nulla liberalitas molliat? obduruit nimirum frons illius, & durior ferro beneficia repellit, & in auctorem pro munere conuitia retorquet.

Nulla deinde apud ingratum secreta firmitas. abdicissima quæque propalabit. nihilque tam sanctum, à quo veneratione tactus abstineat. gaudebit etiam creditorum sibi refectione, & inuidia duce, ad recondita quæque protendet manum, felicemque se æstimabit, si quid muneratoris sui erubescendum vulgauerit. hostem credas in inuidiæ scelere lætabundum, ac tantam

quam

LIBER III. CAP. XXXIV. 453

quam parta ex inimico victoria triumphantem. ut, si delectus detur, hostem longè præ ingrato diligas. nam ut ille acerbissimus sit, sanguinisque tui sitientissimus, beneficiis tamen vinces. nec vlla re magis crudeles inimicâsque mentes, damnisque & odio efferratas, quàm beneficiis mitigabis & mollies. pergit illa exasperata furere? perge benefacere. repellit ab hostili manu munera? duplica, & vinces, sedabisque tandem sanguineam hanc sitim, frangēsque inimicos animos furore licet ebrios, deducēsque ad placidam quietem; inde in admirationem, in factorum suorum detestationem, tandemque in laudem & amorem. & cùm nolit beneficiis vinci; paria conatur reponere. quique generosa mente inimicitias fouit, odiâque sparsit; eadem mentis generositate victus, beneficia tanquam missilia iaculabitur.

Ingrato verò quanto plus benefeceris, tanto magis exasperaueris. beneficia enim illi materies odiorum sunt, non secus ac ligna oleumque flammarum materia. Nec domandi hoc pectus remedium vllum. subtrahe beneficia, litore & mororibus quidquid interni in illo roboris est, emedullabis; confer, insurget in benefactorem; tanquam si arma furenti præbeas; nega, in se sæuiet, nulli, ac ne sibi quidem amicus.

Contrà verò animo grato, ac beneficiorum memore nihil cuiquam iucundius gra



gratiusque euenire potest. Pulchrum sanè,  
 & cælo dignum certamen, animi grati cum  
 munifici largitoris beneficentia: cùm nec  
 gratitudine hic se vinci patitur, nec bene-  
 ficiis ille. gaudet benefacere generosus  
 animus, & beneficium existimat, dona pos-  
 se conferre grato. & prouocat quasi no-  
 lentes in beneficia gratus. cui etiam re-  
 nuenti plena manu generosior omnis mu-  
 nera largitur. Ingenti deinde fiducia in ta-  
 lem fertur quisquis animo erecto est, am-  
 bítque vltro amicitias, & felicem se con-  
 suetudine illius arbitratur. nec quidquam  
 tam magnum est, quod non in gratiam il-  
 lius lubens profundat, vitam etiam positu-  
 rus, si qua grauior necessitas postulauerit.  
 Nec minor in animo grato magnitudo est;  
 se suâque sanguinemque latus profundet  
 in benefactoris sui causâ, nec fortunam  
 huius, sed animum sequetur, ac in aduersis,  
 iuxta ac secundis fidem tenebit. Ingruunt  
 tempestates? vltro se illis pro benefactore  
 inuoluet. petitur huius pectus? latus op-  
 ponet suum. audit detrahentes? laudes op-  
 ponet. delicta videt? excusabit, si potest, aut  
 certè mitigabit verbis. si lenimen rei gra-  
 uitas non patitur, ingenti animi sensu mi-  
 serabitur benefactoris sui, & ad preces  
 apud Deum, lacrymâsque decurrèt; gratâ-  
 que interim memoriâ in quacunque fortu-  
 na benefactorem suum prosequetur: & vbi  
 se occasio dederit, virtutes enarrabit, de-  
 licta humanæ fragilitati tribuet.

*Remedia.*

**F**Vge ingratos animos, consuetudinem deuota, contubernio repelle, nihil crede, ne te obstrictum teneant.

Nihil quod laudem mereatur committe, vilioribus destina, magnorum familiaritatibus subtrahe, à publicis functionibus exclude.

Frequentatis sæpe per annum spiritualibus exercitiis, piorum librorum assiduis lectionibus, fortibus Præfecti spiritus monitis adiuuandus erit.

Proderit etiam si inualetudinis tempore pronam in se paternamque senserit Superioris mentem. quæ res si ingratum illius animum non flectet, à solo Deo remedia poscenda & speranda sunt. cuius sunt non aliena abs hac re apud Lucam verba: *Diligite inimicos vestros. benefacite, & Luc. 6. mutuum date. & eritis filij Altissimi: quia ipse benignus est super ingratos & malos.*

Virij etiam huius magnitudine terreri quisque merito debeat. describit eam paucis, sed fortibus verbis D. Bernardus: *In- Serm. 51. gratitudo ventus est urens, siccans sibi fontem pietatis, rorem misericordia, fluentia gratia. & de ingrato Sapiens: Ingrati spes Sap. 16. tanquam hibernalis glacies tabescet, & disperiet tanquam aqua superuacua. & mo- De verbis net Augustinus: Grati sumus ex eo quod habemus, ut addatur quod non habemus, & Serm. 16. non*

# 456 MEDICI RELIGIOSI

non perdamus quod habemus. Solet enim Deus eadem ingratis animis inferre, quæ seruo nequam suffodienti talentum domini sui: *Mat. 25.* Tollite ab eo talentum, & date ei qui habet decem talenta. omni enim habenti dabitur, & abundabit: ei autem qui non habet, & quod videtur habere, auferetur ab eo. & inutilem seruum eijcite in tenebras exteriores: illic erit fletus, & stridor dentium.

## CAPVT XXXV.

### *Nimia ad externa diffusio.*

**S**ive illa à quadam naturæ inquietudine, & necdum in plenum domito sæcularium affectu proveniat, siue ex tædio ariditatis interioris, dum in externis mens solatia quærit, quibus interiùs caret; non lene utrobique malum est. Euenire enim solet, ut, dum se totum animus in externa profundat, adhærescat etiam non cogitanti non parùm sæcularis & mundani pulueris, quibus obtenebratur spiritualis oculus, ne ea deprehendat, quæ & ipsi & Religioni noxia sunt, quæque illum paulatim à genuino & primæuo vocationis spiritu abducunt. ita à tam paruis initiis mens tota obtegitur: minimarum nimirum arenarum congestio crescit in montem, fertilisque etiam agros infœcunditate & sterilitate

## LIBER III. CAP. XXXV. 457

rilitate sua contegit. Cum enim propter *Bona. de*  
 temporis breuitatem, & diei malitiam vix *6. aluc. 7.*  
 necessarijs sufficiamus disponendis, si super-  
 uacuis & alienis volumus occupari nego-  
 tijs, negligimus utiliora & meliora: cum  
 distractus animus ad plura, sit minor ad sin-  
 gula prouide peragenda. Inde fit aliquoties,  
 cum Pralati & Ecclesiastici nimis se exte-  
 rioribus occupationibus implicant, adificio-  
 rum, agrorum & vinearum, & similium,  
 quibus fructuosius carerent, ut non solum  
 meliora interim negligant, sed etiam con-  
 scientiam sapius inquinant, & ex usu ex-  
 teriorum tenebrescat mentis oculus ad con-  
 templationem spiritualium & interiorum, &  
 tepescat ad desiderium supernorum. Sicut  
 enim humores noxij affluunt, ubi fuerit in  
 corpore lasio, nisi caute remoueantur, ne fiat  
 ibi tumor vel vlcus: ita & negotia cre-  
 scunt ad extinctionem spiritus, qui se ijs ac-  
 quieuerit occupari. Super omnia verò debet  
 semetipsum rector circumspicere, ne alijs  
 prouidens, seipsum negligat, neve alios sal-  
 uans, seipsum in periculum demergat. quid  
 enim prodest homini, si vniuersum mun-  
 dum lucretur, anima verò sua detrimen-  
 tum patiatur?

Mat. 16.

Desipiunt etiam in dies magis magis-  
 que interna, dum delectamur externis,  
 nec potest animus his obsessus, caelestia si-  
 ne pugna admittere. Multis deinde, licet  
 magna cautela & circumspeditione utat-  
 ur, necessum est se homo implicet, quæ

aut minùs vocationi consona, aut ab illa etiam aliena: labiturque aliquando in pernitenda, corporique vniverſo nocitura.

Et incredibile eſt, ad quanta damna è leuibus initiis decurratur. Gutte nimirum & ſtillicidia tenui licet filo deſudata excavant rupes. à tam molli raroque lapſu vincuntur multorum ſæculorum opera, & quæ decumanos vicerunt fregeruntque fluctus, guttatim depluente lymphæ ſedibus pelluntur. Idem uſu venire videmus in Religioſo. ſteterat quaquæ parte irruentibus tentationibus, dum ſe domesticis contineret parietibus, & Superior etiam omnibus inferorum conatibus ſtabat interritus, vt primùm veteres egreſſus limites, pluſculum ſe in ſæculum diffudit, coepit labiſcere, & diſſimilis iam eſſe ſui. Nec mirum. cùm enim Religionis clauderetur terminis, perpetua quadam interni ſpiritus paſcebatur alimonia, tanquam cæleſti manna, firmabatúrque domeſtico orationis propugnaculo aduerſus procurſantes hoſtiles acies; at poſtquam deſtitutus his præſidiis, nudum expoſuit latus inimico ferro, quid niſi vulnera expectet cædémque?

Nec peſſima quæque primo ingruunt prolapſu. pederentim ad præcipitia ducimur, eo ſerè paſſu, quo ad externa diffundimur. à minimis ſcilicet initiis ad latifſima damna deſcenditur. Et trahimur primò agendi quadam cupiditate: & videri

Reli



## LIBER III. CAP. XXXV. 459

Religiosus amat, quisquis sæcularibus se rebus immiscet. aut sanè è leui quadam fastidientis animi nausea, ac spiritualium lassitudine, profundit se ad externa, tanquam nausæ aut inuæletudini suæ remedium aut solatium quæsiturus. Interrumpendus nimirum spiritualium ille cursus erat, ne aut contentione frangeretur animus, aut eiusdem spiritalis cibi fastidio teneretur. infelici commutatione à cælestibus ad sæcularia decurritur, quasi in medicinam ac solatium. Ex quo fit, ut quomens profundius perituris illis immergitur, hoc potentiùs eripiat æternis: pari ferè passu, ut quantum illis accessit, tantum his decedat.

Neque diutales Deo coniunctos videas, cum disjungantur per externa. patiunturque difficultates maximas, ut ad stata orationum tempora se recipiant. & ut conatum adhibeant, effunditur statim omnis in iis collectus fructus, quasi si demessam messem dispergas in ventos. inde arefcunt animi, spolianturque ac nudantur. opibus internis omnibus, ut nec suæ, nec propagandæ proximorum saluti aut Dei gloriæ idonei sint. contingitque iHis, quod validis fluctibus ac tempestatibus iactatis, ut stomachi patiantur fastidia, nauscenque super omni spiritali cibo, viribus destituti. transeunt deinde ad carnem & corporis commoda, illisque vicina. cumque narrationibus impleantur ingentium passum de-

tractionum, facillè in easdem domi foris-  
que effunduntur. assurgunt exinde animi.  
& quo pluribus miscentur, maioremque  
externarum rerum cognitionem conse-  
quuntur, plus etiam saltus induunt. hinc  
domesticæ exurgunt æmulationes, paria-  
que in imitationem studia. quæ res ad pa-  
rum sæpe affinia religiosa modestiæ ac  
moderationis consilia impellit. Nec res  
regi diu potest. decurritur ad externos, &  
æmulationum semina latè sparguntur, da-  
manturque in Religiosis sæculares mo-  
res, partiumque studia, plurimumque de  
sanctitatis ac maturitatis opinione de-  
dit: è quo sperata multorum salus vniuer-  
sa propè collabascit. Bene Antiochus:  
*Laquei & pedica sunt aspirantibus ad sa-  
lutem sacularium congressus, ac prolixa eo-  
rum confabulationes mentem prorsus auo-  
cant à Dei glorificatione & spiritali latitia.*  
& Magnus Gregorius: *Valdè difficile est, ut  
lingua sacularium mentem non inquinet  
quam tangit: quia dum plerumque eis ad  
quadam loquenda condescendimus, paulif-  
per assueti hanc ipsam locutionem, qua nobis  
indigna est, etiam delectabiliter tenemus: ut  
ex ea iam redire non libeat, ad quam veluti  
ex condescensione deducti venimus inuiti.  
sicq; fit, ut ab odiosis ad noxia, à leuiorib. ad  
grauiora verba veniamus: & os nostrum ab  
omnipotenti Domino tanto iam minùs ex-  
audiat in prece, quanto amplius inquina-  
mur stulta locutione,*

*Homil.*  
102.

*Lib. 3.*  
*Dial. c.*  
15.]

Quòd

# LIBER III. CAP. XXXV. 461

Quod si quæ necessitas ex obedientia nata cogat ad illa, memine. it. vocationis, Deiq; sui, & properantis æternitatis, ad illumque quoties per intervalla licebit, eo ardentius euolabit, quo minus temporis conceditur; assuescâtque in mediis etiam externarum rerum occupationibus cælum inambulare, frequentibusque imo ductis pectore suspiriis communem omnium parentem pulsare, in illum densas immittere preces, tanquam telorum syluam; calentia iaculari vota, tanquam nubibus cõsorta fulmina; perennes profundere lacrymas, tanquam euripi fortunata maria, beata negotiorum & lacrymarum reciproca-tione. Felices occupationes, tam beatis permistæ animorum condimētis: sic enim fiet, vt nec cariem sentiant, nec putredinem metuant, nec viam ad ruinam domino sternant. At Superiorem prudenter in hac re Gregorius monet: *Sit rector internorum curam in exteriorum occupatione non minuens, externorum providentiam in internorum occupatione non relinquens: ne aut exterioribus deditus ab intimis corruat, aut solis interioribus occupatus, qua foris debet proximis non impendat.*

*In Past.  
p. 2. c. 7.*

*Remedia.*

**O**Rationis studium, considerationis in Superiore hora seriò impensa: examina conscientia non perfunctoriè adhibita: adspirationum ad Deum frequens vsus, etiam in medijs sæcularium rerum tractationibus.

Frequens etiam piorum librorum lectio, actionumque sæcularium per spiritualia exercitia interruptio.

Superfluarum rerum resectio, maximèque speciosarum, & quæ plus habent externi decoris, quàm animarum fructus.

Colloquiorum & visitationum rarior vsus, quæ si quando per alios non minori fructu peragi possè sperare licet, in alios potiùs transferantur, quò liberiùs ipse interno homini suo vacet.

Sæcularium occupationum fuga, quæ eo difficilior erit, quo mens semel totam illis immersa, altè in Religiosa toga sæcularem imbibit succum. Quare nisi talis validè se ipsum reprimat, propensionem domet, affectum potenter comprimat, non facilè victoriam sperabit.

Amandatio ad alias habitationes & mania, in quibus minus periculum est externæ effusionis, spēsque maior spiritualis collectionis, solitudo maior, occupationes rariore, populus infrequentior, minor cognitio.

*Itera*

# LIBER III. CAP. XXXV. 463

Iteratæ per annum spiritualium exerci-  
tiorum recollectiones plurimum hîc in-  
uabunt: in quibus si metuenda damna pe-  
riculâque, exemplâque non postremorum  
in Religione virorum, infelici exitu si-  
gnata feriò & non cursim examinentur,  
ingentia sperari emolumenta possunt. Fre-  
quens etiam cogitatio verborum horû, Ad  
quid venisti? quid sæculum moribus fa-  
ctis? repetis sæculi desertor? multum  
per omnem partē proderit; minæque inten-  
tantis Dei: *Nemo mittens manum suam ad*  
*aratum, & respiciens retrò, aptus est regno*  
*Dei. & illud: Nemo potest duobus dominis*  
*seruire. aut enim vnum odio habebit, & al-*  
*terum diligit: aut vnum sustinebit, & alte-*  
*rum contemnet.*

Luc. 9.

Mat. 6.

Proderit etiam nullam rem aggredi, si-  
ne præuia secum recollectione, seriûmque  
dictorum factorûmque re peracta examen  
instituere, sicubi erratum, aut à religiosa  
modestia, à primorum parentum matu-  
ritate, ab instituti regula decessum. prode-  
ritque in primis, si diebus singulis quadrâs  
vnus sub noctē seponatur, quo diei illius  
cum externis peracta recolamus; nullam-  
que vnîuersim omnino rem inscio Supē-  
riore suscipiamus, ac nec vltro nos nego-  
tiis immergamus. Quòd si frequentes ex-  
ternorum accedât interpellationes, assue-  
scat eas Religiosus piis interspergere  
colloquiis, vt si pergant molesti esse, ali-  
quid semper referât boni: aut tædio pia-



## 464 MEDICI RELIGIOSI

rum rerum affecti interpellare desinant.

Excitatio in se diuini amoris, diuinarumque rerum, multum in hoc genere ualeat. neque enim talis facile se patietur ab illis deduci, ad externa duci. nam qui ad hæc se trahi permittit, amorem in hæc suum testatur. non raperetur, si non amaret. rapitur: amoris indicium est. exuat hunc amorē, diuinum induat, & vicerit: me-

4. Moral.

c. 30.

mineritque verborum D. Gregorij: *Qui ad appetenda eternitatis atria accenditur, dignum profectū est, ut ab hoc temporalitatis amore lassetur, ut tanto frigescat à studio facili, quanto surgit ardentior in amorem Dei. quem scilicet si perfectē arripit, mundū etiam plenē derelinquit. & eo funditus temporalibus moritur, quo ad supernam vitam altius afflatu eternitatis animatur. & eodē capite: Qui in auctoris sui amore roboratur, quo magis in concupita Dei fortitudine conualescunt, eo à propria virtute deficiunt: & quo robustius aeterna appetunt, eo à temporalibus salubri defectione lassantur.*

## CAPVT XXXVI.

*Castitatis neglectus.*

**C**VM aut fiducia nostri, aut aduersariorum contemptu, aut periculorum neglectu in præcipitia ruimus improvidi,

## LIBER III. CAP. XXXVI. 465

uidi, damnaque non reparanda accipimus. hic oculorū liberiore iactatione ludimus; ibi aurium curiosiore aucupatione vellicamur; alibi lasciuiori inuoluimur lectioni. succedit familiaritas sexus alterius, diuturniora colloquia, captata solitudo, prolixiores repetitæ & frequentatæ confessiones, spirituales instructiones familiariores, munerum mutæ acceptationes, secretorum vtrò citròque consiliorum communicationes, ingens per amica silentia commissorum fiducia, officiosæ & sæculum redolentes salutationes, scriptiones comitate & beneuolentia plenæ; nec qualis inter patrem filiâmqve veneratio, sed qualis inter sponfas sponsosque honorum præuentio.

Inde iam profiliunt nocituræ libertates, mutuus aspectus, exporrectæ frontes, hilaritudo, verba risum prouocantia, gestus lenior, minúsque religiosa corporis compositio, membrorum iactatio, narrationes similitudinésque è matrimonio petitæ, quibus paulatim & pudor ponatur, ac tota demum verecundia exuatur: succedunt faciliores manuum contactus, & qui antea ad vestes ac vestigia propè pedum erubescere, nunc constanti vultu & oculos iactetur lasciuentes, & labia oraque legit ridentia, & prouocantes amicat genas, nec exhorrescit ad nudatum pectus magni lupanaris anteambulæ, omnisque omnino libidinis prouocatorium. *De cami-*

*Cypr.  
de sing.  
cleric.*

*nis nimirum scintilla profiliunt, de ferro rubigo nutritur, morbos aspidēs sibilant: & mulier fundit concupiscentia pestilentiam: in risum aliquando dissoluitur, nunc blanditias exhibet, & quod est venenosius super cuncta, psallere delectatur aut cantare, cuius cantu tolerabilius est audire basiliscum sibilantem.*

Augmenta sumunt hæc per interualla: neque quisquam repente sit pessimus: quin imò sub pietatis pallio, sub spiritalis instructionis prætextu latent & teguntur hæc nocitura, & in mortem pedetentim abitura, ac quodam quasi perenni stillicidio excuantur & exteruntur religiosa pectora firmissimæ quondam rupes, & tot antè dæmonum machinationibus, tot inferarum legionum valido procursu superiores, femineo cadunt oculo; tam molli, ut ita dicam, elemento chalybe fabricata corda, ferro cincta. ita virorum primi & maximi, & stellæ solésque futuri cælo, muliebri corrunt manu, Samsones Dalilæ, Dauides Bersabeæ, Salomones plurium blanditia.

Ac supina omnino opus negligentia ac spiritalium neglectu ac tepore in eo qui post annos in Religione decursos in carnem labitur. cum enim experientia doceamur nouitios à sæculo recentes, vix ex altissimo vitiorum oceano ereptos, madentes adhuc & criminum fluctibus non semel insepultos, agrèque caput attolentes, aut è media

LIB.  
media e  
forma  
gulata  
num reb  
magna  
num d  
que cu  
occasio  
quæ ad  
horrore  
dei del  
ligione  
medicat  
extolli  
menta,  
lia pæ  
lum, p  
post tot  
na super  
meu car  
da riu  
digi: n  
lum, p  
micea v  
tanquam  
peruener  
a Babylo  
plurimos  
dio, mul  
domitio  
potenti  
a suo pe  
amo iaci

## LIBER III. CAP. XXXVI. 467

media etiamnum prauarum affectionum  
fornace calentes & ambustos, necdum de-  
gustata virtutum pulchritudine, oratio-  
num robore, mortificationum firmitate, in  
magna animi puritate primos Religionis  
annos decurrere; rara oculorum aurium-  
que custodia, celerique quarumcumque  
occasionum fuga, ingentique omnium  
quæ ad voluptatem quoquo modo ducunt  
horrore ac detestatione; mirum planè vi-  
deri debet post variorum annorum in Re-  
ligione educationem, labi viros religiosos,  
meditationum orationumque præsidii  
exultos, post variarum virtutum docu-  
menta, post exercitam & ad arma spirita-  
lia paratam mentem, post continentia cal-  
lum, post corpus pœnitentiis disculptum,  
post tot hostiles acies, tot inferorū agmi-  
na superata, protritam & calcatam non se-  
mel carnem, nobilissimos denique à mun-  
do triumphos actos; mirum planè & pro-  
digio simile labi in muliercula Religio-  
sum, hunc lasciuia oculocaptum, illum fe-  
minea voce delusum, alium leui contactu  
tanquam compede constrictum, quia &  
petulantioris penicilli conspectu tanquam  
à Babyloniiis ignibus arsisse non neminem;  
plurimos etiam tanquam niuem sole me-  
dio, muliebribus colliquatos radiis, aut ad  
domesticas illarum flammæ, tanquam à  
potenti fulgure emedullatos, multosque  
à solo petulco, & ludibundo in femina ca-  
lamoiacuisse prostratos, arbitreris Her-

## 468 MEDICI RELIGIOSI

culea claua aut castribus protritros.

Verum si altius principia legamus, & præcipitij causas propius intueamur, non ab ultimo illo immanis ac miserandi prolapsus momento, sed à semitis longa ad illum manu ducentibus initia sumenda erunt; à Sacramentorum nimirum, orationis, meditationis, examinum conscientia, spiritualium librorum, penitentiarum, manifestationis animi morborum, sobrietatis ac modestia neglectu ac contemptu, à præfidenti fiducia sui, regularum violatione, frequentatis muliebribus colloquiis, sociorum fuga, secreti captatione, otij amore, laboris declinatione, cibi potusque commodorumque corporis prosecutione, aliisque his similibus ad infames femineos scopulos paulatim prolapsos reperimus. Non vna hora, die, mense cecidit veteranus: anni viam ad ruinam strauerunt, & tanquam blattæ & tineæ leui licet corrosione, vniuersum paulatim robur emedullarunt. A tam paruis initiis ad malorum extrema inuictus ille, dum Religionis amor regularumque observatio staret, veterani animus prolapsus est: stillicidia hæc nimirum incauto annorum prolapsu sana exederunt. tam suavis elementi guttata mollieties tanquam leui spongia, aut amico osculo, quidquid erat faxei roboris, extrinxit. ita à scintilla vrbes iam nulla, & à modico veneno Hercules iacent vires ignibus pabulum.

Vitabit



Vitabit hæc modica quisquis salutem amat, quisquis præcipitia, quisquis exempla cogitat.

*Remedia.*

**A** Superioribus partim, partim ab inferioribus petenda sunt. proderit, si Superior in omnem occasionem intentum oculum teneat, nusquam operam suam in hac materia deesse patiatur, nusquã etiam in minimis in hoc genere parcat. parcere hîc odisse ac perdidisse est. excubet seridò ne qua parte regularum observatio infringatur, ne intepescat in orationis ac mortificationis studio spiritus, ne primus læguescat ardor. iniitiis ante omnia occurrat, nec medicamenta differat in validiorem morbum, ne curationem in ferrum & ignem reiicere cogatur: occasiones omnes ad viuum rescindat, etiam ense non damnanda, si ad damnanda quoquo modo ducant, reuellat: queratur æger, laudabit periculis ereptus, neque prudens sublatas ægritudinum causas dolebit. peritissimus ille medicorum est, qui præprouida cura antevertit mala. nec iustam querimoniam causam habet, quem ad exactam regularum ac constitutionum observationem vigilans Superioris sollicitudo cogit. arguat in Superiore inferior diffidentiam & inanum suspicionum seriem: consultius est illum Superioris diffidentia circumuallatum stare.

## 470 MEDICI RELIGIOSI

re, quàm minima illius fiducia non reparanda præcipitia pati.

Qui roborauerit ac obdurerit animum diuinarum meditationum ac orationum studio, qui conscientia suæ latebras bis per diem diligens non perfunctorius scrutator excusserit, qui quidquid quacunque via irrepperit malorum celeri poenitentia deleuerit, qui spiritualium librorum lectione nullo non die pectus firmauerit, qui frequentibus per diem aspirationibus mentem ab humanis abduxerit, ad diuina sustulerit, qui se suaque omnia, animorum in omnem partem affectiones, irruentiũque temptationum fluctus ac procellas Superiori non minùs candidè quàm integrè, vt medico, vt patri, vt matri reserauerit; non faciliè ad erubescenda labetur.

A nocituris deinde magna cura animus auocandus, à quacunque feminea familiaritate, à muliebri visitatione, à colloquiis quocunque prætextu prolixioribus, ab earundem personarum confessionibus frequentioribus, à munerum vltro citroque erogationibus, à mutuis scriptionibus, à molliori cura, & patrociniis subsidiisque tenuioribus procurandis, à lasciuiuentium calamorum lectionibus, à liberiorum penicillorũ circumspeditione, ab auida blandiorum verborum captatione, à diuturniore alterius sexus præsentia & sermocinatione, à curiosiore rerum verborumque non castorum inuestigatione. Neque enim  
qua

LIBER III. CAP. XXXVII. 471

quacunque demum ex causa Religioso im-  
morandum talibus, neque altiùs vestigia  
parum castis semitis imprimenda; celeri  
potiùs hæc volatu quàm gressu transcur-  
renda, & vt per ardentes prunas, per ini-  
mica agmina, per aduersarium ferrum,  
per interimentia venena præpropèro cursu  
saltùque transilienda sunt; etiam in mediis  
abditissimarum confessionum disquisitio-  
nibus, ne aut ignorata discantur, aut expli-  
cata amburant, aut à penitiorè agnitione  
altiùs imprimantur animo, quàm vt vali-  
do pòst conatu excuti possint. Credi enim  
non potest, quàm immania pectori incen-  
dia è minima scintilla suboriantur, quan-  
tæque vniuersam mentem è tenuissimis  
initis flamma depascat; vt semel curio-  
siores oculos coniecisse, semel aures præ-  
buisse, vix multorum postmodum anno-  
rum lacrymis elui possit: quin imò non  
rarò non nisi cum vita, lucta è tantilla re  
nata deponitur.

CAPVT XXXVII.

*Nimia fiducia sui in rebus agendis, fe-  
minarumque consuetudine.*

Cum etiam sæculi prudentes moneant,  
prouidi esse, aliorum potiùs in causa  
sua consiliis, quàm propriis niti. ferè enim  
labimur in nostris, & affectu trahimur po-  
tius

tius quàm ratione : neque magis obuium ac familiare est, quàm probare quæ placent : euenitque in his, quod nebula re-ctis, quibus verarum rerum prospectus omnis intercluditur ; quod per rubrum vitrum obiecta intuentibus, qui res omnes rubro colore tinctas arbitrantur, nec errorem hunc, nisi amouerint vitrum, depouunt. Vitrum hoc priuatus affectus cuiusque est, qui rem omnem colore suo tingit, nec patitur veritatem detegi.

Quantis verò periculis fiducia hæc nimia exposita sit, facile videbit, qui innumeras errorum in rebus humanis causas cogitauerit, maximè in rebus arduis ; & quæ rempublicam, quæ Principes viros, quæ Religionis vniuersæ nomen bonum tangunt, in quibus semel errasse, ferè perpetuum est. Ita nulla arte reuocari error ille potest, qui vniuersam rempublicam traxit in ruinam. Grauis error, & ab ambitione natus, & plurimùm lapsui vicinus.

Audire, in deliberationem vocare, nunquam non à magnis & prudentibus probatum, è quibus qui deliberationem instituit, optima seligat ac tutissima. Scio primum illum locum in prudentia tenere, qui in pectore suo senatum ac consilia, fugiendâque sequendâque reperit : proximum illi, qui ex aliorum consiliis, sanissima deligit. at quanti priores sunt ? vix è millibus vnum aut alterum inuenias : & vt talem nactus fueris, sensum tamen aliorum  
explo

LIBER III. CAP. XXXVII. 473

explorasse, obesse non potest, prodesse potest. vt prudenter Sapiens: *Vbi non est gubernator, populus corrumpet: salus autem vbi multa consilia.* Prou. II.

Nec diffiteor in subitis audacissima aliquando, tutissima consilia esse; sed perrarò ad hæc extrema compellimur. & tutiora sequitur, dum res locúsque permittunt, qui peritos audit, & rationum illorum momenta serius indagator excutit: nam vt nihil aliud, hoc sanè qui alios in deliberationem admouet, consequitur, vt tot propugnatores ferè habeat, quot consiliarios; si negligat, tot oppugnatores referat.

Neque quisquam propè est, qui non aliquid aliquando suggerat rei bonæ; vt non rarò etiam in infimis non pœnitenda reperias. Accedit alta quædam quietudo mentis, cùm mens deliberationis conscia, nihil temere, aut propriæ libidinis impulsu aggressam se nouit; cùm contrà in vario metu sint omnia, solúsque, si quid aduersi inexpectatum aduenerit, damna, variorumque iudicia ferre cogatur, protectore destitutus.

Neque facilè quisquam antè neglectus, re ad extrema, aut vltimam desperationem deducta, manum admouebit, ne in tam dubio exitu honoris nihil, dedecoris referat plurimum. quin imò reperias non paucos, qui quòd in consilio capiendo neglecti videantur, non improbent modò, sed & variis substructionibus subdolisque machinis



chinationibus probatissima etiam euertere conentur, & miscere damnanda, qui sententiam rogati, probassent. Non quòd omnes velim in consilium adhiberi, sed peritissimos quosque ac primos, quibus vel longa experientia, vel muneris ratio, vel ingenij iudicii que bonitas lucem ad varia præfert.

Nulla verò in re magis elucet hoc malum, vulneraque non medicanda infligit, damnâque non reparanda dare consuevit nimia hæc fiducia sui, quàm vbi de castitate agitur: & ferè cecidisse reperiēs, quos nimia fiducia sui longiùs à littore prouexit, & maria hæc multorum mortibus infamia tentare suasit. Fiducia hæc inter hos scopulos & breuia nauiganti naufragio proxima est. enauigauit qui timuit, quique non suo solius consilio fluctibus hisce domesticam commisit ratem.

Præcipitia demum hîc sunt. Caueat quisquis salutem amat. vno leui flatu, aut prolabantis in hoc lubrico vestigij lap'u, salus continetur. Ne fide quisquis salutem amas. præcipitio fiducia hæc omnis proxima est.

Et sanè in labili admodum figit pedem, quicumque hunc campum impavidus calcât. Syrtes & breuia cogita, scopulos & decumanos fluctus, cùm à tyrone Oceani inexperto nauigantur, tot omnium atarum naucleri peritissimi in hoc profundo naufragium fecerunt, & in extrema senectute,

## LIBER III. CAP. XXXVII. 475

ctute , post enavigata maria , torrentem non rarò repererunt , in quo perirent. tot veterani milites , post innumeros triumphos , & hostium cades , post campos cadaveribus fatigatos , sudem inuenerunt , quo caderent : tot prudentia & eruditione clari , cano iam capite ludibrium facti sunt , & mundo fabula. & sperabit nescio quis ingenti plenus fiducia sui , medios inter femineos fluctus , tabula salutem ? inermis inter armatas has mulierum acies illæsum corpus ? effugia denique ac tuta receptacula adolescens inter illius sexus insidias laqueosque compedèsque medius ? ingens error est , post tantorum naufragia , cades & vulnera , meliora sibi fatua fiducia spondere.

Et sanè quisquis non timuit , aut iam lapsus est , & prostrata iacet victima infami muliebri manu iugulanda ; aut lapsui proximus est. vt meritò stolidum illum dixerim , qui post orbe toto magnorum strages , inermis victoriam sperat , & audet iratos hos prouocare fluctus palmarî scaphæ confusus , quos tot armatæ rates nequidquam integra carinâ tentarunt.

Et verò monent prudentes , à solo timore & fuga salutē in hac lucta sperari posse : nec quemquam in hac pugna periisse , qui non plurimùm à nimia fiducia sui , viam sibi ad ruinam struxerit. Venena cogita , nullus illa , valida quamuis manu , prudens contigit. nemo serpentem , frigoribus li-

cet

cet torpentem, impunè delinuit. Hercules, & Samson, & quidquid firmum, roborisque plenum, hic cadit. superant venena robur: at nocentior omni veneno mulier est: ludus basiliscus est, & nulla iam hyæna est, si cum illius oculis & voce conferatur. Timebit proinde hæc toxica, quisquis iudicem Deum timet, & inferni pœnas, quisquis salutem amat, & reposita cælo prænima: nec erubescet audire timidus, vt securè infidum hoc enatet mare, tantorum submersioibus infame, vt tunc venena hæc effugiat, tot magnorum luctuoso exitu nobilitata: vt integro demum corpore, femineo se huic gladio eripiat, tot primorum orbe toto sanguine & cædibus ebrio.

*De singul.  
Cleric.*

Prudenter Cyprianus monet, & fidentes instruit: *Aduersaria est confidentia qua periculis vitam suam pro certo commendat, & lubrica spes est que inter fomenta peccati saluari se sperat. incerta victoria est inter hostilia arma pugnare, & impossibilis liberatio est flammis circumdari, & non ardere. & alius: Expedit multo, bene timere, quàm malè fidere, & utilius est vt infirmum se homo cognoscat, vt fortis existat, quàm fortis videri velut, infirmus vt emergat. eiusdem illa sunt: Nemo de suo corde præsumat quando profert sermonem, nemo de suis viribus confidat quando suffert tentationem. quia vt bona prudenter loquamur, à Deo est, non nostra sapientia; & vt mala fortiter perferamus, ab illo est, non nostra patientia.*

& Sa

& Sapiens  
et cetera  
& Apollonius  
sed in Des

A B ex

Alien

docet. F

pè renou

mia si u

ardua pe

eritu m

naucan

sus, alit

est. Erno

rentibus

ferro ca

genere

dum pe

te bico

providi

Cog

plis; &

hæc tur

fidunt

non tre

tanqua

has ter

facti fi

positi,

teatu d

LIBER III. CAP. XXXVII. 477

& Sapiens : *Habe fiduciam in Domino ex Prou. 3.*  
 *toto corde tuo, & ne innitaris prudentia tua.*

& Apostolus : *Non simus fidentes in nobis, 2. Cor. 1.*  
*sed in Deo.*

*Remedia.*

**A**B exemplis tutissima sunt. felix ille qui alieno periculo doctus, neminem suo docet. Percurramus humanarum propè rerum omnia. Imperatores, dum nimia fiducia roboris sui, hoste contempto, ardua petunt, vniuersam gloriam infami exitu macularunt. Peritissimus quisque nautarum, dum nimium elemento suo fissus, altius prouehitur, naufragium passus est. Et non summi natatores, pugiles, torrentibus sorbentur, & imbelli ac rustico ferro cadunt? Eadem in omni hominum genere reperies : quo magis timore armandum pectus, meru cingenda latera ; tutum te hîc comites præstabunt, & inter pericula prouidum & securum.

Cogita deinde, quanti in carnem delapsi ; & disces ab hac fiducia in præcipitia hæc turbatos, dum robori virtutisque suæ fidunt : & dum non firmant illecebris aures, non frenant oculos, linguam, manus, nec tanquam compede stringunt domesticas has feras, in medio felici cursu, ludibrium facti sunt orbi, & in exemplū iam aliorum positi. Audet Religiosus quocunque prætextu diutius colloqui familiaris, liberioréque

478 MEDICI RELIGIOSI  
réque deinde aspectu & cachiuno, metú-  
que ac verecundia exuta? etiam in contra-  
ctum ibit, inde ad extrema malorum.

Vtile fuerit, nihil in eo genere aggredi  
inconsulto Præfecto spiritus, & aliorum  
potius, quàm suæ sententiæ niti, ac tuta  
quæque vereri. Prudens Imperator in alta  
pace bella cogitat, adeoque & bella parat,  
ne imparatum hæc improvidumque oppri-  
mant. Paret etiam spiritalis athleta in pa-  
ce bella: muniat pectus lorica timoris Do-  
mini: armet caput cælesti, non sua fiducia  
plenus: & quo minus se bellorum osten-  
tat, hoc præsentior sibi magis etiam ti-  
meat, & à magna malacia magnas tem-  
pestates expectet: hoc propinquior peri-  
culo, quo mollius hoc elementum ludit.  
Ne fide huic tranquillitati, maiora sub hoc  
ridente vultu damna latent; voragines &  
scopuli teguntur hac serenitate. Nihil pro-  
inde inter omnia remedia præsentius, quàm  
nulli fidere, vereri omnes; etiam in sorore  
feminâ cogitare, & in fratre virum. Deum  
denique omnibus præsentem, præmiato-  
rem & iudicem, etiam cogitationum re-  
conditissimarum.

*Prou. 3.* Monemur vniuersim à Sapiente: *Habe  
fiduciam in Domino ex toto corde tuo, & ne  
innitaris prudentia tua, in omnibus vijs co-  
gita illum, & ipse diriget gressus tuos, ne sis  
sapientis apud te metipsum.*

CAPVT.



## CAPVT XXXVIII.

*Feminarum familiaritas quocunque præ-  
textu, confessionum, instructionum  
spiritualium, boni temporalis, agritu-  
dinum.*

ET sanè magis periculum adit, qui dolo  
circumuenitur, quàm quem hostis  
aperto aggreditur Marte, & palàm. in frau-  
de nulla ferè virtus, aut robur iuuat, cùm  
incauti in insidias labamur, & antè cada-  
mus, quàm periculum senserimus. Et fa-  
miliaritates tales minùs sunt suspectæ, mi-  
nùsque timentur, cùm sub ratione boni  
mala tegant. Ita cadunt primi parentes, &  
Amasa, & Abner dolofo Ioabi ferro, & ho-  
minum pars magna.

Et quis inter tripudia, & lætitiæ signa  
ferrum vereatur, & caput Ioannis in disco,  
& inter oscula Iudæ Magistrum prodi? sub  
tam pio nimirum velamine nocitura, &  
perimentia latent venena. Iam in omni Re-  
ligione, omniumque hominum genere,  
quàm grauibus multorum lapsibus strata  
ad ruinam via est!

Familiaire in hoc malo est, excusationes  
prætendere, Res leuis est; quid periculi è tan-  
tilla re? Sed & scintilla res leuis est, & ta-  
men

men quàm latam non vno sæculo dedit  
flammam? flamma, non scintilla, mulier  
omnis est, adeoque ignis est, quo orbis non  
semel conflagrauit. Et venenum modicum,  
non venenum est? quàm multi vitam mo-  
dico illius haustu finiuerunt? nullum mu-  
liere venenum potentius est: frons, oculi,  
genæ, labra, vox, risus, manus, vestes to-  
xico plenæ sunt. & non magna pars homi-  
num cadit hoc veneno? Vidit ille, audi-  
uit, leuiter & fortuitò tetigit alter, & ca-  
ptus est. *Eccli. 9.* Quare monet Sapiens: *Virginem*  
*ne conspicias, ne fortè scandalizeris in de-*  
*corè illius. auerte faciem à muliere compta,*  
*& ne circumspicias speciem alienam. propter*  
*speciem mulieris multi perierunt: & ex hoc*  
*concupiscentia quasi ignis exardescit. ita à*  
*paruis, ab vno nimirum oculorum iactu,*  
*ad magna dilabimur.*

Et non leuia sæpe sunt bellorum initia,  
quibus totus propè non semel exarsit or-  
bis? Grauiora in omni muliere reperies, &  
intestinatorum, tanquam ciuiliū bellorum  
causas maximas. plenæ historiæ sunt. Nul-  
la deinde res leuis dicenda, quæ ducit ad  
interitum, & qua primi maximique, omni  
historia teste, ex omni hominum genere  
ceciderunt. hinc illud Cypriani: *Quantos*  
*leones domuit vna muliebris infirmitas de-*  
*licata! qua cùm sit vilis & misera, de ma-*  
*gnis prædàm capit.*

Non sentio, & roboris sat videor tot an-  
nis collegisse, quibus nullo documento  
inter

inter illas versor. Non minimus morbus, & sine sensu irrepens, initio neglectus, interitum parauit etiam valentissimis, & annorum numero per aspera & dura firmatis? non minima vulnera, & sine sensu accepta, ad sectionem & vstionem & mortem ducunt? Noli antea etæ probitati fidere. peritissimi ferè gladiatores ignauo cadunt ferro. primi natatores post tranata flumina & maria torrentibus obruuntur.

Prudenter Hieronymus: *Nec in præterita Ad Ne-*  
*castitate cōfidas. Nec Sāsone fortior, nec Da-*  
*uide sanctior, nec Salomone potes esse sapien-*  
*tior. Memento semper, quod paradisi colonū*  
*de possessione sua mulier eiecerit. Et vt te cō-*

cedam vacare periculo, altera fōrs pars non vacat. & tot exemplis docti sumus non vacasse. Benè quidam mulierem virūque sali comparat & aquæ. sal ex aqua est. iniice aquæ, redit ad amicum sibi elementum. Oleo alius molli mulierem comparat, ignibus virum. adde oleum ignibus, an extingues flammæ? Tertullianus omnem virum mulierē, omnem mulierem viro gladium ait esse. Et vt vtrimque desit periculum, scandalo non vacat hæc familiaritas, & exemplo præimus iunioribus ad libertatem, inde ad interitum.

Soror est, neptis, sanguine iuncta. At quoties in talibus ludit error? quàm multi perierunt propinqua hac flamma? quoties natarunt campi consanguineo ferro? non minus periculi à consanguinea mul-

liere. Lot magnus vir in filiabus cadit: Amnon in Thamar sorore: Ruben, &c.

Verum prudens & proba matrona, aut virgo est, annis prouecta, instituti nostri amans. Eo magis metue: nam hæc natura sua trahunt in fiduciam, dumque minùs timentur, occultius illabuntur. Dum silet mare, ac quasi ignauo sopitum iacet somno, tunc peritissimus quisque maximè inuigilat. mentitur hæc serenitas, ac de propinquo minatur. Periculosior omni Oceano mulier est; dum blanditur, sæuit; dum ridet, venena iaculatur. Ne fide iacenti huic elemento; sub hac consanguinea nube imber, grando, fulmina latent perimentia. Si instituti nostri amans, & benefactrix; magis etiam honori illius & famæ & salutis consulendum est, ne hac familiaritate periclitetur.

Nulli timor & fuga noxia, omnibus propè familiaritas & fiducia exitio fuit in hoc agone. Et sanè alterum è præcipitio pendente in pedem habet, quicumque sub hac specie boni sidentiùs ac familiariùs versatur. Illabitur hoc venenum incogitanti, & virus infundit incautis: eo nocentiùs, quo cautiùs: miraturque ruinam, vulnera, mortem, qui nec præcipitia, nec ferrum, nec venena senserat. Ille prudenter re instituit, vitamque morèsq; ad aliorum exempla componit, qui quæ facta olim, euenire posse arbitratur sibi, aliorum periculo edoctus.

## LIBER III. CAP. XXXVIII. 483

Et verò nulli ætati tutò has necessitudi-  
nes credi posse, tot in cano vertice pud-  
bundi nos lapsus docent: vt ausim dicere,  
plures me vidisse post quadragesimum ad-  
eò & post quinquagesimum annum, quàm  
ante illum infami & miserando exitu pro-  
lapsos; dum annis credunt, nec damna  
metuunt ætatis prærogatiua suffulti. Ne-  
que nouum, post sexagesimum castimo-  
niæ annum in vtroque sexu erubescenda  
vidisse; vt tunc inciperent atdere, cùm  
corde fibrisque gelatis capulo proximi al-  
terius vitæ prænuntiis premerentur.

Misera conditio, post tot annorum in-  
tegritatem ad æternum descendenda venire.  
Tantum potest familiaritas, & amica mu-  
liebris veneni consuetudo: vt etiam glaciei  
flammas iniciat, & arentia exhaustis me-  
dullis ossa inuerecundo impleat igne. Ca-  
uebit quisquis priorum sæculorum exem-  
pla metuit, quisquis posteritati exemplū  
in se statuere non vult. nulla ad peccandū  
ætas grandior. Quid? quòd non pauci in  
illa ætate peccatum amarint, cùm peccan-  
di emortua materies esset: ignes spirarūt,  
cùm nullis fornacibus accendi viderentur  
posse. Vitabit proinde familiaritatem om-  
nem, quisquis alterius vitæ memor, æter-  
nitate proposita, Deum sibi statuet inspe-  
ctorem, accusatorem, iudicem, præmiæque  
& flammæ nullo æuo finiendas.

Scrupulositas prætenditur Superiorum.  
ita vigilantiā ipsorum in inuidiam voca-



## 484 MEDICI RELIGIOSI

mus. Nemo nimis timuit in re salutis. Cautius ambulat, rariùsque cadit, cui etiam tata suspecta sunt. Præsumptio omnis ruinæ proxima est; & prudentiæ comes timor est. Tales excusatores similes iis videntur qui phrènesi laborant, morbum nō sentiunt, sanos etiam se esse arbitrantur, eū ingenti intus ardeant flamma, & ferè mortis proximi sint.

Corporalis demum aliqua necessitas, qualis in inualetudine euenire solet, à nō postremis quarundam regionum Religiosis, & nescio qua veteri consuetudine adducitur, nimirum in auxilium ferendum sexus ille pronior, agrisque fouendis curandisque accommodatior, ac natura quasi in solatium factus.

Ingeniosa omnis improbitas est. causas sceleribus inuenit, &, dum periculum suum amat, damna minuit, necessitatem auget, metum seponit; eo malo vicinior, quo securius propiùsque inter flammam ambulat.

Certè si qua res alia, hæc periculorum plenissima est. virum Deo sacratum, sanctiore etiam castimoniæ voto obstrictum, muliebribus non tantum deliniri colloquiis, sed pudore posito, manibus componi, foueri, demulceri? & prudens credet virilem ignem, femineo hoc oleo iniecto, non exurgere in flammam? credet veneno tangi, & innoxium illæsumque abire? aut virum morbo sexum omnem deposuisse,  
ac in

ac in feminam degenerasse? crederet mulierculam non æltuare hoc contactu, aut hanc etiam virum factam? aut vtrumque in marmora & chalybem abiuisse, vt sine sensu ludant oculi & manus, & in mediis flammis congelascent membra saxa de carne nata?

Et vt pericula tateam, vbi pudor castimoniz comes? nam quis nesciat multa in ægritudine intercurrere, quæ propiores liberioresque manus & oculos poscunt? & salua castitate integris oculis, manu, pectore, ire quenquam in alienos contractus & aspectus? toties poni componique non iam lectum & stragulam vestē, sed membra & corpus, & lapidem semper esse, sensusque expertem?

At senior aliqua matrona est, ætate moribusque matura, quasi non liberius in senē sine vteri metu peccetur: & dum timore pulso, minùs metuitur, celerius non labamur? & fors senior illa iuenculam sibi sociam adiunget, vt quæ vno igne non potuit, duobus in viro exurgat flamma. Vna videlicet non satis erat ægro, & senior à valentiore iuuanda, vt mutua vicissitudine mutuos labores leuarent, & somno oppressa seniore, aut quacunque ex causa absente, vicarias & auxiliares iuencula, viridi adhuc robore & etate, manus ægro tanti viro præberet, ac in extremis etiam necessitatibus mater esse inciperet, quæ virum ignorabat; & materna ac sponsæ libertate,

## 486 MEDICI RELIGIOSI

bertate ægrienti manus admoueret, nec viriles tamen æstus sentiret, nec sexuum discrimina disceret, nec è virgine sua egrederetur, aut pudorem exueret. Nollem hæc miracula temerario ausu sperare; maximè cum aliud omni historia sæculorum omnium doceamur. etiam in fuga pericula, quo magis in liberiore aspectu & contactu? aut e minus ignes exurgunt in flammæ, de propinquo in glaciem; & in vasta eremo Hieronymus & Nazianzenus, & tot olim magnorum millia per tot maria, & immania terrarum spatia, absentes, in longa macie, vigiliis, pœnitentiis exso & emarcido corpore, hostiles hosce alterius sexus ignes senserunt. sed & è prima inuenta, post quadraginta annorum conspectuæ libidinis funera, in extremum senium, post tot interualla, improbi ignes exurrexerunt, idque valentiùs sæpe quàm in ipsa adolescentia: & de propinquo glaciem promittent? Non veniunt hæc à cælestium amore, non ab anima diuinis ignibus calente. ab humani generis hoste veniunt: qui subdolis his insidiis quos aperto Marte non potuit, incautos, nimiaque fiducia sui laborantes trahit in interitum sempiternum.

*Remedia.*

*Remedia.*

**A**B exemplis perenda sunt, Sanctorum-  
que monitis. Inter tot mulieres suas,  
solo aspectu alienæ cadit Dauid, & addit  
homicidium; ita non solet in vno crimine  
libido stare. Salomon addit voluptati ido-  
latriam. Samson post tot fraudum exem-  
pla, sola ruina docetur. Ioannes & Paulus  
post quadragesimum & sexagesimum cre-  
mi annum miraculis clari in virgine ca-  
dunt, alter etiam cædem addit. & plenæ  
sunt omnes historię.

Fuga in his, & occasionum omnium vi-  
ratio, certissima & tutissima victoria est.

Parcitas in loquendo, ac maturitas, ac  
ad seueritatem magis, quàm ad suauita-  
tem composita conuersatio, laudata sem-  
per à viris prudentibus fuit; & inutilem,  
ac non necessariorum colloquiorum rese-  
ctio. priuatorumque munerum accepta-  
tiones, aut donationes magna & prudenti  
circumspectione instituendæ sunt: trahunt  
enim hæc sola memoria sui, & affectus mu-  
tua hæc donaria afflant, aliùs non raro,  
quàm vt modica cura & laboribus eruan-  
tur, imprimenda.

Suspectissima omnia habere quæcun-  
que hunc sexum tangunt, & minima etiam  
pro maximis arbitrari, leuissima pro pe-  
riculo proximis, tutissimum genus est.

Nulli fidere, nulli te tuæque credere; ni-  
hil committere, ad cuius euulgationem

## 488 MEDICI RELIGIOSI

erubescas : nihil dicere, ne quidem inter confessionum secreta, quod non dictum velis, & aliquo etiam ornatu & mendacio vestiri.

Hostem si in omni muliere cogitaueris, si venena, si flammæ; non facile te huic sexui credes: tange, & tanquam pice & toxico contaminaberis: intueri, tantum non peristi. nam siue vultum, oculos, vocem, ornatum, compositionem totam cogitaueris, insidias & dolos & compedes & retia reperies incautis improuidisque tensa, quibus simplices animæ, & tantum columbæ in fraudem inducantur, vt ante se captas videant, quàm pericula cogitauerint, & serò priorem libertatem circumspectent parietibus clausæ. Tantum metue, & hostilia omnia cogita, & fraudibus periculisq; superior eris.

In Superiore maiore etiam opus est circumspectione, quo huius exemplum abit ad plures, cum licere sibi arbitrentur inferiores quidquid in illo viderint.

In morbis maior etiam cautio adhibenda, quo sub necessitatis prætextu ad nocitura descendimus. amputanda, ac tanquam nouacula ac falce omnis in his præscindenda muliebris familiaritas, consuetudo, visitatio, colloquia. Plus enim in his periculi, quo minus timoris est. ille nõ facile labitur, qui etiam in plano, aliorum infortunio doctus, scit se posse labi. temerarius ille est, & ruinæ proximus, qui inter

pen du



## LIBER III. CAP. XXXVIII. 489

pendula præcipitia tanquam in humili decurrit. vir proinde viro decumbenti inuigilet, auxiliatricisque manus, famulamque dexteram admoueat mulier nulla, ac ne soror quidem propius corpori ancilletur. quin & verecundia in Religioso matrem subueretur, & vulgandi in illa pudoris sui testem veretur.

Et sanè indignum Religioso & viro est, mollissimis muliercularum manibus foueri. verùm mortis metus ad quæ non cogit? at consultius longè mori, quàm his flammis ardere. & non deteriore morte cadit qui femineis ignibus decineratur, quàm qui æstuantibus febribus animam conditori suo reddit?

Si inferior fuerit, fortiter resistendum, muliebriæque hæc noxia subsidia validè neganda. dolet? mitius est dolere quàm muliebribus flammis exuri, mœrore obrui-tur? clementius hoc integitur, quàm ignibus insepelitur. constanter proinde arceat hunc sexum, nec ullis se precibus vinci flectique permittat Superior, rationem de concedita sibi anima Deo redditurus. & non melius est modicum hîc ingemiscere, quàm in æternis ignibus nequidquam medicam diuinam manum inclamare, olim mitem, olim etiam patris ac matris, nunc post muliebria hausta venena, solius in vindictam iudicis, & seueri, flectique æternum nescij iudicis? Pius sanè per omnia ille Superior, amantissimûsque suorum est,

X s qui

490 MEDICI RELIGIOSI  
qui momentanea hæc feminea solatia æ-  
ternum nocitura negat. durus ille est, qui  
peritura hæc solatia æternum peremptura  
admittit.

CAPVT XXXIX.

*Frequentes & proluxa feminarum  
confessiones.*

**I**ngentium non in Religione tantum,  
sed in omnibus qui excipiendis confes-  
sionibus occupantur, malorum origo. è  
quo prope quidquid excogitari potest vi-  
tiorum nascitur, maximè cum eadem fre-  
quentius audiuntur, plurimumque in iis  
temporis impenditur. crescit enim è con-  
suetudine familiaritas, è familiaritate li-  
berras; & qui prius ad mulieris vocem eru-  
bescebat, nunc pudore seposito, etiam in-  
tueri & arridere non reformidat, & ad li-  
beriora etiam verba, risum iocosque pro-  
uocare. sequuntur dictorum factorumque  
narrationes proluxiores, & ferè secularibus  
permistæ: tandem è tam crebra frequen-  
tia, domestica quasi quædam licentia; nec  
iam tantum patris, sed & fratris, & perfami-  
liaris amici personam induit. inde metus,  
omnis pudicitie custos, exulat: & dum pul-  
so timore, malique suspitione deterfa, tan-  
quam cum filia pater, aut veriùs tanquam  
eum eiusdem sexus amico versatur, ferè  
incautus

## LIBER III. CAP. XXXIX. 491

incautus antè cecidit, quàm muliebria hæc præcipitia prospexit; antèque in feminea reria, & insidias prolapsus est, quàm pericula prouideret.

Scio sub prætextu spiritualis necessitatis colloquia primò ferè trahi, & non rarò etiam affectu pio: sed qui improvidos, zelòque minùs prudenti ducat in ruinam. & plerumque pulcra hæc velamina improbæ rei prætexuntur. nebula hæ sunt, quæ diuinum solem mentium oculis excludūt, præripiuntque meliores diuinæ lucis radios, quibus & amoris & timoris diuini verior lux animis prælucebat; qua subducta, tanquam per incertum noctis medias inter tenebras mens conuoluitur, ignara iam sui, periculorùmque suorum.

Nam vt quis credat tam crebra proluxaque in illo sexu colloquia de Deo, deque salutè sola esse, integræque hæc castimonix & modestiæ fama stare, stolidum potiùs, quàm vanum est. magis etiam si credat, in tanta frequentia primam verècundiam, cautelam, prouidentiam; metùmque consistere. nam quæ primis congressibus modicis & rarioribus hærebat mens dubia, pendula de euentu, nec sibi satis fidens, adeòque & tuta omnia timentis, ea assiduitate, & consuetudine damna nec videt, nec veretur. familiaria enim sibi, ac quasi domestica pericula cùm fecerit, ne sentit quidem: arbitraris occalluisse ad hæc venena, quæ quominùs timentur, eo-

## 492 . MEDICI RELIGIOSI

nocentiores aculeos figunt, nulla postmodum arte medicandos, nulla refrigerandos.

Accedunt aliorum in similes familiaritates æmulæ propensiones, cum singuli sibi licere arbitrantur, quod vni permittitur. hinc frequentissima nascuntur colloquia; & confessionum sedes, narrationum & fabularum fiunt sedilia: vt tales videas ab his sedibus redire plenos nouarum rerum, dictorumque factorumque aliorum; illas etiam domū referre domesticas propere res omnes. ita mutuis narrationibus, quasi mutue beneuolentiæ tesseriis mutua necessitudo firmatur, in intimæ cuiusdam fiduciæ testationem. narrantur deinde vtriusque audita domi; illæ quæ à Confessariis acceperunt, profundunt in sociarum sinum: Confessarij in sociorum. & ne desit quod dicant, eidem singuli insistant semitæ: nec pericula plurimis aut omnibus iam communia timent, nisi post lapsum.

Plurimorum deinde tam externorum, quàm domesticorum suboriuntur offensiones, qui tam crebra ac diuturna earundem muliercularum intuentur colloquia, & deteriora cogitant: & res ipsa grauem non bonarum cogitationum materiam suggerit.

Iam cum non omnibus eadem familiaritatum officia præstentur, exurgunt reliquarum æmulationes, obloquia, suspiciones prauæ: quæ ex suo ingenio cum alias metiantur,

LIBER III. CAP. XXXIX. 493

metiantur, perfacile vident, ex his lignis & ignibus non nisi metuenda incendia nasci. cumque non ignorent necessitudinum harum pericula, quæ ipsæ fortè non semel passæ, eadem in aliis carpunt: & ut naturâ in omnem deterrimarum rerum suspicionem pronæ sunt, factæ ex seipsis magistræ; pessima quæque & ominantur & narrant, non sine grauis Confessarij talis dedecore. quod etiam in vniuersum corpus redundat, & vnius iam delictum ab it in omnes; cum vniuersim Ordini quorundam delicta tribuantur. neque quisquam sibi persuadet, Ordinis non esse, quæ aut annuentibus superioribus, aut non emendantibus eueniunt.

Grauißimum verò est, si ipsi Superiores hoc malo laborent. quorum facta documenta, ac propè præcepta reliquis sunt, ac quasi ad imitandum imperia. nec iam delictum putant inferiores, quod Superiore duce faciunt, nec pericula metuunt illo præeunte.

Et ferè quidquid vnquam in Religione malorum, quidquid lapsuum natum est, ex hac crebra diurnaque, confessionis, aut spiritualis documenti prætextu, cum iisdem mulierculis colloctione ortum est. Ut maxima eorum pars, qui deserta vocatione sæculum perierunt, ac in scelera antè, aut non multo post prolapsi sunt, ex his initiis ad extrema illa malorum deueniant. paucique adeò non tantum ad car-



## 494 MEDICI RELIGIOSI

nem & sanguinem. sed ad reliqua vitia & scelera deuenerunt, qui non ex hac frequentia ad præcipitia hæc descenderint. nam & mœnera hinc originem ducunt, & variarum detractionum ingens vltro citroque materia enascitur. euulgantur domestica omnia, nec quidquam tam reconditum sanctumque, quod mulierculæ non committatur, & inter hæc, pœnitenda non raro, ac nulla in posteritatem arte eluenda: sequuntur feminarum visitationes, & sociorum in iis fuga & vitatio: sæculares deinde mores, nimiaque in delationibus credulitas, & his non inferiora plurima. quæ omnia ex hac frequentata confessio-  
num prolixitate noxia fecunditate pullulant, infelicis seminis infelicia germina, in Religionis interitum nata.

Et sanè indignum viro docto, religioso, & ad maiora nato, paucis mulierculis tantum temperis vitæque impendere, tot horas malè locare, ne aut destituantur illis, aut plures cōciliemus, ipsi autè illaqueandi, & sub pulcro hoc spiritualis auxilij velamine, muliebribus retibus implagandi. maximè cum alliciendi placendique hoc studium sine domesticorum offensione non transeat: cum mutux hinc nascantur æmulationes, metus, & mutusque ad se has illasve pelliciendi conatus. quas res non infrequenter contemptus Confessariorum sequitur: neque enim fieri potest quin inter hos conatus, prolixasque sermocinationes,

**LIBER III. CAP. XXXIX.** 495  
tiones, aliquid minùs prudens, minùs religioſum, minùſque generoſum ac virile elabatur, vicarim poſtmodum non ſine rubore éſfundendum.

*Remedia.*

**A** Superiorum vigilantia, & ſolerti induttria petenda ſunt: qui ſi in omnem partem excubauerint, non magno negotio mala hæc diſcutient, maximè ſi ſeria acceſſerint monita, atque in delinquentes pœnitentia.

Si poſt ſecundam tertiamque monitionem emendatio non ſucceſſerit, tentanda erit loci mutatio. quòd ſi nec mutatione mores mutauerit, ab omni feminarum conſeſſione arcendus erit.

Proderit etiam tales variis occupari, & aliis potiùs, quàm excipiendis conſeſſionibus diſtineri; aut ſanè tot negotiis muneribuſque obrui, vt vel tempus deſit prioribus hiſce colloquiis.

Per Præfectum etiam ſpiritus tales iuuandi erunt, ac per frequentes ſpirituales annuas recollectiones.

Conſultum etiam erit aliquoties hos in anno aliorum negotioſũ prætextu ad alia loca deſtinare, vt aliorũ moribus paulatim aſſueſcant pœnitentes, & deſueſcant illius. à quibus etiam, captata occasione, pericula docenda erunt, damnàque, quæ ferè crebras diuturnàſque conſeſſiones ſequuntur.

## 496 MEDICI RELIGIOSI

Vniuersim etiam iuuabit, si à Superiori familiari aliquando colloquio, aut recreationis tempore exempla narrentur eorum, quæ & plurima & graua sunt, qui è talibus initiis in grauissima quæque, ac demum ad Religionis desertionem delapsi sunt.

Iuuabit etiam cogitatio præsentis Dei, omnia intuentis, & ad iudicium adducentis. finem etiam prolixarum harum confessionum examinare. si spiritualis est, cogitet plus semper periculi his annexū quàm spei bonæ, maioræque vtriusque damna quàm bona data relatæque esse. si temporalis alicuius commodi, meminerit Deum se habere patrem, qui vigilēs seriōsque regularum obseruatores nō destituet in inopiam: cogitetque plus semper maturitate morum, paucorumque religiosorum verborum pondere, quàm prolixis mollibusque colloquiis parari.

## CAPVT XL.

*Feminarum visitationes.*

**Q**Vocunque demum prætextu illæ fiant, noxiæ in primis Religioso sunt, ac omnium etiam maxime Confessario; cui modis omnibus expedit plurimum verecundia pœnitentibus suis ac uenerationis inhaerere: vt eum nulla pœnitens mulier sine rubore audeat intueri, aut sine

LIBER III. CAP. XL. 497

verecundia extra confessionis tempus adire, aut loqui: utque eam rerum, quas in confessione tractauit, memoria perenni quadam verecundia ac veneratione, à Confessarij familiari congressu terreat. eueniet alioqui, vt familiarioribus colloquiis & pudorem paulatim & venerationem exuat: ac vbi quædam in Confessario, quod perfacile in familiari consuetudine fieri consuevit, minùs aut religiosa, aut infra conceptam æstimationis spem deprehenderit, incipiat contemnere, quem antè venerabatur vt patrem.

Nec rarò euenire solet, vt familiaritas hæc visitationibus parra libertatem confitendi tollat, maximè si quid grauius, aut verecundum intercesserit, cuius memoria præsentiam Confessarij vereantur; aut sanè inuerecundiam quandam ingeneret: vt quæ antè non nisi ingenti rubore in ipsa confessione, nunc etiam in familiari colloquio inuerecundè exprimant, vt meritò moneat Ecclesiastes, & ab omni familiari congressu, in quo ferè liberius excurrunt oculi, terreat: *Speciem mulieris aliena mul-* Eccli.9.  
*ti admirati, reprobi facti sunt: colloquium enim illius quasi ignis exardescit.*

Visitationes deinde illæ, quid nisi ingentium malorum materies sint, ego non video. miscentur verò vltro citròque colloquia, ridetur etiam, & liberiores decurrunt oculi, omnisque paulatim pudor detergitur; gestus solutior, cachinni, ioci,

narra

## 498 MEDICI RELIGIOSI

narrationesque subsequuntur minùs religiosæ; pedetentim deinde socios testisque dictorum factorumque fugimus, & solitudinem amamus, ambimus etiam. profiliant exhinc colloquia familiariora: non qualia inter patrem & filiam reuerentem & pudicam, sed qualia inter maritum & coniugem, yt nullas iam pudor verbis, ac non multò pòst nec factis. semel verò pudore pulso, quàm grauiam metuenda sint. nemo non videt: quæ enim primò ad Confessarij, tanquam serij ac grauissimi parentis, vocem expauescebat; nunc in illius oculis & vultu, tanquam in mariti, aut fratris, aut sororis ludit, iacularique non rarò, etiam ignara, potentia fulgura, ossium medullas exedentia, hauritque vicissim non castos ignes: & antè vtrimque flammæ exurgunt, quàm scintillas senserunt. prudenter Sapiens: *In medio mulierum noli*

*Eccli. 41.*

*De vera virg.*

*commorari: de vestimentis enim procedit tinea, & à muliere iniquitas viri. & Basiliius: Cum femina semper esse, & feminam non cognoscere plus est quàm mortuos suscitare.*

Neque in vnius visitatione sistitur. plures adeundæ, ne exurgant inter non impares æmulationes, ne se desertas queantur; ne postpositæ, ad alium Confessarium animum adiciant. Ita cùm plurium visitationibus Confessarius distinetur, plarium paulatim ardet flammis, plurium percussus vultu, oculis, gestu, voce.

Offensiones ex his nascuntur externorum



LIBER III. CAP. XL. 499

rum sanè graues, & grauiorès offensionibus suspiciones: ingentiâque exurgunt scandala oblocutionêque, & deteriores factis narrationes. nec auctoritati tantum multum decedit, sed vniuersa tanquam spongia detergitur. & quidquid antè collectum boni nominis, tanquam flumine deletur: vt nulla iam verbis fides, nulla monitis auctoritas, fiducia nulla sit. omni probitatis, sanctimonix, castimonix opinionione depulsa.

Domesticorum etiam aut offensiones, aut, quod deterius, imitationes subsequuntur. ita proni omnes ad deteriora sumus. & delectat sequi, ad cuius cogitationem sine exemplo perhorrescebamus. erubescimus antè, & timore septi, nec verbo visitationem aut colloquia sustinebamus: accersit exemplum, & proni in illa ruimus; laudemque etiam venamur, ad cuius antè nomen rubore suffundebamur. tantum dux potest & exemplum, maximè in iunioribus, quibus necdum per ætatem, rerumque periculorumque experientiam aduersus has illecebras robur inualuit. Nec quidquam faciliùs, quàm teneras ceruices, ac quasi de matris etiamnum lacte, flectere in quamcunque partem, raperêque ad hæc mulierum mollia & blanda, non vno magnorum etiam & primorum orbe toto virorù naufragio infamia. vt nihil mirandum, si in illos scopulos imperiti naucleri, & tempestatù fluctuùmque inexperti illidunt ratem.

Serpit

## 500 MEDICI RELIGIOSI

Serpit dein hæc visitationum frequentia ad reliquos, ac totæ iam domus effundantur ad illas, pietatis ferè aut commodi alicuius prætextu: ita ferè electibilibus venena miscentur; nemo illa absynthio aut felle miscuit: quæ gustui in primis amica, toxico ab inimica manu natant. facit idem diabolus, spe spiritualis emolumenti ad hæc muliebres visitationes inhortatur, ad epulas reuera basilisci, ad venena molli sibilu testæ. ne fide, quisquis Deum amas. altè hîc serpens habitat. iaculabitur toxica opportunitate nacta. & ubi incautus fiducia sui extra omnem metum fueris, altiùs venena hauries, quàm vt illa vlla medica manus depellat; seròque ingemiscas, & nihil profuturas lacrymas, irritaque suspiria dabis, cùm intima depasta senties, ac non nisi cum anima nocitura deuomes.

Neque consistere hoc malum in vno potest. prouocata enim vnius alteriusve proritamento reliquæ, ac quadam æmulatione sociarum, eadem concedi sibi à Confessariis suis poscunt, quæ aliis euenire vident. negat aliquis? deserto hoc negatore suo, decurrent ad liberalem illum visitatorem, à quo paria sperent ac consequantur. è quibus initiis ingentes animorum nascuntur dissensiones, ac in tacita quadam, ac aperta tandem odia abitur.

*Remedia.*

**I**N solidum omnes omnium visitationes mulieribus secare consultum erit, nisi aut certa agritudo, aut grauis aliqua necessitas aliud deprecetur.

Propendentes in eiusmodi quâ monitis, magnorûmque non in vna Religione lapsibus, miserandisque in omnem posteritatem ituris exemplis, quâ pœnitentiis coërendi, loco etiam mouendi, audiendisque confessionibus excludendi.

Transgressores in aliorum exemplum & terrorem graui pœna mulctandi, nullisque quacunque prærogatiua fulgeat, eruditionis, pietatis, ætatis, dignitatis, in hoc genere parcendum. neque vlla nimia hîc seueritas esse potest. vt ille clementissimus censerî debeat, qui fortissimè punit, sæuitque in noxium membrum, ne contagione huius vniuersum corpus periclitetur.

In necessariis agritudinum visitationibus, si perpetuus fidus Religioni socius claudat latus, oculosque in omnem partem intentos habeat, magno in omnibus securitati adiumento erit.

Iam vt frequentior mulierum visitatio, tanquam venenorum attrectatio, noxia est, ita sæpius ab iisdem visitari non minori periculo subiacer. quare non inferior in hac re Superiorum prouidentia, vigilansque cura quàm in priore necessaria erit.

## CAPVT XLI.

*Sociorum fuga & vitatio.*

**V**La hæc est ad ruinam multorum, magnorūque lapsibus infamis in Religione scopulus, maximè cū de mulieribus agitur: in quarum consuetudine ac familiaritate, qui sociorum vitat præsentiam, hunc ruinæ proximum esse, necessarium est. Multis hoc in omni Religione exemplis, veteribus recentioribūque doceri potest. Iam, si proba, si casta, si timore Domini munita conuersatio nostra est, quid sociorum veremur oculos? Amare potius debemus socios dictorum factorūque, & innocentia nostræ testandæ, ac vitandorum periculorum, scandalique & suspicionis in aliis auertendæ causa. Securos enim tutioresque nos reddunt ab improbis callidisque mulierum illecebris, & ab æmulorum, inuidorum, ac odio etiam Religionem persequentium liuoribus & malignitate. Quas enim non possunt, inuidia, aut nominis nostri odio flagrantēs, aut alicuius priuati viri magni, calumnias struere? quibus non criminationibus obruere, si innocentia testes absint? & quomodo innocentia contra improbitatem se tuebitur testibus destituta? Optare proinde prudens omnis actionum suarum te-

stem

LIBER III. CAP. XLI. 503

stem debet, & erubescere ac exhorrescere, quoties solum se quocunque locorum muliercula sponte, an fortuito deprehendit.

Iam cum nusquam aduersarius desit quærens quem deuoret, omnemque occasionem capret; magna illi à socio remora iniicitur. nam ut flammæ, & medicata libidine tela iaculetur, accendatque non casto pectus igne; non eripit tamen flamma: cum sociorum vigilantia, tanquam injecto flumine restinguitur hic ardor, & quasi obiecta rupe repercutitur, foras fors erupturus ni repercussionem reperisset.

Quid? quod ipsa non raro forma, & secreti securitas nimis magna incitamenta sint ad reconditas multorum sæpe annorum flammæ excitandas. Incredibile enim dictu quantum momentum ad scelera secretum adferat; ut, si publicationis timeamini incitias, maxima facinorum pars corruat. neque quisquam facile ad vulganda decurrit: secretum crimina amant, quæ tamdiu appetuntur, quamdiu celanda sperantur. ut primum vulgationis metus incussas, tanquam injecta frigida cor gelascit.

Cumque in omni hominum genere plurima existant exempla non ultimorum virorum, qui ex incommittata hac fiducia, aut periculis & præcipitio proximi fuerunt, aut nulla prouidentia, ac pœnitudine reparanda damna acceperunt, nemo paulò prudentior illorum exemplis edoctus ad  
ultro



vltronea hæc discrimina se abiiciet. magis etiam cùm cogitaſſet, non vnum ardentis mulieris fraude circumuentum non ſemel, ad Iosephi illius magni neceſſitatem adactum fuiſſe: cùm etiam mentita corporis inualetudine animi morbum mulier proderet, & alliceret non ignotis huic ſexui illicitis prouocamentis, in omnem molliſſimam compoſiti, cadentibus calidè crocodilæis lacrymis in interitum fuſis, traheretque reluctantem, & ad periculum ſuum admirandum, ac ad ſolitudinem ſuam ſerò propè trepidantem.

Et plures omnino ſpectatiſſimæ probitatis vidimus, quos non vnæ muliebres inſidiæ cautiores, & tuta omnia timentes dederunt. quid? quòd intentatæ non ſemel fraudes ab iis, quarum caſtimonia nulla vnquam vel tenui ſuſpicionis vmbra notata fuerat? Quo cautiùs hîc procedendum: nec ætati, nec probitati, nec ſanguini, ac propinquitati fidendum. Vbicunq; ſolitudo eſt, damna metue, ſubduc ratem, ſequentur tempeſtates: portumque pete, dum integra naui poteſ; ne dum voles, inſurgentibus indignabundis femineis fluctibus, excludaris littoribus, & fruſtra terram ſpectes, irretitus malis, vndiſque immane voluentibus deſaſſatus, & ab inenatabili hoc profundo abſorptus, ſera ô nimiùm pœnitudine. Prudens nauclerus ſubducit nauem tempeſtati; fatuus immitit, & in medio curſu, fluctibus ludibrium factus, ſorbe

## LIBER III. CAP. XLI. 505

sorbetur nequidquam opem sociósq; cir-  
 cumspectās. retulit nimirum audaciæ præ-  
 mium, exemplum posteritati factus teme-  
 rarij ausus. nec est periti medici curatio-  
 nem ad extrema reiicere, dubio plurimum  
 euentu, certo periculo: præcauere cum  
 potest morbum, medicæque antecurrere  
 manu prudentis est. non est generosi mili-  
 tis, per ludum risumque in vltronea se di-  
 scrimina conicere nulla spe gloriæ, dubio  
 infelicitis successus metu. & quis prudens  
 explicabit vires, vitam, sanguinem, emolu-  
 menta si subtrahas, solæque damna mini-  
 teris? campum virtus desiderat non indi-  
 gnum amplitudine sua. vltro non ac-  
 cersit pericula sapiens præmio frustran-  
 dus. si se obtulerint, si incurrerint; fortiter  
 excipiet, doctus antè animā ponere quàm  
 cedere. Imitabitur Religiosus. non com-  
 mittet animæ suæ ratem infidis muliebris  
 occasi fluctibus: nunquam certius sorbent  
 quàm dum ludunt, dum serenitatem men-  
 tiuntur. auxiliaribus hæc opus est copiis.  
 nemo se fluctibus committit solum vitæ  
 suæ prodigus, socias adiungit operas fran-  
 gendis illis, domadisque: euenturóq; emi-  
 núsque licet minitabundo occurret mor-  
 bo, nec vulnera expectabit in medelam:  
 nec periculis se temerarius obiciet, præ-  
 mio nullo, damno in interitū, ingloriam-  
 que mortem ruituro.

Præbet sanè sociorum desertor iustam  
 Superiori causam ingentis diffidentiae. vt

Y nihil

# 506 MEDICI RELIGIOSI

nihil iam illi tutò credat, qui post magnorum incauta præcipitia eadem aggredia-  
tur. signumque omnino est aliquid ipsum  
moliri, quod secretum postulat, publicari  
timeat. non potest hoc à virtute nasci, quæ  
nec testem, nec proditorem suum veretur.

*Ioan. 3.* & seriò monemur ab Apostolo: *Omnis qui  
malè agit odit lucem, ut non arguantur o-  
pera eius: qui autem facit veritatem, venit  
ad lucem, ut manifestentur opera eius, quia  
in Deo sunt facta. non erubescit manifesta-  
ri veritas, amat lucem.* Fortiter idè Apost.

*I. Ioan. I.* *Quoniam Deus lux est, & tenebra in eo non  
sunt ulla. Si dixerimus, quoniã societatem  
habemus cum eo, & in tenebris ambulamus,  
mentimur, & veritatẽ non facimus: si autẽ  
in luce ambulamus, sicut & ipse est in luce,  
societatem habemus ad inuicem. Hanc so-  
cietatẽ altè imbibimus, cùm illã sociorum  
præsencia testamur. neq; certè talis aut of-  
fendit in tenebris; aut per nocturna præci-  
pitia delabitur incautus, cū diem secū ha-  
beat sociū: sol enim cuiq; diēsq; socius est.*

Et ut periculum absit, non consulitur  
socij integritati: cū non vnus exclusus à  
socio pericula adiuerit, damnãque tulerit,  
æc quam innocentiam domo sociatus ex-  
tulerat, desertus à socio retulerit. ut meri-  
tò hîc illud Prophetæ dici possit: *Si specu-  
lator viderit gladium venientem, & non  
insonuerit buccina, & populus se non custo-  
dierit. veneritque gladius, & tulerit de eis  
animã: ille quidem in iniquitate sua captus  
est.*

*Ezec. 33.*

## LIBER III. CAP. XLI. 507

*est, sanguinem autem eius de manu speculatoris requiram.* Speculator omnis socius est: à cuius manib. deserti in interitū socij animam iure deposcet Dominus. Neque tot exemplis doctus ignorare pestiferum solitariæ mulieris gladium poterat. Et ut periculum vtrimque absit, mali tamen suspicio abesse non potest, quæ sola famæ legendæ sufficit. quam quisquis sapit fugiet, memor plurimos hostium calumniis oppressos, ignauo exitu vitam finiuisse. neque tantum sociumque, sed Religionem vniuersam in nominis discrimen vocat, cū vnus delictum transeat in omnes. quid? quod iniusta semel macula, ferè æternet, nec vlla temporis aut æternitatis spongia deleatur. Plurimum deinde propagandæ proximorum salutis obesse hæc res solet: cū ex captata solitudine, sociorumque fuga, in plurimorum animis nascantur non castarum cogitationū opiniones: hinc fuga, à non castæ consuetudinis timore, ut minus iam audenter se suæque fidei talium committant.

*Remedia.*

**A** Seria periculorum consideratione petenda erunt: ab exemplis etiam non postremorum virorum, qui pedetentim his initiis ad malorum extrema deuenerunt. Neque potest desiderata hæc cum mulieribus solitudo, ac sine teste collo-

tio aut carere periculis, aut ab alio animo, quàm lapsui proximo proficisci: nam qui testem refugit, aliquid necessum habeat, quod ignorari desiderat, quòdque vulgari metuit. qui. n. sua omnia non veretur pro-  
palari, nec magis oculos humanos timet, quàm omnia videntis Dei; is gaudebit et-  
iam testium multitudine, eo magis extra  
periculum & calumniam futurus, quo plu-  
res habuerit dictorum, factorumque suo-  
rum inspectores ac censores.

Denique sociorum hæc associatio pro-  
desse, nō obesse potest; vitatio obesse, non  
prodesse potest. ac tuta semper in re salu-  
tis, dubiis, periculòque plenis præponenda  
sunt. In rebus huius sæculi fortunæ se fors  
exponere aliquis possit; in animæ & salutis,  
stolidum est intruta, dubiâque sequi, tutio-  
ribus neglectis.

A Superioris deinde vigili cura reme-  
dia petenda sunt, vt nullum incommittatur  
dimittat, non ætati, non eruditioni, aliisq;  
donis præfidens sine teste quemquam pa-  
riatur: tutissima deligat; neque aut suos, aut  
Religionem in æstimationis discrimen  
adducat. Quòd si quem in hoc genere de-  
liquisseprehendat, det operam vt non  
impunitus abeat, maximè ne exemplo v-  
nius, reliquis ad audenda paria strata vi-  
deatur via.

Consultum etiam fuerit amouere tales  
munere & loco, neque permittere, vt diu-  
tius in aliqua sede pedem figant, ne dum  
alicui



## LIBER III. CAP. XLI. 509

alicui diutiùs affiguntur loco, consuetudo & familiaritas enascatur, quam non raro secreti captatio sequi solet, maximè in iis, quos in hanc rem propensiores experientia docuit: quo magis illis inuigilandum, & ignibus his materia subtrahenda temporè est, ne ad remedia decurramus, cùm flamma domum occupauerit, ac possederit vniuersam. Principiis leui manu malis occurratur. quòd si inualuerint, nec toto restringi flumine, nec vlla aut arte, aut scientia auerti possunt, vt à sola demum sectione medela sperari & possit & debeat.

Amorem in se excitet vocationis salutisq; sue, nec magno molimine femineos hos vitabit scopulos, nec allidet ad hæc breuia salutis suæ ratem. solæque integritatis instituti fama, omnè Religionis amatorem ab his cogitationibus auocabit: maximè si sibi periculorum vndique circumstantium magnitudinem seriò proposuerit. in quibus à socio destitui idem est, ac si quis ingenti vndique hostili exercitu obsessus, armis ac propugnaculis se exuat, nudumque ferro latus obiiiciat, cùm socius cuique pro armis ac propugnaculis sit. Timeat proinde, diffidat exarmato robori suo. à muliere enim initium peccati, & per *Eccli. 25.* illam omnes morimur. non se suâq; credat illi quisquis sapit, memor Sapientis: Ne des *Eccli. 9.* mulieri partem anima tua, ne ingrediatur in virtutem tuam, & confundaris. nulla verò maior certiorq; occasio in virtutem in-

# 510 MEDICI RELIGIOSI

grediendi, ac tanquam sub iugū mittendi, quam cum solitudo amplum illecebrarum campum præbet. cum semotis testibus, liberius illices excurrunt oculi, mollia natant labia, frōs in dolum exporrigitur, tot compedes, laquei, retia, quot verba, magis etiam si fluant tanquam à crocodilo lacrymæ. nouissima enim illius amara, quasi absinthium, & acuta quasi gladius biceps, pedes eius descendunt in mortem, & ad inferos gressus illius penetrant. Careret omni hoc periculo, si non careret socio. & ipsa sæpe solitudo è casta non castam dedit; nec permisit quæ intrauerat innocuam innocentiam exire. Cauebit proinde seridò quisquis Deū, vocationem, se, sociūmq; amat, ne vel momento infociatus mulieri adhareat: cogitet nullum propè lapsum sociato euenisse, omnem infociatis accidisse. Et iā o' im monet Hieronymus: Si propter officiū clericatus, aut vidua visitatur, aut virgo, nunquam domum solus introëas. & Solus cū sola secretò & absque arbitro vel teste non sedeas. & August. Vbicunque ergo simul estis in Ecclesiâ, & Vbicunque femina sunt, inuicem vestram pudicitiam custodite. Deus autem qui habitat in vobis, etiam isto modo custodiet vos ex vobis.

*Prou. 7.*

*Ep. 109.*

CAPVT

## CAPVT XLII.

*Indeliberata agendorum resolutio  
& executio.*

**Q**Uæ ferè præcipitio proxima est. lapsum sanè de propinquo ininatur: neque enim prævideri res omnes tam subito, aut illarum circumstantiæ possunt: quarum neglectu labimur frequenter in pœnitenda. Prudens omnino seriò res, & quidquid illas circumstat, discutit, propinqua scrutatur & remota, nec præsentia modò, sed & futura, & quidquid è talis similisve rei delectu, tanquam principiis semel positis, sequi consuevit, aut probabile secuturum est. quæ qui negligit, rei nominisque sui adibit discrimina non leuia, coetûrque sententias suas ingenti sæpe rubore, famæque non vulgari iactura retractare, faterique errorem suum: non fuisse nimirum hæc aut illa à se præcogitata, negligentè discussionem, præproperam executionem, & vetus illud imprudentiæ, Non arbitrabar, non putabam.

Gravis hic error in Superiore est, qui & iudicis & medici personam præfert, grauiâq; ex hoc damna tam vniuersim, quam singillatim dari solent.

Exempla in omni hominû genere repe-

ries, militiæ Ducibus, Regibus, viris magnis: quorum plerique præcipiti hoc consiliorum delectu se rempublicamque vna ruina sepelierunt. Nec desunt exempla in Religionibus domestica, non tantum temporalium rerum damno, sed magnorum virorum etiam præpropere exitu, dum in ferendis sententiis præcipites Superiores innocentes, magnosque, & Religionis gloriæ natos, vno propè momento euerterunt.

Fugiet proinde prudens Superior hos temerarij ausus scopulos, & indeliberata præcipitia. Si accusator aut delator accesserit, perpendet singula, nec intactum quidquam à discussione relinquet: disquiret num quid humani hinc intercurrat affectus; num quis proprius ludat amor; num quæ ineret æmulatio; acceptane, aut data iniuria; verbone, aut facto læsus; nū audita tantum & ab aliis narrata. ingenium etiā vniuscuiusque tacitus secum discutiet; nū pronus in credulitatem, in delationem, angendis rebus, etiam supra fidem extollendis assuetus, pronus ad suspiciones: simul etiam quis ille, cuius nomen defertur, qua ante hoc tempus fama, qua integritate, quibus impræsentiarum moribus, qua fide in rebus versetur: qua apud domesticos externosque existimatione. nec erit difficile singula singulis conferendo, aliquid aut veri, aut probabilioris rei sagaci indagatione cognoscere.

Illud in primis vtile, lentè in omni hac

LIBER III. CAP. XLII. 513

re progredi, nec quasi vno filo rem exequi, sed temporis aliquid intermedij concedere, si quo modo res moram patitur; ac per intervalla ad illam accedere. Mature-  
scunt sæpe res morâ, & concessum tempus veritatem reteggit: cum multa frequenter intercurrent, quæ deliberantem quasi ducta manu ad destinatum veri scopum adducunt.

Habet hoc etiam locum in privatis. & plurimum calida consilia sæpe noxia sunt, maximè in rebus magnis, in quibus ferè grauissima incommoda altius habitant, ac in imo latent, quæ non facilè, nisi morâ eruas. tempus deposcunt, quæ conscripta profundius iacent, vt in solem lucemque educantur.

Quare in omni re, quæ quoquo modo moram permittit, à præpropere sententia cauendum est, difficultatésque ac discrimina animo suo proponenda: & quidquid metus, prudentiæ comes, suggerere potest: plûsque semper aliquid timori, quàm nimix spei largiendum: minus enim plerumque metus, quàm confidentiæ peccatum est; facilitiorémque timor veniam, quàm præsumptio meretur. ac sæpe quam timor culpam contraxit, diligentia emendari potest: confidentiæ delicta perquàm rarò emendes.

Bene Sapiens: *Vidisti hominem sapientem Prou. 26. sibi videri: magis illi spem habebit insipiens.*

Olim hæc verba D. Bonauentura: *Stultus De 6. alio*

X 1 enim c. 7.



## 514 MEDICI RELIGIOSI

enim sibi non confidens, quarit consilium à sapientibus, ne decipiat: ille autem de re plus quàm debet, præsumat, etiam ubi errat, rectè se plerumque sentire deceptus putat. Inter omnes autem tentationes, videtur ista periculosior cuique Christiano, scilicet proprio sensui nimis inniti. Cùm enim nemo reperiatur ita perspicacis intelligentia, quin possit in aliquibus falli, qui hoc solum & totum reputat iustum quod ipse senserit, astuto aduersario ad varias seductiones sub specie boni liberum arbitrium pandit. Unde cautum est semper rectori consilia libenter audire, & humiliter querere. Et in hoc triplex utilitas consistit. Primò, si alij idem sentirent, quod & ipse, securior est quòd non decipiat. Secundò, quicquid fecerit cum prudentium consilio, si aliquid inde euenit contrarij, minus ei poterit imputari, quàm si de suo tantum sensu id fecisset. Tertio, quòd saepe in merito humilitatis talis Deus dei ei agnoscere per se, vel aliū, quod antè non intellexit. hinc Moyses, cui Deus facie ad faciē loquebatur, consilium Iethro soceri sui gratum habuit & seruauit. Sunt autem duo genera hominum, quorum consilia prudens rector non facili debet recipere, scilicet adulatores & detractores. primi istorum seducunt eum, ut magis de se, quàm expedit præsumat, iuxta illud, Qui beatum te dicunt, ipsi te decipiunt, & viam gressuum tuorum dissipant. Secundi inducunt eum ut peius quàm debet, de alijs suspicando sentiat, & saepe innocentes condemnet, priusquam

Isaia 3.

# LIBER III. CAP. XLII. SIS

quam veritatem rei plenè cognoscat, dicente Scriptura. Aures principum simplices, & ex sua natura alios astimantes, callidà fraude decipiuntur. Et malis quorundam suggestionibus regum studia deprauantur, ut eos, qui credita sibi officia diligenter observant, & Hest. 16. ita cuncta agunt, ut omni laude sint digni, mendaciorum cuniculis conentur subvertere. Cum autem tribus de causis soleat requiri consilium, scilicet propter emendationem, ut discatur de quo dubitatur: propter auctoritatem, ut magis habeat vigor, quod per tales consultū fuerit: & propter pacem, ne habeāt aliqui occasionem murmurandi. propter primam causam consulendi sunt prudentiores; propter secundam nominationes; propter tertiam, ad quos negotium pertinere videtur.

Quisquis proinde prudenter instituere res volet, consilia in re sua aliorum scrutabitur & sequetur. sic enim fiet.

Primò, ut sententiæ suæ cōtra obrectatores habeat propugnatores, quos fōrs habiturus erat oppugnatores. ferè enim omnes in cōtemptū neglectū rapiūt; & præteritos, spretos fuisse arbitrantur. quare probissima licet cōsilia damnāt, probassent cōsulti, improbant neglecti. Quin adeò, quos aduersarios & sententiæ tuæ hostes habes, si in consiliū adhibueris, flectes, & plurimū quò voles, duces. tātū potest aliorū iudiciis detulisse. negligis? hostes iuratos cogita. qui si aperto Marte aut nō audent, aut non possunt; ex insidiis, optima etiā ac laudatissima

quæque, si alia negata via est, structis variè calumniis subuerrere conabuntur.

Secundò, ne facilitè aliorum à vero certòque labaris. cum oculatiores ferè plures sint, resque è variorum iudiciorum concertationibus fortiùs discutiantur, certiusque cognoscantur. Nec nouum in humanis magnisque viris ab infimis profutura discere. nolle illa ab aliena manu accipere, imprudentiæ summæ. solius ingenij sui viribus præfidere, arrogantia maximæ est. semper verò prudentes aliena consilia in re sua probarunt. Quòd si in quibusdam propria, & in pectore cuiusque nata, alienis fortunatiora fuisse deprehendas; non tam ratione illa prudentiora, quàm euentu feliciora fuisse cogita. ab euentu autem res iudicare, dementiæ, & plebei per omnia ingenij est, quod fortuitis potius casibus, quàm ratione res metitur. Fortunas aliquis suas, seque ipsum, cum posset naui, tabulæ in mediis furentis Oceani fluctibus commisit; ex ingenti hic præcipitio fortunata audacique volutatione terram tenuit; imperitus natandi rapidissimis alius se vorticibus immisit factus pila fluctibus; ille in vnum alex iactum vniuersum patrimonium proiecit; inermem se non nemo armatis quaqua hostibus obiecit; solus alter temerario ausu cum Magno Macedone, in armatam hostilem urbem se coniecit; quidam mulieri arcana capite luenda credidit, & feliciter illis res omnes prosperèque

succes

LIBER III. CAP. XLII. 517

successerunt. perierunt inter hæc millia, & temerarios conatus infortunato exitu signarunt. paucis admodum, felicioribus quàm prudentioribus, supra omne votum res illæ ceciderunt. non tamen ideo aut imitanda hæc, aut probanda. neque laudem temeritas mereri potest. felici aliquem euentu beare potest, prudenti non potest. sed & fortunatus audire temerarij potest, prudens non potest: plus namque talis fortunæ quàm virtuti aut rationi debet, fortunatæque illius felicitas laudari, sapientia non potest. & quis neget eximiam aliquando gloriam, fortunæ potius, quàm virtutis beneficium fuisse?

Tertiò, vt in quocunque infortunato rerum successu promptam excusationem habeat. suo nimirum non sterisse iudicio, secutum aliorum. fecisse quod sapientes in re sua solent, aliorum sententiam suæ prætulisse. Neque alia facilior venia est, quàm cum quis prudenti consilia secutus, euentus felicitate caruit. & magna ferè talis altæque pace fruitur, quocunque demum successu res euenerint, cum habeat huc domesticum testem, Feci quod potui, quod debui, quod assolent prudentes, sapientiæ legibus obsecutus aliorum consiliis mea postposui. aliter res cecidit? humana hæc sunt. nec præcaueri semper damna, nec anteuerti fortuita consiliis possunt: maxime cum à libera subdolaque voluntate alterius, quàm nec flectere, nec scire etiam possumus,

## 518. MEDICI RELIGIOSI

possumus, non raro res pendeant. Nihil sane facilius quam prudentissime cogitata inuertere. ad euersionem causa vna satis, ad stabilienda plurima necessaria sunt. cumque innumera improbitati pateant via, virtutis vna est. illa in plano, hæc in arduis sedem fixit. & euertere vni facillimum, quod vix plurimorum industria prudentiaque stabiliri potest. multis nimirum prudentia eget, temeritas paucis.

Nihil ergo incōsultò, maximè Superior, aggredietur, lubensque de minimis etiam sententiam aliorum disquiret, gaudebit discere, & gloriæ, securitatis, tranquillitatisque suæ non vltimam partem ducet, aliena consilia prætulisse suis. ita enim & meritam reprehensionem vitabit, & tot propugnatores quot consiliorum auctores habebit, & tutius certiusque res aggredietur, & in aduersis solatia opemque experietur; & si quando infelix, nunquam tamen temerarius audiet.

### *Remedia.*

**A** Nimum ad deliberationem adferre ab affectu liberum, vt nihil antè certò tecum statuas; plurima tamen in vtramque partem valitura tacitus tecum cogites. Seriam deinde proponendarum rerum deliberationem, si tempus patitur, instituas, cum moneat Sapiens: *Omnia cum consilio fac, & post factum non penitebit.* Si ne-

*Eccli.*  
32.

gata



LIBER III. CAP. XLII. 519

gata mora est, ac quasi in arena consilia sumenda sunt, nec dilationem res concedit; ea tamen adhibeto, quæ præsens permittit conditio rerum: nec ab impetu aut fortuitis, sed à ratione feraris.

In consilium adhibere propositarum rerum non imperitos, & dandis consiliis asuetos: singula dein discutere, quæ obuia, quæque metuenda sunt, quæ speranda commoda damnæque, in omnem denique partem propositam rem vertere. Benè Basilii: *Communicandum cum ijs qui eiusdem nobiscum animi sunt, fideique atque intelligentia sua certum documentum dederunt; ut intentio nostra, si mala sit, corrigatur; si bona, confirmetur.* Interr. 229.

Sanè ut alia omittam, consequitur serius deliberator, ut consiliorum suorum habeat patronos, paratæque hac fruatur tranquillitate, Feci quod licuit; præter opinionem res ceciderunt; adhibui, quod in humanis solet, consilia prudentum. exitum, qui ferè fortuitus est, dammare possunt; præproperea ac indeliberata consilia non possunt, ubi diligens seriæque consultatio præcessit. Monet è Sapiente Gregorius: *Sine consilio Past. p. 3. nihil facias, & post factum non poenitebit, c. 16.* & palpebra tua præcedant gressus tuos. palpebra quippe gressus præcedunt, cum operationem nostram consilia recta præueniunt: qui enim considerando præuidet quid facit, gressus tendit, oculos claudit, pergendo iter conficit, sed præuidendo sibi mer-

ipso

## 520 MEDICI RELIGIOSI

*ipsi non antecedit. atque idcirco citius corrumpitur, quia quò pedem operis ponere debeat, per palpebram consilij non attendit.*

Huc accedit, quòd in præcipiti agendarum rerum, & non deliberata resolutione, licet non infeliciter res ceciderint, eleuent tamen plerique, si improbare rem non possunt, ac fortuitæ rei prosperos successus adscribant, non prudentiæ imperantis.

Exempla sibi proponere, quibus hæc agendi ratio ingentia damna dedit, exitu ferè infortunato. Plenæ his sunt omnium Regum, Principum, Rerumpublicarum, omni ætate & populo historiæ, quæ è præcipiti ac indeliberato consilio, regnorum meminerunt, quorum facilius est nomina quàm cinerem designare. ita temerario impulsu vno tota totis agris consépulta iacent imperia, ignotissima posteritati, ni proditor calamus funesta nomina in exemplum prodidisset.

Remouenda denique ab omni gubernatione erunt hæc præpropera & iudicij sui ingenia, quæ magis ad obsequendum, ac imperata exequenda, quàm ad imperandum nata sunt.

## CAPVT XLIII.

*Diffidentia.*

**Q**Uæ res ubi religiosam domum peruat, nihil magni sperari potest : nam siue Superior diffidat suis, siue Superiori inferiores, damna sola timenda sunt ; aut sanè nulla in magnis arduisque speranda progressio est. iacent proinde domustales, ac quasi in ignauo sopore pereunt. nec quidquam præclarum spondebunt, quamdiu diffidentia locum suum tenebit : ut frustra excelsa, aut in posteritatem abitura, aut in salutem multorum, ab his animis expectes.

Ingens omnino languor diffidentiam comitatur, ac spiritalis omnium rerum nausea : nam siue subditus Superiori, siue hic illi diffidat, siue utrosque diffidentia occupauerit ; neglectus propè omnium è timore natus sequitur, ac secretorum plerumque consiliorum captatio : nam cum in apertos non profiliant campos, ex insidiis res aggrediuntur ; dolisque, quod è virtutum plano non possunt, consiliorum studiorumque aliorum nascuntur euerfores, dum singuli indignantur, clam se quædam fieri, & tacita iniri consilia.

Diffidentia hæc, Superioris si obsedit pectus, nulli quidquam credet, quod laudem

## 522 MEDICI RELIGIOSI

dem mereatur. iam cum exequi ipse omnia non possit, aliis diffidat, sit ut angustissimis terminis fructus claudatur.

Decrescit deinde etiam animus inferioribus, nec se ad magna erigunt, aut conatum rebus admouent, cum Superiorem patiantur omnia etiam tutissima metuentem, nec se ad grandia extendentem, aut ad victura porrigentem manum.

Sed cum neque sua credant Superiori, sit ut tenuem Superior illorum cognitionem consequatur, iacetque in his omnis conscientiae redditio: ac si qua necessitas eos cogat, superficiem tantum radunt, non descendunt ad pectus, aut ad mala cor rodentia: quo sit ut Superiorem necesse sit in graues errores incurrere, cum committat ignoratione suorum non committenda, muniisque credat, quibus tuto credi non possunt, nec sine discrimine sapere suorum, nominisque boni corporis vniuersi.

Graues deinde utrimque nascuntur animorum dissensiones, mutuae suspiciones, criminationes; clancularia deinde consilia mutuam gloriam, nominis apud domesticos externosque aestimationem, ad honoratiora promotionem, conatusque omnes, subdolis machinationibus euertendi.

Pessimum illud, quod ferè est suspicionibus ad aliorum damnationem decurrant, nam cum sibi quisque diffidentiae testis sit, fraudumque est diffidentia natarum; sit ut eadem de aliis sentiant, suo reliquos pedem

LIBER III. CAP. XLIII. 523

metientes : è quibus deinde suspicionibus non tantum ad iudicia ferenda descendunt, sed ad cogitationes suas opere exequentes, omne stadium in eo ponentes, ut structis socium insidiis praeueniant ; metuentes ne paribus aliorum dolis circumueniantur.

Aperit diffidentia hæc viam ad politici-  
simum, cum tectis omnia dolis repleantur. socios simulato verborum lenocinio demulcent, candorem simulantes, quò faciliùs securiùsque venena sua spargant. adulationibus plena sunt omnia, dum amicitiam fiduciàmque simulant, diffidentia pleni.

Nasci hoc malum consuevit.

Primò, ex ingenti fastu. quo qui laborat nullum sibi prudentia, rerum experientia, ingenio, eruditione, probitate parem arbitrat : damnatque in his reliquos, etiam Superiorem. quare cum prudentiæ illius virtuti que diffidat, fit ut se suaque illi non credat.

Secundò, ex nudis suspicionibus. cum de mutua in se voluntate affectuque diffidunt, de mutua secreti fide, candore, probitate. idque è causis è sola suspitione desumptis.

Tertiò, è pusillanimitate quadam animi. cum non aliis tantum, sed sibi, virtuti, robori, ingenio, eruditioni, eloquentiæ, memoria, promptitudini, dexteritati, probitati, constantiæ diffidunt.

Quar



Quartò, è recondito & inlatenti malo. cum noxia quadam verecundia ægritudinem suam Superiori inferior detegere veretur; aut sanè tacito quodã improbo metu, quo impedimentum timet à Superiore iniiciendum, si detecta consilia fuerint.

LUC. 10.

Quintò, è diffidentia quadam diuina. qui si Domini verbis, *Qui vos audit, me audit; & qui vos spernit, me spernit*, fidem adhiberent perfacile se suãque Superiori crederent. vnde fit, vt ferè tales Deus relinquat in manu consilij sui, destituâtque celesti sua gratia, ac ductrice manu sua in via spiritali, in qua errasse æternum est.

Quòd si labi tales contigerit, nec consulentem, nec eleuantem, nec propugnantem, adeoque nec miserantem reperient. sequiturque ex his initiis perpetua quadam inquietudo mentis. nulla enim ibi pax, malacia nulla, sed æternæ infelices tempestates ac iactationes sunt, æternusque naufragij metus. Miserrima omnino conditio, quibus nulli, & qui nullis amici. quales omnes illi sunt, qui hoc diffidentia malo tenentur.

Contingit verò non rarò tales dum domestica diffidentia laborant, ad externa consilia decurrere, etiam ad muliebria: cum ita ferè natura comparatum sit, vt in alicuius sinum nostra diffundamus. diffidimus domesticis, imus ad externos. quæ res quanta secum trahat mala, nemo non videat. quòd si quem fors inter domesticos

idem

LIBER III. CAP. XLIII. 525

idem detineat morbus, mutua venena bibuntur, mutuo toxico perituri, quo citius pereant. nec res hæc tunc in paucis stare solet, plures occupat. donec totam familiam lata diffidentia occupauerit.

*Remedia.*

**S**I Superior vniuersim hac diffidentia in omnes laboret, nec aut aliorum exemplis, aut rationibus erigere se potest: consultius est talem aliis occupari, nec gubernationi admouere: sin in vno alteove consistit hoc malum, nec deponere potest, à personarum mutationibus remedia poscenda sunt.

Si laborat hac diffidentia inferior ex innato quodam naturæ metu, ab omnibus omnino Superioribus animandus erit aliorum exemplis, quibus ea fiducia felicissimè cessit, & cedit in dies. in qua re plurimum potest Superiorum exterior benignitas, fiduciæ re ipsa ostentatio, familiaritas, affectus verbis etiam adiutus, animatio rebus prosperè gestis, ad maiora etiam prouocatio & incitatio, additūque animus laude.

Si non vltra vnum alterūve Superiorem diffidentia hæc protenditur, postquam varia frustra remedia tentata sunt, ad locorum mutationem decurrendum erit: plurimum tamen in hac re potest discreta Superioris charitas, fiduciæ ostentatio,  
blan

blanda compellatio, animusque liberalis, & heroico similis: colloquia etiam interdum prolixiora, associatio in rebus arduis, in consilium etiam nonnunquam magnarum rerum euocatio, si personæ qualitas paritur.

Proderit hîc diuinæ in se fiduciæ pro-uocatio: qui non patietur fidentem in se in fraudem impelli. nunquam proinde res humana metiatur prudentia, metiatur diuina. falli hæc non potest, fallere non vult.

*Psal. 90.* stabit sponsonibus suis Deus: *Super aspitem & basiliscum ambulabis: & conculcabis leonem & draconem.* mentiri non potest Deus. addit: *Quoniam in me sperauit, liberabo eum: protegam eum, quoniam cognouit nomen meum. clamabit ad me, & ego exaudiam eum: cum ipso sum in tribulatione: eripiam eum, & glorificabo eum: longitudine dierum replebo eum: & ostendam illi salutarem meum.* & antè: *Cadent à latere tuo mille, & decem millia à dextris tuis: ad te autem non appropinquabit.* Quæ sperari possunt certiora, quæ maiora? audeat sperare homo, non patietur se vinci Deus, & maiora votis dabit, docemur hoc omnium ætatum exemplis. erigat proinde se in spem magnam, & audeat ipsosore Deo in Superioris sinum se suæque profundere, posita noxia verecundia. vulnera retegat. retexisse sæpe curasse fuit. vt non tam sequatur, quam comitetur refectionem curatio. Et sanè magnæ hic candor consolationis mater

# LIBER III. CAP. XLIV. 527

mater est, tranquillitatis ac securitatis magnæ, facile hoc erit humili, & submissè de se sentienti. gaudet hic deprimi, & beneficium arbitratur posse latere. scit ille à solius Dei iudicio veram magnitudinem tenuitatèque pendere. incerta humana sunt, & innumeris ferè erroribus permista. ille errare non potest, decipi non potest. quare illi soli innititur, certus de euentu: securus de præmio.

## CAPVT XLIV.

### *Dissensiones.*

**C**ERTISSIMA Religionis, licet optimè constitutæ, perniciēs. nam cùm mutuo illam amore, tanquam vinculo colligari, tanquam glutino coniungi, tanquam propugnaculo roborari, nemo ignorare possit; sit vt qui illa dissoluit, quidquid in Religione firmum, solidum stabilèque erat, euertat: vt nihil iam expectare debeamus, quàm vniuersæ ruinam. ita vno hoc malo mala omnia continentur.

Amore enim minima crescere, maxima dissensionibus decrescere norunt omnes: illo stare etiam per se imbellia, ac aduersantium rabiem excutere vt pilas; hac validissima, etiam quæ sæculis steterant, momento propè corruere videmus. nulla sanè

tara

## 518 MEDICI RELIGIOSI

tam mollis manus, quæ non ad miraculum & prodigium, amore si constringatur, persistet inuicta, minis, furoribus, tempestatibus superior. Si ceciderit, hostium mole, veriùs quàm robore oppressa, non cadit inulta, non ingloria, hostili sanguini inse-pulta; minitantiã etiam post mortem aduerfa ostentat vulnera, inimico cruore tincta, ipsòque adeò emortuo vultu nusquam animos defuisse ostendit.

Nulla contrà tam firma manus, tam roboris plena, armata licet sæculorum ferro, propugnaculis cincta, ingenio adiuta, exercitatione roborata, quæ non mutuis dissensionibus diuulsa collidatur, & ruat nullius alterius impulsu. etiam rupes & saxa si disungas, solis imbribus colliquescunt; tam molli elemento tam firma validaque: adde calcem, molle vinculum, sed vinculum tamen; nec fluctibus, nec irato mari cedunt: infrendeat licet, sæuàsque barbarasque intenet minas; rident efferam hanc rabiem, omnibusque superiora, augmentum extollunt verticem cedere nescia. tantum prodest colligari. intuerè paleam; quid fragilius? conuolue in fasciculum, nulla Herculeã dextera comminuat. serico quid tenerius? conuolue in funem nauticum, quæ Samsonica manus confringat? ut iam facilius videatur columnarum effusio, arcatum portarum euulsio, tot hominum asini mandibula cædes, totque Herculei labores, quàm tenerimarum, si sin-

gula



## LIBER III. CAP. XLIV. 529

gula spectes, rerum comminatio. vsque  
aded constringi mutuóq; innodari iuuat.

Sanè vt nihil in Religione nobilius amo-  
re est, nihil quod in omnium animis ocu-  
lisque maiorem admirationem excitet,  
nihil quod illā validiùs firmet, nihi quod  
hostibus magis formidandam, & inuictam  
reddat, nihil quod ad æmulatorum etiam  
stuporem & confessionem magis exornet  
ac illustret: ita nulla illi perniciosior pestis  
obuenire potest, quàm quæ tanquam vna  
falce demerit hæc magna, vna diuulsione  
nudat hoc ornatu & robore. euenire hoc  
mutuis animorum dissensionibus, etiam  
pueris decantatum, vt nil miremur incla-  
mantem Sapientē: *Septimū detestatur ani-*  
*ma mea, qui seminat inter fratres discordias.* *Prou. 6.*

Surgunt denique ex hoc malo mutuæ  
æmulationes, inuidentiæ, liuores, oblocu-  
tiones, risus, depressiones, contemptus, de-  
tractiones: nec quidquā sperari laude aut  
gloria dignum potest, cum plus solis his  
dissensionibus decedat, depereatque, quàm  
singulorum labor & industria spondere  
audeat: plúsq; dissentientes hæ linguæ  
deuenuissent, quàm singulorum conatus  
collustrare possint. neque Religio iam vlla  
est, quæ solo amoris quodam nexu stare  
solet; hunc qui sustulit, illam de medio  
tulit: neque enim diu stare potest, quod  
nullo vinculo colligatur, quódque omni  
parte dissectum iacet, quod armis exutū,  
nudum ostentat latus inimico ferro, quod

viduatam clypeo & protectrice dextera iugulum præbet hosti, nouacula secādam. *Mat. 12.* Habemus hæc confirmata à Domino: *Omne regnum diuisum contra se desolabitur, & omnis ciuitas, vel domus diuisa contra se non stabit.*

Contingunt hæc Religioni, mutuo amore spoliata, quo vno ipuicta stabat hostibus terror, minis omnibus altior, cedere nescia, ignata commoueri, nulli ceruicem iugo, præterquàm Christi edocta flectere, nulli potentia decrefcere, inferiorum etiā potestatibus timenda; cū per ferrum & sanguinem, perque mille poenarum genera, ludus illi esset, ire ad Christum suum: rosa & viola, ignis & flammæ, per quas purior iam animus euolabat in amati sui sinum. at vbi nudata amore, & per hunc spoliata armis, propugnaculis exuta, propugnantibus destituta, inarmatū præbuit corpus; facta est ludibrium hostibus, puerisque materia risus, feminisque adeo ingens diuèsq; fabularum, narrationūq; series. stabat amor mutuus, mutuo sociatus nodo; stabat Religio orbi miraculum: periit amor? iacet illa quocunque plebeio proterenda pede. stat amor? quot hostes, tot admiratores; quot æmulos, tot imitatores; quot amicos, tot laudatores habet: euanuit amor; tanquā leui sponsia rustica manu delentur hæc magna. stat amor? mutuus fuit sudor, mutuo labore prouocatus: elanguit amor? concrefcit sudor

## LIBER III. CAP. XLIV. 531

mutua ignauia constrictus. & quæ fluebant  
flumina, vicinæque rigabant pascua, densa  
concreta glacie iacent. euenitque quod  
in ampla hæreditate, cum dissentientibus  
animis decurritur ad forenses rixas, certa  
perdenda hæreditatis breuia: vt, sicut asciti-  
cij sanguisugæ quidquid erat in lætissima  
fortuna sanguinis boni, pestifero suctu  
hauriunt; ita alieni comedant robur nostrum,  
animi nimirum opes, mutua antè amicitia  
felici euentu partas, mutuis nunc dissen-  
sionibus tanquam leuissimam paleam dis-  
sipandas; vt qui fuimus terrori, ludibrium  
nascamur hostibus, & victoriæ illorum am-  
pla materies, horreisque illorum fœcunda  
nimium messis. Nulla iam propè cura sa-  
lutis proximorum, dum sibi studet singu-  
li, laborant sibi, commodisque vacat suis,  
insidiantur alienis, mutuóque euertunt  
conatus, facti mutuò domestici hostes: à  
quibus ne oculatissimus quidem, & in om-  
nem partem annorum experientia præ-  
prouidus se tueatur.

Ab externo non magno se fors negotio  
quis defendat, ab eiusdem contubernij,  
propè impossibile est: maximè si foris ini-  
mica oppugnet acies, qualis ab inferorum  
rabie, à sæculi illecebris nunquam deest.  
semper hostilia stant foris agmina, dome-  
sticæ si accesserint insidiæ, mutuis animo-  
rum dissensionibus excitatæ, nulla iam  
spes super. & concidit etiam valentissimi  
animus, vbi præter externum ferrum, do-  
mestica

domestica patitur tela: cum exsiccare sudores suos sentit inuidentiæ panno, ne fecundo fluxu suo proxima rigent prata rore suo destituta; cum non infortunatè sparsa locuplere manu sua semina in plurimarum salutem animarum, exuri videt æmulationis flamma; cum in seniorum laborū procursu ad viuum proscindendo, subdolas suorum perfert machinationes: quibus tanquam domestica falce, latissimi culmi, diuite spica vestiti in viridi etiamtum spe luxuriantes præscinduntur.

Et quis animus sit ad magna, aut cui tantum robur, qui dum socios patitur hostes, in externum feratur hostem, & ad generosos ausus protendat dexteram? cum non tantum domestico destitutum se sentit auxilio: sed pari hostes, quos habere debebat propugnatores, & pro auxiliaribus copiis procursantes inimicas acies sustinere. dura hæc res, & quæ mortales superet vires. Quare ut primum se prodit interna hæc animorum colluctatio, tanquam dissectis quaqua neruis, languescit omne robur, & generosior cuiusque mens tanquam fulmine icta concinere scit, abique in vagum puluerem ventorum lusum.

Iam ut primorum ad externos animorū hæc dissensiones promanauerint, quid sperari potest, quid timeri non debet? nam ut silentio diu premantur, nec erumpant aliquando foras, optari potest, sperari non potest, neque enim diu contineri hæc flam-

LIBER III. C A P. XLIV. 533

mae possunt, quin depulso cinere prorumpant in apertum: hic verbis, ibi signis & factis, alibi contrariis studiis; quamquam subdola primum circuitione, inde plano quodam odio produntur: quæ res omnem omnino spem sementis bonæ funditus evertit; cum etiam eant in partes externi, singulique suos tueantur, facti suorum patroni: magis etiam quando delabimur ad protectrices, & agmina iam mulierum pro suis pugnant, insurguntque pro innata sibi impotentia in æmulos patronorum ductorumque suorum. vnde ingentia prorumpunt scandala, nullo torrente, ac ne lacrymarum fluminibus, aut quacunque posthuma pœnitundine diluenda.

Exulat deinde omnis pietas, cum & Christus exulet ab illa domo, à qua mutua exulat caritas: neque enim aut ille dissensionum pater esse potest, aut hi eius filij. *Beati nimirum pacifici, quoniam illius filij* Mat. 5. *vocabuntur.* non sunt ergo filij animis dissidentes. at ubi nulli filij, nec pater est. Infelix conditio, ac miseranda familiæ constitutio; quæ cum ignoret Deum patrem, nec hæreditatem sperare potest, solis filiis promissam, solis largiendam. sed neque discipuli Domini sunt, cum ipse dicat: *In hoc Ioan. 13. cognoscent omnes quod discipuli mei estis, si dilectionem habueritis ad invicem.* neque Deum diligunt, cum audeat discipulus quæ diligebat Dominus: *Si quis dixerit, Quoniã 1. Ioan. 4. diligo Deum, & fratrem suum odit, mendax*



# 534 MEDICI RELIGIOSI

est. neque enim est dissensionis Deus, sed pa-  
 1. Cor. 14. cis. & Mandatum habemus à Deo, ut qui di-  
 1. Jo. 4. ligat Deum, diligat & fratrem suum. addit-  
 que illud testatissimum amoris diuini si-  
 gnum: Si diligimus inuicem, Deus in nobis  
 manet, & caritas eius in nobis perfecta est.  
 Ut enim mutuae animorum dissensiones  
 densam inter Deum & nos iniiciunt nubē,  
 imò & noctem, quæ lucis illius prospectū  
 omnem adimit: ita mutuus amor pullis te-  
 nebris, discussaque dissensionum nebula,  
 prospectandū nobis Deum tradit: eo cer-  
 tius, quo potētiore mutuo ardemus igne,  
 mutuæque castiore ardemus flamma, diui-  
 norum radiis excitata.

In Past.  
 par. 3. c.  
 24.

Fortiter Gregorius in dissensionum au-  
 ctiores insurgit: Audiant iurgiorum disse-  
 minatores, Beati pacifici, quoniam filij Dei  
 vocabuntur. atque è diuerso colligant, quia  
 si filij Dei vocantur, qui pacem faciunt, pro-  
 culdubio Satana sunt filij, qui pacem con-  
 fundū: quia nihil pretiosius est Deo virtute  
 dilectionis, nihil est desiderabilius diabolo  
 extinctione caritatis. Quisquis ergo seminā-

Ibi. c. 23.

do iurgia dilectionem proximorum perimit.  
 hosti Dei familiaris seruit. & alibi: Quid si  
 zelum amarum habetis inter vos, & cōten-  
 tiones sunt in corde vestro: nolite gloriari, &  
 mendaces esse aduersum veritatem. non est  
 ista sapientia descendens de sursum, sed ter-  
 rena, animalis, diabolica: qua autem de sur-  
 sum est sapientia, primum pudica est, deinde  
 pacifica. pudica videlicet, quia castè intelli-

git ; *pacifica autem, quia per elationem se minimè à proximorum societate disjungit.*

### *Remedia.*

**V**Alidè secare, quicquid huic animorum coniunctioni contrarium est: nulli & nusquam parcere. sola pietas hic est sanire ferro & ignibus. initiis tamen maximè insistendum, seriò in omnem partem inuigilando, secando graui admonitione; minis ac pœnitentiis etiam terrendi auctores: spiritualibus exercitiis domandi, priuatis publicisque pœnis, interdictione etiam consuetudinum ac familiaritatum aliorum, fortibus per hebdomadam exhortationibus, vt totis viribus insurgatur in hoc malum. nec quidquam in hoc genere tã leue, quod non graue habeatur.

Iuuabit in primis seria sollicitudo Præfecti spiritus, qui acrioribus monitis, remediisque etiam seuerioribus sauiat in auctores: nunc terrendo, nunc blandè etiam monendo, nihil eorum omittat, quæ ad exscindendam hanc pestem valeant.

Quòd si pergat tamen, serpatque hoc malum, ad remedium vltimum, dimissionem veniendum erit. neque vlli in hoc genere parcendum. Magno sanè beneficio Religionem affecerit, quicunque à reliquo corpore dissensionum auctores secuerit. scuit, qui parcit; beneficium, qui secat, præstat, bis clemens.

536 MEDICI RELIGIOSI

Qui verò in se has animorum alienationes sentit, pericula secum consideret, damna, infelicesque auctorum talium exitus. quare si quid offensæ intercurrerit, nunquam noctem nocti superinducat, memor

*Ephes. 4.* Apostoli: Sol non occidat super iracundiam vestram. Expressit hoc versu Orientius:

*Pelle odium, contemne minas, depone rigorem,*

*Offensam teneat tempora nulla tuam:  
Ut te sol blanda seruante vincula pacis  
Deferat abscedens, inueniat rediens.*

*Mat. 5.*

& Si offers munus tuum ad altare: & ibi recordatus fueris, quod frater tuus habet aliquid aduersum te: relinque ibi munus tuum ante altare, & vade prius reconciliari fratri tuo, & tunc venies. offeres munus tuum. Complexus id vno versu Prudentius:

*Nil placitum sine pace Deo, non munus ad aram.*

Beneuolentię proinde studiis præueniat omnes: familiarisq; cum iis agat quos alieniores expertus fuerit. digniores illis partes concedat, bene de absentibus loquatur, ac laudet etiam: peculiarésq; pro iis ad Deum preces fundat; prænitentia etiam quoties deliquerit, vltro sibi aliqua irrogata.

Neque interim cogitandum est, omnes semper quocumque etiam studio conatúque adhibito, futuros iudicij nostri. imò stolidum est, omnium iudicia ad nostrum transferre velle: stolidissimúq; dissente-  
tire

### LIBER III. CAP. XLV. 537

tire voluntate, quia iudicio dissentimus. neque enim sperandum est, posse omnes in humanis ad eandem iudicij normam traduci. fatuusque illorum error est, qui cum aliquem viderint iudicio, & voluntate differre arbitrentur; cum amicissimi mutuis frequenter iudiciis, in maxima voluntatis coniunctione, dissideant.

Iuuerit verò plurimum potentem in se diuinum amorem excitare. quo tanquam ingenti supposito igne, ardentes in proximos amoris flammæ exurgant: omnesque dissensionum nubes valido diuinorum vento pellantur.

### CAPVT XLV.

#### *Detractiones.*

**N**Ascitur hoc malum ex inuidia & odio, dum felicioribus aliorum successibus inuidemus, nec assequi possumus; atque hinc odia, & animorum alienationes.

Ex æmulatione: dum pares esse volumus, aut etiam superiores. hinc mille cogitantur modi, paria aut etiam maiora consequendi; ac si probi probatique haberi non possunt, à minùs probatis, improbisque subsidia petuntur; & quod virtus nō potuit, vitium reperit. scelera nimirum fertiliora sunt, & fecundam hisce cogitationibus viam sternunt; ac quod non po-

tuit pietas, improbi mores inuenerunt & dederunt, vt, si aditus omnes clausi sint probitati, tota improbitati pateant ostia: donec tandem decurratur ad illud notum, Sociorum detractio. vt his demum gradibus semitam insternant sibi ad commoditates, & nomen magnum.

Ex habitu malo prauoque, cùm maledicendi consuetudine altè hoc malum imbibimus: tunc enim etiam non cogitantibus elabatur nociturum telum, eliciturum sanguinem. grande malum, cùm quasi per iocum in consanguineo ludimus iugulo, & ridentes barbara ferocitate in propinquo pectores saeuimus. Efferum, & infra belluas id semper fuit, mutuo inter mensas ferculaque madere sanguine, & vulncribus coronata circumducere pocula, magis etiam sanguine potari. At ego nescio an immanius crudeliùsque sit, inter ludicras narrationes cachinnis saepe & salibus conditas, sociorum famam spargere, quæ vitâ ipsâ honoratissimo cuique carior esse debeat. illa semel ponitur, semel morte vna finitur: fama cui semel calcatur, mille mortibus cadit, & ad singulos auditores noua eade funestatur.

Ex iudicij solertiæque obtentu, dum ex dictorum factorumque alienorum solerti indagatione, iudicij famam venamur. hinc dicta saepe factaque, quæ nec dicta, nec facta, nec cogitata vnquam; dubia pro certis, falsa pro veris; coniectanea pro compertis

nayan



## LIBER III. CAP. XLV. 539

narrantur, singulique tales sunt, quales sibi prona fingit solertia: quæ dum vera non inuenit, falsa comminiscitur, contenta lassisse. certa incertaque pro eodem habentur, si cecidit, qui patitur, quacunque ex causa, parta victoria est; & triumphus materies est, socium præuenisse; eo ferè maior, quo innocentior cecidit: nam nocentem prostrauisse, non magnum, & vix in tali inuidiæ locus est. magnum sit oportet & illustre, quod in æmulationem prouocet; è qua postmodum tanquam è fecunda matrice iogens detractionum soboles nascitur, nulli magno parcitura.

Ex zeli, & communis boni aut priuati alicuius prætextu, iustitiæque, ac maioris etiam gloriæ Dei, sub boni nimirum specie, in fratrum sæuimus iugulo: nec crimen arbitramur, cui præfigitur nomen honesti, reuera proprii honoris & gloriæ aut commodi causa. tantum potest amor proprius; scelera in virtutē vertit, & illius stola crimina vestit, palla tegit, sanguinemque fudisse, pepercisse est: nam cum crudele habeatur in socium sæuire, prætexitur immanitati virtus; ita tyrannidi iustitiæ præfigitur nomen, & persecutor gladius inuenit in Christiano sanguine quod damnaver, contemptum legum & deorum. Neque vnquam crudelissimo cuique ferocitati suæ causa defuit, nullusque in sanguinem propter ipsum iuit: nemo in famæ alterius detractionem propter ipsam; sem-

# 540 MEDICI RELIGIOSI

per aliquid quod improbitati suæ obten-  
dat, inuidencia proprij amoris foboles in-  
uenit.

Mala, quæ hinc nascuntur, ingentia in  
omni Religione sunt.

Primò, pacem turbant propriam: neque  
enim potest in vera pace esse, qui internam  
circumfert barbarum & inquietudinum  
causam.

Secundò, alienam etiam pacem con-  
uellunt, cùm causam præbeant aliis turba-  
rum internarum, suspicionum, alienatio-  
num, ac in varia consilia & studia impel-  
lant: nam vbi se quis sociorum insidijs peri-  
videt, exuit socialem animum, induit ini-  
micum; & prætextitur hostilitati virtutis  
nomen, propugnatio nominis sui, è qua in  
alienam decurritur oppugnationem, tan-  
quam propriæ tuitioni necessariam. Ex his  
initijs quantæ exurgant commotiones, ne-  
mo non videt.

Tertio, charitatem, mutuamque animo-  
rum coniunctionem scindunt: quæ consistit  
in benè de se mutuo consentientium con-  
cordia, vt idem sapiamus, idem sentiamus  
omnes.

Quartò, vniuersum Religionis robur  
eneruant, quod in mutua animorum con-  
iunctione consistit.

Quintò, minuitur deinde Dei & Reli-  
gionis gloria: cùm enim proximis detrahi-  
tur, redduntur minis idonei Dei gloriæ  
aut Religionis propagandæ. nam quis se  
suæque

LIBER III. CAP. XLV. 541

suâque illi credat, cui quidquid erat ætimationis bonæ (qua ferè sola mortalium plerique trahuntur in sequelam) vocatur in discrimen, omnisque profeminandæ virtutis (quæ fama plurimum continetur) spes linguarum istarum nouaculâ præscinditur?

Sextò, vulnere etiam multitudine mali grauitas dignoscitur. quoties enim ad novos semel iaculata detractio mittitur, toties pro delicti grauitate, aut vulnus retulit, aut cecidit proximus. ita omnium auribus aur cadit, aut vulnus accipit, cui detrahitur. Fortiter & verè in hac re sapiens: *Flagelli plaga liuorem facit, plaga autem lingua comminuet ossa. multi ceciderunt in ore glady, sed non sic quasi qui interierunt per linguam suam. Beatus qui testus est à lingua nequam, qui in iracundiam illius non transiuit, & qui non attraxit iugum illius, & in vinculis eius non est ligatus. iugum enim illius iugum ferreum est, & vinculum illius vinculum areum est, mors illius mors nequissima, & utilis potius infernus quàm illa.* Eccl. 38.

Septimò, ex restitutionis dein difficultate delicti huius magnitudo crescit. semel enim opinio vagata, serpit ad plurimos, obambulat prouincias, ac non rarò Religionem vniuersam, vt notissimus iam sit omnibus, cuius nec plerique capillum norunt. Laudas quem antè vituperasti? nihil agis: prima enim validiùs inhaerent, & iam abierunt

## 542 MEDICI RELIGIOSI

abierunt ad plures; maximè cum nocitura  
fecundius serpent, profutura seriùs proue-  
niant. Quòd si contingat hunc deligi in Su-  
periozem, quata gubernationem illius tur-  
bant præiudicia? quàm diffidentes reperit  
subditorum animos, ac tuta etiam omnia me-  
tuentes? quid? quòd non rarò infamia hæc  
eat ad externos, cū pari inter eos facilitate,  
qua inter domesticos parietes, euulgentur.

Octauò, auget magnitudinem mali,  
quòd. in absentes & ignotos sauiant hæ  
linguæ; nec tuitioni locus, cum qui pati-  
tur non rarò vulnera sua ignoret: aut si  
sciat, nesciat auctorem. ita incauti & igna-  
ri obruuntur.

Nonò, crescit criminis huius grauitas,  
cum non in vno, aut paucis capitibus con-  
sistat, sed ad vniuersum transeat corpus:  
hinc vnus infamiâ, tanquam flammâ, vni-  
uersum corpus amburitur. ita crudeles in  
omnes sunt, quicunque in vnum sauiunt.  
nam cum ea sit in Religione coniunctio,  
vt vnâ veriùs animam in pluribus cor-  
poribus, quàm plures dixeris, sit vt vulnera  
in omnes eant, ac per vnus latus contru-  
cidentur omnes.

Augetur improbitas, cum sub commise-  
rationis cuiusdam velamento nocitura ve-  
nena sparguntur. vnde illud Bernardi: *De-*  
*tractores autem quodam simulata verecun-*  
*dia fuco conceptam malitiam, quam retine-*  
*re non possunt, adumbrare conantur. videas*  
*à detractore alta pramitti suspiria, sicque*

*Serm. 24.*  
*in Cant.*

LIBER III. CAP. XLV. 543

cum quadam grauitate & tarditate, voce  
mœsta, dimissis supercilys, & voce plangenti  
egredi maledictionem, & quidem tanto per-  
suasibiliorem, quanto creditur ab his qui au-  
diunt corde non inuido, sed magis condolenti  
affectu quàm malitiosè proferri. Doleo, in-  
quit, vehementer pro eo quòd diligo eum fa-  
ris, & nunquam potui de hac re corrigere  
eum. & aliàs mihi quidem bene comper-  
tum fuerat de eo istud: sed per me nunquam  
innotuisset. at quoniam per alterum pate-  
facta res est, negare non potui, reuera  
ita est.

*Remedia.*

**A** Frequenti examine conscientia pe-  
tenda.

A seriis, ante omnem congressum &  
confabulationem, propositis, tanquam in  
præcautionem animo conceptis.

A certis statisque post omnem linguæ  
lapsum vltroneis pœnitentiis.

A Superiorū vigili cura, grauibz etiam  
in delinquentes irrogatis pœnitentiis.  
Neque diffiteri possumus, ignauâ Superio-  
rum conniuentiâ ea incrementa hoc ma-  
lum sumere, vt tandem à desperatione re-  
media sumenda sint, duriora nimirum &  
acriora, etiam refectione à reliquo corpo-  
re, ne vniuersum contagione hac pericli-  
tetur. Ita delatores falsos flagellis ac fusti-  
bus cædi, & in exilium pelli Vespasianus  
impera



imperauit; viuos etiam exuri Augustus mandauit; neruis cædi Mauritius Imperator; capitali pœna affici M. Antoninus Pius mandauit. Et sanè nunquam in hoc delicto parcendum. omnis hîc pietas à sœuitia nomen sumit. ille pius, qui vt vniuersim prospiceret, sœuit in vnum, aut paucos huic vitio obnoxios, in exemplum aliorum, in medelam omnium.

- luuabit etiam ex mente Sapientis obnoxios huic vitio fugere, congressum vitare. *Cum detractoribus non commiscearis, quoniam repentè confurget perditio eorum.* quin etiam tales cum regio Propheta persequi. *Detrahentem secretò proximo suo hunc persequabar.* vultuque displicentiam ostendere: vt enim *ventus aquilo dissipat pluuiam, ita facies tristis linguam detrahentem.* & vniuersim dicere cum non vno hîc possumus, Tolle auditores, non erunt detractores. vt pari vtrosque sententia feriat D. Bernardus: *Detractor & lubens auditor vterque diabolum portat in lingua, si pauper es, vilem & abiectum reputat; si diues, ambitiosum, auarum, cupidum; si affabilis, dissolutum; si pradicator, vel doctor, honoris & humani fauoris quæstorem; si tacens, inutilem; si ieiunans, hypocritam; si comedens, voratorem.*
- Prou. 24.*  
*Psal. 100.*  
*Prou. 25.*  
*Inferm.*

Cum verò detractiões frequenter nascantur ex aduentantium hospitū liberiore sermocinatione, curiosiore indagatione, mutuâque in aliorū vitia morēsque scruta-

tione;

### LIBER III. CAP. XLVI. 545

tione; omni conatu insudandum erit Superiori, ut non patiatur tales impunitos abire. nec in hospitibus ipsis à seria marurâque monitione absteineat. In domiciliis etiam mutationibus cauendum sedulo ne quacunque è causa in aliorum mores curiosius inquiramus; ne & narrantibus detractionum causam præbeamus, & nos ipsi variis postmodum circa tales suspicionibus ac diffidentiis iactemur.

Cauendum etiam, ne quas quisque patitur difficultates, etiam consilij & auxilij prætextu, in aliorum promiscuè sinum profundat, cum ferè graues his rebus detractiones misceantur. quare siquæ nos necessitas premat, Superior consulendus erit, aut domesticus Confessarius, aut si quis vir grauis prudensque in ea familia sit, de cuius integritate, fide, secretique custodia nulla ratio dubitandi sit. in qua tamen ab omni detractionum genere abstinendum erit, maxime si Superior inuoluatur.

### CAPVT XLVI.

#### *Delationes è suspicionibus natae.*

Sue illæ verbo, siue scriptis litteris fiant, Snoxiæ in primis sunt. ac nescio an res vlla perniciosior, dum è suo iudicio singuli metiuntur alios, & consequentias è  
men

mente sua nectunt è quibusdam aut visis, aut auditis, quas pro testatis verisque venditant. immanis, planèque effera in Religione consuetudo. audita plerumque ab aliis, nulla penitioris cognitionis examinatione præmissa, nulla narrantis ac deferentis fide, & credimus ipsi, & spargimus. nec auditis contenti, aliud ex alio inferimus: & quæ intulimus, tanquam dicta factaque referimus. quæ si propius certiusque disquisuerimus, nec dicta, nec facta, ac ne cogitata quidem reperiemus. & faciles plerique ad has res sunt, parique qua credulitate sunt, facilitate ad scribendum sunt. indigna planè res religioso calamo, & quæ plus habet barbaræ feritatis, & gentilitiæ ac politiæ improbitatis, quàm religiosæ simplicitatis, aut zeli.

Neque ego video, quam in religiosa mente hæc res excusationem admittat. nimirum, Putabam, & verebar, ne Religio in hoc viro, dicto, facto, detrimentum pateretur. volui occurrere damnis venientibus. Excusationes ab odio, & impiis æmulationibus, vel ab insigni stolidaque impudentia natæ. Sanè in rebus potissimum grauib, & quæ famam nominisque estimationem tangunt, non nisi certa testataque dicenda esse, Christiana caritas monet. nam quis vel Sanctorum innoxius habebitur, si è suspicionibus ad delationes procurrendum erit? & quisnam delatorum horum est, qui sibi hoc euenire gaudeat?

## LIBER III. CAP. XLVI. 547

deat? imò quis non ad similes delationes è suspicionibus natas perhorrescat? quis non inclamet, dignissimos hosce narratores scriptoresque omni pœna esse? & quam veniam merebimur, qui quod in aliis damnamus, concedendum nobis arbitramur? & qua conscientia audet Religiosus non antè certissima & compertissima sibi, vulgare? aut socij sui, ac non rarò Superioris famam noménque in dubium vocare? imitantur hi religiosam vocem, hyæna sunt, & omni adeò Bonaso venenosiores, qui fecundissimos sociorum agros, & horreo Dominico natos, fœda oris calamique egerie sua in steriles vertunt arenas, cinerémque vento dispellendum.

Et hi non rarò sub sanctimonix quadam specie, bonique communis, in falsissimas delabuntur narrationes & suspensiones. & impingunt aliis crimina, errores, mores, quos nulla sæpe ætas, nulla postera virtus eluet. eoque magis nocent, quo speciem aliquam sanctimonix, ac religiosæ modestiæ præferunt. Hæc enim ea sunt, quæ fidem verbis scriptisque faciunt: pulchra nimirum velamina, quibus nocentissima teguntur venena, nunquam virus positura. diræ Religionis pestes: quibus maximi quique viri, omni ætate, etiam in probatissimis Religionibus perierunt: cum fidem apud alios narrationibus scriptionibusque suis à suspitione promanantibus peperissent, maximè si apud Superiores.

Et

Et sanè nullis hæ accusaciones è tam dubiis incertisque initiis prognatæ, elui lacrymis aut pœnitentiis possunt. faciliórque in omni propè scelere venia, quàm in his delationibus esse debeat. fragilitate namque quadam humana reliqua propè perpetrantur; scriptiones narrationesque hæ, non nisi aut ex aperto, aut è recto profiliunt odio, æmulâque virtutis aut dignitatis alterius improbitate. nostra omnia probatissima vellemus; aliorum, nisi è mente sint nostra, damnamus. si quid factum inconscultis nobis, improbum est, aut sanè minus probum, probissimum licet re ipsa fuerit: si quid nobis auctoribus, stolidissimum quamvis, ac minus probum, prudentissimum ac probissimum continuò erit. Ut ad probitatem sapientiâque satis sit, venire è mente nostra; ad fatuitatem & improbitatem, venire è mente aliena.

Quæ res eo grauior est, quòd incertis fetè auctoribus, ignoratis saltem, vulnera hæc dentur: nec tueri se quisquam possit. nam si auctor innotesceret, sæpe, imò plurimum, ad calumniam detegendam solius auctoris cognitio satis foret. qui priuato non rarò emolumento, aut è re quapiam subtracta, aut negata, è seriis aliorum monitionibus, è suspicionibus neglectæ aut præteritæ dignitatis, è priuatorum commodorum frustrationibus ducuntur, indeque ad narrationes, & scriptiones profiliunt. Non vocasti in consilium, non secu-



LIBER III. CAP. XLVI. 549

tus sententiam es, alium prætulisti, inopianti illi hæc, aut præter spem eueniunt, alia omnia sibi sponderat, pollicebatur magna, excidit speratis. hinc illarum animorum tempestates & fluctus, quæ in illarum rerum auctorem tota deuomunt naufragia.

Infelix maximè Superiorum conditio. Concedis quidquid hoc hominum genus postulat? grauis plerumque sequitur offensio multorum, & in omnem prudentiam peccasti. & nullo propè beneficio hos vinces, nisi omnia concesseris. omnia concedere nec tutum, nec Religio permittit. negas? fulmina tibi, & iaculatae calamo rupes metuendæ sunt.

Infortunata etiam inferiorum ratio, si quando in Superiorem facilem ad suspensiones, aut ad delationes è suspicionibus natas, inciderint: qui nec narratores, nec scriptores hosce comprimit, nec antequam ad fidem & monita profiliat, accuratiùs rem disquirat; aut facilis ipse ad suspensiones, inferiorum dicta & facta in deteriorem semper partem interpretatur. è qua re præter perpetuam mentis anxietatem, ingens diffidentia nascitur. è quo illud etiam prouenit, vt cum fidem apud Superiorem inferior non inueniat, animos ad magna properantes deponat, laborem fugiat, ignauumque otium sectetur, alienaque à Superiore mente, etiam in obedientia tepescat, amore omni ac reuerentia pulsa. vnde magna oblocutionum porrigitur materia,

teria, indignationum, æmulationum, contemptus, odiorumque tandem, ac immanium ubique detractio, nulla habita ratione conscientia aut Dei. insidias nimirum, fraudibus, credulitate nimia, opinionibus falsis, eumentitis commentis structas, paribus artibus propulsare conatur.

E qua re omnium succedit turbatio, miscentur infima summis, ac quasi in domestico ferro ac veneno, intuta infidæque sunt omnia; metu, terroribus ac sollicitudine plena. nulla quies animis, nulla fides ulli, trepidatio ac doli omnium mentes occuparunt; & ille iam solertissimus, prudentissimus ac felicissimus habetur, qui quacunque demum arte socium prostravit. veris an falsis, iuxta habetur. satis est vicisse, hostem strauisse. quod ubi euenit, non tam iam Religio, quàm gentilitia quædam Principis aula est: in qua ille primus maximusque, qui per calcatos plurimos deuenit ad summa, ipse fors non multo post calcandus. ea ferè in his dolis vicissitudo rerum est. non perennant hæ machinationes. & plerumque socij talium in mutuum insurgunt perniciem. neque enim diu in malo stare societas solet: & quos coniunxit, disiungit improbitas, eadem vtriusque causa.

Est autem hoc vitium eo deterius quo  
*Epist. ad latius pater. vt audeat Hieronymus: Pauci  
 Celan- admodum sunt, qui huic vitio renuntiant:  
 tiam. raroque inuenies qui ita vitam suam irre-  
 pre*

*prehensibilem exhibere velint, ut non libenter reprehendant alienam. tantâque huius mali libido mentes hominum inuasit, ut etiam qui procul ab alijs vitijs recesserunt, in istud tamen quasi in extremum diaboli laqueum incidant. Tu verò hoc malum ita effuge, ut non modò ipse non detrahas, sed nec alij quidem detrahenti aliquando credas.*

### *Remedia.*

**A** Superiore maximè pendent: qui si difficilis ad fidem præstandam delationibus fuerit, non magna delatores hi damna dabunt; minora etiam, si seriò narratas res examinauerit, & vbi falsa deprehenderit, non patiat impunitos abire auctores. cuius rei si exempla aliqua illustria dederit, nemo facilè è suspicionibus ad accusationes deuolabit: at vbi viderint, nò tantum impunitos, sed & præmio quasi decoratos delatores hos abire, facilèque illis aures animùmque præberi, fidemque adhiberi, ac optimos quosque falsis his delationibus circumuentos iacere inglorios; ad ea mentem calamùmque applicant, ad quæ serio, maturo, seueróque Superiore numquam descendissent.

Quòd si Superior ipse malo hoc laboret, naturâque feratur in suspensiones nulla ratione firmatas, fidat nemini, ac ne familiarissimo quidem, ipsâque iam illi probitas  
suspe

## 552 MEDICI RELIGIOSI

suspecta sit, amétque ambiátque hos scriptores narratórésque; nihil reliquum est, quàm vt tales aliis quàm Superioris functionibus distineantur. quòd si in supremo capite resideat hoc malum, ad preces ac Deum confugiendum erit, qui solus huic malo remedium adhibere potest.

Proderit in primis, si in omni delatione, tacitus apud se Superior consideret, eadem grauioráque è paribus initiis ac suspicionibus de se dici posse. se proinde si delati loco statuerit, cogitauerítque quid in simili causa concedi sibi vellet, non magno negotio remedium malo reperiet.

## CAPVT XLVII.

### *Credulitas nimia in delationibus.*

**I**ngens, maximè in Superiore, malum, cum facilis in delationes, credulus in narrata, descendit in executiones falsis sæpe delationibus innitentes. præproperum vitium, quo non pauci magnorum circumuenti, exercitus, respublicas, regna & imperia in vnâ secum ruinam traxerunt, omnibus ipsi, ac vita demum exuti. Cadunt hoc malo primi exercituum ductores, primi in toga, primi in muneribus, & à purpura primi: cum faciles in criminationes Principes, antè perimunt, bonis fortunifque

LIBER III. CAP. XLVII. 553

que exuunt, exilio damnant, quàm ex vero rem intellexerint; luuntque post prapropera consilia ex credulitate nata, fera & non reuocanda, nec remedianda pœnitidine.

Eadem in omni hominum genere reperies. quod non in vno aliquando resedit Religioso, viro magno. grande malum, & Religioni in proximis noxiũ: hoc enim vno, primi non rarò virtute, ingenio, etuditione, rerũque agendarum dexteritate, ingloriam vitam ducunt, & à quibus sperari poterant maxima, iacent neglecti, & ignavos transigunt annos, quos rara felicitate, & Religionis bono decurrere poterant. & secuta non rarò mors in primis ingeniis, dum neglectum hunc è falsa denũciatione natum, credulitate fotum, superare non potuerunt, indignitate victi; maxime dum innocentia tegerentur, animusq; sibi constaret, recti bonique conscius, nec purgandi locum relictum viderent, Superioris animo delatione præoccupato & obseffo.

Comes deinde credulitati temeritas est, prorumpitque quicunque illa tenetur, in temerarios plurimùm ausus, ac nulli magis quàm ipsi pœnitendos; vt nihil aberrauerim si præcipitio non tantùm proximã, sed è præcipitio pendulam credulitatem dixerò, minimo motu in præceps agendam.

Malum suprã quàm credi potest, vt omni



## 554 MEDICI RELIGIOSI

ni reipu. sic Religioni noxium. neque magni quidquam sperari iam potest, postquā animum credula hæc facilitas occupauerit, nam vt in omni propè contubernio nō defunt, qui Superiorum ve iantur aures, ingerunt placentia; si propensos in delationes sentiant, proni iam ipsi ad hæc mala totis viribus ruunt in gratas Superioribus delationes, & materiam credulitati suggerunt fœcundi flammæ harum incentores, ab omni meritò Religione eliminandi. nam quæ tuta innocentia erit, cum delatoribus Superiorum credulitate vltro ostia aperiantur, prouocenturque illorum facilitate in malefidas plurimùm narrationes? aut quis cuique animus ad magna, si & hæc patere calumniæ viderit? cōtinebit se quisque deteriorum metu, nec vires in apertū diffundet, stringet potius, quas plurimorum bono laxare poterat, habenas; & inter ignauas cogitationes vitam transiget, multorum alioqui salutem impendendam.

Cum deinde credulus omnis facilis sit in suspiciones, maximè sinistras, & timoribus plenas, suspectaque habeat omnia, & in minimis maxima perhorrescat; sit vt inquietam vitam transigat, nulli fidus, nulli fidat: atque hinc perpetuis agitato animorum fluctibus, continuis tempestatibus iactatur: nulloque certo stabiliqque litore constitutus, in omnem partem pulsatur, ignarus cui stationi adhærescat, cui credat.

LIBER III. CAP. XLVII. 555

credat. quam rem longissimè ab omni Religionis tranquillitate, portuque illius abesse nemo non videat.

Neque tamen nimia in alios esse confidentia consultum est; sed neque diffidentia nimia. non obfirmet animum ad omnem delationem, non aperiat ad omnem; vt nec omnia, nec nihil credat: medius inter Charybdes Scyllásque has tutus enauigabit; tentabit vtrumque breuia prudentiæ suæ bolide, vitabitque prouida circumspeditione sua, quidquid quaqua parte naufragio timendum. nam & nulli fidem adhibere, solisque oculis suis credere, pertinacis ingenij est, sibi que potius quam publico nati, omnia credere, ingentis plena periculi res est, & imperio imprimis noxia. vt meritò dicat Sapiens: *Qui credit Eccl. 19. citò, leuis est corde, & minorabitur. & , Audisti verbum aduersus proximum tuum? cōmoriatur in te, fidens quoniam non te dirumpet. à facie verbi parturit fatuus, tanquam gemitus partus infantis.*

*Remedia.*

**M**oram dare, certumque sibi tempus præscribere, vtilissimum erit; ferè enim calida in his delationibus consilia pœnitenda sunt.

Nunquam ad sententiam, quacunque etiam in re descendere parte inaudita.

Rco potissimã semper aurem præbere,

plúsque huic,quàm accusatori indulgere.

Suspectum omnem. delatorem habere, ne qua auersionis, æmulationis, inuiden-  
tig, aut odiorum causa intercedat. Condi-  
tio dein illius perpendenda, vita, mores,  
ingenium: num consuetudine, aut natura  
facilis ad delationem, pronúsque ad suspi-  
ciones, & res supra fidem augendas. exa-  
minandi etiam sigillatim si qui verbis fa-  
ctiue interfuerint, ponderandæque singu-  
la. circumstantiæ etiam accuratè dispici-  
dæ, & quidquid fidem facere ac derogare  
potest. considerandum etiam, audieritne  
delator, an aliorum ore referat, aliorum  
oculis, an suis: considerabit proinde pru-  
dens gubernator singula, audiet omnes,  
repellet neminem, credet paucis, ac nō nisi  
longo vsu probatissimis: discutiet. narra-  
ta, personam intuebitur deferentis & de-  
lati; num quæ odia & æmulationes inter-  
currant, num quæ animorum commotio-  
nes, aut nocendi studium; quibus rationi-  
bus delatæ res firmentur, quibus testi-  
bus, qua ex causa dicta factæque, qua mē-  
te. vitam etiam intuebitur vtriusque præ-  
teritam, morésque præsentis; plúsque sem-  
per reo tribuēt, quàm accusatori in ratio-  
num maximè personarumque paritate,  
aut non magna imparitate. Deo seriis  
precibus, tacitisque etiam in rebus secre-  
tis, aliorum orationibus res commen-  
danda.

In omni delatione cogitare, posse sub-  
esse

LIBER III. CAP. XLVIII. 557  
esse falsum, posse falli delatorem, posse  
affectu in transuersum duci, posse aliud  
intercessisse, quod aut delictum minuat;  
aut vniuersum tollat; aliâque huius ge-  
neris:

Prudenter monet Hieronymus: *Nec ob Epist. ad  
tractatoribus auctoritatem de consensu tri- Celantiâ.  
buas, ne eorum vitium nutrias annuendo.*  
Noli, inquit Scriptura, cōsentire esse cum  
derogantibus aduersus proximum tuum, &  
non accipies super illum peccatum. & alibi:  
Sepi aures tuas spinis, & noli audire linguâ  
nequam. nihil enim tam inquietat animû.  
nihil est quod ita mobilem mentem ac le-  
uem faciat, quàm faciliè totum credere, &  
obtractatorum verba temerario mentis as-  
sensu sequi. Hinc enim crebra dissensiones,  
hinc odia iniusta nascuntur. hoc est quod sæ-  
pe de amicissimis etiam inimicos facit, dum  
concordes quidem, sed credulas animas ma-  
lelôqua lingua dissociat.

---

CAPVT XLVIII.

*Nimia commendationes & depressiones.*

VSpectum dicendi genus, & quod fi-  
dem verbis adimit, eleuatque omnia  
propè rationum pondera & momenta. ni-  
mis enim propensam in alterutram par-  
tem voluntatem ostendit. quare suspicio-

nem non tam rationis, quàm affectus ingenerat; facitque ut etiam rationibus, aliqui solidis, non parum derogetur. priuata namque aliquas talem necessitudine, cæco quodam amoris affectu, aut speratis emolumentis, & dignitatum ac commodorum suorum accessionibus, duci auditores arbitrantur.

Inde grandia nascuntur præiudicia, amoris aut odij, & neutri fides adhibetur, utrique abrogatur, cum in illo rationem ab amore, in hoc ab odio vinci arbitrentur. temperabit proinde dictionem, & plus illi modestiæ, quàm caloris intersperget quisquis apud viros rerum intelligentes fidem sperat. in populo plebæque infima plus sepe potest calor, & verborum, tanquàm fluctuum congeries & cōuolutiones. cum impetu ferè potiùs, quàm maturo rerum verborumque pondere ducatur; modestiâ, compositòq; ad maturitatem mores pro tarditate, & ingenua naturæ lentitate numerat: æqualitatem verò ac dictionis quâdam malaciam in ignauo pectore, & ingloria mente ponit; ventis gaudet, & pleno grauidatis Austro velis, ut qui impetu, ac quasi vorricibus magis feratur, quàm ratione.

Hoc interim certum, non esse religiosi candoris, res verbis augere, & illarum tenuitatem augusto ornatu vestire, aut infra meritam laudem ponere; aut debito spoliatas cultu, naufragas, ac tanquam fluctibus



bus excusillas in mediis arenis destituere.

Sed nec Christianæ simplicitatis est, mendacio amorem odiâque iuuare, & infra supràque verum res tollere, aut deprimere. Neque de bona conscientia veniunt hæc placentia verba, & ad gratiam mendacio vestita: nascunturque ex his maiora danina, quàm quisquam prima fronte arbitretur. sæpe enim Superiores in functionibus dispartiedis fidem commendationibus adhibent: & dum sequuntur cæcos hosce laudatores & ductores, non raro in præcipitia scopulósque plurimos impellunt. si verò nimis depressionibus aures, mentémque admouerint, in pœnitenda labuntur, dū idoneos in primis, & ad magna natos, muneribus exuunt, aut non admouent, vano hoc metu, ex improbo commento nato, repellente. Ita fit, vt indignissimus quisque ad clauum sedeat, in Syrtes & breuia nauem daturus; arceanturque à gubernaculis, quorum industria tutò per decumanos etiam fluctus, sæuientibus Austris, nauigari poterat.

Quòd si Superior hoc malo teneatur, perit omnis illi apud suos fides. nã & dum verissima narrat, in neutram partem librato affectu, semper aliquid aut profusæ, ac supra verum prodigæ laudis, aut infra verum avaræ ac æmulæ tenacitatis subesse suspicantur: neque fides iam tantùm illi in augmento, aut decremento adempta, sed in omni omnino re; cùm tam facile

illi esse arbitrentur, vn'uersam rem, quàm illius partem mendacio aut tollere, aut eleuare. Imitatur verbis paternum affectum? pulchris verbis alienum animum tegi suspicantur. promittit sollicitudinē diuino orationis fluxu, & vbera quædam ostentat matris? inopiam his tergi rerum, & mentiri vbera vterūque matrem putant. fidem addicit, & in fiduciam suos locuplete sponſione pellicit? opes exterius ostentari, egestatem intus habitare oſſinantur. sinceritatem & candorem oratione spondet? plus etiam verentur, quo plus spondet. Neque quisquam huic se suāque credet; verebitur secreti fidem: cū ferē tales pronos ad quæuis effutienda reperiamus. quàm enim faciles ad augmenta ac decrementa rerum sunt, tam plurimū faciles in omnium narrationem reperies. continebit enim difficilē rem ipsam, qui intra veri terminos continere illas nescit. inde iam illa nascuntur inferiorum de Superiore dicta, Antiquum obtinet, ne crede. crescit illius, aut decreſcit oratio ab affectu, res alia est. facit more suo, & pro inueterata consuetudine pulchra veste deformem statuam induit, aut vili palla pulchrā tegit. alius dixisset, crederemus: nam verba rebus aptari, tanquam strictam vestem corpori, à qua nullus huic decor, sed roboris ac venustatis expressio est, arbitraremur. at in huius ore & ornamenta & res figulantur; & quæ  
nuf

LIBER III. CAP. XLVIII. 561

nusquam sunt, esse incipiunt. Omnis deinde veneratio in Superiorem perit : nam cuius semel orationi fides detracta est, etiam venerationi cultus omnis ademptus est.

Multum deinde illi, quicunque hoc vitio laborat, apud externos de fide, de sanctitatis opinione, adeoque etiam de sperato animarum fructu decedit : nam ubi semel hæc de illo opinio inualuit, quod ferè euenire solet; omnia propè illius dicta, aut supra aut infra verum esse, non immeritò suspicantur. laudat? crescere credunt rem dictione. vituperat? detrahi fidem laudemque rebus, verbis arbitrantur. exempla adfert in terrorem, in diuini nominis amorem impellentia? plurimum hinc addititij subesse coloris putant; nec tam rem ostendi, quàm ornatum, relinquere ipsam cultu regi. omnia denique eiusdem generis dicta illius esse, etiam dum testatissima, & ab omni fūco alienissima narrat, sibi persuadent, è consuetudo nimirum illius more omnia metientes. Et dum prodesse, aut obesse student pro vario suo affectu aliis; apud cordatos carent sæpe effectu sperato: cum nullam in laude fidem, nullam in vituperatione inueniant, & contrariam non raro aliorum animis opinionem ingerat; ut quos laudant, vituperatione dignos; quos vituperant, laude dignissimos alij arbitrentur.

*Remedia.*

**E** Crebris ferè seriisque Superiorum  
monitis petenda sunt. vt quos viderint  
hac ægritudine teneri, quoties labentes re-  
pererint, toties seriò moneant.

Iuuerit, illis etiam aliquem è magis se-  
riis maturisque Patribus designare, quem  
non illibentes audiunt: qui si quid in hoc  
genere monitione dignum obseruauerit,  
non parcat, proderitque publicis nonnun-  
quam monitis ab his terrere.

Si ipsi Superiores obnoxij malo huic  
sunt: videndum an aliquem habeant, quem  
pro priuata necessitudine non grauare au-  
diant, cuique ad religiosè monendum non  
desit animus; si modò sperari prudenter  
emendatio possit.

Ipsa denique consideratio labantis apud  
omnes fidei, & Superiores & reliquos me-  
ritò terrere ab hac consuetudine deberet;  
eo magis quòd semel imbibita hæc ratio  
vbi inter domesticos conualuerit, abeat  
etiam ad externos: vt qui his moribus do-  
mi fuerit, iisdem extra domum futurus sit,  
etiam in concionibus ad populum, in pri-  
uatis colloquiis, in ipsòque adeò sancto  
confessionum audiendarum munere. quod  
vbi sit, omnis necesse speratus spiritualis  
fructus collabascit. semel enim extincta  
protritæque fide, spei nihil reliquum esse  
potest.

Prode

### LIBER III. CAP. XLIX. 563

Proderitque priuatim hac de re examen instituere, ac in rerum narrationibus, familiarique colloquio attentum in omnem partem animum habere, verbisque suis presentem, ac quasi monitorem sui; certis etiam sibi poenitentiis in omnem manifestum lapsum propositis.

### CAPVT XLIX.

#### *Apprehensiones, suspiciones.*

**P**ericulis hinc omnia plena sunt, & magnorum etiam infelici & præpropere exitu comprobata. Hinc enim mœores cor exedentes, ipsaque adeò ossa emedullantes. sequuntur animorum alienationes, ac in vltimam sæpe desperationem vergentia mala: spiritalis dein quædam succedit nausea, & ab omni omnino munere auersiones, laborum fuga, piarumque exercitationum neglectus; ac quasi quidam languentis animi contemptus, inquietudo insuper quædam mentis: & iam omnis illi locus, socij, munia molesta sunt, ac leuissima quæque grauissima, mollia dura, suauia acerba videntur: monita deinde, blandæque Superiorum aut aliorum compellationes dolo & fallaciis plenæ. si benignè omnia pollicearis, rideri se arbitrantur; si maturius egeris, indignantur; si fortius, exurgunt in iras; ac vix nisi cum vi-



ta deponunt hoc malum, vbi semel inuauit, ac radices egit.

Accedit, tales in perpetua quadam mentis inquietudine viuere, in perenni nocte dièque animorum iactatione, vt nulla illis quies menti, nulla animo pax sit, sed æterna quædam lucta, & ærugo pectoris, cordis contortiones, ac intima quasi mentis euisceratio; dum continuis doloribus, tanquam immanissimis furentis Oceani fluctibus in omnem partem iactantur, omni interiori malacia ac tranquillitate pulsa, ac quasi in exilium missa. *Sicut enim tineæ vestimento, & vermis ligno: ita tristitia vi-ri nocet cordi.*

Neque soli impotenti hac inquietudine aguntur, sed & alios in naufragij sui partem secum trahunt, malorum maximè & Oceani illius inexpertes, qui fluctuum illius rabiem nunquam tulerunt: vt non mirum sit, in suspicionum aliquem scopulum illidi; illos maximè quos aliqua animorum scabies tenet; cum minimo afflictu exasperatur malum, & vulneri locum præbet. Periculis planè res plenissima, quando mutuum exacuunt morbum. nam & in murmurationum, & in latissimum detractionum campum excurrunt: damnant omnia; nec ingenio quisquam illorum facit satis, dum nulli fidunt, diffidunt omnibus, tuta etiam omnia timentes; cum fraudibus dolisque plena arbitrentur omnia; nullius amicitiam veram, nullius fidem securam,

## LIBER III. CAP. XLIX. 565

curam, nullius sponſiones certas ſibi perſuadeant hoſtium illis loco omnes, & in omnium frontibus inimica legunt arma: in omnium verbis hoſtilia reperiunt agmina, in omnium oculis ſtructas vident iniuſas ſocia & amica illis conſilia pro aduerſariis & perimentibus; auxiliares copiae pro oppugnantibus habentur. nuſquam denique illis fides, nec in optimo, probiſſimo, ſanctiſſimo. adeò remedium propè omne malum hoc ſuperat, cùm medicam nullius admittat manum, aſpernetur omnium, ac tanquam hoſtilem fugiat.

Si Superior ſuſpicionibus hiſce teneatur, vniuerſam domesticam gubernationem euertet, inuiſus grauiſque ſuis. neque apud talem ſubditorum virtus probitaſque annis plurimis teſtata, nec probata innocentia, nec ratio locum habent: ſed ex altè impreſſarum ſuſpicionum vmbriſ, omnis inferior fit nocens, omnis reus. cùmque perpetuò tanquam fluctibus mentis iactetur anxietate, mille ſe ſuòſque cogitationibus rebuſque cruciat. & vt ingenioſa ſuſpicio eſt, in vna mille difficultates inuenit, quibus & ſe ſuòſque inuoluat. Sed neque ad magna conatum extender, & impedimento etiam erit aliis, ne generoſo auſu ad magna tendant: cauſamque ſæpe dabit ad præclara & illuſtria natiſ. vt in ignauo orio decurrant annos, excludanturque ab iis muneribus, in quibus ingenti nominis diuini propagatione, proximorumque ſalu-

te occupari poterant. Si inferior his laborat, omnia Superioris consilia etiam amicissima & à paterna manu profecta, ut inimica & hostilia auersabitur. Nascuntur inde subdola vtrimque in mutuam euerfionem molitiones, cum perire cupimus, aut spe excidere, aut sanè ad maiora non contendere quos aduersarios arbitramur. hinc mutuarum offensionum valida exurgunt causæ, nulla arte & industria ponenda. erumpuntque hæc facile ad externos, magno familiæ damno, & conceptæ opinionis bonæ graui iactura. Ingens malum, quod aut è pusillanimitate profectum, aut è tacito fastu, aut alienæ virtutis inuidentia, aut ex indignatione, è negato aut frustrato munere concepta, maximè si aliorum consiliis studioque impedimentum iniectum; aut sanè, falsis licet nixa principii, suspicio talis nata fuerit.

Tollitur denique domui libertas omnis, cum nemo tutò audeat illis præsentibus sermonem miscere, veritus ne quid sinistra opinionis nascatur, ne malignior interpretatio. fugiunt proinde talium consuetudinem, apud quos vident, non dicta factaque dicta factaque esse. è qua re ingens familiam turbatio occupat, quæ solo auctore semoto conquiescit.

*Rome*

*Remedia.*

**Q**UOD si quis suspicionibus his agatur, & in aliorum moribus vitæque tanquam in Oceano fluctibus iactetur; cogitet quàm falsis aliàs suspicionibus, quàm ingeniosis, & ad fidem faciendam aptè excogitatis, certoque sibi persuasis, in errorem inductus fuerit: quàm fortiter sæpe & tanquam ab oculatis testibus narrata dies detexerit, & victrix simplex veritas subdolan improbitatem prostrauerit. eadem in præsentiarum aliisque suspicionibus euenire posse arbitretur. iam si quales in se reliquos insurgentibus ex quacunque causa suspicionibus esse optauerit, talem se præbuerit aliis; non magno negotio suspensiones reponet. cogitet quid incurstantibus illis statui in se veller, quantam fidem adhiberi, quæ consilia iniri, quid decerni. eademque ipse in aliis statuatur. prudens regula est, quæ ab animo suo in paribus constituto, aliquid in aliis decernit.

Si è nulla certa causa nata: noxiæ hæc apprehensiones sunt; magis à medico, quàm aliunde remedia poscenda, aut speranda sunt, & à locorum munitionumque variatione. fortè enim hac quasi iactatione leuabitur æger, incidetque in Superiorem naturæ suæ conuenientem.

Si mala hæc quis patiatur ab aliis, quod frequenter euenire solet, ex dissentientium  
iudicio

568. MEDICI RELIGIOSI

iudiciorum varietate, vel ex sinistra aliorum de nobis opinionum formatione, ex muneris priuatione, ex neglectu, aut nominis detractio, falso plurimum irrogata; armandum pectus his similibusque cogitationibus malum lenientibus erit: *Omnis homo ex se a limat alterum. fornicarius neminem putat castum: castus de fornicario non facile suspicatur: superbus neminem putat humilem: humilis neminem putat esse superbum.*

Chrys.  
super  
Matth.

Libera hominum ingenia & iudicia sunt, & ferè tot in his discrimina, quot capita. quid te torques in non emendanda varietate, & quæ non est in manu tua? quæ flecti imperio & voluntate possunt, tua sunt: in alieno speranda potius, quàm cogenda emendatio est: coactio in proprio valet, suasio in alieno. neque prudens sperare debet, aut potest aliorum omnium iudiciorum cum suo consensum; maxime cum pars maxima nudis plerumque opinionibus à suspitione natis moueatur, à quibus ob innatam iudiciorum tenacitatem non faciliè plerisque dimoueas. feret ergo prudens quæ emendare aut mutare non potest, nec morore se macerabit in iis, quorum euentus ab alieno imperio & voluntate pender.

Cogita, si calumniator est, errore duci. quid faceres aberranti? non in viam reduceres? facies hoc in iudiciorum errore: reduc aberrantem factis è virtute natis, vè videat



## LIBER III. CAP. XLIX. 569

videat alium te esse, quàm errore ductus arbitrabatur. & teipsum intueri: vide quoties hoc æstu abreptus fueris, quàm fecundis ingeniosisque in aliorum factis suspicionibus in errorem inductus. nec miraberis alios paribus iactari. tuo malo aliis mederi disce.

Cogita talem morbo laborare, & misereris potius, quàm indignaberis. quis indignatur febricitanti, & maledicenti ac conspuenti? abstergit potius hæc sputa benevolentiae etiam aliquando ostentatione, quasi ex iniuria beneficia acceperit, mulceturque eo magis ægrum, quo ille furit magis. febris, adeoque phrenesis calumniatorem occupavit; compatere, & morbo calumniam tribue. Vis vinci? ad ima calumniam demitte, & tanquam ignavo mœrore protritum te calumniator videat. Sed grauis calumnia est, non melius innocentem, quàm nocentem pati?

Vis calumniam vincere? contemne. maior omni contumelia qui contempsit est: nec vlla re alia nobiliorem de calumniatore triumphum duces, quàm cum te viderit generoso calcatu transeuntem hæc ut folia vento rapta, ut stillicidia vanè sparsa, ut grandinem tecto illisam. nec grauior vlla vindicta est, quàm cum se calumniator viderit solo contemptu superatum. Vis etiam triumphum illustriorem? beneficiis calumniatorem obstringe: nulla re magis etiam barbarum pectus franges. Monuit  
hoc

*Prov. 25. hoc olim Sapiens : Si esurierit inimicus tuus, ciba illum : si sitierit, da ei aquam bibere. prunas enim congregabis super caput eius, & Dominus reddet tibi. & Apostolus: Non reddentes malum pro malo, nec maledictum pro maledicto, sed contra benedictes, quia in hoc vocati estis.*

Percurre quotquot orbe toto fuerunt magni, & intuere num quem à calumnia reperies immunem : neminem inuenies tanta innocentia, vitæque sanctitate, quem non hac grandine, tanquam saxeo imbre videas complutum. & ferè quo quisque maior, eo pluribus fuit iactatus. Quanta regna iacent, è nudis suspicionibus calcata? quanti Reges ductorésque exercituum hostibus inuicti, ad hos suspitionum scopulos illisi, naufragium fecerunt? Magna etiam necessum est esse, quæ æmulationem & odia prouocant. humi iacentibus nemo inuidet, ad alta consurgimus, & cum non possimus paria, deiecta & prostrata cupimus. Non egrediamur Religionem. quanta primi omnium Ordinum parentes tulerint, nemo ignorare potest; vt audeam dicere, Da mihi virum in Religione magnum, dabo tibi calumniis non semel tantum non oppressum.

Cogita euenire hæc tibi à Domino ad expiationem culparum; & hilari oculo atque animo suscipies, agésque ingentes Deo gratias pro tam suavi pœnarum in inferno aut Purgatorio debitarum, in calumnias commutatione. Cogi

### LIBER III. CAP. XLIX. 371

Cogita à Deo hæc immitti aut permit-  
ti, vt variarum calumniarum iactatione  
durioribus affuescas: vt difficultatum ha-  
rum consuetudine, ac quasi familiaritate  
discas minima dedignari, ad magna assur-  
gere. ita leo vulpeculam, aut ouem con-  
temnit: at si elephas contrà steterit, excu-  
tit generosas iubas, tanquam lætitiæ im-  
bribus de cælo perplutas: gaudet enim ma-  
gnis magnus animus componi, vilia dedi-  
gnatur. facit hoc mens omnis incommo-  
dis & aduersitatibus roborata, & quæ assi-  
duitate ac frequentatione callum obduxit.  
Et sanè neglexisse, ac quasi ignauum tran-  
sisse videtur Deus, quem non dignatus est  
durioribus ad maiora parare. de cuius vir-  
tute magna sibi promittit, illum audet  
componere magnis. ita militiæ duces ad  
difficillima quæque promptissimum quem-  
que vocant, ignauos in medium coniciunt  
agmen, aut sarcinis destinant.

Permittit hæc Dominus, vt in animi  
submissione nos contineat, ne muneribus,  
ne felicioribus rerum successibus, populi  
fauoribus, ne cælestibus gratuitis donis,  
eruditione, prudentia, eloquentia extol-  
læmur.

Docemur hîc decurrere ad Deum, illi  
soli fidere, in eo spem omnem reponere,  
humana contemnere, vt incerta, intuta, in-  
fida, fraudibusque etiam in fratribus ob-  
noxia; cùm ab vno ytero sæpe insurgant  
calumniæ, etiam ab amicissimis. quare ne-

mo paulò prudentior ad ea descendat, quorum propalatio noxia auctori esse possit. ille securus degit, qui nihil poenitendum committit, quique ea etiam coniunctissimo credit, ad quorum euulgationem non erubescit.

Plerumque etiam Dominus, quos gubernationi destinauit, antè per aspera & aduersa roborat. nam quid faciet tempestatum inexpertus fluctibus insurgentibus? quæ consilia aut remedia dabit malis properantibus? eueniet illi quod militiam inexperto, pugnam aggredienti, trepidabit ad omnem hostium occursum, & antè corruet, quàm consilia explicabit.

Et ferè durissima, durioribus non assuetorum, imperia sunt: qui cùm non didicerint pati, nec compati sciunt. ille suauius plurimùm imperat, qui in se aduersantium rabiem expertus, periculo suo aliena didicit metiri, magnorùmque etiamnum vulnerum cicatrices circumfert: quisque non alieno tantùm exemplo, sed & suo didicit quid possint calumniæ. ille enim experientia didicit, quæ occurfantibus his malis remedia adnouenda sunt. inexpertus miscabit omnia; experiri in vnoquoque remedia volet, quid possint, aliorum nimirum edocendus malo. ille securus manum admouet, qui longa experientia vim mali didicit, & mitioribus primùm inualerudinē tenta: e, nec ad duriora, nisi in extremis, & quæ reliqua omnia aspernātur, descendere.

Cogi

LIBER III. CAP. XLIX. 573

Cogita demum præmia cælo promissa, si fortianimo calumniam tuleris. nulla re alia magis mitescit labor, adeoque dulcescit, ut & ipsa iam verbera mollescant, si præmia adiunxeris: quæ qui cogitat, hilari vultu calumnias & aduersantia, quæque amplexabatur, ut semina fructuum cælo reponendorum, ut messem Dominico horreo inferendam, ut diuinæ in nos beneuolentiæ signa; memores illius, Quos pariauit cælestis Pater Filio, laboribus, calumniis, verbere, sanguine; hos etiam, quantum humana cælestibus componi possunt, pariabit & præmiis. nec certior in hac vita diuinæ in nos beneficentiæ testatio est, quam si variorum in hac vita iudiciis, linguis, calamis iactari nos permittat.

Iuuabit, se suspicionésque suas, pulsa simulatione, candidè Superiori, & domestico Confessario aperire. nihil deinde in hac vita ab humana manu ambire, nihil sperare. non timuit qui non sperauit: nec abreptus suspicionibus est qui non timuit. semper enim mistus suspicioni metus est, dux illi & perpetuus comes. humanas verò laudes negligere. cum deterrimi ferè exempla harum materia sint. sanè nec optimus, nec prudentissimus ad magna tollitur: vltima ferè in humano delectu prudentia est, fauor & propensio quædam animi primum locum tenent. beatus qui hæc risit, & humanis omnibus maior sola cælestia sperauit, sola amauit; contempsit reliqua, ut  
indi



indigna cælis Deoque, cui natus, & cui vni  
omnis viri prudentis, viri boni labor de-  
sudat, felixque fecundusque sudor pro-  
funditur.

## CAPVT L.

*Puſillanimitas.*

**V**ariis è cauſis hæc nascitur : naturæ  
tamen plerumque vitium est, omnia  
metuentis, omnia viribus maiora arbitran-  
tis. hinc in ignauo quodam timore conse-  
nescit animus, nec ad magna, aut ardua  
extendit manum, semper pavidus; genero-  
sa & excelsa nec auribus quidem admittit  
vilissimis se pascens. siquid in aliorum gra-  
tiam agat, contentus rem proposuisse est:  
vt se excitet, & ad grandia prouocet ac in-  
flammet, viroque ac posteritate digna me-  
ditetur, frustra speres. vt verò difficultates  
perfringat, obices repellat, arma armis pul-  
set, ferroque ferrum excutiat, sudorem  
fundat, sanguinem gloriæ in posteros se-  
men spargat; nequidquam expectes. amat  
infima cum desperet magna, deligitque  
fordescere in illis, ne in his laborum miles  
vias patiat. hinc etiam viribus suis non  
rarò inferiora ne attingit quidem, & obla-  
ta ac vltro obrusa magna negligit, despe-  
rans de consecutione, omniaque tuta ti-  
mens,

LIBER III. CAP. L. 573

mens, ad sola ignobilia, timorūque suo inferiora, aut vt summum paria dexteram extendit.

Prouenit sæpe pusillanimitas hæc ex innato quodam fastu & arrogantia. dum enim aut nomen venamur, quod non consequimur, aut dignitatibus inhiamus negatis, aut antelatum alium cernimus, aut speratis frustramur opibus, aut à cogitato munere repulsam patimur, aut denique à quo laudem expectabamus, dedecus referimus; labimur animo, succiduntque tanquam lassato genua, & aut ab indignatione non consecuti voti, ab ignominia relata, à concepta acerbitate, à reportata verecundia, ab ipsa denique desperatione, similibusque à superbia natis, totis animis corruimus; vertunturque desiderata in timorem, mœrorem, suspiciones varias, temeraria iudicia, animorum alienationes, in quoddam mentis frigus, vt tanquam glacie constrictus, aut quodam pigro torpore perfusus, totus ignauescat animus.

Exoritur sæpe eadem è melancholia quadam altiùs impressa & fota, quàm vt lenibus remediis discuti possit; dum quædam præter spem obuientia, aut opinioibus nostris aduersantia, aut cum iudicio nostro pugnantia profundius demittimus: & nudis sæpe mœrores illi opinionibus innituntur, quæ maximarum intus turbarum causam probent. videmus tempestates & plusquàm decumanos fluctus pectori obuer-

san

## 576 MEDICI RELIGIOSI

santes, & causa nulla, tôtque procellarum fluctuúmque cælo propè minitantiám, sola è suspicionibus opinio nata causam dedit. nec eximendi illam spes villa, nisi qui patitur iactationum suarum causam prodatur. & ferè seriùs se reteggit, maláque quibus opprimitur & sorbetur. antè nimirum oportuit, & principiis occurrendum fuerat. frustra medicina extremis seruatur, cum inuauit aggritudo, & intima depasta est.

Nec rarò hæc à concepta quadam animi indignatione originem ducit. benefecit aliquis amico, quantáque potuit in eum beneficia contulit, vt natare possit in immenso quodam beneficiorum Oceano; & post tot benefacta ex amico inimicum patitur. Alius pectoris sui intima alterius cômisit fidei, vt nihil celauerit, nihil clausarit, reclusit omnia, & tanquam eum mente sua prolocutus omnia referarit claustra; & post patitur infidum, & sanctè commissorum violatorem. Tertius eduxit, ac quasi manibus ac genibus suis alumnatus est aliquem, parens illi & mater, nec non nisi multorum inuidia protrusit ad magna; consequitur deinde hunc Superiorem & simul hostem. Dura omnino conditio, & quæ satis sit ad valentem & robore plenum decubandum & eneruandum.

Sunt harum rerum innumera passim exempla, & subita sæpe morte, aut lenta ac miseranda tabe confirmata: è quibus ini-

ciis

tiis in vnoquoque hominum genere cecidisse vidimus primos in omni fortuna viros, meliori exitu dignissimos: quos concepta mentis agritudo, dum ad repellenda procursantia, aut calcanda aduersa non satis fuit animi, præpropere casu, infelici sine, vitam robore adhuc & annis plenam intēpesta morte præcidere fecit, totasque familias inexpectato lapsu funestauit.

Expectari ab his magna poterant, & ingeniorum prudentiæque raræ dotes summa spondebant: gratia & eloquentia, torusque corporis habitus, ac in agendo solertia dexteritasque indefesso studio coniuncta, nihil non promittebat. accessit animi quidam mœror, è quacunque causa vera an falsa natus, & tanquã vna falce vniuersam spem secuit: aut tanquam venenaria pruina, aut inimicum frugibus gelu, diuitem messem fecundo solo ridetem penitus decoxit, solaque expectatione sua locuplerem dominum frustratus est. Et ille non vna in aduersis victoria illustris animo fractus corruit, tantasque spes ad summa surgētes, momento protriuit, fabulæque iã factus orbi est, qui miraculū fuerat. & cadit ille nō rarò totius Religionis damno, totius familiæ interitu, secumque trahit vna nimirum ruina domum totam. crederes Philistæa agmina roboraque vna columnarum concussione corruisse, cæcōque Samsone pusillanimitate è mœrore quopiam nata, tantam cælo surgentem

# 578 MEDICI RELIGIOSI

molem vno impulsu decinerante.

Innumera propè rerum harum causa sunt: Superiorum imprudentia, seuerior correctio, credulitas à falsa delatione nata, diffidentia, amicus infidus, dolosa circumuentio, obrectationes, suspiciones altius depressæ, inopinata infeliciū euentuum successio, inexpectata secundorum in aduersa commutatio, è digniore gradu deiectio, inimici ad maiora euectio, maxime si illius potestati submitatur, inopetia calumniis petita, fides criminationibus habita, defensionis locus negatus, inauditi damnatio, ingratus animus, beneficiorum immemor, qui pro benefactis hostilia reponat; cum remunerare debuit, & grata beneficia prosequi memoria, inimicum ostendit pectus: secreti criminis insperata reiectio, innumeræque propè, pro cuiusq; ingenio alia atque alia: quæ cum in animum nō omnino prauialidum inciderint, aut in pectus aduersantibus inassuetum, aut secundo lætōque perpetuò prosperioris fortunæ successu elatum & assuetum, facile ad mœrores & pusillanimitatē mœroribus comitem propellunt, inde in maiorum vltimum desperationem.

Languet in talibus primò animus, tepetque, vt arbitrari possis alto quodam sopore depressam mentē iacere, putes lethargo oppressam; fastidit deinde omnia, ac spiritali quadam nausea delassatus, dormienti, somnōque è diuturna vigilia prægraua



grauato similis, in supina quadam ignauia procumbit: abhorret à latioribus, delectatur tristibus, amœna refugit, sectatur horrida, congressum aliorum auersatur, amat solitudinem, labores refugit, captat otia mœroribus amica: mille suspicionibus diem noctemque fatigat, nulli magis quàm sibi grauis. si quid benefeceris, fraudem veretur: si serias admonitiones adhibueris, hostem arbitratur. læta narras? rideri se putat. tristia? ab inimico pectore profecta credit; vt à solo propè Deo remedia speranda fiat.

Si Superiorem pusillanimitas hæc tenet, miserationibus vbique digna res est. ferè enim talis concreditum sibi munus vniuersum negligit, & è timore fastidio plenus, nauseabundoque in omnibus similis, ingenti in res omnes fertur displicentia. nihil serium magnùmque aggreditur, nullamque rem posteritate laudèque dignam. nihil denique quod animos generosos præferat, cum omnia viribus suis maioræ arbitretur. quare nec ad ardua aut victura dexteram audet extendere, similis illi quem Sapiens mittit ad formicam.

Ac licet dignissimus munere sit quod oblit, nec quidquam illi necessariorum rerum ad magna desit; minùs tamen idoneum merus facit, & conceptus semel animo timor, & diffidentia sui, vt vix quidquam à tali sperari possit: tanquam si quis viribus diffidens, abiectis armis, inermem se nu-

# 380 MEDICI RELIGIOSI

dúmque imbelli aduersario obiiciat. facit hoc omnis pusillanimus, præsidii licet maximis suffultus, omnibus vltro se exuit, spoliátque.

Quin & nescio quid diffidentia in Deu puido semper pectore circumferat quise quis hoc malo tenetur. neque enim fieri potest, vt qui spem suam in illum coniecit, tot vndiq; timoribus circumsepatur; cū dubitare nec prudēter, nec Christianē, de illius potentia, ac in nos omnes affectu post tot diuites sponſiones, tótque testatissima amoris signa, tot pro vberibus vulnera, prodigumque pro lacte san, guinem, quisquā possit. Iā cū post tot tantq; perſtet in vano Superior metu, perpetuoque timore pulsetur, plurimū necesse de diuinarum sponſionū fide, deque fiducia innumeris Deo nominibus debita, remiserit. aut sanē occulto aliquo quicūque hoc malo possidetur, fastu rapitur. cū enim res viribus tantū suis metiatur, videátque has impares rebus magnis; de felici executione desperat, spēmque omnē abiicit, torporisque indormiēs, in ignauo imperio consenescit, vitāmque inglorio otio transigit, omniū domi forisque libertatū, dissolutionum, morūque à Religione alienissimorū causa. qui si tot diuinis sponſionibus oneratus, tot maximorum omnino exemplo prouocatus, Domini potentia innixus ad imposita sibi dexteram protenderet; non magno negotio, fortunatis-

ſimo

## LIBER III. CAP. L. 581

fimo successu concredita sibi perageret. nunc prostrata miserè iacent omnia. nullus, pulsà in solidum vigilantia, disciplina vigor, nulla regularum observatio, nunquàm æmula piarum exercitationum se ostendit cupiditas. frigent omnia, calor nullus, pulsoque pio internorum astu, congelascit animus, & in Superioris tepore ignauescunt domestici, in illius metu timoribus pulsantur, & ad solum magni nomen cū dūce suo perhorrescunt; quasi si quem fulmine percusseris, aut immani rupe opprefferis, arbitreris in Superiore suo mente destitutos: ita inter ignava animarū illius deliquia, fastidio metūque plenam vitam trahunt, lentoque infamique concharū more vestigio terram signant, pigra ubique post se signa ignauissimi pectoris relinquentes, ad omnem magnitudinem pauidi, ad omnem illustrium molitionem trepidi; è quibus ignauissima Religioso vita morēsque vomitum Domini prouocantia nascuntur. ac tandè è religiosa disciplina, in perpetuum spiritualium neglectum prolabimur, infelici plurimùm exitu bene inchoata, æternum deueniunturi.

*Remedia.*

Superiorum industria plurimùm in hac ore iuuabit. credi enim vix potest, quantos animos suggerere valeāt, quàm validè iacentem mentem erigere, dum magnis

## 582 MEDICI RELIGIOSI

ipsi animis audacia viam sternunt, latroque hilarique vultu suos ad magna prouocant. etiam tyrones & bellorum inexpertes, inassueti armorum, veterana perferunt arma, ferrum, impetum, duce præeunte. audax nimirum ductoris animus metum trepidantibus excurit; & experiri cominus iuvat, cuius vel solum nomen latè terrorem incutiebat.

Proderit deinde, si in Superiori patrem fenserint, matris viscera, si sollicitam vigilemque in suorum necessitatibus, in agitudine potissimum, curam: si liberalem manum, si ultro suos in fiduciam prouocantem, si expandentem pectus, si remotam à politica & aulica rationem, si plura rebus præstantem, quam verbis spondentem.

Occupandi tales ac variis distinendi, ac à minoribus paulatim ad maiora audenda propellendi, laudandi, factaque eorum mediocria in maius exollenda, consiliis ultro admouendi, magnanimis adiungendi, ut horum consortio audere incipiant, timere desinant.

Spiritualibus exercitationibus, piorumque librorum lectionibus iuuandi, locorum etiam ac munium mutationibus, maxime si in familiam aliquam manusque propèdant, è quo merito damna timeri non possint.

*Past. p. 3.  
c. 9.* Gregorius Magnus modum ingenia hæc pertractandi præscribit: *Pusillanimes amplius ad iter bene agendi reducimus, si quedam bona illorum ex latere requiramus,*

*mus, ut dum in eis alia reprehendendo corripimus, alia amplectendo laudemus: quatenus eorum teneritudinem laus audita nutriat, quam culpa increpata castigat. plerumque autem utilius apud illos proficimus, si eorum gesta memoramus; & si qua ab eis inordinatè gesta sunt, non iam tanquam perpetrata corripimus, sed quasi adhuc ne perpetrari debeant, prohibemus. ut & illa qua approbamus illatus fauor augeat, & contra ea qua reprehendimus, magis ad pusillanimes exhortatio verecundia conualescat.*

Ingens in hoc malo certumque remedium è diuinæ bonitatis ac potentiae consideratione, ac à validis illius promissis, & testata omnibus retrò sæculis in sperantes in se munificentia, adeoque à prodiga illius in fidentes manu, peti potest. audeat proinde sperare homo, maiora largietur Deus. nescit enim ab homine vinci Deus, omni humana confidentia & spe maior. prouocabit ergo se quisquis malo hoc tenetur, diuinæ bonitatis ac potentiae immensitate, profusaque in supplices fidentesque sibi largitate.

In Superiore verò fortiter innabit, si certò sibi persuaferit, munus sibi à Domino impositum. errare autè, aut fallere, aut falli nō posse in delectu suo Deum, nec in interitum, sed in salutem imponere, tantumque semper viriū concessurū, quātum oneris imponit; nec munificam ante dex-



teram contrahere, quàm benignitatis ac potentiae suae diffidentia laborare viderit hominem. quod ubi senserit, auxilia retrahit, quibus indignam diffidentem mentem, & de diuina potentia, aut promissorum certitudine dubitantem, tanquam aut non possit Deus, aut datam fidem fallat, arbitratur. cum verumque alienissimum à bonitatis ac potentiae infinitate sit. quo fit ut iustam illius iram, auxiliorumque destitutionem merito prouocet. medebitur huic malo pusillanimus, si in magnam se spem potentiae ac diuinarum sponsonum erexerit, tam certus de cōsecutione, quàm fortis de fiducia fuerit.

Dicet fors ex hoc numero Superior aliquis, cum se vndique senserit innumeris propè difficultatibus circumfessum, ac tamen non insepultum, Quis tantis vno tempore occurrentibus, cum noua veteribus fecundo malorum germine innascantur, sufficiat? mille modis temporalium sollicitudine discrucior, mensque spiritualibus intenta in diuersum, & ad orationum alienissima, rapitur. additur comparandarum facultatum sollicitudini, amittendarum maior etiam metus. sed & domestica non raro angustiae implexam mentem tenent, semper dubiam, semper incertam, pendulam, & ad non pauca minus religiosa impellunt. potens suada necessitas, fortis orator inopia est, nec minor egestatis metus. Accedunt priuatae difficultates: multorum

à recto

LIBER III. CAP. L. 585

à recto bonoque, veterique instituto, moribusque, & à primæuo maiorum spiritu deflexio. hic iudicem ignemque, ferrumque etiam in extremis & perimentibus perhorrescit: ille medicam omnem Superioris manum auersatur: iste non tantum medicam, sed & clementissimi patris dexteram indignabundus repellit, non vinum, non oleum à Samaritano propinatum admittens. alius nec matris quidem vbera solo lacte manantia suscipit. sunt qui mansuetudine iuxta ac seueritate iudurescant. exasperantur nimirum in his à quacunque manu vulnere morbi que.

Quid agat Superior tot vno tempore malis obsessus, cum in triginta inferioribus triginta diuersorum morborum genera numeret? quis vnus tot mutuò aduersantibus medebitur, aut in tam pugnantes formas vertat? hic hilaritatem, ibi mœrorem, alibi maturitatem, seueritatem, & exinde amœnitatem ac lepores præ se ferat? mollia duris, lata tristibus, calida frigidis, amara suauibus, mella nimirum felle, quis docta malis mederi manu misceat? aut adeò inuicem aduersantium quis vnus vno non rarè die horaque conditiones induat? quis verò non indignetur: tot sæpe laboribus, vigiliis, monitis, studiis, precibus, lacrymis, optatos speratosque non respondere euentus? è semente bona tot zizaniarum acervos, tot è cultissima vite labruscas, tot è fecundo germinis boni trun-

# 386 MEDICI RELIGIOSI

co spuria vitulamina non actura radices, nec in posteritatem itura, sed & infortunato ferè exitu fusos labores claudi? & ingratiſſima ſpongia detergi? nullòque ſpirituum emolumento annos annis tanquam infelicis matris infortunatam ſobolem ſuccedere? & cùm in orbem recurrant labores, frustrari ſemper optatis? toties eadem inculcari, molibus, acribus, lenibus, fortibus, nec meliore euentu, quàm ſi Æthiopus laues? Adde, poſt hæc omnia, pro meſſe horreo Dominico. inferenda, pro laude, & gratiarum actione, pro gratulatione, & matui amoris ac beneuolentia. redditione, oblocutionum ac detractio- num plena pluſtra, animùmque ingratum odiòque, dolo ac maleuolentia plenum, inuidiàque narantem.

Gravia hæc ſunt, ſi ſe virèſque ſuas Superior intueatur. vt non immeritò deſperet de euentu, & poſt nequidquam tentata remedia, deponat ægri ſui curam, commit- tatque fortuitis naturæque morbum, nec vltra manum extendat in curationem: ſed que etiam adeò, ſi alia omnis elabendi via deſit, in alta recondat eremo, vt ſibi Deoque viuat.

Verùm ſi oculos coniecerit in Deum, pudebit illum cogitationum harum. conſeruat proinde ſudores, lacrymas, Chriſti ſui ſanguinem cum ſuo. videat quàm prodigè illa Chriſtus fuderit, quoties calcata ingrata humano pede, quot millibus frustra

fluxe

### LIBER III. CAP. L. 587

fluxerint, quoties totis regnis irrita crucis  
vulnera steterint.

Scipsum deinde Superior intrucat, ado-  
lescentiæ, ac fors maturioris etiam ætatis  
crimina, teporem, ignavam negligentiam,  
prostratamque ac supinam socordiam; quo-  
ties pulsantem monentemque Dominum  
neglexerit; quàm malè innumeris in se nul-  
lo suo merito collatis beneficiis responde-  
rit; quoties illius immemor sanguinis per  
varia vitiorum genera volutatus, nequid-  
quam minitante, increpante, inuitantéque  
ad meliora Deo, promissis etiam & uis ve-  
tera dona sua onerante, surdas aures præ-  
buerit; & erubescet ad ingrati animi sui,  
cælo terrisque testata documenta. & non  
mirabitur suorum ad monita sua ignavum  
neglectum, qui dura toties ceruice Dei  
monita excusserit.

Cogitet etiam nihil sibi de labore de-  
perire. sequantur, impugnentve monita  
inferiores; manet Superiori cælo merces  
reposita magna nimis, tantoque manet  
maior, quanto difficilioribus colluctatur.  
neque enim ab euentu, sed à voluntatis &  
amoris magnitudine mèrita donaque me-  
riti sua solet Deus.

Denique magnam se in spem erigat bo-  
nitatis diuinæ, certus pro fidei ac spei ma-  
gnitudine cogitationes cessuras. gaudet  
humana fiducia Deus, & complacet etiam  
sibi in illa, delectaturque pronocari in do-  
na; & munificentiæ suæ nubes magnæ  
audiat.

fiduciæ impulsu concuti, quò illas resoluat  
in imbres, & lata liberalitatis suæ maria.

## CAPVT LI.

*Impatients in aduersis.*

**S**uæ è laboris tædio, ex innata ignauia  
& torpore, siue è mali magnitudine,  
aut è desperatione profectus ac felicioris  
exitus, aut victoriæ consequendæ, siue è fi-  
ducia in diuites Dei sponfiones languore;  
aut virium denique suarum, aut cælestis  
auxilij diffidentia nascatur; non vltimum  
malorum est. Hinc enim indignationes  
exurgunt, odiâque siue in eos quos scimus,  
siue quos auctores arbitramur, & sæpe in-  
nocentiam impetimus, & ea in innoxia ca-  
pita struimus, quorum meritò æternum  
pœniteat, qui error nulla plerumque iudu-  
stria corrigi potest, cùm damna ea data  
sint, in quibus sera omnis emendationum  
cogitatio est, quæque nulla pœnitundine ac  
lacrymis elui, nullo pretio reparari pos-  
sunt.

Iam si damni illati auctor innotuit, gra-  
uius etiam insurgimus, nec iure, an iniuria  
acceperimus, examinamus; satis in vindi-  
ctam & fouenda odia est accepisse. ita ferè  
omni ratione viduata impatiētia est. atque  
hinc temerarij profiliunt ausus. pericula  
damnâque nulla sunt, si vindictæ locus con-  
ceditur.



LIBER III. CAP. LI. 589

céditur. etiam per latus proprium, quisquis hoc malo tenetur, gaudebit alterius peti posse: & suaue illi ferrum est, si eodem cadat hostis; molle telum, si vtriusque configat pectus.

Quid? quod furori proxima omnis impatientia sit; & belluarum veriùs more quàm humano fertur in præceps, vt præcipitia & surgentia cælo saxa planities illi sint, si hostem in valle viderit; maria torrentes, si in littore aduersarius steterit. ita non suo ducitur, sed alieno rapitur impetu: neque talis in aduersarium it, sed ventorum more, cæco proruit impetu.

Accedit impatientiæ non raro comitem esse pusillanimitatem. cum enim aut mali magnitudine vincitur qui patitur, aut igno- ratus damni illator, aut vindicta maior, aut nullus vindictæ modus; labimur ferè in mororem & languorem, in vitæ tædium, in mortis cupiditatem. mori enim delectat, cum viuere pigeat: hinc morbi intima quæque & robustissima depascen- tes. sed neque ferro parcimus, bis impij, aut sanè contabescit homo, & nullū iam corpus, sed corporis sui vmbra quædam est.

Perpetuis deinde cor pulsatur anxietatibus, hæretque ad omnia pauidus animus, & ad tutissima quæque contremiscit. nec sibi satis fidit: carissimos quosque & antè amicissimos inter hostes numerat: vt nusquam tuta sit illi fides, nulli se credat, cum in omnium oculis fraudes legat, in om-

## 590 MEDICI RELIGIOSI

nium ore venena, in omnium manibus fer-  
rum, in omnium fronte hostem.

Petit exhinc illi omnis meriti corona,  
omnis præmij brauium, omnis triumphii  
gloria. æterna an peritura proponas, iuxta  
habet. mercedem sponde; mercedis omnis  
contemptor est. æternaturæ propone gau-  
dia; somnium illi gaudia sunt, & omnes ca-  
lestium diuites sponsores: cum nihil vi-  
deat præter malum suum, nihilque cogitet  
præter vindictæ modum. quin adeo pro-  
pone Deum; credes maioris illum facere  
grauitatem qua premitur mali, quam aut  
illius offensam, minas, pœnas; aut præmia  
& gloriam. Imò cum è re nulla alia maior  
honor quam ex aduersantibus paretur;  
quod illi in salutem cælitus concessum  
erat, vertit in interitum, medicamenta in  
venenum, misera omnino conditio, cum  
quæ in vitam diuite Dei manu porrecta  
erant, in mortem commutantur.

Omnis etiam se talis prudentia spoliât,  
providentia nudat. neque enim statui pru-  
denter providere aliquid potest, quam-  
diu impatientia occupauit mentem; non  
anteuerti mala, non præsentia excuti, non  
futura præcaueri possunt. quare in mille se  
talís coniecit discrimina, quorum fuga &  
euitatio compositum præsentemque sibi  
animum iactationibus vacuum deposcit.

*Romæ*

*Remedia.*

**P**Roderit in primis frequenter secum  
 meditari, magna illum sperare aut pro-  
 mittere non posse, quem aduersa non eru-  
 dierunt. lecto, puluinaribus, mollibusque  
 assuetus, mollia dabit, nec manum ad ma-  
 gna extendet. ardua virtus poscit, & extri-  
 tum per aduersa pectus. vis viro & caelo di-  
 gna? duris, inamoenis, difficilibus assuesce.  
 callum nimirum antè per aduersantia ob-  
 ducat quisquis aeternatura cogitat. adeo-  
 que quisquis pacatam vitam desiderat, du-  
 rioribus antè mentem exerceat, ne fortui-  
 tis turbetur, ne incurrentibus obteratur,  
 ne cedat malis, sed contrà audentior eat.  
 vt nimirum animos ab aduersis mutuetur,  
 audeatque vltro prouocare fortunam, ab  
 amica illa, aut inimica manu veniat. nam  
 quid refert ad gloriam & laudem, hostis  
 oppugnet apertus an tacitus? qui inimici-  
 tiam factis verbis, an qui amicitiam  
 verbo, hostilitatem rebus proficetur? vt im-  
 que vulnera sunt, fuit ab vtroque ferro  
 sanguis. nisi quòd grauiora ex insidiis, &  
 amica manu cadant; quia inopinata, & in-  
 ermi ferè pectore accepta. eo laudis & me-  
 riti materies maior. Nam illa, Non puta-  
 bam, non expectabam ab hac manu, post  
 tot amicas dexteris inimica exurgere ar-  
 ma, hostilia tela ab amica pharetra; ab  
 ignauo pectore & ore veniunt. & quid re-  
 fere

fert à qua manu veniant mala? animum antè para, & cogita ab omni posse euenire quod ab hoste venit, posse tibi accidere quod Amasæ Ioabi ferro. & quot iam inde à Iudæ osculo in Domini iugulum surrexerunt?

Quid si Superior sit qui infert, quid si inferior? à patre in filium, à filio in patrem? & quoties à primordio creaturæ in creatorem insurgunt? quoties tu in Dominum, Iudicem, Regem, Patrem? in Conditorum, Redemptorem, in Deum? teipsum proinde intueri, post tot beneficia creatis, conseruantis, redimentis, sanguinem fundentis, amantis, adoptantis, cælorum hæreditatem spondentis Dei: post omnibus retrò sæculis pœnas minitantis, & æternum interperennantes flammæ minitantis Dei: post cælorum excidia, ignium sæuitiam, dæmonum carnificinam nullo æuo ponendam, nullo mitigandam. & insurgis tamen, & ferrum audes stringere, & iterum flagra, columnam, spinas, crucem, clauos, vulnera intentare. facit hoc quisquis calcata Dei voluntate, imperio spreto, letali se scelere inuoluit: & toties facit quoties se illo inuoluit.

Quid si Superior sit qui patiat, à quacunque manu; cogitet illud Bonauenturæ: *Per has aduersitates Prelatus à puluere peccatorum purgatur, quem contraxit ex humana infirmitatis surreptione. In multis enim offendimus omnes, & in pluribus negotijs* plures

De 6.  
alis c. 5.  
Iac. 3.

LIBER III. CAP. LI. 593

plures negligentia saepe sunt, à quibus necessum habent hic purgari Pralati, ne illic durius puniantur; iuxta illud, Si iniquè ali- 2. Reg. 7.  
quid gesserit, corripiam eum in virga viro-  
rum, & in plagis filiorum hominum: per has  
etiam dum deprimitur, à tumore superbia  
custoditur: qua potentibus periculosius in-  
sidiatur, dum & sublimitas officij, & liber-  
tatis licentia, & boni operis placentia, facile  
mentem eius extollerent; nisi aduersitatis  
iugum collum presumptionis eius humiliar-  
ret, & sic à superbia voragine defenseret.  
custos enim salutis & profectus boni rectoris  
est humiliatio aduersitatis, sine qua eum  
successus prosperitatis citò eleuasset in ven-  
tum presumptionis. Vnde Dauid secundum  
cor Dei electus, quando premebatur aduer-  
sis, deuotissimus fuit & humilis; quando au-  
tem extollebatur prosperis, incidit in culpam  
elationis, ipso attestante, cum dicit, Bonum Psalmi.  
mihi, quia humiliasti me, ut discam iustifi- 112.  
cationes tuas.

Si inferior est qui impugnatur, cogitet.  
Primò, per hanc viam sterni ad magna. Se-  
cundò, parari animum in aliorum sub-  
sidium & mœrentium solamen, iacentium  
ac prostratorum erectionem. Tertiò, ma-  
gni meriti materiam subministrari. Quar-  
tò, magnam animo tranquillitatem ac ma-  
laciā parari, dum per has iactationes ro-  
boratur, & assuescit duris, & vsu ac consue-  
tudine quādam paulatim familiaritas cum  
aduersantibus intercedit. Quintò, crescere  
his



*Matt. 4.* his tacite spiritum ac roborari, iuxta illud: *Sic est regnum Dei, quemadmodum si homo iaciat sementem in terram, & dormiat, & exurgat nocte & die, & semen germinet, & crescat dum nescit ille.*

Iugetur verò plurimum, Christi, Diuæ Virginis, Sanctorum cælo ascriptorum mores vitæque sæpius repetita. hæc enim animos firmabit, & aduersantibus maiores dabit. sperata etiam promissaque cælo præmia. quare cum aut aduersi aliquid intercurrerit, aut impatientiæ motus insurrexerint, Christi tui fusum pro te sanguinem, verbera, vulnera, crucemque cogita; & non magno negotio sæuientes animorum fluctus compesces: maximè cum ab orbe toto delectam sibi gentem, tot beneficiorum prærogatiuis iam inde ab exordio cumulatam, crudelissima pati videris. quin adeò, post tot benefica in te manu collata, vt opprimi ac insepeliri beneficiis potueris, non cessas diurnis diuinorum mandatorum transgressionibus vindicem in te Dei dexteram prouocare; & parcit ille tamen, & perfert scelera, nec iudicem statim manum extendit, miseretur potius, & meliora expectat parcere facilis, ac maioribus etiam post seriam poenitudinem bonis exornat.

*Paral. 15.* Consultum fuerit sæpius illud memoria repetere: *Confortamini, & non dissoluantur manus vestra: erit enim merces operi vestro.* Quæ manus, Bonauentura teste, *instan*

*stantia sunt in agendo, & patientia in sufferendo quod grauat. qua si non dissoluantur per desidium seu intolerantiam, merces aeterna ei cumulabitur.*

---

† Referendum hoc caput ad librum secundum, post caput 2. folio 152.

*Curiosior inuestigatio imperfectionum Superiorum.*

**Q**Uæ res magnam animi inquietudinem ingenerat, ingentium turbarum causa; cum curiosior hæc inuestigatio, tanquam validis aduersantibusque ventis, mentis malaciam ac tranquillitatem euertat, perpetuisque quibusdam fluctibus fluctibusque serenitatem turbet, ac è sede sua depellat. neque enim stare in illa mente tranquillitas potest, quæ perennis iactatur motibus, curiosioréque inuestigatione, continua iactatione concutitur. vt taceam contemptum paulatim Superiorum nasci. Neque enim fieri potest, quin aliqua nonnunquam minùs per omnia laudanda, quædam fors etiam damanda solers disquisitio, ingeniosa semper in malum, repertura sit. neque enim adeò numeris omnibus quemquam absolutum reperiās, quin aliquid emendandum deprehendas. vt nulla fuerit ætas, quæ non in

maximis etiam viris aliquid semper putauerit ignoscendum, tanquam in medio die pertenuem subterlabentem soli vaporem, qui nec illius repercutiat radios, nec lumen obnubilet. Nam illam omnium perfectionum accurationem quæ nullam veniam mercatur, nulloque næuo aut pulvere aspersa sit, vonere possumus, sperare prudenter homines non possumus, & alterius illa, non huius vitæ exempla sunt.

Iam ita ferè natura comparatum est, ut cum è curiosiore indagatione in intima Superiorum adyta assidui scrutatores deuenimus; plus possint ad contemptum modica vitia, quàm magnæ ad venerationem virtutes: cum ferè deterrima quæque fortius oculos repercutiant, altiùsque in animum dimittantur.

Ac primò, aliquid antè conceptæ venerationis deponimus, inde augustissimè priùs laudata, tenuiter ac quasi per capillum tangimus: ad aliorum exinde laudes silentio mentem prodimus, damnamus: denique, & in apertas prorumpimus detractiones. ita non contenti sumus improbanda vidisse, spargimus, adeoque sublingua calamisq; crescunt vitia, & in elephantem culices abeunt, in gigantes exurgunt pygmæi. Vnde fit ut omnis Superiorum auctoritas corruat, & pro veneratione contemptus sequatur, pro obsequendi studio, quod plurimùm opinionibus innititur, obedientiæ neglectus suboriatur.

cùm

LIBER III. CAP. III. 597

cūque nihil tam potentes obedientiæ stimulos addat, quàm altè imbibita animo Superiorum veneratio; hanc autem nihil adeò minuat, atque curiosior abditissimarum imperfectionum perscrutatio; sit ut hac vna obedientiæ nerui penitus secentur, utque sua iam cuique voluntas pro maiorum imperio sit. quod ubi sit, quidquid in Religione summum erat, & obedientiæ viventis, in mutuum robur contra procursantes inimicas acies stringebatur ac firmabatur, dilabitur, & magnum illud Religionis propugnaculum, tanquam disruptis aggeribus, diffluit. Sed neque domesticis hæc parietibus continentur, cū nihil proniùs elabatur, quàm si quid imperfectionis in Superiore notatum fuerit: & gloriamur etiam interdum, tanquam solertes vitiorum quæ alios latuerant, repertores. præmiūque noxiæ huius indagationis, euulgatio vitiorum est: quæ vniuersæ familiæ quantum damnorum adferat, nemo paulo prudentior non videt. cū æstimationis famæque in Superiore diminutio omnia simul metuenda secum trahat. Nam ubi quæ latebant, aut magnarum virtutum vmbra vitia tegebantur, produntur, & in omnium ore calamoque incrementa sumunt; nequidquam magna speraueris, cū opinionibus ferè humana peragantur: quam qui sustulerit, proditor factus secretorum, omnem bene felicitæque agendæ rei occasionem ademertit;

cū

# 598 MEDICI RELIGIOSI

cum fidem, auctoritatem, venerationem, prosperioris imperij fulcimenta, tanquam vna falce demerat, spemque in his omnem non in herba tantum, sed in radice præscindat.

Huc accedit quædam in Superioribus animorum deiectio ac pusillanimitas. cum enim minutissima abditissimæque sua solisque parietibus nota observari studiosius vident, ac in ingentes montes tenuissimas attolli verrucas, virtutes tegi, aut æmula simulatione transiri, ingentiaque naturæ ac Dei dona æmulationibus liuoribusque insepeliri, minima vitia in immensum supra verum tolli, perque omnium linguas charitatisque spargi, infelicibusque augmentis in densa nemora, noxiorum zizaniorum more, raros frutices succrescere; cadunt animis, concreditæque sibi domestica externaque negligunt, ac in ignauam quandam ex alacri accensæque degenerant vitæ rationem, sibi iam ipsis dissimiles: vt prior ille ignis pectoribus clausus, magnarumque cogitationum succentor concreseat in densam glaciem, in Noricum quoddam frigus: & prior illa animorum alacritas, fortes ausus, mentis erectio, generosi pectoris flammæ, in ignobiles delabantur cineres, in languidum teporem, in umbras, in fumum, & pro dignissimis posteritate cogitationibus, ingens animi mœror & melancholia succedat, illustrium inimica moliminum, qua quidquid generosioris erat

mentis



## LIBER II. CAP. III. 599

mentis emedullatur, ac tanquam succisis  
ad vitium nervis delumbatur.

Grauia hæc sunt, & ad vltima vltimæ  
desperationis recta via impellentia. è tam  
tenuibus initiis tam magna, tam Religio-  
nibus noxia, tam nulla postmodum arte  
emendanda. nihil hic nouum. nam & vul-  
peculæ paruulæ demoliantur vineam Dei  
Sabaoth, & validissimarum fundamenta  
vrbium non se uel à muribus euerfa legi-  
mus, etiam à fornicis. & tineæ quanta ro-  
bora exedunt? ærugine sanè ferrum exedi-  
tur quod ignibus stabat illæsum. ita à mini-  
mis maxima corruunt. à molli stillicidio  
ingentes fatiscunt rupes, à tam lenta mol-  
litudine Oceani propugnacula & claustra.  
quis credat, ni res ipsæ loquantur? quare  
nisi curiosiores hi minutissimorum in Su-  
periore scrutatores, in robustissimum inci-  
derint, & Hercule aut Samsonè natum pe-  
ctus, quod aduersantibus indurescat, ro-  
boretur, ac seipso fiat maius, quòdque in  
non postrema felicitate ponat, tales nactum  
se fuisse acuendis viribus cotes; quod deni-  
que ita mores, vitæque omnem compo-  
suerit, tanquam in solis inimicorum ocu-  
lis, ac inter hostilia arma viueret; omnis  
omnino magnarum rerum spes funditus  
euanesceret. Tales verò quanti sunt? nescio  
an centesimus quisque contemnat scor-  
pia cas has caudas, viperarum ex insidiis  
dentes; aut arborum instar aquilonibus  
hisce firmetur; aut præualidarum rupium  
more

## 600 MEDICI RELIGIOSI

more irata hæc contemnat maria, & procursantes fluctus, cogatque interritus iras minasque suas bibere. rara ô nimium in humanis pectora, chalybe aut adamante nata! cum plerumque omnes æmulis his observationibus, prostratis prolapsisque in solidum viribus, corruant, ac animam etiam mœroribus tanquam torcularibus expressam, per ignava vestigia ponant. ad eò nec robore pleni, viridi etiamnum iuuenta, aut ætate & prudentia firmati, his optimorum quorumcunque blattis ac tineis diu resistere possunt, aut stare incolumes; ac inambusti, integræque fama & pectore per calcatas hæc venenarias curiositates vitam tolerare. eo magis quo curiosi hi disquisitores plerumque de corde & cerebro suo mutuuntur quod Superiori adnectant. premuntur occultis vitiis? iisdem teneri Superiorem quia vellent, arbitrantur: innatant abditis animorum imperfectionibus? iisdem innatare fluctibus quia vellent, putant Superiorem. infelices nattores socios sibi quia vouent, inuenisse credunt: at in nullos magis quàm in Superiores feruntur; exultatione nimirum digni, si suis vitiis Superiores inuoluerint. Et cum non rarò quæ præferuidè validèque facta vellemus, euenisse credamus; sit vt vitia nostra in Superiorum frontibus legamus. non quòd insepulta illi sint vestibulo, sed quòd è nemore nostro decerptà, in alienum agrum zizaniorum talium inassuetum,

## LIBER II. CAP. III. 601

tum, noxia hæc semina transferamus. quòd si quæ externa in Superiore licet tenuissima vitiorum quorundam domestica nobis signa vidisse in animum induxerimus; à decem passuum millibus damnanda euocamus, & è nostro illos ingenio moribúsque metimur. quid? quòd frequenter in sinistram omnino partem & alienissimam ab auctoris mente verba résque flectamus. ita in alieno ore, manu, sanguine, vita, fama ludimus, & quidquid vel capillo vitia nostra refert, in testatissimam alienorum vitiorum seriem. transcribimus. Grauis omnino res, molestiarúmque ac periculorum plenissima, quæ ingentes deposcat animos, ac humanis propè maiores, ac non nisi præualida Dei manu suffultos.

### *Remedia.*

**N**ON hominem in Superiore vitiis obnoxium, sed Dei cuius vices gerit personam intueri. hanc in illo venerari, & hanc solam. Qua in re imitandi sæculi mores. neque enim in regio legato priuata vitia quidquam de veneratione adimunt: cum in hoc non Petrum aut Paulum domesticis vitiis inuolutum, sed Regem intueamur, cuius vicarias vices cum obeat, regio illum cultu & obsequiis dignamur.

Hominem illum cogitare, errare posse. neque dignitates vitia minuunt aut tollunt, augent magis & ostentant quæ antè

Cc late

## 602 MEDICI RELIGIOSI

latebant. nam quæ priuata vita regebat  
tanquam abdita aut altè recondita terris;  
ea publica omnium oculis prospectanda  
proponit. quin imò ipsa munia amplam vi-  
tiorum materiam suppetunt: & quæ in se-  
mine suo mortuis similia torpebant, aut  
ignauo quodam sopore elisa iacebant; ac-  
cedente dignitate exurgunt in herbam, in  
frutices, in arbores, in plenam patulâque  
vitam.

Ad omne Superioris vitium sua propiùs  
intueri. grauiora diligēs seriùsque disqui-  
sitor reperiet domi suæ: quæ fors si com-  
posuerit cum illius, festucas in illo, trabes  
in se reperiet.

Statuat apud animum suum vnusquis-  
que in Superiore, quod ab aliis in re sua  
veller. ignosci vitiis suis desiderat: eadem  
vtatur regula in Superiore: maximè cum  
maior dignitas ac potestas maiorem ma-  
lorum materiam suggerat. ferè enim plus  
potuisse, plus fecisse fuit.

Nisi apertissima in Superiore viderit,  
nunquam firmet iudicium, ac illa ipsa in  
benigniore semper partem interprete-  
tur. cum plurima in humanis occurrant  
prima fronte damnanda: quæ si penitiùs  
deposito in alterutram partem affectu in-  
trospiciantur, probanda non rarò erunt,  
aut sanè clementiore longè censura no-  
tanda; si non crudè dicta factaque, sed au-  
doris mentem intueamur. quòd si re ex-  
casationem non admittat, ad humanam  
naturam

LIBER II. CAP. III. 603

naturam pronam ad vitia decurrédum, & è nostra ad varios lapsus facilitate, aliquid indulgendum aliis: dignissimi futuri cui reliqui ignoscant, si nos erroribus ignoscamus aliorum.

In testatis Superiorum vitiis, ad Deum per frequentatas calidásque preces decurrendum, vltioneis etiam sibi irrogatis pœnis illi placendo, vt pulsus vitiorum errorúmque tenebris, veris solidásque mentem illius virtutibus ornet illustretque, totúmque hominem zizaniis in plenum radicitus euulsis, melioribus calóque ac munere quod tuetur dignis instruat.

Cogitet deinde quanta Superior in illo perferat, quanta molli spongia eluat, quanta prudenti simulatione transeat, quanta leui manu tangat, quanta mitiget & eleuet; cùm hominibus imperare se sciat non angelis. maiore etiam facilitate in Superiore vtatur: cùm æquius sit filium parentum ignoscere erroribus, quàm parentes filiorum indulgere vitiis.

F I N I S.



THE HISTORY OF THE

REIGN OF HENRY THE SEVENTH  
OF ENGLAND  
BY JOHN HALL

IN TWO VOLUMES

VOLUME THE FIRST  
LONDON  
Printed by J. B. for J. W. at the Golden Ball in St. Dunstons Church-yard  
1794

THE HISTORY OF THE

REIGN OF HENRY THE SEVENTH

OF ENGLAND

BY JOHN HALL

IN TWO VOLUMES

VOLUME THE FIRST

LONDON

Printed by J. B. for J. W. at the Golden Ball in St. Dunstons Church-yard

1794

THE HISTORY OF THE

REIGN OF HENRY THE SEVENTH

OF ENGLAND

BY JOHN HALL

IN TWO VOLUMES

VOLUME THE FIRST

LONDON

Printed by J. B. for J. W. at the Golden Ball in St. Dunstons Church-yard

1794

THE HISTORY OF THE

REIGN OF HENRY THE SEVENTH

OF ENGLAND

BY JOHN HALL


IN TWO VOLUMES

VOLUME THE FIRST

LONDON

Printed by J. B. for J. W. at the Golden Ball in St. Dunstons Church-yard





Handwritten text, possibly a signature or date, located at the top center of the page. The text is faint and difficult to decipher, but appears to include the word "Handwritten" and some numbers.



